

DECLAMATION
SVR
L'INCERTITV.
DE, VANITE,
ET ABVS DES
SCIENCES,

*

*Traduite en François du Latin de Henry
Corneille Agr. ppe*

Oeuure qui peut proffiter, & qui apporte mer-
ueilleux contentement à ceux qui frequen-
tent les Cours des grands Seigneurs, & qui
veulent apprendre à discourir d'une infinité
de choses contre la commune opinion,



PAR IEAN DVRAND.
M. D. LXXXII.

DECLAMATION

EN

L'INCERTITUDE

DE L'AVANT


DES

CHANGES

Traité en l'honneur de Louis de France

Par M. de la Harpe

Ouvrage qui peut servir à ceux qui ont besoin
de s'instruire sur les principes de la politique
et de la morale, et qui peut servir à ceux qui
veulent se faire une idée de la conduite d'un
gouvernement sage et juste.



PAR M. DE LA HARPE

M. D. C. C. C. C.

2

P R E F A C E A V L E C T E U R.



E T E semble il point (lecteur studieux)
que ce que i' entreprends est vn faict har-
di, magnanime, & totalement Herculien,
de prendre les armes pour combattre
toute ceste armee de Geants? Deffier,
dis- ie, & tirer en champ de bataille tous ces puissans ve-
neurs & pourchasseurs de tous arts & sciences? Le
sourcil refrongné des Docteurs, l' erudition des licenciés,
l' autorité de nos maistres, les essais & efforts des bache-
liers, le zeile des scholastiques, & avec eux toute la troupe
des mutins artisans, fremiront & se banderont contre
moy. Que s'il aduient que ie les surmonte, n' auray ie pas
faict autant ou plus, que si i' auois occi d' une massue le
Lyon Nemeen, estainct par feu le serpent Hydra du lac
de Lerne, exterminé le sanglier d' Erymanthe, prins à
force la biche aux cornes d' or au mont de Menale, percé
dans les nuës à coups de traict les oiseaux de Stympale,
suffoqué entre mes bras Antee, planté les colonnes dans
la mer oceane, vaincu Geryon à trois corps, emmené ses
beufs, tué vn taureau, surmonté corps à corps Achelous
le fleuve, emmené les cheuaux de Diomedes, entraîné
Cerberus lié d' une triple chaine, enleué les pommes d' or
du iardin des Hesperides, & faict autres telles prouësses
que lon escrit auoir esté executees avec grand trauail, &
non moindre danger par Hercules? attendu que le labeur
n' est point moindre, & si le peril en est beaucoup plus
* 2 grand,

PRINTED BY

RECEIVED MAY 19 1964

DES-23

THE UNIVERSITY OF CHICAGO

RECEIVED

112221.0.14

2

P R E F A C E A V
L E C T E U R.



E T E semble il point (lecteur studieux)
que ce que i' entreprends est vn faict har-
di, magnanime, & totalement Herculien,
de prendre les armes pour combattre
toute ceste armee de Geants ? Deffier,
dis- ie, & tirer en champ de bataille tous ces puissans ve-
neurs & pourchasseurs de tous arts & sciences ? Le
sourcil refrongné des Docteurs, l' erudition des licenciés,
l' autorité de nos maistres, les essais & efforts des bache-
liers, le zeile des scholastiques, & avec eux toute la troupe
des mutins artisans, fremiront & se banderont contre
moy. Que s'il aduient que ie les surmonte, n' auray ie pas
faict autant ou plus, que si i' auois occi d' une massue le
Lyon Nemeen, estainct par feu le serpent Hydra du lac
de Lerne, exterminé le sanglier d' Erymanthe, prins à
force la biche aux cornes d' or au mont de Menale, percé
dans les nuës à coups de traict les oiseaux de Stymphale,
suffoqué entre mes bras Antee, planté les colomnes dans
la mer oceane, vaincu Geryon à trois corps, emmené ses
beufs, tué vn taureau, surmonté corps à corps Achelous
le fleuve, emmené les cheuaux de Diomedes, entraîné
Cerberus lié d' une triple chaine, enleué les pommes d' or
du iardin des Hesperides, & faict autres telles prouësses
que lon escrit auoir esté executees avec grand travail, &
non moindre danger par Hercules ? attendu que le labeur
n' est point moindre, & si le peril en est beaucoup plus
grand,

P R E F A C E.

grand, d'entreprendre de venir au dessus de ces monstres des escholes & vniuersités, places, & ateliers. Or aperçoy-ie assez quel sanglant combat il faut que ie soustienne & de pres, & quelle dangereuse guerre me sera liuree, étant enuironné d'une si grande & si puissante armee d'ennemis. Vray Dieu avec combien d'engins seray-ie battu ! quels rudes assauts me seront liurés ! combien de honte & de vitupere s'essayera l'on de me faire ! Au premier rang se presenteront les Grammairiens pouilleux, lesquels par leur etymologie tireront de mon nom Agrippa vn podagre, & ainsi m'appelleront : Les forcenés poëtes me diffameront par leurs vers ainsi qu'un Momus, ou que le bouc d'Esope : Les Historiens vendeurs de bourdes me descriront plus prophane qu'ils n'ont fait Pausanias ou Herostrate : Les Harangueurs hautains & bruyans avec vn visage terrible, regard furieux, & gestes enragés, m'accuseront comme rebelle, & ennemi de la patrie : Les monstrueux professeurs de memoire me rompront la ceruelle avec leurs phantosmes & lieux imaginaires : Les contentieux dialecticiens lascheront sur moy infinis traitts d'arguments & syllogismes : L'obscur & ambigu sophiste par les lacs inexplicables de ses paroles me voudra brider ainsi que d'un frein : Le barbare Lulliste m'esceruellera par ses paroles mal accouplees, & par ses absurdités : Je seray banni du ciel & de la terre par les Mathematiciens atheïstes : les Arithmeticiens calculateurs de minutes inciteront contre moy les vsuriers, qui me contraindront de payer mes debtes. L'obstiné ioueur me reduira au licol par desespoir. Le Pythagorien sorcier me sommera quelque nombre malencontreux : Le Geomantien me liurera quelque prison,

P R E F A C E.

prison, tristesse, ou autre malheur par ses figures pun-
 tuelles : Les Musiciens farcis de tons feront des chan-
 sons de moy pour entretenir & donner passetemps à la
 populace par les carrefours : on sifflera, l'on ronflera apres
 moy, & me fera lon vn charuani de poëlls, bassins, &
 chauderons plus qu'à ceux qui se remariënt : Les dames
 pompeuses me chasseront des dances : Les ieunes pucelles
 me refuseront le baiser : Ie seray morqué par les babil-
 lardes seruantes comme vn chameau qui danse, ou vn
 asne qui se veut faire de feste. Le bastleur, faiseur de
 soubresauts, fera de moy quelque sottise farce, ou deshon-
 nestie tragédie : Ie seray assailli de toutes mains & de
 tous costés par le prompt & adroit escrimeur : Les geo-
 metriens empeschez m'envelopperont dans leurs cercles
 quarrés & triangles, dont ie ne me pourray deffaire non
 plus que du nœud Gordien : Ie seray peint plus laid
 qu'un singe, ou que Thersite mesme, par le vain perspe-
 ctif : Les vagabonds cosmographes me confineront outre
 les Moschouttes & la mer glaciale. L'inuentif & inge-
 nieux architecte m'assiëgera par ses forts & machines
 inexpugnables, & m'embrouillera es erreurs de ses des-
 uoyés labyrinthes : Les infernaux fouilleux de mines me
 condamneront à traualier dans les creux & cauernes de
 la terre : Les Astrologues avec leurs destinees m'enuoye-
 ront au gibbet, & par les tournoyements de leurs spheres
 & cercles empescheront que ie ne pourray grauir au ciel :
 Les deuins menasseurs ne me prediront que tout mal-
 heur : Par l'habitude du corps & du visage ils me diffam-
 eront comme froid & impuissant au ieu de Venus : Par
 mon front ie seray remarqué pour vn asnier escerné :
 Par les traits & marques de mes mains ils me presagi-
 ront

P R E F A C E.

ront tout sinistre accident. Je seray degradé par quelque triste augure, fouldre & feu celeste me consumera selon leurs monstrueuses obseruations : Le tenebreux interprete de songes m'espouuatera par visions & fantosmes nocturnes : Le forcené prophete me prononcera quelque oracle ambigu, auquel ie seray deceu : Le magicien prodigieux me transformera ainsi qu'un autre Apulee ou Lucien en asne, non pas doré, mais possible embrené : Le diabolique Goëtien ou necromantien me persecutera par visions infernales & horribles : Le sacrilege Theurgien mugueteur des esprits bienheureux m'enuoyera aux corbeaux en la malheure : Les Cabalistes circoncis me chargeront des maledictions de leur quaternaire : L'enchanteur niais me fera paroistre sans teste ou sans queue : Les philosophes contentieux me desmembreront par leurs contrariantes opinions : Les vagabonds Pythagoriens me feront pourmener entre le chien & le crocodile. Les Cyniques mordans & infames m'enfermeront dans vn tonneau ou sepulcre : Les pestiferes Academiques crieront apres moy qu'il faut que ma femme soit commune à vn chacun : Les Epicuriens glouttons me creueront à force de boire & de manger : Les irreligieux Peripateticiens m'exclurront de paradis, disant que mon ame mourra avec le corps : Les Stoiciens seueres, arrachant de moy toutes affections naturelles, me transformeront en vn caillou : Les bauards metaphysiciens ne cesseront de m'escerueller par paradoxes de choses qui ne sont, ne furent, & ne seront iamais, tirees du chaos de Demogorgon & de ses phantosmes. Les Ethiques censeurs me degraderont de tous honneurs & suffrages. Le politique legislateur me reiectera de toute charge & administration :

P R E F A C E.

Je seray chassé de la cour par le Prince voluptueux: Je n'auray aucune place en l'estat & gouvernement de peu de riches ambitieux: Le populaire insensé me sifflera apres, & me chargera d'outrages par les rues: Le cruel tyran ainsi que Phalaris m'enfermera dans vn taureau de fonte pour y estre tormenté: Je seray banni par la ligue des factieux: La populace mutine, beste à plusieurs testes, me cōdamnera, & m'enuoyera en exil sans m'ouïr: Toute republique affligee dira que ie l'auray trahie: L'auare prestise me chassera des temples & autels: Je seray diffamé & persecuté en pleine chaire par les cagots masqués, & iniurieux hypocrites: Les Papes de leur pleine puissance retiendront mes pechés, & m'enuoyeront au feu d'enfer: Les putains lubriques me menasseront de la grosse verolle: Le maquereau insatiable, & la maquerele yurongne feront abbaïsser le ventre à ma bource: Les belistres vlcereux me chasseront des hospitaux: Les questeurs tournoyans & rodans par tout, me liureront au feu saint Antoine, & ne m'eslargiront aucunes indulgences, & m'inciteront apres les chiens enragés: Le despensier ferrera la mule, & m'engagera à la boucherie: Le blasphemateur nautonnier m'ira iecter dans le gouffre de Scylla: Le rusé & trompeur marchand me consumera en vsures: Le larron thesorier me retiendra mes gaiges: Je seray chassé des plaisans & delicieux iardins par les malgracieux païsans: Les pasteurs oisifs souhaiçteront que ie soye mangé des loups: Le pe-scheur vagabond par les ondes me tendra quelque hamçon couuert: Le criard chasseur me laschera ses chiens & sis oiseaux: Je seray pillé par le puissant gendarme. Les gentilshommes branes & bien vestus me chasseront

P R E F A C E.

ront de leur rang. Je seray degradé des armes & enseignes de mes predecesseurs par les herauts vestus de cottes d'armes, reiecté des lices & tournois, & declairé vilain taillable : Les medecins machemerdes me verseront dessus les poëllés & pots à pisser : Entre iceux le causeur rational par ses disputes dilayera les remedes opportuns : Le temeraire & hazardeux empirique en faisant son coup d'essay me mettra au danger de la mort : Le methodique abuseur differant de iour à autre, prolongera ma maladie pour faire son profit : Les ords & sales apothicaires me feront vuyder les entrailles par leurs chysteres : Les chirurgiens chatreux feront la guerre à mes couilles ou à mes dents. Les cruels anatomistes me demanderont pour estre hasché par leurs mains : Les mareschaux & immondes medecins de bestail, m'enfermeront dans vn travail, & m'aveugleront de poussiere. Lon me fera mourir de faim par regimes & reigles de viure, mesprisees cependant par leurs auteurs, tendans à autre fin qu'à ma santé : Le cuisinier alteré ne me fera potage qui vaille : Le prodigue alchymiste me chassera d'autour de ses fourneaux, & ne interdira des richesses : Les inuincibles Iuristes m'accableront à force de gloses & de leur grands volumes : Les legistes outrecuidés & hautains m'accuseront de lese maïesté : Les cano-nistes arrogans m'excommunieront, & me chargeront de leurs maledictions, & execrations. Les litigieux ad-uocats m'imposeront mille calomnies & faussetés : Le procureur trompereau me lairra tumber en default, s'entendant avec ma partie aduerse. Le notaire de mauuaise foy fera quelque faux contract à mon dommage. Le Iuge rigoureux me condamnera, & ordonnera que lon passe outre

P R E F A C E.

*Outre nonobstant l'appel: Le hautain & imperieux Chan-
 cellier mettra le canivet dans mes lettres, & ne les vou-
 dra seeller: Les opiniaîtres Theosophistes me declaire-
 ront heretique, & me voudront contraindre d'adorer
 leurs idoles. Nos maîtres sourcilleux me voudront faire
 retraicter & desdire, & seray magistralement dechassé
 par les geants de Sorbone. Voyla lecteur de combien de
 dangers ie me voy menassé: Ce nonobstant i'ay bon cou-
 rage, & pourueu que tu endures que lon te dic la verité,
 & que estant despouillé de toute malueillance & ran-
 cune tu te mettes à lire ces discours avec esprit pur, &
 sans malice, i'espere bien d'en eschapper: Car avec ce
 i'ay la parole de Dieu pour ma defense, que ie leur op-
 poseray hardiment pour bouclier. Et quand besoing se-
 roit, puis que à cause d'icelle ie me seray volontairement
 acquis tant d'ennemis, ie mourray aussi volontairement
 plustost que quitter le champ. Or veux ie bien que tu
 sçaches que haine, ambition, fraude ny erreur, ne m'ont
 induit à escrire ces choses, & n'y ay point esté poussé
 par vn desir sacrilege, ny par vn cœur fier & felon: ains
 par raison autant iuste & certaine que l'on sçauroit
 penser. Car i'ay apperceu plusieurs estre deuenus si in-
 solents & orgueilleux à cause de quelques sciences & di-
 sciplines humaines, qu'ils ont desdaigné & mesprisé, voire
 blasmé & persecuté les saints liures des escritures ca-
 noniques, dictées par le saint Esprit, comme choses ru-
 stiques & sans aucune doctrine, pour autant qu'elles sont
 conceuës d'un stil simple & nud sans enrichissements de
 paroles, force de syllogismes, affectation ny attraiët au-
 cun de langage, & sans erudition estrangere prinse de la
 philosophie: ains sont soustenues seulement par le moyen*

P R E F A C E.

de la vertu, & de la foy. Et si en auons veu d'autres, lesquels avec quelque peu plus d'apparence de pieté ont voulu établir & renforcer les ordonnances de nostre Seigneur Iesuschrist par les decrets des philosophes profanes, se seruans plus de l'autorité d'iceux que de celle des saints Prophetes, Apostres & Euangelistes, nonobstant qu'ils soyent opposites & esloignés en toute distance les vns des autres. Outre qu'il y a vne coustume peruerse & damnable receüe en toutes les vniuersités & colleges, d'adstraindre par serment tous ceux qui viennent à prendre quelque degré, qu'ils ne contreniendront ny repugneront iamais à Aristote, Boëce, Thomas, Albert, ou autre semblable Dieu de leurs escholes: & s'il aduiant à quelcun de s'esloigner tant soit peu des opinions & reigles de ceux là, lon oit incontinent crier à l'heretique, au scandaleux, au blasphemateur, & le condamner au feu. Il est donques necessaire d'assaillir ces outre-cuidés geants, & ennemis des saintes lettres, demolir leurs remparts & forteresses, & descouurir quel auenglissement est és esprits humains, tousiours errans & se desuoyans de la verité, nonobstant si grand nombre d'arts & sciences, & de maistres auteurs & professeurs de chacune d'icelles: & quelle temeraire & arrogante presumption c'est de preferer à l'eglise de Dieu les escholes des philosophes: faire plus de compte des opinions des hommes, que de sa sainte parole: En somme quelle impieté tyrannique c'est de vouloir restraindre & comme emprisonner les esprits des gents d'estude à certains auteurs, & oster le moyen à ceux qui sont desireux d'apprendre, de chercher & ensuyure la verité. Estant donques ces choses si claires & apparentes à l'œil, que lon

ne

P R E F A C E.

ne peut dire le contraire, ie deuray estre excusé si en
quelque endroit ie me monstre libre ou possible aspre &
rigoureux contre certaine sorte de sciences & les pro-
fesseurs d'icelles.




TABLE DES CHA- PITRES DV PRE- SENT LIVRE.

*

<i>Des Sciences en general.</i>	CHAP. I.	pag.	I
<i>Des Elements des lettres.</i>	II.	13	
<i>De la Grammaire.</i>	III.	17	
<i>De la Poësie.</i>	IIII.	29	
<i>De l'Histoire.</i>	V.	36	
<i>De la Rhétorique.</i>	VI.	47	
<i>De la Dialectique.</i>	VII.	57	
<i>De la Sophistique.</i>	VIII.	62	
<i>De l'art de Lullius.</i>	IX.	69	
<i>De la Memoire artificielle.</i>	X.	70	
<i>Des Mathematiques en general.</i>	XI.	72	
<i>De l'Arithmetique.</i>	XII.	73	
<i>De la Geomantie.</i>	XIII.	73	
<i>Des Jeux de hazard.</i>	XIIII.	74	
<i>Du sort Pythagorien.</i>	XV.	76	
<i>De l'Arithmetique derechef.</i>	XVI.	77	
<i>De la Musique.</i>	XVII.	79	
<i>De la danse ou bal.</i>	XVIII.	87	
<i>De la danse armée.</i>	XIX.	92	
<i>Des Baſteleurs, & de leurs ſauts & danses.</i>	XX.	93	
<i>Du Rhétorifme, ou bal rhétoric.</i>	XXI.	95	
<i>De la Geometrie.</i>	XXII.	96	
<i>De l'Optique ou Perſpective.</i>	XXIII.	99	
<i>De la Peinture.</i>	XXIIII.	102	
<i>De la Statuaire, Sculpture, ou taille en boſſe, & de la Poterie</i>			

T A B L E.

Poterie & Fonte. XXV.	104
De la Speculaire, ou art de faire les miroirs. XXVI.	107
De la Cosmimetrie, ou consideration des mesures du Monde. XXVII.	109
De l'Architecture. XXVIII.	113
Des Metaux, & de la recherche de leurs mines. XXIX.	117
De l'Astronomie. XXX.	120
De l'Astologie iudiciaire. XXXI.	130
Des deuinations en general. XXXII.	145
De la Physionomie. XXXIII.	146
De la Metopolscopie. XXXIIII.	147
De la Chiromantie. XXXV.	147
De la Geomantie derechef. XXXVI.	149
Des auspices ou augures, & des diuinations par les entrailles des animaux. XXXVII.	150
De la Speculatoire. XXXVIII.	152
De l'Onirocritique. XXXIX.	152
De la fureur ou forcenerie deuineresse. XL.	154
De la Magie en general. XLI.	157
De la Magie naturelle. XLII.	158
De la Magie mathematique. XLIII.	161
De la Magie qui empoisonne. XLIIII.	162
De la Goëtie & Necromantie. XLV.	166
De la Theurgie. XLVI.	171
De la Caballe. XLVII.	173
Des impostures & illusions dont vsent les basteleurs & ioueurs de passe passe. XLVIII.	180
De la Philosophie naturelle. XLIX.	184
Des Principes naturels. L.	186
Du monde, de sa pluralité & duree. LI.	188
De l'Ame.	

T A B L E.

De l'Ame.	LII.	190
De la Metaphysique.	LIII.	201
De la Philosophie morale.	LIIII.	207
Des Polices ou Gouvernemens des cités & Republ.	LV.	220
De la Religion en general.	LVI.	230
Des images.	LVII.	234
Des Temples.	LVIII.	241
Des Fêtes.	LIX.	244
Des Ceremonies.	LX.	247
Des Prelats de l'Eglise.	LXI.	254
Des Sectes monastiques.	LXII.	262
Des Putains.	LXIII.	269
Du Maquerelage.	LXIIII.	284
De la Mendicité & Belistrerie.	LXV.	306
De l'Oeconomie, ou Mesnage en general.	LXVI.	315
De l'Oeconomie priuee.	LXVII.	318
Des Courtisans, ou Oeconomie de la cour.	LXVIII.	326
Des gentilshommes courtisans.	LXIX.	329
Des roturiers, negociateurs, & autres gens de bas estat seruans ou suyuant la cour.	LXX.	334
Des Femmes de Cour.	LXXI.	340
De la Marchandise.	LXXII.	344
Des Financiers.	LXXIII.	350
De l'Agriculture.	LXXIIII.	352
De la Bergerie & pasture du bestail.	LXXV.	353
De la Pesche.	LXXVI.	355
De la Chasse.	LXXVII.	356
Conclusion du discours de l'Agriculture & de ses adhe- rantes.	LXXVIII.	362
De l'art Militaire.	LXXIX.	367

De la

T A B L E.

De la Noblesse. LXXX.	374
Des Herants. LXXXI.	405
De la Medecine en general. LXXXII.	413
De la Medecine operatrice. LXXXIII.	419
De l'Apothicairerie. LXXXIIII.	443
De la Chirurgie. LXXXV.	448
De l'Anatomie. LXXXVI.	449
De la Mareschallerie, & medecine pour le bestail. LXXXVII.	450
De la dicte ou reigle de viure. LXXXVIII.	451
De la Cuisine. LXXXIX.	454
De l'Alchemie. XC.	461
Du droit & des loix. XCI.	468
Du droit Canon. XCII.	475
Des Aduocats. XCIII.	482
Des Notaires & Procureurs. XCIIII.	483
De la Iurifprudence. XCV.	485
De l'Inquisition. XCVI.	487
De la Theologie scholaſtique. XCVII.	494
De la Theologie interpretatine. XCVIII.	503
De la Theologie Prophetique. XCIX.	509
De la parole de Dieu. C.	524
Des Maiſtres des Sciences. CI.	535
Digreffion ſur la louange de l'Asne. CII.	540
Concluſion de l'œuvre. CIII.	545

FIN DE LA TABLE.

3254



DE LA VANI- TE', INCERTITV-

DE, ET ABVS

des Sciences.

*

Des Sciences en general. CHAP. I.

L'OPINION ancienne, & l'ad-
uis commun & accordant
presque de tous ceux qui se
sont meslés de philosopher,
a esté que chaque science, à
laquelle l'homme selon sa ca-
pacité & naturelle faculté s'est
voulu addonner, a peu acquerir à iceluy quel-
que diuinité, & tellement le surhausser par des-
sus la condition humaine, qu'il a peu attaindre
& paruenir au rang des Dieux bienheureux.
De là sont procedees les diuerses & infinies
louanges que lon a donnees aux sciences : s'e-
stant vn chacun esuertué de magnifier par lon-
gues & ornees paroles l'art ou discipline en la-
quelle il auoit par long exercice esguisé le fil
de son entendement : non seulement la prefe-
rant aux autres, ains la mettant outre & par
a dessus

dessus les cieux mesmes. Quant à moy, ie suis
 persuadé par autres & differentes raisons, qu'il
 n'y a chose plus pernicieuse & dommageable à
 la vie commune, rien plus pestilentieux au salut
 de nos ames, que les arts & sciences. Parquoy
 i'entens proceder d'une façon toute contraire:
 Car au lieu de tant magnifier ces sciences, ma
 deliberation est de les blasmer & despriser pour
 la pluspart. Et dis qu'il ne s'en trouue aucune
 qui soit neeste de tache reprehensible, ny qui
 merite de soy mesme louange aucune, sinon en-
 tant qu'elle l'emprunte de la bonté & preu-
 dhommie de celuy qui la possede. Je requiers
 cependant que ce mien aduis soit prins en bon-
 ne part, & comme dit en telle modestie que ie
 n'enten reprendre aucun de ceux qui peuuent
 auoir diuerse opinion, ny attribuer arrogam-
 ment à la mienne aduantage quelconque. Seu-
 lement ie desire estre excusé en ce que ie seray
 discordant d'auec les autres, iusques à ce que
 i'aye discouru sur chaque espee & faculté de
 lettres, & donné commencement à ceste mien-
 ne opinion par argumets qui ne seront ny com-
 muns, ny legers, ny prins de l'apparence ou su-
 perficie des choses, mais tirés des plus fermes &
 certaines raisons, & (par maniere de dire) des
 plus profondes entrailles de la nature d'icelles.
 Sans que ie les farde d'aucune subtile eloquen-
 ce, comme d'un Demosthene, ou d'un Chry-
 sippe: Car cela seroit mal seant à moy, qui fay
 profession des sainctes lettres, & ne pourrois
 fuir

fuir le blasme de flatteur, si ie me complaisois en ces couleurs & desguisements: attendu que le Theologien doit chercher & se contenter de paroles plus tost propres que elegantes: & suyure la verité des choses, non pas l'ornement du langage. Le siege de la verité est au cœur, & non en la langue, & peu nous doit chaloir par quelles paroles elle est dite & deposee: laquelle (comme dit Euripides) est simple, & ne veut estre peincte ny fardee. Mais le mensonge a besoing d'estre voilé d'eloquence & de paroles exquises, à fin qu'il soit mieux receu des entendemets humains. Si donques i'expose & espans à vos delicates oreilles l'affaire que i'ay entrepris nud & desgarni de toutes fleurs d'eloquence (laquelle mesme vous verrez par effect que ie ne neglige point tant que ie la blame & condamne) ie vous prie d'auoir la mesme patience qu'eust cest Empereur Romain, lequel voulut bien arrester & faire faire alte à toute son armee pour escouter vne femmelette, & le Roy Archesilaus, qui vouloit ouïr quelques fois des hommes enrourés & ayans la voix rude & mal plaisante, à fin qu'il receust plus de delectation quand il orroit apres ceux qui estoient eloquents. Reduisez à memoire ceste sentence de Theophraste, que les hommes rudes & rustiques peuuent bien parler deuant les plus grands & eloquents personnages, pourueu qu'ils parlent avec raison & verité. Or à fin que ie ne vous tienne longuement en suspens, ie vous

declareray presentement par quelles erres i'ay
poursuyui ainsi qu'un chien courant & acquis
l'opinion sus mentionnee, vous ayant premie-
rement aduertis que les sciēces d'elles mesmes
sont toutes autant mauuaises que bones: & que
d'icelles nous ne pouuōs acquerir aucune con-
dition plus que humaine, ny aucun autre heur
ou deitē, sinon parauenture celle que le ser-
pent ancien promet à nos premiers parents, di-
sant, Vous sērez ainsi que Dieux sçachās le bien
& le mal. Celuy donques qui se voudra glori-
fier d'estre sçauant, qu'il se glorifie en ce ser-
pent: ainsi que nous lisons auoir fort bien ac-
complī les Ophites heretiques, lesquels ado-
royent en leurs sacrifices vn serpent, disant qu'il
auoit premierement induite & amenee au para-
dis la congnoissance de la vertu: à quoy s'ac-
corde l'histoire platonique d'un certain demon
Theut, ennemi du genre humain, lequel inuen-
ta premierement les sciences non moins dom-
mageables que vtils, selon que tresprudem-
ment discouroit ce Roy de toute l'Egypte Tha-
mus, touchant les inuenteurs des lettres & des
sciences. C'est pourquoy les Grammairiens ex-
posent ce mot de demon pour sçauant. Mais
laissions ces fables à leurs poētes ou philoso-
phes, & posons que autres n'ont inuentees les
sciences que les hommes, & ceux d'entre eux
que nous sçauons estre issus de tresmauuaise
race, à sçauoir les enfans de Cain: desquels à
bon droit il est dit: Les enfans de ce siecle sont
plus

plus prudéts que les enfans de lumiere en ceste generation. Si donques ainsi est que les inuen-
 teurs des sciences sont hommes, ne sont ils pas
 tous menteurs, sans qu'il y en aye aucun entre
 eux qui face bien, non iusqu'à vn? Et quand
 bien il s'en trouueroit quelques vns qui fussent
 bons, quelle bonté ou verité peuuét auoir pour
 cela les sciences en elles? Nulle pour certain
 que celle qu'elles empruntent & acquierent de
 leurs inuenteurs ou possesseurs. Et est plus que
 assuré que si elles escheēt en vn mauuais hom-
 me, elles sont nuisantes, & de mauuais le ren-
 dent encor pire. Comme vn Grammairien de-
 uiendra malin, vn Poëte compteur de bourdes,
 vn Historien mensonger, vn Rhetoricien flat-
 teur. Lon verra vn ostentateur professeur de
 memoire, vn dialecticien quereleux, vn brouil-
 lon sopiste, vn babillard lulliste, vn arithmeti-
 cien forcier, vn voluptueux & lascif musicien,
 vn baladin impudique, vn geometrien vanteur,
 vn cosmographe vagabond, vn pernicieux &
 destructeur architecte, vn nautonnier corsaire
 & escumeur de mer, vn astronome trompeur,
 vn magicien meschant & malfaisant, vn caba-
 liste perfide, vn physicien resueur, vn mon-
 strueux metaphysicien, vn ethique malgracieux
 & difficile, vn inique politique, vn prince tyran,
 vn magistrat oppresseur, vn mutin populaire,
 vn prestre schismatique, vn moyne supersti-
 tieux, vn œconome prodigue, vn marchand
 pariure, vn financier larron, vn laboureur pa-
 resseux,

resseux, vn berger despaîsiera & destournera furtiuemēt le bestail, vn peſcheur outragera vn chacun, vn veneur brigandera, vn gendarme viura de proye, vn gentilhomme foulera ses subiects, vn medecin deuindra meurtrier, vn apothicaire empoisonneur, vn cuisinier gourmād, vn alchemiste imposteur. Lon verra aussi vn fin & rusé iuriconsulte, vn aduocat fauteur de mille meschancetés, vn notaire faussaire, vn iuge corrompu, brigander avec autorité dans son ſiege & tribunal, vn theologien heretique seduire tout vn peuple. En somme il n'y a rien plus meschant & malencontreux que la science armee & enuironnee d'impicté: & ceux d'entre les hommes qui sont plus experts & ſçauans, sont les plus dangereux ouuriers de meschancetés. Que s'il aduient qu'elles tumbent en vn homme qui ne soit du tout malin, mais fol & sans ceruelle, ce sera pitié de l'insolence & importunité incomparable d'iceluy: car outre ce qu'il n'a que trop de sa sottise & folie naturelle, il sera pourueu d'abondant de moyen de la maintenir & defendre par l'autorité des lettres, desquelles les autres fols estans destitués sont menés d'une plus douce folie, ainsi que dit Plato du rhetoricien: car tant plus, dit il, sera il indocte & mal adroit, il vous fera plus de comptes, imitera toutes choses, & n'estimera rien indigne de luy. En somme il n'y a rien plus perilleux que de folier par raison. Mais s'il se trouue quelque bon & sage personnage, qui soit
avec

avec cela ſçauant, poſſible que en ceſtuy là les ſciences ſeront bonnes & proffitables à la re- publique. Il eſt neantmoins bien certain, que celuy qui les poſſedera ne fera point plus heureux. La multitude des paroles (diſent Porphyrius & Iamblichus) & l'amas des ſciences, n'eſt pas felicité: car pour beaucoup de paroles ny de raiſons la felicité ne prend aucun accroiſſement: & s'il eſtoit autrement, rien n'empêcheroit ceux qui ont voulu ſçauoir de routes ſciences d'eſtre tresheureux, & ainſi ſeroient plus heureux les philoſophes que les religieux & preſtres. Or la vraye beatitude ne giſt point en la congnoiſſance du bien, mais en l'accompliſſement d'iceluy & en la vie bonne: elle ne conſiſte point en intelligence, mais en la vie intellectuelle: car la bonne intelligence ne conioint point les hommes avec Dieu, ainſ la bonne volonté. Et ne nous ſeruent les ſciences exterieurement acquiſes, ſinon d'une certaine preparation & purification aidant aucunement à la beatitude, mais non pas que ce ſoyent elles qui nous rendent bienheureux, ſi quant & quant la bonne vie n'y eſt coniointe, voire paſſée & tranſmuee en la meſme nature du bien. Souuēt lon a veu (dit Ciceron en l'oraïſon pour Archias le poëte) que la nature ſans les lettres a plus ſerui à acquerir vertu & louange, que n'ont faiët les lettres ſans la nature. Il n'eſt donques beſoing d'amuſer nos entendements à vne ſi longue trainee de ſciences preſque impoſſibles

à nous à comprendre, pour estre bienheureux: ce que nous pouuons obtenir facilement par autre voye, (ainfi que Aristote mesme afferme) comme chose qui est offerte à chacun, & par le moyen d'une discipline aisee & commune: c'est en adressant nos esprits à la contemplation du plus excellent obiect qui soit, à sçauoir à Dieu. Et est la faculté de ce faire si facile, qu'il n'y est requis aucuns arguments ny demonstrations, ains la seule foy: en somme il ne faut que croire & adorer. Quelle felicité y a il donques aux sciences? de quoy se peuuent vanter les philosophes? Quelle est leur beatitude, dont les escholes en general font tant de bruit, publiant tant de louanges de ceux, les ames desquels souffrent grieux torments aux enfers? S. Augustin a bien congnu cela, & s'en est effrayé, criant avec S. Paul, Les indoctes s'esleuent & rauissent les cieux, & nous avec toute nostre science sommes plongés au fonds d'enfer. Bref, s'il faut parler en pure verité, la congnoissance qui nous est baillee par les sciences, quelles elles soyent, est tant perilleuse & incertaine, qu'il seroit meilleur sans comparaison de les ignorer que de les sçauoir. Adam n'eust iamais esté chassé de paradis, s'il n'eust esté enseigné par le serpent en la congnoissance du bien & du mal. S. Paul reiecte de l'eglise ceux qui veulent sçauoir plus qu'il n'est besoing: & ayant Socrates discouru par toutes les sciences, & recherché chacune discipline, fut estimé tressage entre les hommes, lors
seule

seulement qu'il confessa haut & clair qu'il ne
 sçauoit aucune chose. Outre que la congnois-
 sance de toutes les sciences est si difficile, pour
 ne dire impossible, que la vie de l'homme est
 plustost à sa fin, qu'il n'a peu parfaictemēt com-
 prendre les moindres raisons & fondements
 d'une seule science. Ce qui me semble estre in-
 feré par l'Ecclesiaste, disant, i'ay entendu que de
 toutes les œuures de Dieu aucun homme ne
 peut donner raison, ny de tout ce qui se fait sous
 le Soleil, & tant plus il se trauuillera à chercher,
 moins il trouuera, ores que le sage die qu'il en
 a congnoissance, neantmoins il ne le trouuera
 point. Rien pour certain ne peut aduenir à
 l'homme plus pestilentieux que la science: c'est
 ceste vraye contagion qui destruit entierement
 tout le genre humain, sans espargner vn seul
 homme: qui a deschassé toute innocence, nous
 a accablés de tant de pechés, & liurés és mains
 de la mort: qui a estainct la lumiere de la foy,
 abismant nos ames és gouffres de tenebres: qui
 ayant condamné la verité a haussé & esleué en
 throsne les erreurs. Parquoy ie n'estime point
 qu'il fale blasmer Valentinien Empereur, ny ses
 semblables, ennemis iurés des lettres, comme
 Licinius Empereur, qui les appelloit poisons &
 pestes publiques, veu que Ciceron mesme, fon-
 taine tres abondante des lettres, se mit en fin à
 les mespriser, ainsi que dit Valere. Telle & si
 grande est la spacieuse liberté de la verité, que
 aucune speculation de sciences, aucun iugement

raffiné par nos sens, nul artifice d'arguments de dialectique, nulle preuue euidente, nul syllogisme demonstratif, bref nul discours de l'entendement humain ne la peut apprehender: La seule foy est celle qui la comprend, & celuy qui en est garni est (au rapport d'Aristote mesme) mieux pourueu & mieux disposé, que s'il estoit sçauant: Ce que Philoponus expose signifier que la congnoissance que lon a par la foy est meilleure, que n'est la demonstration que lon fait par les causes. Et Theophraste en son traicté des choses outre nature, Nous pouuons bien, dit il, penetrer à quelque congnoissance par les causes, prenans les premiers fondemens sur nos sens: mais estans paruenus aux extremes, & à ce qui est premier & plus haut és choses, nous demeurôs courts, & ne voyons plus goutte, soit pour ce que les causes nous defaillent, ou bien par l'imbécillité de nos entendemêts. Platon aussi, au dialogue intitulé Timee, dit que l'explication des choses qui sont là traictees, passe les forces de nostre entendement: mais qu'il faut croire ceux qui en ont parlé au parauant, ores qu'ils ne preuuent leur dire par aucun argument demonstratif & necessaire: car les philosophes Academiques, qui n'estoyent pas des moins prisés, disoyent que lon ne pouuoit affermer aucune chose, ny en parler en asseurance. On a veu aussi les Pyrrhoniens & autres, qui mettoient tout en doute. Partant la science n'a rien d'exquis ny de singulier par dessus la cre-

ance,

ance, lors que la bonté & preudhommie de l'auteur incite és disciples vne libre volonté de luy adiouster foy : A raison de quoy les Pythagoriciens auoyent posé ce fondement touchant leur maistre, *Il l'a dit*. Et les Peripateticiens leur prouerbe commun entre eux, qu'il faut croire à chacun qui est expert en son art. Ainsi croit on au grammairien touchant la signification des vocables : le dialecticien luy preste foy en la partie d'oraison qu'il reçoit de luy : le rhetoricien prend du dialecticien les lieux & sources des arguments : le poëte emprunte les nombres & mesures du musicien : le geometrien ses proportions de l'arithmeticien : l'astrologue s'en fie en tous deux. En outre les supernaturels se seruent des coniectures des naturalistes : Bref il n'y a ouurier ny artisan qui n'aye quelque bonne opinion des reigles d'un autre art que le sien : Car chacune science a ses principes & maximes accordés sans controuersé, sans qu'il soit besoin de les establir par preuues. Lesquelles maximes estans reuoquees en doute, ou niees tout à plat, les professeurs de ces sciences n'ont plus que dire, & sont reduits à s'excuser, & dire qu'il ne faut disputer contre ceux qui nient les principes, ou de renvoyer les hommes à choses estranges & hors des bornes de la science dont est question. Comme si quelcun leur nioit que le feu fust chaud, ils requerroyent que cestuy là fust iecté dedans, & puis enquis de ce qu'il en croiroit : ainsi de philosophes souuent ils deu-

uien

uiennent bourreaux & gehenneurs d'hommes, pour leur faire confesser par force ce qu'eux deuroient sçauoir prouuer & enseigner par raisons. Outreplus il n'y a rien plus contraire ny plus pernicieux à la republique, que les lettres & les sciences : Car si en vn conseil il y a quelques hommes sçauans, ils s'en font à croire, tournent & manient toutes choses à leur appetit, estans en credit & bonne opinion à l'endroit du peuple d'estre gêts sages, de sorte qu'estans appuyés sur la simplicité & ignorance d'iceluy, toute l'autorité des magistrats demeure par deuers eux seuls, & en fin d'un estat populaire ils en font vn gouuernement de peu de gens factieux, dont il tombe facilement en tyrannie, à laquelle aucun n'est iamais paruenue sans lettres & science, excepté L. Sylla le Dictateur, lequel seul sans lettres ny doctrine empieta la souueraineté en sa republique. Elle toutes fois receut ce bien de son ignorance, que volontairement il quitta la tyrannie, & se rendit en estat priué. Finalement toutes les sciences ne sont autre chose qu'opinions d'hommes aussi tost nuisantes que vtils, aussi bien pestiferes que salutaires, aussi tost meschantes que bonnes, imparfaites, tousiours avec quelque defaut, ambigues, pleines d'erreur & de débats. On pour le faire mieux apparoir, nous discuterons sur chacune espee l'une apres l'autre.

EN premier lieu aucun ne peut ignorer, que les sciences qui enseignent à bien dire, à sçauoir la grammaire, logique, & rhetorique, lesquelles on doit plustost appeller entrees & aduenues des sciences, ne soyent bien souuent plus pestiferes que delectables. Elles n'ont cependant autre fondement ny reigle de certitude que le plaisir & la volonté de ceux qui premier les ont inuentees & reduites en art. Ce qui est euident par les petits commencements & instruments d'icelles, à sçauoir les lettres A, B, C, D, &c. Lesquelles au commencement estoient Chaldaïques, trouuees, ainsi que dit Philon Iuif, par Abraham, & desquelles les Chaldeens, Assyriens, & Pheniciens se seruoient. Combien que aucuns veulent que Rhadamanthus bailla premierement leurs lettres aux Assyriens. Moïse apres bailla aux Iuifs les saincts caracteres, non pas possible tels que ceux dont ils vsent auourd'hui: car lon tient que ce fut inuétion de Efras: lequel, à ce que lon estime, a escrit presque tous les liures de l'ancien testament. Puis vn certain Linus Chalcidien apporta de la Phenicie en Grece certaines lettres Pheniciénes: desquelles vsèrent les Grecs iusques à ce que Cadmus fils d'Agenor leur en donna d'une autre façon en nombre de xvi: ausquelles Palamedes en adiousta quatre durant le siege de Troye: & quelque temps apres Simonides poëte lyrique autant.

autant. Quant aux Egyptiens, la maniere d'escrire leur fut premierement enseignee par vn certain Memnon, avec figures d'animaux, comme lon void en leurs esguilles ou colonnes pyramidales : Mais Mercure, (celuy que Lactance appelle le cinquieme) Roy d'Egypte, leur bailla vne forme de lettres : auquel succeda Vulcan fils du Nil. Les Latins ont receuës les leurs d'une femme nommee Nicostrata, & surnommee Carmenta. Or y auoit il anciennement sept sortes de lettres plus prisees, à sçauoir Hebraïques, Grecques, Latines, Syriennes, Chaldaïques, Egyptiennes, & Gothiques: desquelles Crinitus dit auoir leu en certain vieil volume des vers de tel sens:

Moïse fut l'auteur des lettres des Hebrieux:

Et les Pheniciens, à l'esprit curieux,

Les Grecques ont trouuë. Nicostrate a transmis

Aux Latins celles dont ils forment leurs escrits.

Abraham inuenta celles des Syriens,

Et fut cil qui trouua celles des Chaldeens.

Isis fit par grand art lettres Hieroglyphiques,

Et Galphile forma caracteres Getiques.

Pour le regard des autres nations barbares, elles ont inuenté chacune des lettres nouuelles es temps plus recents. Car les Gots ont receuës les leurs d'un certain Euesque nommé Gordonijs. Les anciens François, qui conquesterent les Gaules sous la conduite de Marcomir, & Pharamond, vsoient de lettres presque semblables à celles des Grecs, esquelles wastald escriuit


uit en leur langue son histoire : il est toutesfois incertain qui en fut l'inventeur. On trouue outre ce vn autre sorte de lettres Françoises fort differentes de celles de wastald, dont l'invention est attribuee à vn certain Doracus, & encor autres trouuees par Hicys François, lequel vint de Scythie avec Marcomir aux embouchures du Rhin. Beda aussi fait mention d'aucunes lettres Normandes dont l'auteur est incongnu. Plusieurs autres peuples & nations en ceste maniere se sont formés des caracteres nouveaux, ou les ayans receus de main en main de leurs ancestres les ont corrompus & changés, ainsi qu'ont fait les Sclauons & Dalmates celles des Grecs, les Armeniens les Chaldaïques : mais les Gots & Lombards ont diffamé les caracteres Latins. Pareillement plusieurs sortes de lettres sont peries, comme celles des anciens Thuscans, lesquelles estoyent neantmoins fort estimees entre les Rommains, au rapport de Pline & de T. Liue, & dont on voit encor aucunes marques és pierres & vieilles ruïnes, mais totalement incongnues : car les Rommains rauageant parmy le mode faisoient estat de racler la memoire de toutes lettres entre les nations, & leur faisoient vser par force des leurs. Ainsi en fut il fait des premieres lettres Hebraïques, durant la captiuité de Babylone, & leur langue mesme corrompue par la Chaldaïque. Ainsi sont peris & estaincts les caracteres anciens des François, Espagnols, Allemands,

lemans, & autres nations par l'introduction des lettres Rommaines, & les langages de ces peuples corrompus & immués. Comme à leur tour aussi les lettres & la langue Rommaine ont esté peruertis & changés par les Gôts, Lombards, François, & autres peuples : Car ceste façon de parler Latin, dont lon vſe à preſent, n'eſt point l'ancienne langue Rommaine. Et quant à l'Hebraïque, les Thalmudiſtes n'en ſont nullement d'accord entre eux. Rab. Iuda dit que le premier homme créé, à ſçauoir Adam, parloit langage Arameen ou Syriaque. Marſutra eſt d'opinion que la loy publiée par Moïſe eſtoit eſcrite en caracteres appellés Hebrieux, mais que le langage eſtoit celuy que lon nommoit ſainct. Lequel fut depuis changé par Eſras en Syriaque, & les caracteres en ceux des Aſſyriens : apres peu à peu fut reprinſe la langue ſaincte, les caracteres Aſſyriens neantmoins retenus, laiſſans les Hebraïques avec la langue Syriaque à ceux qu'ils appellerent Chus, c'eſt à dire, qui meſloyent la loy parmi le ſeruice des idoles, ainſi que faiſoyent les Samaritains. Autres diſent que la loy ne fut point eſcrite au commencement en autres façons de lettres que celles que lon a aujourdhuy. Vray eſt qu'elles furent aucunement changees à cauſe du peché : mais apres, moyennant repentance, reſtituees. Rab. Simon, fils d'Eleazar, tient que ny le caractere ny le langage n'ont onques eſté changés. Voyla où en ſont les Hebrieux, & en quelle incertitude ils deuſent

deuissent de leurs propres affaires. Tel est doncques le tour & l'estat des temps en ce regard: en sorte qu'il n'y a lettres ny nulle propriété de langage où lon puisse remarquer aucun traitt de leur forme & maniere ancienne.

De la Grammaire.

CHAP. III.

 R de ces commencements si foibles, inconstans & muables en tous temps, des lettres dis-ie & des langues, sont procedees & la Grammaire & les autres arts de bien dire, dont nous auons faißt mention cy dessus: Car il fut aduis aux hommes de ces vieux siecles que c'estoit peu de chose de congnoistre les lettres, si l'on ne trouuoit maniere de les assembler, & en composer des syllabes, & d'icelles en façonner des mots & vocables, puis accoupler iceux en sorte, qu'ils pussent estre entendus. Ces gens d'entendement firent doncques des reigles pour sçauoir accompagner les dictionns par certain ordre, & selon certaines significations, & par tel moyen briderent les langues, que ce qui seroit proferé selon ces reigles seroit estimé bien dit, d'autant que en icelles consistoit l'art de bien parler, lequel ils appellerent Grammaire. Or l'inuenteur de cest art entre les Grecs fut Promethee, ainsi que lon dit, & à Rome Crates Mallotes en apporta le premier des nouuelles, enuoyé à cest effect d'Asie par le Roy Attalus au temps qui passa entre la seconde & troi-

b lieme

sieme guerre d'entre les Rommains & Carthaginiens. Iceluy apres fut enseigné avec grande magnificence & parade par Palemon, en sorte que l'art fut surnommé de luy, & appelé l'art de Palemon, homme si outrecuidé, qu'il se vantoit que les lettres estoient nees avec luy, & deuoient mourir avec luy; lequel par orgueil & mesure mesprisoit tous les plus doctes hommes de son temps, iusques à outrager Varro, l'appellant pourceau. Neantmoins la Grammaire latine est demeuree si pource & defectueuse, & tant obligée & tenue à celle des Grecs, que celui qui n'a appris les lettres Grecques, ne doit tenir aucun rang entre les Grammairiens. Toute la raison & fondement des lettres & de la Grammaire ne gist donques que en l'autorité & usage de ceux qui nous ont précédé, auxquels il a pleu d'ainsi nommer les choses, d'ainsi écrire les vocables, les arranger, accoupler, & ordonner, & d'appeller l'observation de ces choses bon langage ou bien dire: & à ceste cause est la Grammaire nommée art de bien parler: à grand tort toutesfois & faullement: car nous en apprenons plus de nos meres & nourrices, qui ne sont que pources femmelettes, que des Grammairiens. Cornelia, mere des Gracques, forma & façonna le langage de ses enfans, qui furent estimés treseloquents. Siles, fils d'Aripithe Roy des Scythes, apprint la langue Grecque de sa mere Istrina. C'est chose certaine que en plusieurs provinces où se sont venus habi-

tuer

tuer estrangers, qui y ont basti des villes, les enfans ont tousiours retenu le langage de leurs meres, à raison dequoy Plato & Quintilien ont ordonné d'estre tressoigneux & aduisé quand il faut choisir des nourrices aux enfans. Ne faisons donques ceste iniure à nos meres, & à nos nourrices, de recongnoistre, ce que nous receuons d'elles, des grammairiens, lesquels, ores qu'ils ne facent profession que de ce seul art, y entendent moins qu'en chose du monde. Priscien y employa tout le temps de sa vie, & n'en sceut onques venir à bout. Didymus escriuit de ce subiect quatre mil volumes, ou six, selon aucuns. Nous lisons que l'Empereur Claude fut si sçauant aux lettres Grecques, qu'il accrut leur alphabet de trois lettres nouvelles, lesquelles il retint tousiours estant paruenue à l'Empire. Charles le grand voulut reduire la langue Germanique en reigles, imposa nouueaux noms aux vents & aux mois: iusques aujourdhuy on ne cesse de traualier & fuer iour & nuict: on compose des memoires & instructions des questions, annotations, expositions, obseruations, corrections, centuries, meslanges, antiquités, paradoxes, recueils, additions, veilles, reiterees & nouuelles editions, & de là nous sont enfantees autant de grammaires qu'il y a de grammairiens, & toutesfois il ne se trouue aucun entre eux, soit Grec ou Latin, qui aye encor sceu donner bonne raison ny maniere de bien distinguer les parties d'oraison, ny de l'ordre

b 2 qu'il

qu'il faut tenir en l'explication d'icelle : S'il y a moins de quinze pronoms, ainsi qu'escriit Priscien, ou plus, comme tiennent Diomedes & Phocas; Si vn participe mis seul & separé retient neantmoins la nature de participe: sçauoir si les gerondifs sont noms ou verbes : pourquoy les Grecs ioignent les noms neutres du nombre plurier aux verbes de nombre singulier : Pourquoy il est loisible en la langue Latine prononcer quelques fois les noms terminés en *a* & en *us* par *um*, comme au lieu de *margarita*, dire *margaritum*, & pour *punctus*, *punctum*. Comment se fait que le premier cas de Iupiter produise le second Iouis: pourquoy c'est que les verbes neutres sont receus pour tels d'aucuns, & non des autres. A quelle cause aucunes paroles Latines sont escrites par les vns avec la diphthongue Grecque, comme *fælix*, & *questio*, par autres non: s'il faut en Latin seulement escrire ces diphthongues *æ* & *œ* sans les prononcer, ou bien faire sonner l'une & l'autre voyelle en vne mesme syllabe, ainsi qu'elles sont escrites. Semblablement pourquoy plusieurs mots Latins sont escrits par *y* lettre Grecque par aucuns, & par autres par *i* Latin seulement, comme en la diction *confydero*. En outre, pourquoy il s'en trouue qui escriuent certains mots par lettres doubles, & non pas les autres, ainsi que *caussa*, & *relligio*. Pourquoy c'est que en *caccabus*, encor que la premiere syllabe soit longue par la position du double *cc*, neantmoins est le plus souuent abregee par

par certains poëtes. Plus, si l'ame d'Aristote doit estre escripte Entelechie par *t*, ou Endechie par *d*. Je laisse à parler de leurs noises infinies (desquelles ie croy bien que on ne verra iamais la fin) touchant l'orthographe, la prononciation des lettres, les figures, les Erymologies, analogies, & autres preceptes & reigles, declinaisons, moyens de signifier, changements de cas, varieté de temps, de manieres, nombres, & personnes, l'ordre de composer & construire, finalement de l'origine & nombre des lettres Latines mesmes, & si l' *h* est lettre ou non, & autres semblables en grand nombre. Ainsi estans despourueus de raison, non seulement pour le regard des dictions & syllabes, mais aussi des lettres mesmes, ils sont en perpetuelle discorde les vns contre les autres: De quoy Lucien s'est mocqué plaisamment en la guerre qu'il a escripte d'entre deux consonantes *S*, & *T*, de laquelle l'exemple peut estre baillé au mot *Thalassa* & *Thalatta*. Vn certain André Salernitain a pareillement descrit en termes elegans & choisis la guerre grammaticale. Mais ces fautes sont peu, & des moindres. Nous en pourrions bien mettre en auant de plus grandes, & en plus grand nombre commises par eux és interpretations deprauees qu'ils baillent aux noms, dont ils abusent tout le mode, & causent grands destourbiers, principalement au repos & tranquillité publique. Ils disent que subiect signifie serf: que la liberté d'un peuple s'entend où chacun y peut

faire ce qui luy plait : l'egalité de droit estre là où les honneurs, les dignités, offices, rangs & degrés, recongnouissances, & salaires, sont pareils en tous sans discretion aucune. Semblablement que vn estat ou royaume tranquille est celuy où toutes choses passent au plaisir & appetit du Prince : Que le país s'appelle heureux quand le peuple y est fondu en voluptés & oisiveté. Par telles expositions trop frequentes la medecine, les loix, & canons, sont corrompus, & par icelles les sainctes escritures & Iesuschrist mesme forcés en sorte, qu'il semble bien souuent qu'il y aye contrarieté, estant destourné le sens d'icelles loing hors de la reigle du S.Esprit, pour la tirer à ce qui leur est commode & proffitable, à raison de quoy sont ensuyuis plusieurs dangers, d'autant que volontiers l'erreur qui se commet aux paroles en engendre vn autre aux choses mesmes. Ainsi qu'il aduint à Saul à raison du vocable *Zobar*, lequel signifie masle, & pareillement memoire. Car Dieu luy ayant faict entendre qu'il vouloit que la memoire d'Amalech fust estaincte, Saul péça que s'il ostoit les masles, qu'il auroit abondamment satisfait au commandement de Dieu. Le mesme erreur aduint à l'endroit des Grecs & Italiens au mot *Phos*, qui signifie homme & lumiere : par laquelle ambiguïté deceus ceux qui celebroyent les festes en l'honneur de Saturne, & luy offroyent sacrifices, luy immoloyent tous les ans vn homme. Cependant ils en eussent esté quittes pour luy
presen

passage est
à propos
né par A.
pa en ce
, comme il
cousumier
corrompre
passages de
auteurs,
les faire ser
à son pro-

présenter des flambeaux ardans. Ce qui fut corrigé par Hercules, & par son moyen ces peuples insensés remis en leur bon sens. A la suite des Grammairiens se sont mis avec le temps les Theologiens & les moynes encapuchonnés, debattans des mots & de leurs significations, non sans accrocher plusieurs heresies, inuertissans les escritures à l'occasion de la grammaire, & se montrans trèsmauvais interpretes de ce qui est fort proprement dit. Gents pleins de vanité, & vrayment malheureux, lesquels par leur art se creuent les yeux à eux mesmes, fuyans la lumiere de verité, & s'amusans à rechercher trop curieusement le sens & force des paroles, ne veulent entendre celuy des escritures : & s'arrestent aux vocables nuds, renuersant & dissipant la verité des paroles. Ainsi que lon raconte d'un certain prébstre (soit verité ou fable) lequel ayant à consacrer plusieurs hosties, & craignant de faire quelque incongruité en grammaire, dit, *Hec enim sunt corpora mea* : Ceux cy sont mes corps. Et d'où est ce que print occasion l'erreur des Antidicomarianites & Eluidiens, qui nioyent la virginité perpetuelle de la Vierge Marie, sinon de ce qu'il est dit en l'Evangile que Ioseph ne l'auoit point congnue quand elle enfanta son fils premier nay : où la version latine vie de ce mot donec, qui signifie iusques à ce, suyuant la maniere de parler & phrase des Hebrieux, à laquelle ils se sont arrestés. Quelle noise a esté esmeue entre l'eglise

Latine & la Grecque par ces deux mots *ex & per*, qui signifient de, & par, les Latins affermans que le saint Esprit procede du pere & du fils, & les Grecs s'oustenans qu'il ne procede point du fils, mais du pere par le fils? Quelle tragedie a excité au concile de Basle ceste parole *Nisi*, à raison de laquelle les Bohemiens maintenoyent qu'un chacun estoit necessairement tenu de communiquer sous les deux especes, pour autant qu'il est escrit, *Nisi manducaveritis, &c.* Si vous ne mangez la chair du fils de l'homme, & ne beuvez son sang, vous n'aurez point vie en vous.

D'où est venue la cōtrouerse de l'eglise Romaine avec les Vaudois & leurs semblables sur l'Eucharistie, sinon de ce mot *est*? Lequel ils maintiennent estre mis là par vne maniere de parler figuree, & l'eglise Romaine veut qu'il soit entendu selon sa propre signification & essentiellement? Il se treuve plusieurs autres peruerſes heresies des Gramairiens: mais tant couuertes & subtiles, que si les docteurs d'Oxford, tresſaigis Theologiens d'Angleterre, & les Sorbonistes de Paris n'eussent eu bonne veüe, & n'eussent magistralement condamné ces subtilités, il seroit impossible à aucun de s'en garantir. Comme si lon vouloit debattre si ces manieres de parler sont aussi bien dites l'une que l'autre: *Christus predicat*: Christ presches, & *Christus predicat*, Christ presche. *Ego credis tu credit, credens est ego*. Je crois en la secōde personne, tu crois, moy est

est croyant. Item que le verbe demeurant verbe peut estre priué de tous ses accidents, & que aucun nom n'est de la tierce personne, & choses semblables. Que si faute d'observer les reigles de Grammaire cause heresie, les prophetes Isaïe & Malachie seront en premier lieu heretiques: car l'un & l'autre fait parler Dieu en ceste façon de soy mesme. Le premier s'adressant à Ezechias dit, *Ecce ego addet super dies tuos*. Moy adioustera à tes iours, &c. Il ne dit pas i'adiousteray, mais adioustera. Et en Malachie, *Et si Domini ego, ubi est timor meus?* & si ie suis seigneurs, où est ma crainte? Dieu là s'appelle seigneurs en nombre pluriel. Mais beaucoup plus grands heretiques seroyent les Theologiens qui sont en toute l'eglise Romaine, d'autant qu'ils traitent la doctrine de l'eglise fidele par vne façon de prononciation nouvelle contre tout usage & reigles de Grammaire par paroles imaginees, monstrueux vocables, arguments ambigus & perplex: voire osent bien maintenir que la Theologie ne scauroit estre enseignée sinon par langage corrompu. Plusieurs telles choses sont manifestes: & est à deplorer le malheur de nostre aage, auquel tant de contentions & erreurs sont esmeus par les obstinés Grammairiens & superbes sophistes, par leurs peruerfes interpretations des mots, les vns fondans des sentences sur les paroles, autres au contraire des sentéces recueillans des paroles. D'où sont tous les iours esueillées nouvelles cōtrouerses en la me-

decine, en l'un & l'autre droit, en la Theologie, & en toutes les autres facultés. Car les Grammairiens ne preuuent rien, ils n'ont pour tout fondement que la volonté des auteurs le plus souvent si contraires les vns aux autres, qu'il faut bien s'asseurer que la plupart de leurs opiniōs sont vaines & fausses, & que ceux qui plus s'astreignent à leurs preceptes, sont les moins bien-disans de tous: pource que toute la loy & autorité du langage n'est pas es mains des Grammairiens, mais du peuple, & par commun vsage l'on se façonne à bien parler. Et quant à la langue latine, depuis que les barbares eurent enuahi l'empire, la propriété naïue en demeura corrompue entre le peuple, & pour l'apprendre il n'a esté besoing de rechercher les liures des Grammairiens, mais des bons & suffisans auteurs, comme de Cicero, Cato, Varro, des deux Plines, Quintilien, Seneque, Suetone, Q. Curce, T. Liue, Saluste, & semblables, es escrits desquels nous est demeuré l'eschantillon des delices & douceur de la langue latine ancienne, & de la maniere de bien parler, & non pas en ceux des Grammairiens: Lesquels par leurs reigles, déclinaisons, compositions, & demises, se demettent beaucoup de la propriété latine, composent & forment bien souvent des vocables qu'un homme latin n'oseroit vsurper en bonne cōscience, si ia il n'estoit ainsi déterminé & mis entre les articles de la Sorbonne. Si quelcun dit qu'il ne faut point adiouster foy aux Grammairiens

riens de la verité du langage latin, neantmoins
ces tellement quellement lettrés Grammairiens
se font eux mesmes censeurs de tous ceux qui
escriuent, & veulent estre les Iuges & interpre-
tes, pour assigner à chacun auteur son rang, ou le
rayer, si bon leur semble, du catalogue : & ne
s'est onques trouué auteur de si excellent esprit,
qui aye iceu eschapper de leurs langues mesdi-
santes, & lequel ils n'ayent noté, ou grandemēt
blasmé & repris. Ils reprochent à Platon le peu
d'ordre & confusion en ses escrits, dont George
Trapezonce a composé des liures, à raison de
quoy il est appellé par aucuns sot moqueur, &
furie, ainsi que recite Crinitus. En Aristote ils
requierent vn stil clair & intelligible, & notent
ou taxent ses œuures de noire obscurité, l'appel-
lans seiche. Ils reprennent Virgile comme peu
ingenieux, ramasseur & vsurpateur des inuen-
tions d'autrui. A Cicero, Demosthene n'a point
pleu: mais luy souverain orateur entre les Latins
est accusé par les Grecs de cōcussion & pillerie,
& outre infamé de plusieurs vices, comme en-
flé, superflu en redites, maigre & fade gauffeur,
lent es commencements de ses discours, long &
ennuyeux en ses digressions, froid, peu veho-
ment, & à peine haussant son stile : mesme plu-
sieurs des nostres l'ont repris, comme Martia-
nus Capella, qui dit que son parler est rude &
mal sonnant aux oreilles. Appollinaris le note
d'estre mol & negligent. Les harangues de T.
Liue sont pareillemēt blasmees par Trogus com
me

me feindtes. A Horace Plante n'est agreable, lequel aussi taxe Lucilius d'auoir faict les vers sans ornemens, le comparant à vn ruisseau bourbeux. Pline a le bruit d'auoir entassé plusieurs choses pêle mesle sans ordre. Ouide est trop subiect à ses appetits. Saluste est repris par Asinius Pollio d'un stil trop affecté. Et dit on que Terence estoit vn larron, lequel recitoit ce qu'il n'auoit point faict, ains ce que Labeo & Scipion luy fournissoient. Seneque est comparé à de la chaux sans sable, & est noté par Quintilien en telles paroles: S'il eust mesprisé aucunes choses, s'il eust esté peu conuoiteux, s'il n'eust esté amateur de tout ce qui venoit de luy, s'il n'eust brisé & aneanti par sentences menues & decoupees le poids & la vertu des choses, il eust esté plustost approuué par le iugement & consentement des hommes doctes, que par la bienueillance des enfans. M. Varro a esté appellé porc, & saint Ambroise nommé corneille, & compte de fables. Macrobe, qui estoit homme de grand sçauoir, fut imputé impudent & d'esprit mal agreable & desplaisant. Et de tous ceux qui ont écrit en Latin, il n'y en a pas vn qui aye esté espargné par Laurens Valle le mieux appris de tous les Grammairiens: luy aussi a esté deschiré par Mancinel. Autresfois entre les Grammairiens Seruius estoit estimé pour l'un de ceux qui s'estoit bien employé pour les lettres Latines, neantmoins Beroalde se banda contre luy, & luy pareillement a esté reiecté par les Grammairiens

mairiens qui sont venus apres, comme barbare. Ainsi n'y a il entre eux que noises & debats, & ont pour coustume de forcener en ceste sorte les vns contre les autres. En somme ils ont tant faiët par leurs altercations, que la saincte Escripture mesme est presque toute autre & differente à elle mesme, ayant tant de fois changé la traduction d'icelle sous pretexte de correction. Par les censures de ceste maniere de gents lon a dou ré long temps de l'apocalypse saint Iean, de l'epistre aux Hebrieux, de celle de Iude, & plusieurs autres saints Escriptes du nouveau testament: & n'ont pas mesme espargné les Euangelles, qu'ils n'ayent mis en question, & dispute. Mais laissons les là, & venons aux Poëtes.

De la Poësie.

CHAP. IIII.

LA poësie, ainsi que afferme Quintilien, est l'autre partie de la Grammaire, fort hautaine & orgueilleuse de ce que anciennement les Princes & Potentats ont faiët bastir aux Poëtes des theatres & amphitheatres, edifices les plus magnifiques & somptueux qui ayent esté construits par les hommes, pour y reciter les fables & inuentions poëtiques: ce qu'ils n'ont faiët pour les philosophes, ny pour les medecins, iurisconsultes, harangueurs, mathematiciens, ny theologiens. Art inuenté pour enchanter les esprits des hommes vains & insensés, qui se delectent de fables, leur ramassant force mensonges, charouil

rouillans , & amadouans leurs oreilles par fol-
lastres rithmes , syllabes mesurees & pesees , &
par vn vain son de paroles bruyantes. Au moyé
de quoy elle a merit  le tiltre & nom de souue-
raine maistresse des mengeries & entretien de
meschantes doctrines: Pour certain intollerable
  tout c  ur bien log  ,   cause d'une si temeraire
& effrontee assurance de mentir dont elle fait
estat, ores que nous luy voulussions passer l'impu-
dence & audace  s autres choses, & ses forc ne-
ries & yur gneries. Y a il place ny coing o  elle
n'aye log  quelque sorte fable? Car commen-
 at mesme d s l'ancien chaos , elle nous compte
le chastrement du Ciel, les enfantelements de Ve-
nus, la guerre des Titans, l'enfance de Iupiter,
les ruses de Rhea, de la pierre supposee, les liens
de Saturne , la rebellion des geants , le larrecin
de Promethee , & son chastiment , l'isle vaga-
bonde de Delos, les trauaux de Latone, le ser-
pent Python occis, les trahisons de Titye, le de-
luge de Deucalion, la restauration du genre hu-
main faicte avec des pierres , le desmembrem t
de Iacchus, le bruslement de Semele, l'un & l'au-
tre lignage de Bacchus, & tout ce qui est mis en
au t par les fables Attiques de Minerue, Vulcan,
Erichthone, Boree, Orithie, Thesee, Egee, Ca-
stor, & Pollux : du rauissement d'Heleine , de la
mort d'Hypolite. En outre des erreurs de Ce-
res, de Proserpine enleuee, & puis retrouv e, &
tout ce qu'ils disent de Minos , de Cadmus , de
Niobe, Penthec, Atrec, & O dipe, des trauaux
&

& forces d'Hercules, du cōbat d'entre le Soleil & Neptune, de la forcennerie d'Athamas, de la cōuersion de Io en vne vache, & de son gardien Argus mis à mort par Mercure, & les comptes de la toison dor, de Pelee, Iason, Medee; Plus de la mort d'Agememnon, du supplice de Clitemnestra. Et tout ce qu'ils causent de Danaë, Persee, de la Gorgone, de Cassiopee, d'Andromeda, Orphee, Oreste, des nauigations d'Enee, & d'Ulysses, de Circe, de Thelagon, d'Eole, Palamedes, Nauplius, Ajax, Daphné, Ariadné, Europe, Phedre, Pasiphaë, Dedale, Icare, Glauque, Atlas, Gerion, Tātale, de Pan, des Centaures, Satyres, Syrenes, & autres telles mensonges qu'elle a forgees & laissees par escrit. Et qui pis est ne se contentant de discourir parmy les choses humaines, elle a bien osé monter au Ciel, & faire iouer aux Dieux leur rolle en ses fables, & comedies, representant leurs origines & deces, leurs querelles, haines, choleres, guerres, bleceures, lamentations, prisons, amours, maquerelages, lubricités, paillardises, adulteres, meslanges infames avec les hommes, avec les bestes brutes, & autres plus estranges & execrables forfaités, lesquels elle addoucit tāt plus par vn dangereux apast de paroles emmiellees, & par vers si artificieusement composés, qu'ils sont plus esloignés de nature & de l'usage commun. En sorte que non seulement le siecle present en est infecté, mais aussi communiquant ses mortelles poisons par la douceur de ses carmes à la posterité, elle

elle induit tous ceux qui sont atteints de ses opinions & enseignements mensongers à forcenner de même, comme par la morsure d'un chien enragé : Car leurs menteries sont forgées par tel artifice, que souvent elles preiudicient aux vraies histoires, ainsi qu'il est euident du faux & controuué adultere d'entre Enee & Didon, & de la prise de Troye. Et si s'en trouue aucuns si esloignés de bon sens, qui croient que en cest art de poésie soit enclose vne certaine faculté de deuiner & predire les choses futures, fondés sur ce que les anciens oracles estoient prononcés en carmes & poésies par les esprits immondes. Partant estiment & appellent les poètes prophetes menés par l'esprit de Dieu, & se seruent de leurs vers pleins de bourdes ainsi que d'oracles & propheties. Dont anciennement prindrent leur nom les predictions Homériques & Vergilianes, à cause que lon se mesloit de donner la bonne aduenture par la rencontre des vers d'Homere & de Virgile, ainsi que Spartianus fait mention en la vie d'Adrian Empereur : laquelle superstition est auourd'huy même receüe & transferee aux escritures saintes, & y fait on seruir les vers du saint psalmiste, sans que plusieurs de nos maistres trouuent cela aucunement mauuais. Mais reuenons à la poésie. S. Augustin veut qu'elle soit du tout bannie de la cité de Dieu. Et Platon, tout Ethnique qu'il estoit, ne la veut souffrir en sa republique. Ciceron defend de l'y receuoir en sorte quelcōque,

& So

& Socrates aduertit vn chacun qui ayme son honneur, & desire conseruer la renommee sans tache, de se donner garde de se rendre ennemi aucun poëte : car il s'en faut beaucoup qu'ils ayent ceste vigueur & force à louer & dire bien, qu'ils ont à blasmer & mesdire. Minos, Prince tresquitabable, celebré pour tel par Hesiodé & Homere, n'irrita il pas contre luy les poëtes tragiques, qui l'ont confiné aux enfers, pour auoir meu la guerre contre les Atheniens ? Penelope, qui a esté illustree d'une singuliere pudicité par Homere, est diffamee par Lycophron de s'estre abandonnee à quelques amoureux & poursuyuans. Ennius poëte, chantant les prouesses de Scipion, escrit que Dido s'amouracha d'Ence, & toutesfois ce fut vne tressage & trescontinente vefue, & laquelle (à ce que l'on peut remarquer par la raison des aages) ne scauroit onques auoir veu Ence. Lequel mensonge a esté depuis tellement enrichi par Virgile, qu'il a esté creu pour veritable histoire. Bref les bourdes & menteries des poëtes passerent si auant, & print telle licence leur desir excessif de mesdire, que lon fut contraint de les reprimer par loix & censures. Mais il est certain que à Romme, en les premiers aages & commencements, c'estoit chose reprochable que de se mesler de poësie : tellement que ceux qui y mettoient leur estude estoient estimés comme brigands publics, ainsi que tesmoignent Gelle & Caton, lequel reprint Fulutus à cause que estant enuoyé Pro-

consul en Erolie il mena quand & luy Ennius le poëte. L'Empereur Iustinien fait li peu de compte des poëtes, qu'il ne leur a daigné donner immunité, ny priuilege aucun. Homere mesme, que lon tient le premier entre tous, poëte philosophant, ou philosophe poëtisant, ne fut il pas condamné par les Atheniens en l'amende de cinquante dragmes, cōme insensé? Lesquels aussi se mocquerent du poëte Tichtee comme estant desgarni de ceruelle. Les Lacedemoniens pareillement ne firent ils pas emporter hors de leurs terres les œuures du poëte Archilochus? Ainsi ont tous les plus gents de bien faict peu d'estime de la poësie, & l'ont desprisée comme source de toute fausseté, à cause de leurs mensonges si monstrueuses & estranges: Car à la verité toute leur estude n'est que d'abuser & entretenir le monde par les desguisemēts de leurs fables, paissans les oreilles des gents peu accorts par leurs vers entassés, & feroient conscience d'auoir escrit chose qui fust bonne & salutaire, faisans sur tout estat & pratique de fumee & vaine ostentation, ainsi qu'a escrit Campanus en quelque endroit:

*Les vers donnent à viure à tous ces fols poëtes:
Mais qui leur oſtera les vains propos qu'ils ont,
Ils se: ont à la faim: car mensonges leur sont
En lieu de grans thresors & de grandes conquestes.
Chacun feint ce quil veut, & le plus grand honneur
Qu'un chacun puisse auoir, c'est d'estre grand mēteur,
Il y a aussi bien entre les poëtes des querelles*
tres

tresaspres, non pas seulement de la maniere d'escire les vers, des pieds, des accents, & de la quantité des syllabes: car les simples Grammairiens en debattent pareillement entre eux: mais de leurs baueries, feintises, & mensonges, ainsi que du nœud de Hercules, de l'arbre chaste, des lettres de Hyacinte, des enfans de Niobe, des arbres sous lesquels Latone accoucha de Diane: en outre de quel pais estoit Homere, du lieu de sa sepulture, s'il a esté premier que Hesiodé, ou Hesiodé premier que luy, si Patrocle estoit plus aagé qu'Achille, de quelle façon Anacharsis Scythe se couchoit quand il vouloit dormir, pourquoy Homere n'a daigné faire mention de Palamedes en ses carmes, sçavoir si Lucain doit tenir rang entre les poètes ou entre les historiens: plus des larcins de Virgile, en quel mois de l'an il mourut, & de l'inuention des vers Elegiaques, dont les grammairiens ont si long temps debattu, & en est encor le proces pendant au croc. Or pour conclusion toutes les poésies sont farcies de fables inuentees & feintes, seulement pour flatter, & mesdire, recitees & chantees pour donner plaisir aux fols. Tout ce que les poètes font, raccomptent, louënt, & inuoquent, ne sont que flatteries. D'autre part s'ils mēdisent, reprennent, mordent, accusent, & vsent de toute autre insolence en leurs fables, ils se monstrent forcenés par tout. Partant Democrite avec raison n'appelle point la poésie art, mais forcennerie outre


la sentence de Platon, qui dit que celuy qui est en son bon sens en vain frappe à la porte de la poésie. C'est alors que les poëtes disent merueilles, quand ils enragent à bon escient, ou qu'ils ont bien beu. Parquoy S. Augustin appelle la poésie vin d'erreur présenté & baillé par des docteurs yures. Sainct Hierosime dit que c'est la viande des diables. Avec ce que c'est vn art maigre, desnüé, & de soy totalement fade, s'il n'est reuestu & assaisonné par quelque autre discipline. Art, dis-ie, affamé, rongeât ainsi qu'un rat le pain d'autrui, & toutesfois il ose bien promettre parmy les cigales de Tithon, les grenouilles des Lyciens, & les formis des Myrmidons ie ne scay quelle gloire & renom immortel, & dire,

*Vostre fortune, enfans, est bien heurée,
Si mes vers ont quelque force ou duree:
Car iamais iour du siecle à l'aduenir
N'abolira de vous le souuenir.*

Gloire qui à la verité est nulle, ou bien de nulle vtilité. Mais cest office est propre aux historiens, à ce qu'ils disent, & non aux poëtes.

De l'Histoire.

CHAP. V.

 R l'on appelle Histoire vne narration de choses qui ont esté faictes, accompagnée de louëge ou de blâme: par laquelle les deliberations, progres, & issues des grandes entreprises, les faicts des Rois & grands personages, avec obserua

seruation de l'ordre des temps & des lieux, sont remarqués, descrits & représentés deuant les yeux ainsi que par vne peinture. Parquoy elle a esté estimée presque entre tous la maistresse de la vie humaine trespropre & vtile pour la dresser & conduire, d'autant que par les diuers exemples des choses d'ont elle fait registre, les gens de bien & de cœur genereux sont enflammés à entreprendre choses belles & honnora- bles pour acquerir bruit & louange immortelle, & les meschans retenus & destournés du vice par la crainte d'infamie perpetuelle. Combien que le plussouuent il en aduient autrement : car plusieurs y a qui ayment mieux auoir grande renommée que bonne, ainsi que dit T. Liue de Manlius Capitolinus, & la pluspart ne pouuans se faire congnoistre par actes vertueux, taschent d'estre renommés en commettant quelque in- signe melchanceté, & par ce moyen laissent me- moire d'eux és histoires : Comme fit Pausanias ieune homme Macedonien, lequel occit le Roy Philippe, dont Iustin fait mention apres Troge Pompee, & Herostrate, qui mit le feu dans le temple de Diane en Ephese, ouurage excellent par dessus tous, & à la construction duquel a- uoyent esté employés deux cents ans, tous les peuples d'Asie contribuans aux frais d'iceluy, ainsi que recitēt Gelle, Valere, & Solin : & com- bien que par ordonnance expresse lon eust de- fendu sous grandes & rigoureuses peines à tous ceux qui se mesloyent d'escrire de faire aucune

mention du nom de ce boutefeu, neantmoins il obtint ce qu'il auoit pretendu par cest acte meschant, à sçauoir renommee: laquelle est paruenue iusques à nostre temps, passant par tant de siecles. Mais retournons à l'histoire, laquelle ores qu'elle requiere grandement que l'ordre & bon accord, la fidelité, & verité en toutes choses foyent gardees, si est-ce que riens moins n'y est obserué, tant sont discordans entre eux ceux qui escriuent les histoires, & si diuerses sont leurs narrations en mesmes subiects: en sorte qu'il est impossible que la pluspart d'entre eux ne foyent faux & mensongers. Je ne veux parler icy des commencements & origines du monde, du deluge vniuersel, de la fondation de Rome: qui sont les lieux d'où ils prennēt volontiers les commencements de leurs histoires: Car le premier est ignoré de tous eux: le second n'est creu de la pluspart: & le troisieme leur est incertain. Parquoy estans ces choses fort loingtaines & diuersement receuës par les hommes, on leur peut pardonner les fautes qu'ils y commettent: Mais en ce qu'ils traictent fauslement des temps plus recents, ils ne doyuent estre excusés de coulpe en sorte quelconque. Les causes de la diuersité qui se trouue en leurs escrits, sont pareillement diuerses: plusieurs escriuans choses qui ne sont aduenues de leurs temps, qu ne s'estans trouués sur les lieux, ny en faict, ny moins conféré avec les personnes lors presentes, s'en tiennēt au commun dire, & escriuent à
la re

la relation d'autrui choses ramassées, incertaines, & mal rapportées : duquel vice sont notés par Strabo Eratosthenes le sceptique ou l'irrésolu, Possidoine, & Patrocle le geographe. Autres aurót bien veu partie de ce qu'ils traittent, mais ce sera comme en passant, ainsi que font les gensdarmes, pelerins & mendiants trauersans pais d'hospital en hospital, & par ces moyens escriuent des histoires, comme iadis firét Onesicritus & Aristobulus des choses des Indes. Aucuns ne feront point de difficulté de mesler des bourdes & mensonges parmy les choses veritables, à fin de donner plaisir, & bien souuent se passeront du tout de dire la verité : de quoy Herodote est repris par Diodore Sicilien, & Trebellius par Laberien, Vopisque & Tacitus par Tertullien & Orose : au nombre desquels nous adiousterons Danudes & Philostrate.

Plusieurs transforment les choses vraies en fables, ainsi que Gnidius, Ctesias, & Hecatee, & plusieurs autres historiographes anciens. Et si il n'y a faute de ceux qui se parent & vantent impudemment du nom d'historien, pour ne sembler estre ignorans d'aucune chose, ou d'auoir rien recueilli des autres, lesquels ce pendant nous racomptent avec grand babil des nouueautés de pais & terres inaccessibles & loingtaines, qui se trouuent en fin autant de belles fables, & menteries prodigieuses, ainsi que sont les comptes des Arimaspes, des Gryphons, des nains, &

de la guerre que leur font les grues, des habitas de certaines contrees qui ont les testes comme chiens, des Astromores, Pieds-de-cheual, Phaniſies & Troglodites : Ausquelles niaiseres l'on peut adiouter l'erreur de ceux qui afferment que la mer est congelee sous les poles : & toutesfois ils n'ont faite de gents folles & sans iugement qui leur adioustent foy, ainsi que si c'estoyent prophetes. Ephore fut de ces compteurs de nouuelles, lequel disoit que l'Hiberie, qui est vne bonne partie de l'Eſpagne, n'estoit qu'une cite : & Estienne Grec, qui a faict le catalogue des villes, qui escrit que les François estoient peuples d'Italie, que Vienne est vne cite de Galilee, au lieu qu'il eust peu dire Galatie. Arrien Grecaussi, qui met les Allemans pres la mer Ionique. Denis peut ſemblablement estre mis en ce rang, pour auoir escrit à la volee des mots Pyrenees. En outre tout ce qu'ont escrit Tacite, Marcel, Oroſe, & Blonde des peuples & contrees d'Allemagne, ne sont que choses imaginees & eslongnees de la verite pour la pluspart. Strabo escrit aussi sans fondement que l'Iſter ou Danube a ſa ſource bien pres de la mer Adriatique, & Herodote le fait couler du coſte d'Eſpagne du pais des Celtes, qui ſont, dit-il, les derniers peuples de l'Europe, & dit qu'il prend ſon cours vers la Scythie ou Tartarie. Derechef Strabo choppe en ce qu'il dit que les fleuves Lapus & Vezzer ſe deſchargent dans la riuier d'Enis, ce qui est faux : Car Lapus entre dans le Rhin,

Rhin, & le Vezer s'embouche en la mer. Pline aussi veut que la Meuse coule dans l'Ocean, laquelle toutesfois se mesle dans le Rhin. Par semblables erreurs se fouruoient les nouueaux Geographes, comme Sabellicus, qui deduit les Alains des Allemas, & les Högres des Hunnes, où il se mescompte, ainsi qu'il fait mettant les Gots & Getes entre les Scythes, & confondant les Danois avec ceux qu'on appelloit Daces, qui sont les peuples habitans aujourdhuy la Transylvanie, Bulgarie, & autres circouoïns, & met le mont S. Othilie en Bauiere, lequel toutesfois n'est guiere loing de Strasbourg. Volaterran fait aussi confondat Austeriane & Autriche, les Auares & Sauares, faisant que Lucerne & Nassium soit tout vn, disant aussi que Pline a fait mention de Berne en Suyse, laquelle nous scauons auoir esté long temps apres edificee par Bertould Duc de Zeringen. Pareillement Conrad Celte, qui dit que les Daces & Cimbres estoient mesmes peuples, & les Cherusses & Ceruses tout vn. Il pense aussi que les monts Riphees soyent en Polongne ou Moschouie, & que l'ambre soit vne gomme distillante de certains arbres. Mais il y a entre les historiens aucuns qui sont coupables de beaucoup plus execrables mensonges : lesquels s'estans trouués presents aux faicts & euenements qu'ils escriuent, ou ayans autrement bien au vray entendu comment ils sont passés, neantmoins se laissent gagner à l'amitié & bienueuillance, ou aux flatteries de

ceux de leur parti, desguisent les choses, mettent en auant & asseurent le faux. Autres ayans entreprins de mettre par escrit des histoires pour accuser ou defendre en icelles les actions d'autrui, poursuyuent & traictent au long seulement ce qui sert à leur argument, dissimulans, taisans, ou rendans plus leger ce qui en est vn peu eslongné, & ainsi nous baillent des histoires imparfaites & corrompues : duquel vice Blonde nostre Orose : lequel a passé en silence ce grand rauage des Gots par toute l'Italie, auquel Rauenne, Candane, Aquilee, Ferrare, & presque toutes les villes d'Italie furent ruinées & renuersees de fons en comble, à fin qu'il n'affoiblist & ne rendist plus maigre l'argument qu'il s'estoit proposé. Plusieurs taisent la verité par crainte ou par hayne & maltalent qu'ils ont contre aucuns. Et autres trop partiaux voulans haut louer les faits & prouesses des hommes de leur nation, reduisent presque à neant ce que les autres ont exécuté, & ne mettent par escrit les choses ainsi qu'elles sont, mais comme ils voudroyent qu'elles fussent : en somme ce qui leur plaist, s'asseurant qu'ils n'auront faute de compagnons menteurs comme eux, ny du tesmoignage & faux adueu de ceux qu'ils auront bien flattés en leurs escrits : qui estoit vn vice fort familier aux anciens Grecs, & aujourdhuy presque à tous ceux qui escriuent les chroniques des peuples, ainsi qu'il est euident de Sabellicus & Blondus és histoires des Venitiens, Paul Emyle & Gaguin en

en celles des François , & semblables , qui sont entretenus par les Princes , non pour autre raison , que celle que dit Plutarque , à sçauoir que ayans l'entendement bon & à commandement, iuffocans la vertu avec les merites d'autrui , ils celebrent leurs faicts & les surhaussent par babil & fictions sous le nom & maiesté d'histoire. Ainsi les Grecs escriuans des inuenteurs des choses se sont attribué tout ce qui n'estoit onques venu d'eux. Encor plus corrompus flatteurs sont certains historiens , lesquels essayans de rapporter & estendre l'origine de leurs Princes aux plus anciens Rois , lors qu'ils se trouuent courts , & se voyent arriüés au bout (recherchant leurs lignees) outre lequel il n'y a memoire ny tesmoignage qui les puisse conduire , ont leur recours aux fables , forgent & controuuent des races, noms & païs estranges & incongnus sans rien craindre. De ceste espece est vn certain barbare Hunibauld , qui a escrit l'histoire des François, & s'est imaginé vne Sicambrie Scythique, vn ieune Priam , & autres noms nouueaux de Rois & de lieux , d'ont il ne fut onques faicte mention par aucun auteur: & toutes fois ses baueries ont esté receuës & imitees par gens de mesme marque. Comme par Gregoire de Tours, Rhegin , Sigebert , & plusieurs autres. De ceste racille est aussi Vitikindus, qui deduit les anciens Saxons & premiers habitans de la Germanie des Macedoniens, & des vieux soldats d'Alexandre le grand : lequel erreur a esté suyui par plusieurs.

sieurs. Il y en a pareillement aucuns qui se mettent à escrire des histoires, non tant pour faire rapport de choses vrayes, que pour delecter, ou bien pour escrire le patron d'un Prince iuste & vertueux en la personne de quelcun qu'ils choisiront à leur fantasie, & s'excusent, si lon les taxe d'estre peu veritables, sur ce qu'ils n'ont pas esté tât soucieux de mettre par escrit ce qui a esté faict, qu'ils ont eu esgard à l'utilité de ceux qui viendront apres, & à monstrier quel estoit la renommee du naturel & esprit d'iceluy. Partant n'ont esté curieux de narrer toutes choses ainsi qu'elles ont esté faictes, mais plustost en quelle maniere on les a deu faire & executer, & qu'ils n'ont entrepris de suyure la verité opiniastrément, là où le mensonge ou fausse inuention peut apporter quelque vtilité au public, allegans pour tesmoing Fabius, lequel ne trouue point mauuais ceste espee de fausseté, qui peut engendrer quelque persuation honneste & vertueuse es esprits humains. Avec ce estiment peu importer à la posterité, pour l'instruction de laquelle ils escriuent, sous quels noms ou en quelle maniere luy est proposé l'exemplaire d'un bon Prince, tel que Xenophon a descrit Cyrus, non pas ainsi qu'il estoit à la verité, mais tel qu'il deuoit estre, & duquel il a escrit vne tresselegante & belle histoire, non veritable routesfois, le faconnant & ornant en sorte qu'il peust seruir de patron original à tous les suyans de tresbon & excellent Prince. De là se sont enhardis plusieurs,

sieurs, qui ont congnu leur naturel fort propre & industrieux à bien palier vn mensonge, d'escrire tant d'inuentions fabuleuses, ainsi que les comptes des Fees Morgain, Maguelonne, Melusine: ceux d'Amadis, Florent, Tirand, Conamore, Artus, Diether, Lancelot, Tristan, & tels liures non moins sots & sans doctrine, que faux: voire plus fabuleux qu'aucune des comedies ou tragedies des anciés poëtes. Toutesfois aucuns sçauans ont escrit quelque chose de cest argument, dont les principaux sont Apulee, Lucien, & Herodote pere de l'histoire: comme aussi Diodore Sicilien, & Theopompe, és liures duquel, selon le rapport de Ciceron, se treuuent plusieurs comptes fabuleux & pleins de mensonge. Car là nous lisons, que pendant que le Roy des Medois disnoit les riuieres estoyët beuës & raries, & que le mont Athos estoit trauersé à la voile, & tout ce que la Grece mensongere ose mettre en auant sous pretexte d'histoire. Pour ces causes ne se trouue il point d'histoires auxquelles on doyue adiouster pleine & entiere foy, non obstant que ce soit là où nous la requerons & cherchons principalement. Et est tresdifficile d'asseoir le iugement qu'il conuient pour discerner entre icelles. Car, n'ayans esté tenus registresny actes publics de ce qui s'est passé, pour y auoir recours lors qu'il est besoing de sçauoir la verité des choses, & pouuoir par iceux conuaincre les menteurs, chacun a prins licence de suyure son opinion, & par là se sont dispensés d'errer

d'errer & de ne dire aucune verité: dont est procedee la grand' discorde que lon void entre les historiens, tellement que, ainsi que Iosephe escrit contre Apion, ils combattent leurs liures par leurs liures mesmes, & escriuent de mesme subiect choses totalement differentes. En combien de lieux, dit il, est discordant Hellanicus d'auec Agesilaus sur les genealogies, & Herodote repris par Agesilaus, & Hellanicus argué de mensonge par Ephore, luy par Timee, Timee par ceux qui sont venus apres luy, Herodote par tous en general? Mais Timee n'a daigné ensuyure en chaque endroit Antiochus, Philiste, ou Callias. Thucydide est accusé de faux en plusieurs passages, nonobstant qu'il aye reputation d'auoir escrit fort consciencieusement son histoire. C'est ce que Iosephe dit des autres: Mais luy mesme est corrigé par nostre Egesippe. D'auantage il se treuve beaucoup de recits dans plusieurs histoires, qui ne sont pas tous bons ny honnestes, & toutesfois ils les approuuent & louënt, encor qu'ils n'en soyent dignes: & plusieurs y proposent des exemples, qui ne doyuent estre nullement ensuyuis: Car ceux qui magnifient & ornent de tant de louenges Hercules, Achilles, Hector, Thesee, Epaminondas, Lyfander, Themistocles, & puis Xerxes, Cyrus, Daire, Alexandre, Pyrrhus, Annibal, Scipion, Pompee, & Cesar, que font ils autre chose que publier les ruines, rauages, & pilleries de ces grands, fameux, & terribles brigands de tout le
mon

monde ? & les représenter & décrire ? Mais ils ont esté grands & excellents Capitaines. Soit, pourueu que lon m'accorde qu'ils ont esté tres-meschans hommes. Si quelcun me dit que par la lecture des histoires on peut acquerir grande prudence, ie le veux, & ne le nieray point : mais aussi il faut qu'il confesse que lon y peut apprendre beaucoup de malice & de dommage inestimable : & qu'on y treuve (comme dit Martial en quelque lieu) beaucoup de bien, beaucoup de mal, & beaucoup de choses qui participent de l'un & de l'autre.

De la Rhetorique.

CHAP. VI.

QVant à la Rhetorique, qui suit de pres l'histoire, il n'est encor arresté si c'est vn art ou non, entre gents grâues & honorables, qui en sont encor en proces. Socrates mesme, selon que rapporte Platon, par bonnes & asseurees raisons maintient qu'elle n'est ny art ny science, mais vne certaine dexterité d'esprit, qui n'est ny belle ny honneste, ains plustost vne sale & seruile maniere de flatter. Et si, à ce que disent Lysias, Cleanthes, & Menedemus, l'eloquence ne peut estre comprinse par aucun art, ains faut qu'elle procede de nature, laquelle donne adresse à chacun de bien exposer & donner à entendre ses affaires, de flatter quand il est besoing, & confirmer son dire par raisons & arguments, & que la memoire, la prononciation, l'inuention
des

des beaux subiects, tout cela ne vient (disent ils) que de nature. Ce qui apparut clairement en l'orateur Antoine, le plus estimé qui fut entre les Rommains. Et combien que auant Thissias, Corax, & Gorgias il n'y eust aucuns preceptes escripts, ny enseignements de rhetorique, il ne laissoit pourtant d'estre force gents bien parlans naturellement, & de seule bonté d'entendement.

Dauantage, puis que l'on definit l'art estre vn recueil de preceptes tendans à certaine fin, les rhetoriciens sont encor en debat quelle peut estre ceste fin & ce but, sçauoir si c'est de persuader ou de bien dire, & ne se contentans des vraies causes en imaginēt & feignent des nouuelles. Auec cela tant de theses ou questions generales, & particulieres ou hypotheses, figures, couleurs, manieres de parler, persuasives, controuerses, harangues, proëmes, insinuations, attraiçts de beneuolence, & narrations artificieuses ont esté par eux trouuees, que c'est chose presque infinie: & toutesfois ils n'ont encor iceu attaindre, ny melme congnoistre ceste fin de rhetorique. Les Lacedemoniës l'ont du tout reprobuee, disans que le langage d'un homme de bien doit proceder du cœur, & non d'aucun artifice. Les anciens Rommains ont semblablement long temps tenue la porte fermee aux rhetoriciens. Et iagoit que Ciceron aye faict tout ce qu'il a peu pour donner à entendre que la faculté de bien dire ne depēd point tant d'art que de

de prudence, ayant à ceste cause composé son liure du parfaict orateur, si est ce que cest orateur, qu'il a formé & façonné pour seruir aux autres de patron, n'est point approuué d'un chacun: Car mesme il fut suspect à Brutus, homme de singuliere integrité. Tellement que ceste sentence est demeuree ferme, que les preceptes & reigles de bien parler ont tousiours porté plus de nuisance à la vie des hommes, que de profit. Et, pour en parler à la verité, toute ceste discipline de rhetorique n'est autre chose, qu'une maniere ou artifice de bien flatter & amadouer, ou, pour le dire plus clairement, de bien mentir, à fin de persuader sous vn faux voile ou masque de belles paroles, ce que l'on ne sçauroit faire exposant la chose à la verité & à descouuert, ainsi que disoit Archidamus de Pericles le Sophiste, (selon que recite Eunapius:) Car estant interrogué Archidamus lequel d'eux estoit le plus vaillant, encor (disoit il) que i'aye vaincu Pericles au combat, si est ce que quand on vient à parler de ces choses, il est si bien pourueu de langage, qu'il fait à croire qu'il n'a pas esté vaincu, mais qu'il est le victorieux luy mesme. Pline aussi dit de Carneades que l'on n'eust sceu presque comprendre quelle estoit la verité lors qu'il disputoit & argumentoit: Duquel il est semblablement escrit, que ayant vn iour discoursu de la iustice publiquement, sagement, & en fort beaux termes, le iour apres il se mit à haranguer contre la iustice avec non
d moindre

moindre doctrine & richesse de paroles. En la ville de Syracuse estoit le rhetoricien Corax, homme d'esprit, prompt, & subtil à bien dire, lequel enseignoit cest art à prix d'argent. A iceluy s'adressa Thissias, qui luy promit double salaire lors qu'il luy auroit appris la rhetorique, (car il n'auoit pour l'heure argent comptant.) A quoy s'accorda Corax, & l'enseigna. Ayant donques Thissias appris cest art, il voulut circonuenir son maistre touchant le prix qu'il luy deuoit, & pource luy demanda que c'estoit que rhetorique. C'est (dit Corax) celle qui fait que nous persuadons ce que nous voulons aux hommes. Alors Thissias argumenta contre son maistre en ceste façon: Si ie te puis persuader (dit il) ce que ie te diray touchant le salaire que tu pretens de moy, à sçauoir qu'il ne t'est point deu, ie ne te deuray rien, d'autant que ie t'auray ainsi persuadé: Mais si ie ne te le puis persuader, tu ne me dois rien demander, pource que tu ne m'as point enseigné l'art de persuader. A iceluy Corax, reiectant presque le mesme traict, respondit en ceste sorte: Si en disant du salaire que tu me dois ie te persuade que tu es tenu de me le payer, il est raisonnable que ie le reçoie: car ie t'auray persuadé qu'il m'est deu: Mais si ie ne te le puis persuader, tu seras aussi bien tenu de me le payer, d'autant que ie t'ay si bien enseigné que tu en sçais plus que ton maistre. Les Syracusains, qui les auoyent ouïs debattre par ces arguments renuersés l'un contre l'autre, s'escri-

rent,

rent, de mauuais corbeau mauuais œuf (tel maître rel disciple,) voulans denoter que si l'un estoit mauuais, l'autre estoit encor pire. Presque semblable compte est recité par Gelle de Protagoras le sophiste & de son disciple Euathle. Lon dira que c'est chose belle, delectable, & vtile, de sçauoir dire bien, parfaictement, graument, copieusement, & en beau & riche langage ce que lon veut: Si est ce que cela est quelquesfois mal seant, hors de raison, & bien souuent dangereux, mais en tout temps c'est chose soupçonneuse. A ceste cause Socrates ne fait aucun compte des rhetoriciens, & ne les estime dignes de tenir rang d'honneur ny d'autorité en la chose publique bien ordonnee. Platon les exclud & chasse de la sienne, avec les ioueurs de farces & les Poëtes, & à bon droit: Car il n'y a rien plus dangereux aux charges & affaires publiques que cest artifice, lequel monstre à se vexer & trahir l'un l'autre, par collusions, tergiuerfations, calomnies, imputations, & autres telles façons desquelles les hommes s'accoustrent par le moyen de leurs meschantes & malheureuses langues. Les hommes garnis de cest art font souuent des liguees & conspirations par les villes, & y esmeuent des seditions, trompans par leur babil artificieux, picquans, calomnians, brocardans, & flattans ores l'un ores l'autre, vsurpans par ce moyen vne certaine tyrannie sur les innocents. Partant Euripides disoit tresbien, que sçauoir bien parler de beaucoup de choses sentroit son

d 2 tyran.

tyran. Et *Æschylus*, que le mal plus detestable qui soit, est vn langage orné & bien accommodé. *Raphaël Volaterran*, trescurieux rechercheur des histoires & exemples, confesse n'auoir remarqué en tout ce qu'il a peu lire, tant és anciens que modernes auteurs, que bien peu de gens de bien pourueus d'eloquence. Ne li-
sons nous pas que par ceste faculté de bien cau-
ser les plus puissantes republiques ont esté trou-
blees grandement, & quelquesfois du tout de-
struites? Les Bruts, Casses, Gracques, Catons,
Ciceron, Demosthene nous seruent de preuues
lesquels, comme ils ont esté des plus eloquents
hommes de la terre, aussi n'en scauroit on trou-
uer de plus seditieux tant qu'ils ont vescu. Ca-
ton le Censeur fut accusé en iugement quarante
fois: mais luy intenta plus de septante proces
criminels contre autres, ne cessant, tant qu'il eut
vie, de troubler la tranquillité publique par ha-
rangues & plaidoyers enragés. L'autre Caton,
surnommé d'Utique, irrita tellement Cesar,
qu'il luy donna occasion de renuerser de fons
en comble la liberté du peuple Rommain. Ci-
ceron prouoqua pareillement Antoine à la de-
struction de la republique de Romme, & De-
mosthene le Roy Philippe au grád dommage de
celle d'Athenes. En somme il ne se trouuera au-
cune republique, d'ont l'estat n'aye esté peruer-
ti par cest artifice, ny aucun personnage qui n'aye
esté offensé par ce vice d'eloquēce s'il y a voulu
prester l'oreille. Es iugements l'assurance de
bien

bien parler, & la fiance que lon y met, a pareillement vne grande force: par elle sont soustenues les mauuaisés causes, & est sauué du supplice celuy qui est coupable & conuaincu de crime, & l'innocent accusé & bien souuent condamné. Et n'y eut onques aucun si bien defendu par cest artifice, que celuy qui estoit partie contraire n'en aye esté offensé. M. Cato, le plus sage homme qui fut à Romme, empescha que Carneades, Critolaus, & Diogenes, qui estoient trois Ambassadeurs enuoyés par les Atheniens, ne fussent ouïs publiquement dans la ville, pour ce qu'ils estoient si bien pourueus de prompt & subtil entendement, & de beau & riche langage, qu'il leur estoit facile de persuader aussi tost le bien que le mal. Et est certain que Demosthenes s'est vanté quelquefois estant entre ses amis, de pouuoir faire tourner & incliner les sentences des Iuges à sa volonté par l'art & force de ses paroles: à l'appetit duquel les Atheniens ont eu souuent ou paix ou guerre avec le Roy Philippe: & tant auoit il de pouuoir à esmuouoir ou rasseoir les esprits, affections, & volontés de ses concitoyens, qu'il les manioit & tournoit en parlant la part où il vouloit, ainsi que s'il eust eu puissance souueraine par dessus eux. Pour telle raison Ciceron estoit appelé Roy à Romme par aucuns, pource que en disant il faisoit condescendre le Senat où il luy plaisoit, & manioit tout par la force de son oraison. Par ces choses il appert donques que la republique

d 3 n'est

n'est autre chose qu'un art de persuader ou faire croire, d'esmouuoir & conduire les affections, rauissant les esprits par subtile façon de parler langage fardé, & frauduleuse verisimilitude : par lesquels moyens elle subuertit le sens de la verité, & attire les entendements humains en vne prison d'erreurs. Mais si par la bonté & benefice de nature il n'y a chose que lon ne puisse bien exprimer de simple voix & langage naïf, de quoy sert ceste estude de masquer ainsi ses paroles? Y a il chose plus pestilentieuse? La parole de verité est simple, mais vifue, & penetre iusques à l'ame, separant les pensées & intentions du cœur, & diuisant ainsi qu'un glaiue tranchant des deux costés aisement toutes les conceptions & contrarietés artificielles des rhetoriciens. A ceste cause Demosthene, lequel ne faisoit compte de tous ceux de son temps qui vloyent l'artifice en leurs harangues, dès qu'il voyoit que Phocion vouloit parler, se trouuoit estonné, & craignoit cestuy là seul : car il ne disoit rien de superflu ny hors du propos dont il auoit à traiter, & ce avec simplicité & briefueté. Parquoy il l'appelloit la coignée de ses oraisons. Les Rommains anciens entendoient possible bien cela, quand ils chasserent par deux fois les orateurs de leur ville, selon que tesmoigne Suetone, à sçauoir vne fois sous les consuls C. Fannius Strabo & M. Valere Messalla, & de rechef estans Censeurs Cn. Domitius Barberousse, & L. Licinius le gros, & ce par ordonnance publique. Et puis,

puis, regnant Domitian, ils furent iectés hors, non seulement de la ville de Romme, mais de toute l'Italie, aussi par decret de tout le Senat assemblé. Les Atheniens leur defendirent la cour, & l'assemblée, ainsi que à peruertisseurs de iustice, & condamnerent à mort Timagoras, pource qu'il auoit par grande flatterie salué le Roy Daire à la façon des Perses. Les Lacedemoniens chasserent Ctesiphon, à cause qu'il s'estoit vanté de pouuoir discourir tout vn iour sur tel subiect qu'on eust voulu : car il n'y auoit chose qui plus leur fust odieuse que cest artifice & curieux arrangement de paroles en ceux qui n'ont aucun souci de proferer ce qui est veritable : mais se mettās à traicter de quelque chose de petite consequence, employēt tout leur estude à l'emmieller & parer de paroles attrayantes & magnifiques, pour endormir les esprits, à fin de mener avec leurs langues les hommes attachés par les oreilles. Parquoy il est euident que aucun n'est oncques deuenu meilleur par cest artifice, mais que plusieurs y sont empirés. Et quand ainsi feroit qu'ils peussent traicter & discourir des vertus avec paroles ornees & elegantes, ne voyons nous pas qu'ils ont beaucoup plus d'heur, de grace, & d'eloquence quand ils veulent defendre les erreurs, semer des noises, esmonuoir des factions, accumuler iniures & outrages, mesdire ou calomnier, que lors qu'ils se meslent de traicter paix, concorde, & tranquillité entre ceux qui sont diuisés, ou recommander l'amour, la

foy, & la religion? D'abondant ce mauuais art a donné cœur à plusieurs de se retirer de la vraye religion, & a faict foisonner plusieurs schismes, superstitions, sectes, & heresies: Car aucuns mesprisans les saintes Lettres, pource qu'elles ne sont enduites de la douceur d'une eloquence Ciceronienne, ont trouué plus de goust aux arguments sucrés des ethniques & payens, se sont arrestés à iceux, & bandés contre la verité de l'eglise vniuerselle. Ce qui est euident en ceux que lon appelloit Tatiens heretiques, & ceux qui furent seduits par Libanius le sophiste, & Symmachus l'orateur aduocats & protecteurs des idoles, & par Celsus l'Africain, & Iulian l'Apostat, avec leurs grands rhetorismes s'esleuans, contre nostre seigneur Iesuschrist. De l'eloquence desquels, pernicieuse, & pleine de blasphemes les heretiques ont prins plusieurs arguments & manieres de persuader, qu'ils ont instillees aux oreilles des simples gents, les destournans de la parole de Dieu: & n'est besoing de chercher exemples entre les anciens: car nostre siecle nous en fournit assez. Bref les chefs & auteurs de toutes les heresies ont esté pour le plus hommes bien parlans, eloquents & diserts, & pour tels tenus & reputés entre les hommes: & plusieurs encor auiourd'hui se voyent, lesquels cuidans deuenir bons Ciceroniens, se trouuent en fin bons payens: & ceux qui sont par trop addonnés à l'estude de Platon & d'Aristote, ne peuuent faillir d'estre superstitieux ou contem

contempteurs de religion. Et quant à ceux qui desgoisent tant de paroles oiseuses, hors de propos, & outre ce que requiert la simple verité, & en remplissent les oreilles des hommes, ils se doyuent asseurer qu'ils comparoistrôt quelque iour en iugement, pour donner raison de leur vain babil, & mensonges controuuees contre Dieu.

De la Dialectique.

CHAP. VII.

ACes rhetorismes s'adioinct pour aide & secours la dialectique, laquelle n'est semblablement qu'un art de contentions & brouillis, & qui rend les autres sciences plus tenebreuses & difficiles à comprendre: & l'appelle on science enseignant à parler par raison. O miserable genre humain, & vrayement despourueu de raison, s'il ne peut parler par raison sans l'aide de ceste discipline. Neantmoins Seruius Sulpitius dit que c'est le plus excellent de tous les arts, & comme vne lumiere, par laquelle on peut voir & congnostre tout ce que les autres enseignent: d'autant que (comme dit Cicero) il monstre à distribuer toute la chose en ses parties, & descouure ce qui y est de caché en la definissant, donne à entendre ce qu'elle contient d'obscur par interpretation, & enseigne à considerer & distinguer les ambiguïtés: en somme baille reigles, par lesquelles on peut discerner le vray du faux en tout ce qui est proposé. Dauantage les dialecticiens

Eticiens se vantent de pouuoir trouuer & bailler la definition, qu'ils appellent essentielle, à toutes choses, & toutesfois il ne leur est encor aduenü d'en bailler vne en paroles si claires que l'esprit n'en soit demeuré aussi peu sçauant qu'au parauant. En sorte que si quelcun parlant d'un homme à vn qui ne seroit instruiet l'appelloit animal raisonnable & mortel, il seroit moins entendu que s'il le nommoit simplement homme. Boëce entre les Latins a escrit assez de choses sur ceste discipline, lesquelles ne se trouuent toutes : Mais Aristote est celuy qui emporte le prix, parce qu'il a escrit des predicamets, des argumets, & de leurs lieux ou sieges, de l'interpretation, des resolutiōs, & autres traictés. A la suite duquel les Peripateticiens ont conclud q̄ lon ne peut sçauoir asseurement aucune chose, sinon que on la prouue par argument demonstratif, tel que Aristote le leur enseigne : duquel toutesfois il ne s'est serui en pas vn endroit de ses œuvres, attendu que toutes ses argumentations sont par luy deduites de choses presuppōsees. Et par tant à son exemple tous ces prometteurs de science iusques à present ne nous ont donné aucunes vrayes demonstrations, ou bien fort rares : non pas mesmes es choses naturelles : Mais deduisent celles qu'ils donnent des preceptes & enseignements de leur Aristote, ou de quelque autre qui en a parlé au parauant : l'autorité desquels leur sert de principes demonstratifs. Mais quant à la vraye demonstration, laquelle fait
que lon

que lon ſçait vne choſe, Ariſtote enſeigne que c'eſt celle qui ſe fait par les quidités, ainſi que parlent les dialecticiens (c'eſt l'eſſence propre de ce que lon veut demonſtrer) & par les differences peculieres qui nous ſont preſque toutes cachees & incôgnues. Il dit auſſi que la demonſtration ſe fait par les cauſes de celles qui ſont de par ſoy & ſelon elles meſmes, lesquelles enonciations ſe peuuent conuertir ou renuerſer & eſtre rapportees l'une à l'autre : neantmoins il dit qu'il n'eſt pas permis ny admis d'uſer de demonſtration circulaire par les cauſes. Eſtans donques les vrais principes, à ſçauoir les fondements des choſes & des ſciences, dont les demonſtrations ſont compoſees, à nous pour la pluſpart incongnus, & n'eſtant receuë la circuiſion, il ſ'enſuit que lon ne peut auoir aucune ſcience, ou, ſ'il y en a, elle eſt foible & tres mal aſſeuree : Car il faut croire à ce qui eſt demonſtré par certains principes fragiles, lesquels ſont receus & mis en credit ainſi que communes & generales opinions, à cauſe de l'autorité des ſages qui les ont premierement mis en auant, ou bien nous conuient fonder noſtre ſcience ſur l'experience de nos ſens. Toute congnoiſſance, diſent ils, prend ſon origine des ſens, & la verité des paroles ſe preuue (dit Auerroës) quand les ſens s'accordent à icelles. Et ce eſt plus congnu, & creu eſtre plus veritable, à quoy pluſieurs ſens ſe rapportent. Partant par les choſes ſenſibles, ſelon l'opinion d'iceux, nous ſommes conduits

duits comme par la main à tout ce que nous pouuons sçauoir. Mais veu qu'il est hors de doute que tous nos sens sont souuent trompés, pour certain ils ne sçauoyent prouuer que nous ayons aucune vraye ny certaine experience. D'auantage, veu que les sens ne peuuent atteindre à la nature spirituelle & intellectuelle, & que les causes des choses inferieures, par lesquelles leurs natures, effects & proprietés ou passions deuroyent estre demonstres, sont sans contre-dit incongnues & du tout cachees à nos sens, ne s'ensuyura il pas que aux sens est retranchee la voye de sçauoir la verité? & partant que toutes les deductions & sciences, qui ont leurs fondements plantés sur l'experience des choses sensibles, seront erronees & trompeuses? Quelle est donques l'utilité de la Dialectique? Quel fruiet a lon de ceste scientifique demonstration par les principes & par l'experience? Ausquels estat de besoing croire necessairement, comme à choses certaines & congnues, il s'ensuit que lon a plus de congnoissance des principes & des experiences, que des choses qui sont demonstrees par icelles. Mais espluchons vn peu plus auant cest art. Les Dialecticiens comptent dix predicaments, qu'ils appellent genres generaux, à sçauoir, *Substantia, Quantitas, Qualitas, Relatio, Quando, Vbi, Situs, Habitus, Actio, & Passio*: par lesquels ils croient pouuoir comprendre & entendre tout ce qui est enclos en la rondeur de ce monde vniuersel. Ils disent en outre qu'on peut

peut parler de toutes ces choses & de chacune partie d'icelles sous cinq vocables, qui sont Genre, Espece, Difference, Propre & Accident, qu'ils ont appellé predicables. Ils ont aussi inuenté quatre causes de chacune chose, à sçauoir Matérielle, Formelle, Efficîete, & Finale: par lesquelles ils pésent pouuoir trouuer la verité ou fausseté de toutes choses par certaine infallible demonstration, à sçauoir par vn argument formé selon vne des dixneuf manieres comprises és trois ordres ou figures (qu'ils appellent) de Syllogismes. Et est tout syllogisme ou demonstration composée par eux de trois termes, qu'ils appellent, à sçauoir le subiect de la question dit Mineur, le prononcé de la question, ou Maieur, & le troisieme est appellé Moyen participant de l'un & de l'autre: desquels termes ils font deux propositions nommees premisses ou precedentes, à sçauoir la maieur & la mineur, & d'icelles tirent finalement la conclusion, passant d'un extreme à l'autre, tant qu'ils se trouuent au bout de leur carriere. Voilà tout le bel artifice & les dernieres bornes esquelles ils cuident assembler, diuiser, & conclurre toutes choses par le moyen de certaines maximes à leur aduis inexpugnables. Tels sont les hauts & estranges mysteres de l'artifice logical recherchés avec longs & ennuyeux traux par ces maistres abuseurs, & lesquels, ainsi que tresgrands secrets, il n'est permis de reueler ny mesme d'apprendre, sinon que lon aye moyen de payer grand salaire à ceux
qui les

qui les enseignent, & acquérir à grands frais ceste autorité és escholes. Bref ce sont leurs chiens courans, & leurs rets, par lesquels ils pourfuyent & prennent, ce leur semble, la verité en toutes choses, soyent subiectes à nature, comme celles qui appartiennent à la physique, soyent accompagnantes la nature, comme les mathematiques, soyent surpassantes icelle, ainsi que les considerations Metaphysiques. Mais il faut plustost dire que par tels artifices en debattant par trop de la verité ils la perdent, selon le proverbe de P. Clodius & de Varron. Iusques icy s'estendent les bornes & limites des anciens dialecticiens.

De la Sophistique.

CHAP. VIII.

MAis l'eschole des nouveaux Sophistes nous a bien amené des monstres & prodiges plus estranges & en plus grand nombre: Des passions, des termes, de l'infini, des comparatifs & superlatifs: De la difference d'entre ce que lon dit estre autre, & ce qui n'est pas de mesme: Des propositions où sont tels mots, *Il commence, il cesse*: Des formalités, instants, hecceïtés, ampliations, restrictions, distributions, intentions, suppositions, appellations, obligations, consequences, indissolubles: Des propositions qui se peuvent exposer, des reduplicatives, exclusives, instances, cas, particularisations, supposés, mediats, immediats, complets, non complets, complex,

plex, non complex, & autres vocables intolerables & vains, qu'ils enseignent és traictés qu'ils appellent petits logicaux : par le ministere desquels ils peuuent facilement faire aduouër & confesser ce qui est faux en effect & impossible en nature: & au contraire consommer & ruiner la verité, faisant vne saillie sur elle au despourueu, ainsi que du cheual de Troye, avec tels engins & foudres de paroles. Il y en a entre eux qui n'admettent que trois predicamets, & deux especes de syllogismes, qui se peuuent former en huit manieres. Se mocquent des propositions qu'on appelle modales, & des termes dont lon vſe pour distinguer la chose selon les diuerses consideratiōs d'icelles, à ſçauoir vnie en ſoy, que lon dit *Concretum*. ou bien distincte en ſes propriétés & chacune d'icelles à part, qu'on appelle *Abstractum*. Et s'en trouue d'autres qui comptent iusques à onze predicaments, & vne quatrieme figure ou ordre de Syllogismes, accroissent le nombre des predicables & des causes, & mettent en auant tant d'autres inuincibles subtilités Scotiques, q̃ les ruses de Cleanthes & de Chrysippus, & les attrapaires de Daphitas, Euthydemus & de Dionysiodore seroyēt trouuees lourdes & du tout rustiques au prix des inuentions de nos nouueaux sophistes : lesquelles aujourdhuy en tous endroits presque toute la troupe des scholastiques s'occupe par malheureux & damnable estude, n'y faisans autre profit sinon d'apprendre à errer en debattant

tant continuellement, & estans tousiours aux
couteaux entre eux pour deliurer & mettre au
large la verité, laquelle neantmoins ils enuelop-
pent & restraingnent dauantage, ou la perdent
du tout. Toute la science desquels n'est autre
chose qu'une trappe construite & façonnée de
certains vocables & manieres de parler cor-
rompues & deprauees, ayans peruersti cauteleu-
sement la propriété & droit vsage des mots, &
forcé vne langue, de laquelle ils sont du tout
ignorans: transformans par ces moyens la ve-
rité selon des expositions vraysemblables. Tout
l'honneur & gloire desquels depend des iniu-
res & crieries, comme gents qui ne cherchent
point tant la victoire que de se nourrir en per-
petuelle guerre, & ne se soucient point tant de
trouuer la verité, que d'en débattre: tellement
que celuy est estimé le plus vaillant, qui fait plus
grand bruit, & est plus impudent, audacieux, &
plus dangereux de la langue que les autres, &
comme dit Petrarque, soit qu'ils ayent honte
de leur stile sot & grossier, ou qu'ils confessent
en cela leur ignorance, ils sont sans merci & im-
placables de la langue: mais ne veulent point dis-
puter par escrit, de peur qu'on ne considere de
pres les haillons dont ils se parent, partant ils
combattent tousiours en fuyant, ainsi que fai-
soyent les Parthes, & dardent leurs vaines pa-
roles en l'air, ainsi que s'ils desployoyent les
voiles aux vents. C'estont ces braues & rusés di-
sputeurs d'ont fait mention Quintilien, lesquels
estans

estans tirés loing de leurs cauillations, sont du tout mal propres & insuffisans à toute autre chose, tant peu soit elle graue & honneste, ressemblans à certains petits animaux qui sont fort remuans entre les destroits & lieux pressés: mais s'ils sortent vn peu en campagne, sont aussi tost prins: parquoy craignent de venir au large. Et n'y a rien plus vray que ce que lon dit communement, que les destours sont soulagemens pour les infirmes, en sorte que ceux qui ne sont bôns coureurs taschent d'eschapper & deceuoir en tournant quelque coing. Ainsi craignent les Sophistes de disputer là où il y a des greffiers qui enregistrent leurs raisons & allegations, ou quand on leur veut confronter les liures & auteurs: mais cherchent de debattre seulement de la langue par clameurs qui ne font que passer legerement à trauers la memoire & les oreilles oublieuses, sans vouloir qu'il y aye plume ny escriture aucune. Peu leur chaut par quel ordre & raisons ils procedent, pourueu qu'ils esmeuent proces & debat: encor moins quelles paroles ils desgorgeant, ny quelles opinions ils mettent en auant, pourueu qu'ils parlent haut, & debattent fort & ferme: Car celuy qui a plus de babil est entre eux estimé le plus sçauant. Ils vont d'eschole en eschole, de place en place, de table en table garnis de ces abus & enchantemens, cherchans quelque aduersaire. L'ayans trouué ils le deffient & tirent en dispute, l'assailent, luy courent sus: s'il leur preste le collet, &

e qu'il

qu'il les secoue vn peu rudement, ils taschent d'eschapper, & ont recours à leurs destours & cachettes accoustumees, faisans autant de tours & retours qu'e s'ils auoyent à circuir tout vn labyrinthe. Et si quelcun les desdaigne, & ne veut entrer en conference avec eux, ils luy feront quelque frauduleuse demande sur quelque point, auquel il n'aurapossible bien aduise, à fin que, s'il respõd au despourueu, il soit facilement conuaincu d'erreur, ou, s'il ne veut respondre sur le champ, ou qu'il die qu'il ne sçait que c'est, ils luy facent receuoir vne honte, & le chassent avec battements de mains, & que eux en soyent plus estimés, & obtiennent l'honneur d'estre sçauans en toutes les parties. Mais considerons vn peu le fruit qu'a apporté ou pourroit porter à l'Eglise de Iesuschrist la dialectique avec les sophistes: lesquels ne s'accordans nullement aux traditions diuines, les confondent par raisons imaginees à leur appetit, & deduites d'interpretations erronees. Ausquelles pendât qu'ils s'addonnēt par trop, & y croient, la lumiere de verité s'en va, & s'augmentent les tenebres, qui les enueloppent & aueuglent en sorte, qu'ils deuiennent à bon escient maistres & conducteurs d'aueugles, avec lesquels ils se precipitent en la fosse par leurs fausses argumentations & apparences de raisons friuolles, tousiours nauigans sur ce profond gouffre d'erreur & d'ignorance, deceuans ceux qui ne sont bien instruits, se glissans ainsi que couleures parmy
les

les simples, lesquels ils attirent à leurs resueries & fausses opinions par ruses & aguets de paroles seduifantes, les faisans sonner si haut, qu'il semble que la sainte Theologie ne içauroit estre retenue entre les hommes sans la logique ou dialectique, sans noises & altercations, & sans sophisteries. De ma part ie ne veux nier que la dialectique ne donne quelque ayde aux exercices scholastiques: Mais quant aux contemplations & considerations de Theologie, ie ne vois qu'elle y puisse de rien seruir. Car la souveraine dialectique du Theologien gist en l'oraison, & ne nous a nostre Seigneur Iesuschrist promis en vain que nous receurons si nous luy demandons. Et partant ie croy que auant que les scholastiques contentieux ayent appris leur dialectique, les fideles chrestiens ont impetre abondamment la verité qu'il nous est necessaire de sçauoir du maistre de toute verité. Avec ce la dialectique au plus haut qu'elle puisse atteindre par tant d'ambiguités & circuits de paroles, ne sçauroit passer outre la philosophie: mais par le moyen de l'oraison faicte en foy nous pouuons monter iusques au sommet de la sapience diuine & humaine. Partant ceux là errent qui pensent que la dialectique soit vn engin & instrument de fort grande efficace pour destruire & renuerser les opinions des heretiques, veu que au contraire c'est le rempart & la defense de tout tant d'heretiques qui ont iamais esté. Par cest artifice Arrius & Nestorius se sont rendus

si insensés, que l'un a maintenu qu'il y auoit en la trinité diuerses substances selon diuers degres & diuers temps. L'autre nie que la vierge Marie aye esté enceinte de Dieu ou enfante Dieu, d'autant qu'ils ont presumé de mesurer les œuvres de Dieu par leurs sophismes logiques, faisant plus d'estat des reigles de dialectique d'Aristote, qu'ils n'ont prins garde de pres aux paroles de la sainte escriture. Car toutes les erreurs des heretiques (dit S. Hierosme) ont trouué giste & repaire entre les broussailles & halliers d'Aristote & de Chrysippus. De là Eunomius infere que ce qui est nay n'a peu estre auant qu'il fust nay. Là s'est fondé Manichee, quand pour vouloir exempter Dieu d'estre auteur du mal, il a dit qu'il y auoit vn autre mauvais Dieu, lequel auoit cree le mal. Nouatus par là s'est confirmé en son opinion, lequel maintient qu'il n'y a aucun pardon apres le peché, à fin que la repentance aille pareillement à bas. De ces fontaines & sources toute la doctrine des heretiques tire les ruisseaux de ses argumentations : Car puis qu'il n'y a propos auquel on ne puisse contredire, ny argument qui ne soit repoussé par vn autre argument, à quelle science ny verité scauroit on iamais paruenir par les disputes de dialectique ? Mais il aduiert bien plus tost que plusieurs se desuoient de la verité, & tumbent en heresie lors qu'ils pensent auoir descouuert vne verité plus asseuree par les arguments de logique : ou bien cuidans confuter les

here

heretiques employent choses qui ne sont guieres de meilleur mise : A raison de quoy Platon a ordonné que ceux qu'il appelle gardes en sa republique mettront leur estude à la dialectique fort sur le tard, d'autât qu'elle tient l'un & l'autre parti, & sont toutes ses disputes à deux endroits, & partant ne peut donner raison bien asseuree de ce qui est honneste ou non. Or il suffit quant à la dialectique.

De l'art de Lullius. CHAP. IX.

RAymond Lullius depuis quelques années a inuenté vn art prodigieux, à peu pres ressemblant à la dialectique, par le moyen duquel vn chacun pourra discourir & disputer promptement & au long de quelque subiect qu'on luy puisse proposer, ainsi que lon dit de Gorgias Leontin, lequel fut le premier qui osa es assemblees des hommes sçauans demander de quelle matiere lon vouloit qu'il parlast. Cest art donne inuention par vne ingenieuse façon de brouiller les noms & parolès, & avec parade d'un babil affecté de soustenir ores l'un ores l'autre parti, de quelque propos curieux qui puisse estre mis en auant, sans laisser prinse ny moyen à son aduersaire de vaincre : & peut estendre & amplifier hors de mesure choses petites & de peu d'apparence : Duquel il n'est besoing de parler plus au long : car nous auons fait des commentaires à part sur iceluy assez amples : par lesquels

toutesfois nous ne voudrions qu'aucun fust deceu ny induict à faire grand compte de chose qui est assez legere : Combien qu'il puisse sembler que nous l'ayons fort prisee en iceux, neantmoins elle le descouure & fait assez congnoistre d'elle mesme, en sorte qu'il n'est besoing d'en debattre beaucoup. Il faut cependant que lon soit aduerti qu'à la verité cest art sert beaucoup plus pour faire beau semblant & monstre d'un bon esprit & doctrine, que pour acquerir science en effect ny erudition aucune, & qu'elle est mieux pourueue d'audace que d'efficace. Au surplus est toute barbare, sans grace ny douceur, si elle n'est enrichie par quelque sçauoir exquis prins d'ailleurs.

De la Memoire artificielle. CHAP. X.

ENtre les arts susdits lon peut nombrer celuy de la memoire locale ou artificielle, qui n'est autre chose sinon vne maniere d'enseignement par certains lieux & images seruans comme de lettres imprimees ou escrites en vne peau de parchemin. Et fut premierement trouué par le poëte Simonides, & depuis reduit à sa perfection par Metrodore le sceptique ou enquesteur. Quoy que ce soit elle ne peut seruir sans la memoire naturelle : laquelle bien souuent est tant troublée & estonnée de ces monstrueuses figures, qu'au lieu de l'accroistre & la rendre plus ferme, elle induict l'homme à folie & frenesie.

nesie. Tellement que ceux, qui ne se veulent contenir és bornes de nature, & surchargent leur memoire naturelle de tant d'imaginacions & si grande diuersité de choses & de paroles, apprennent à deuenir enragés artificiellement. Or comme vn iour Simonides ou autre en eust fait feste à Themistocles, s'offrant de la luy enseigner, l'aymerois mieux, luy dit il, que tu m'apprinses l'art d'oublier : Car plusieurs choses me reuiennent en memoire qui me faschent, lesquelles ie voudrois bien oublier si ie pouuois. Et Quintilien dit de Metrodore, que c'estoit à luy vanité & sotte vanterie de se vouloir glorifier de la memoire artificielle plustost que de la naturelle. Ceux qui en ont escrit entre les anciens sont Ciceron en ses nouueaux preceptes de rhetorique, Quintilien en ses institutions, & Seneque, & des modernes Franc. Petrarque, Mareol Veronois, Pierre de Rauenne, Herman Busch, & plusieurs autres gents indignes d'en faire mention, & la pluspart d'esprit lourd & de petite renommee. Plusieurs aussi en font profession, & l'apprennent publiquement tous les iours : mais peu se trouuent qui y facent fruiet, & bien souuent sont leurs precepteurs payés de honte : Car lon void communement que ces brouillons abusent les escoliers és Vniuersités & colleges, & raschent d'attraper leur argent par le moyen de ceste nouueauté. En somme, c'est vne niaiserie & gloire puerile de faire parade de sa memoire : & chose laide & impu-

dente de desployer en monstre comme vne mercerie ce que lon a leu à foison, & que ce pendant la ceruelle soit vuide de iugement & bonne doctrine.

Des Mathematiques en general. CHAP. XI.

IL est maintenant temps de dire des disciplines mathematiques: lesquelles sont estimees les plus certaines de routes. Neantmoins toutes n'ont fondement ailleurs qu'és opinions de ceux qui les ont enseignees: lesquels n'ont pas failli peu souuent: & toutesfois on leur adioust grand' foy. Ce qui est resmoigné par Alubater l'un d'entre eux, disant que les anciens mesmes iustques passé l'aage auquel Aristote a vescu, n'ont point bien entendu les mathematiques. Et comme ainsi soit que le principal subiect de ces sciences soit le rond, tant en figure que en nombre, ou en mouuement, ils sont toutesfois contrains de confesser que le rond, globe, ou sphere ne se trouue parfaictement en aucun lieu, ny naturellement, ny faict par artifice. Et combien que ces disciplines n'ayent causé en l'eglise de Dieu guiere d'heresies, ou point du tout: si est ce que, comme dit S. Augustin, elles sont inutiles à nostre salut, & plustost nous destournent de Dieu, & induisent à pecher, que autrement: & ne sont, ainsi que S. Hierosme afferme, sciences dignes de personnes craignans Dieu.

De l'Arithmetique. CHAP. XII.

Notre icelles l'arithmetique tient le premier lieu. C'est la science des nombres, qui est comme la mere & origine des autres : non moins superstitieuse que vaine : de laquelle n'est faite aucune estime, à cause du vil exercice de compter, si ce n'est par marchands, & pour l'avarice. Car elle traite des nombres, lesquels elle enseigne à diuiser, quel est le nombre pair, quel est le nonpair, le pairement pair, le pairement impair, & quel est l'impairement pair, le superflu, le diminué, quel est le nombre parfait, le composé & le non composé, quel fait nombre de soy ou rapporté à autre. Plus traite de la raison ou proportion d'un nombre à l'autre, ou mesme d'une proportion à l'autre, & des especes des proportions, des nombres harmoniques & geometriques, & en somme de diuerses reigles & propriétés des nombres & de leurs brisés & rompus, & de la maniere de calculer & cōpter.

De la Geomantie. CHAP. XIII.

EST E science d'Arithmetique ou des nombres nous a produit la Geomantie, qui est vne maniere de deuiner par casuelle ou fortuite disposition de poincts & figures, & avec ce le sort ou diuinatiō qui se fait par le iect de dés, comme anciennement en la ville de Palestine, lors dite Preneste, par les tales, qui estoient presque ressemblans aux osselets des pieds des animaux,

& autres telles manieres de hazards & forcelleries qui se font par nombres, combien que la plus grand' part allient la Geomatie à l'Astrologie, à cause de la maniere presque semblable de iuger des euenements, ioinct qu'ils attribuent la force & vertu de ses predictions plus au mouuement que non pas aux nombres, se seruans de ce que dit Aristote au premier liure de ses apparitions ou impressions aërees. Le mouuement du Ciel (dit-il) est perpetuel, & le commencement & la cause de tous les mouuements inferieurs. De cest art Geomantique ont escrit iadis Hali: & és temps plus recents Gerad de Cremonne, Barthelemi de Parme, & vn certain Tondin. Je me suis aussi voulu mesler d'escrire d'une maniere de Geomantie toute differete des autres, mais qui est bien autant superstitieuse & incertaine, & pour en parler rondement, mensongere comme les autres.

Des ieux de hazard. CHAP. XIII.

LE mestier de iouer à tous ieux de hazard est vne pure forcellerie, comme il en porte le nom. Et celuy qui y est le plus sçauant & studieux, est d'autant plus meschant & malheureux: car le ioueur est en perpetuelle cōuoitise du bien d'autrui, ce pendant qu'il dissipe le sien, & mesmes sans porter respect ny reuerence au patrimoine, qui luy a esté laissé par ses predecesseurs. C'est l'art des mensonges, des pariuremets, larrecins, noises

noïses & iniures, mere des meurtres, inuention diabolique, qui fut apportee sous diuerſes eſpeces en Grece entre autres deſpouilles & parmy le butin de la ville de Troye, apres que le Royaume d'Asie fut deſtruiſt. De là eurent leur origine les dés, les tables, le tricole, ou trois poinçts, le ſenio, les eſchecs, le monarque, le tãliorque, le regnard, les dés à huit faces, & ceux à douze, eſquels ils diſoyent eſtre ie ne ſçay quoy de diuination. Pluſieurs ont eu opinion que Attalus Roy d'Asie fut celuy qui trouua ceſt art de iouer, & qu'il l'inuenta avec l'artifice des nombres. L'on trouue par eſcrit que Claude Empereur de Romme en compoſa vn liure, & qu'il y fut fort addonné, ainſi que auãt luy auoit eſté Auguſte Ceſar. Quoy qu'il en ſoit, tout n'en vaut rien, & en eſt le meſtier du tout infame & condamné par les loix de tous peuples & nations. Et à ce propos on dit que Cobilon eſtant enuoyé en ambaffade à Corinthe par les Lacedemoniens pour traicter alliance & confederation avec eux, s'en retourna ſans rien faire, ayant trouué les chefs & principaux adminiſtrateurs des affaires de la ville iouãs aux dés, diſant qu'il ne vouloit point donner ceſte tache & note d'infamie à la gloire des Spartiates, qu'il fuſt iamais dit qu'ils euſſent cherché l'alliance de gents addonnés au ieu. Et tant l'auoyent tous les plus gents de bien & grands perſonnages en mauuiſe eſtime, que meſme le Roy des Parthes voulant reprocher à Demetrius ſa legereté,

luy

luy enuoye des tales d'or, qui estoient, comme nous auons dit, vne façon de dés n'ayans que quatre costés, retroussés par les bouts en façon d'osselets. Toutesfois, en cest aage tels ieux sont les passetemps ordinaires, & auxquels s'exercēt le plus les Princes & gentilshommes. Quoy passetemps? mais plustost vne sagesse remarquee & prisee en ceux qui sont les plus experts & mieux exercés en ce damnable art de tromper.

Du sort Pythagorien. CHAP. XV.

L ne faut passer ce que les Pythagoriens affermoient, & que Aristote mesme a creü, & plusieurs autres ont estimé estre veritable, à sçauoir que chacune lettre de l'alphabet a son nombre certain, & que par ce moyē on peut deuiner ce qui doit aduenir aux hommes: prenant les lettres de leurs noms propres, & sommans ensemble les nombres portés par chacune d'icelles, en sorte que s'il est question de sçauoir qui doit estre superieur & auoir du meilleur en quelque bataille, ou proces, si c'est pour s'enquerir de mariage ou autre entrepr̃ise, ou de la vie ou de la mort de quelcun, celuy du nom duquel reuiert plus grande somme l'emporte. Par ceste maniere de sort Patroclus demeura vaincu par Hector, & luy par Achilles. Ce qui a esté dit en vers par Terentianus en ce sens:

*On tient que les noms sont formés par tels mysteres,
Qu'en assemblant d'iceux treflous les caracteres,*

Des

*Des vns le nombre est grand, des autres il est moindre:
 Que s'il aduient qu'en guerre ils viennent à se ioinde,
 Le plus grand nombre emporte avec soy la victoire,
 Et le moindre la mort: & de là vint la gloire
 Qu'Hector eut sur Patrocle, & celle là encor
 Qu'eust Achille d'auoir tué le preux Hector.*

Et y en a plusieurs qui se vantent de trouuer les Horoscopes ou ascendans & aspects du Ciel tel qu'il est au poinct de la natiuité d'un chacun par ceste maniere de calcul, ainsi qu'un certain Aleandrin, philosophe de peu d'estime, a escrit d'iceux, lequel on donne à entendre auoir esté disciple d'Aristote, En outre (à ce que Pline nous compte) lon attribue aux inuentions de Pythagoras ce que lon dit que s'il y a nombre nompair de voyelles au nom propre d'une personne, cela luy presage perte de la veüe, ou rupture de quelque iambe, ou autre semblable sinistre accident.

De l'Arithmetique derechef. CHAP. XVI.

MAIS retournons à l'Arithmesique. Platon dit qu'elle fut premierement enseignee par vn mauuais demon avec le ieu des dés, & tout autre ieu de hazard: & Lyncurgus, ce grand legislateur des Lacedemoniens, voulut qu'elle fust bannie de sa republique, comme vn art turbulent: car outre qu'elle requiert que lon soit de grád loisir pour vacquer à icelle, & retire l'homme de toute honneste & profitable negotiation, elle esmeut souuent

souuent grand debat pour choses frivoles & de petite consequence. Tesmoing la guerre irreconciliable d'entre les Arithmeticiens pour la preference du nombre pair ou nompair, sçavoir lequel nombre est plus parfait, celuy de trois, de six, ou de dix : Quel nombre lon appelle pairment pair, en la definition duquel ils soustienent que Euclide, ce grand Geometrien, a lourdement failli. Davantage il est difficile à reciter quels mysteres Pythagoriques, quelles magies ils trouuent & songent parmy les nombres, ores qu'ils soyent nuds & séparés des choses: & osent bien tant dire, que le monde n'eust iceu estre construit & créé par Dieu sans les instruments & modèles d'iceux, & que la congnoissance de toutes les choses diuines est enclosée es nombres, ainsi que en reigle trescertaine. De là ont eu origine les heresies de Marc l'enchanteur & de Valentin, fondees sur la science des nombres, & par icelle acheminees, se vantans de pouoir descouvrir, manifester, & entendre tous les plus hauts secrets de la diuinité, & tout ce qui appartient à la religion par leurs fades nombres. A quoy lon peut ioinde le quaternaire Pythagorique estimé entre les plus saints mysteres, & plusieurs autres choses semblables, lesquelles sont toutes pleines de vanité, fausses & feintes, & ne faut penser que toute la troupe des Arithmeticiens puisse produire chose aucune certaine & veritable, excepté les seuls nombres secs & sans vigueur: neantmoins
ils pre

ils presument de rendre les hommes diuins pour sçauoir nombrer. Ce que toutesfois les Musiciens ne leur accordent: car ils soustiennent que cest honneur appartient à eux & à leur harmonie.

De la Musique. CHAP. XVII.

PARLONS donques maintenant de la Musique, de laquelle entre les Grecs Aristoxenus a copieusement escrit, disant que la Musique est vne ame ou esprit, & les preceptes de laquelle Boëce a mis en Latin. Je parle de celle qui cōsiste en accords mesurés, de chant, de voix, & de sons, non de celle qui gist en rythmes & vers faicts par certaine artificieuse mesure, qui s'appelle Poësie: laquelle, au rapport d'Alpharabius, n'est point tant regie par aucune bonne raison ou haute speculation, que par folie & fureur, d'ont nous auons desia discouru cy deuant. Mais quant à celle qui traicte des accords proportionnés & melodies de cordes ou de voix delectans l'ouïe elle enseigne les raisons des sons, des interualles, des parties, & de leurs genres, des tons, muâces, & mesures. Les anciës en ont faict trois especes, Enharmonique, Cromatique, & Diatonique. La premiere, à sçauoir la enharmonique, est delaissee du tout pour ce qu'elle est pleine de difficultés profondes & presque d'impossible obseruation: La seconde, qui est la Cromatique ou couloree, d'autant qu'elle est par trop lasciue

lasciue, a esté aussi reiectee comme infame & deshonneste:& a on retenu seulement la troisieme espece, comme plus ressemblante à l'accord & cōposition du monde, à leur aduis. Il s'en trouue entre les anciens qui ont distingué les manieres de musique selon les natiōs qui en ont le plus vsé, à sçauoir en la Phrygiēne, Lydiēne, & Dorique, lesquelles estoient les plus anciēnes, & dont vsoyēt Sacadas Argien & Polymestres musiciens, à quoy Sappho de l'isle de Lesbos adiousta vne quatrieme maniere, qu'elle appella Lydiēne meslee, ainsi que dit Aristoxenus, l'inuentiō de laquelle est attribuee par aucuns à Tersandre: par autres à Pythoclides le ioueur de flutes: mais Lysias dit que ce fut Lamprocles Athenien qui premier la mit en auant. Ces quatre manieres de musique ont esté en prix, & remarquees par l'autorité des anciens, & tout l'assemblage desquelles ils appelloyent encyclopedie, ou cercle de toutes sciences, voulans inferer que la musique comprend en elle toutes disciplines: duquel aduis est Plato, au premier dialogue des loix, disant que la musique ne se peut exercer sans auoir toutes les sciences vniuersellement. Entre ces manieres la Phrygienne n'est par les musiciens approuuee, d'autant qu'elle distrait & rauit l'esprit hors de soy. Parquoy Porphyrio l'appelle barbare, pource qu'elle n'est bonne seulement qu'à inciter les personnes à fureur & cholerie & au combat: & pource est appelée par autres Bacchique, comme celle qui est furieuse, impetueuse,

impetueuse, & pleine de trouble, au son & mesure de laquelle nous lisons que les Candiots & Lacedemoniens alloient aux armes, sonnans par deux breues & vne longue, *tă ră tăn, tă ră tăn*. Par ceste maniere de son lon dit que Timothee encourageoit Alexandre à la guerre : & vn certain ieune homme Tauromenien en fut tellement esmeu à ce, que Boëce racompte qu'il ne cessa qu'il n'eust faict brusler du tout vne maison où estoit vne garce cachee. Platon reiecte pareillement la Lydienne, comme trop hautaine & aigue, s'esloignant par trop de la douceur & moderation de la Dorique. Elle est propre pour chanter complaints, & pareillement agreable à ceux qui sont de nature alaigre, s'accommodant aussi aux chants de resiouissances, à raison de quoy on dit que les Lydiens, qui estoient peuples ioyeux & alaigres, se delectoyent de ceste façon de melodie, de laquelle les Tuscans, qui sont extraicts de Lydie, ont aussi vsé en leurs danses. Mais ils ont preferé à toutes la maniere de musique des Doriens, comme celle qui estoit la plus graue, honneste, & conuenable à toute modestie, propre aux affections de l'esprit, & aux mouuements de la personne graues & posés, s'accordant par vne certaine façon à la maniere de viure des gents de bien & vertueux. Partant elle estoit en grande estime ordinairement entre les Candiots, Lacedemoniens, & Arcades : & par opinion que l'on auoit de la force & effect de ceste musique

f lon dit

Ion dit que le Roy Agamemnon esleu chef de l'armee des Grecs pour la guerre de Troye laissa en sa maison pres de sa femme Clytemnestra vn musicien Dorien, à fin que par son chant & melodie elle se maintinst en modestie, & eust soing de conseruer sa pudicité. La maniere estoit de reïterer souuent le pied & la mesure de deux longues. Et tient on que *Ægiste*, qui la corrompit, n'en sceut onques iouir sinõ apres qu'il eut malheureusement tué ce musicien. Quant au chant Mixtelydien, il est propre pour esmouuoir à pitié & commiseration, & conuenable aux Tragedies, bon pour inciter & ramener : & a force & commandement sur toute affection triste & douloureuse. A ces quatre manieres de melodie autres sont adioustees par aucuns, lesquelles ils appellēt collaterales, à sçauoir Subdorique, Sublydienne & Subphrygienne, en sorte q̄ en tout ils en font sept correspondantes aux sept planettes : à quoy *Ptolomee* a encor adiousté la huietieme, à sçauoir Supermixtelydienne, aigue & hautaine par dessus toutes, & attribuee au firmament : mais *Apulee* au premier de ses discours intitules *Florides*, décrit cinq sortes de chants ou accords mesurés, à sçauoir *Æolien* simple, *Asien* diuers, *Lydien* lametable, *Phrygien* belliqueux, & *Dorien* religieux ou deuot : ausquels autres adioignent le *Ionien* allaigre & gaillard. *Martian* ensuyuant ce qu'*Aristoxenus* enseigne, en cōpte cinq principales manieres, & dix adioinctes. Or combien q̄ tous confessent que cest art soit plein de gran

de grande douceur, si est-ce que l'opinion generale est, & l'experience le monstre à vn chacun, que c'est vn exercice auquel s'addonnent seulement gents de basse estoffe, d'esprit mal propre à autres choses, & du tout excessifs en intemperance, lesquels ne sçauent tenir moyen ny raison à bien commencer ny bien acheuer, ainsi qu'il est escrit de Arcabius ioueur de flutes, à qui il falloit payer plus d'argent pour le faire taire que pour le faire iouer, ou chanter. De ces importuns musiciens parle Horace en ceste sorte:

*Musiciens sont attaints de tel vice,
De s'excuser que leur voix n'est propice,
Si entre amis de chanter sont priés:
Si de leurs chants vous ne vous souciez,
A peine lors les pourrez faire taire.*

Et a esté de tout temps la musique à louer & à vendre pour argent, & vagabonde à la suite & sous la faueur des maquerelages d'amour. De laquelle onques homme d'honneur, graue, modeste, chaste, ou magnanime, ne fit profession: parquoy les Grecs appelloient les musiciens ouuriers du pere Liber, ou artisans de Bacchus, ainsi que Aristote les nomme, pour faire les baccanales, gents la pluspart de mœurs deprauées & meschantes, passans leur aage en tout excès, & presque en perpetuelle disette & poureté, qui est mere & nourrice des vices. En la cour des Rois de Perse les musiciens estoient tenus au rang des parasites, bouffons, & basteleurs, ne seruans qu'à donner plaisir aux autres: de l'art desquels

on prenoit bien delectation, mais quant aux personnes lon n'en tenoit aucun compte : tellement que estant vn iour faict grand cas à Antisthenes tressage philosophe d'un certain Ismenias, que lon vantoit pour estre excellent ioueur d'instruments, Il ne vaut donques rien, dit il: car s'il estoit homme de bien il s'amuseroit à autre chose, d'autant que l'art de chanter ou de iouer d'instrumēts n'est point art d'un personnage modeste & vertueux, mais d'un saoul-d'ouurer, & qui ne demande qu'à iouer & passer son temps. Cest exercice estoit en mespris à l'endroit d'un Scipion Æmilien, d'un Cato, comme du tout estrange des mœurs & maniere de viure des Rommains. C'est pourquoy Auguste & Neron furent blasms de ce qu'ils s'addonnoient plus que mediocrement à la musique: mais Auguste en estant admonnesté s'en retira, & la quitta: Neron au contraire y mit encor plus son estude, & pource il fut en mespris & moqué d'un chacun. Philippe Roy des Macedoniens, aduerti que son fils Alexandre auoit tressbien chanté en quelque endroit, le trouua fort mauuais, & l'en tenfa: N'as tu point de honte, dit il, de sçauoir si bien chanter? c'est bien assez, voire trop, si vn Prince daigne prendre le loisir d'ouïr chāter les autres. Les poētes Grecs n'ont iamais faict chanter leur Iupiter, ny iouer de luth ou de harpe: la docte Pallas y deteste les flustes. Homere fait iouer vn ioueur de luth deuant Alcion & Vlysses, lesquels seulement es-

coutent:

content:autant en fait Virgile de son Ioppas, qui iouë, &c pendant Æneas & Dido prestent l'oreille. Antigonus Gouverneur d'Alexandre le grâd, le trouuant vn iour qu'il iouoit de la harpe, la luy osta, & la mit en pieces: Il est desormais temps, luy dit-il, que tu t'addonnes à regner & à commander, & non point que tu t'amuses à iouër & chanter. Les Ægyptiens ayans opinion que la musique amollissoit la vertu & le cœur des hommes, ne permettoient point que leurs ieunes gents y missent leur estude. Et Ephore, au rapport de Polybe, afferme qu'elle ne fut onques introduite sinon pour tromper & abuser les esprits humains. Et, pour en parler à la verité, il n'y a gêts plus inutiles, ny de moindre estime, ny lesquels on doyue plus fuir, que les chantres & ioueurs d'instruments, & en somme tous ceux qui font estat & profession de musique, lesquels par le mēlange de tant de voix & accords differents, montans, descendans, s'aduāçans, retardans, entrelassés, contrechantés, ou assemblés, surpassent les gasquillemẽts de tous les oiseaux du monde, & par la douceur enuenimée de leurs folastres chants, mines, & sons, enforcelent & corrompent, ainsi que Syrenes, les esprits des personnes. Partant à bon droit les femmes Thraciennes poursuyurent Orphee, & luy aduancerent ses iours, d'autāt q̃ par les melodies il effeminoit vilainement leurs hommes: & s'il faut adiouster quelque foy aux fables, Argus, qui auoit le chef enuironné de cent yeux,

ne les perdit il pas tous avec la vie endormi par le son d'une flûte ? à raison de quoy ces maîtres se donnent gloire par dessus les orateurs mesmes, se vantans que l'Empire des affections est en leur art, pour l'esimouuoir & mener ça & là à leur plaisir, & sont bien si despourueus de sens, d'oser affermer qu'il y a vn certain chant & harmonie és Cieux, laquelle toutesfois aucun n'ouït iamais, si ce n'est quelque Musicien songeant apres boire, & pensant que le son des verres & des bouteilles fust vne melodie celeste. Ce pendant il ne s'est trouué iusques à present aucun entre eux qui soit descendu du Ciel, & aye bien cōprins & entendu tous les accords & consonances des voix, ny toutes les raisons & proportions d'icelles. Neantmoins ils attribuent à la musique vne perfection totale, disans que toutes sciences sont encloses en icelle, & qu'elle ne peut estre enseignée, ny entendue, sans auoir faict vn cours par toutes les autres disciplines vniuersellement. D'auantage luy donnent force & vertu de deuiner, & maintiennent que par icelle on peut faire iugement de la santé & disposition du corps, des affections de l'ame, & des mœurs d'un chacun : En outre que c'est vn art infini, que aucun entendement ne peut rechercher ny espuiser du tout : où il y a tousiours à apprendre, & que de iour en iour il se trouue nouuelles manieres d'accords & mesures : confirmans le dire d'Anaxilas, à sçauoir que la musique produisoit tousiours quelque
nouuelle

nouvelle & estrange beste, ainsi que font les deserts de Libye. Or Athanase, congnoissant bien la vanité de cest art, l'interdit aux Eglises. Mais S. Ambroise, qui fut plus desireux de pompes & ceremonies, y establit & ordonna depuis la maniere de chanter & psalmodier. S. Augustin tenant la voye du milieu, escrit en ses confessions, qu'il estoit perplex & en grande difficulté à raison de ce. Mais de nostre temps la musique a prins vne priuauté si licentieuse es eglises, que lon ne craint point de iouer sur les orgues des petites chansons assez vilaines & sales, les accompagnans avec leurs mysteres, & mesmes les saintes prieres y sont châtees par des musiciens dissolus, loués & tresbié payés pour cest effect, qui les entonnent d'une façon plus propre à chaouiller les concupiscences, qu'à esleuer les esprits en l'intelligence des choses diuines, criers & bruyans comme bestes, & non en voix humaines. Là les enfans hânissent vn dessus, autres beuglent vne taille, qui iappe vn contrepoinct, qui hurle vne hautecontre, qui gronde le bas, en sorte que lon y oyt plusieurs sons, mais de paroles ny d'intelligence rien n'en paruiet aux oreilles ny à l'esprit, & est defendu à l'entendement d'en congnoistre & iuger.

De la Danse ou Bal. CHAP. XVIII.

DE la musique depend l'art de danser, sauter, & baller, tresaggreable aux filles, & à tous ceux qui meinent l'amour : lequel ils apprennent avec

grand étude, s'y trauaillans & exerçans sans se laisser presque toute la nuit, ayans vn soing merueilleux d'observer les mesures, & accorder leurs desmarches, sauts, & passages au son d'un violon, tabourin, flute, ou autre tel instrument, avec port & contenance graue & moderee, met tans peine infinie de bien & sagement contre-faire, ce leur semble, la chose du monde la plus folle & approchant de pres à fureur & forcennerie, & qui seroit trouuee le plus ridicule spectacle & malplaisant qu'on sçauroit voir, si elle n'estoit vn peu assaisonnee du son & de la melodie des instruments de musique, c'est à dire, si vne vanité ne soustenoit l'autre, & ne la rendoit recommandable. Cest art est vn desbordement de malice effrontee, support & tutelle de meschancetés, allumette de paillardise, ennemi de chasteté, bref vn passetemps dangereux & indigne de toute personne bien nee. Souuent est aduenue, dit Petrarque, qu'à ce rocher l'honneur & la chasteté de la femme long temps cōseruee a faict bris, que la vierge a appris à ceste eschole chose qu'il luy eust mieux valu d'ignorer, & y a esté du tout estaincte la bonne renommee & la honte de plusieurs. Plusieurs de là sont reuenues en leurs maisons impudiques tout à faict, plusieurs en doute de ce qu'elles deuoyēt faire, mais aucune n'y deuint onques plus chaste. En somme, la chasteté est rousiours assaillie & sollicitée aux danses, & le plus souuent atterree. Toutes fois il s'est trouué entre les Grecs des homes qui l'ont

l'ont eu en estime, & l'ont louee, ainsi que ceste nation a faiët de plusieurs autres choses des-honnestes & pernicieuses : ils ont donné à entendre qu'elle a prins son origine dès le commencement du monde sur le patron des mouuements celestes des astres & planettes, de leurs cours naturels ou retrogrades, des con-iunctions, & en somme de l'ordre d'iceux, qui n'est qu'une danse mesuree & bien accordante.

Autres disent que c'est vne inuention de Satyres, & que par l'artifice des danses Bacchus surmonta les Thyrreniens, Lydiens, & Indoïs, peuples tresbelliqueux, & que à ceste cause on commença à introduire les danses entre les ceremonies saintes, & parmy les actes de deuotion: en sorte qu'en Phrygie les Corybantes, en Candie les Curetes, & la deesse Rhea voulurent que lon en vîst. En l'isle de Dele nul sacrifice ne se faisoit sans danser & sauter. Bref aucunes festes ny ceremonies n'estoyent celebrees en lieu quelconque sans danse. Les Brachmanes, philosophes Indiens, matin & soir adoroyent le Soleil, sautans & dansans : & estoit le bal parmy les Ethiopiens, Egyptiens, Thraces, & Scythes, reputé entre les ceremonies sacrees, comme estant de l'ordonnance d'Orphee & Musee tresbons danseurs theologiens. A Rome pareillement estoyent certains prestres appellés Saliens, pource qu'ils sautoyent en l'honneur de Mars. Les Lacedemoniens, qui estoyent les plus gents de bien de la Grece, apres qu'ils eu-

rent apprins à sauter & danser de Castor & Pol-
lux, ne firent chose aucune de conséquence sans
bal. Les Thessaliens l'auoyent en si grande ve-
neration, que leurs gouuerneurs & magistrats
estoyent honorés du tiltre de presulteurs ou
meneurs de danses. Mesme Socrates, lequel par
le tesmoignage d'Apollo fut estimé le plus sage
des humains, voulut bien apprendre à danser
estant desia fort auât en l'aage, & n'en eut point
de honte, ains la pris & exrolla par grandes
louanges, & luy assigna rang entre les plus vti-
les & honnestes disciplines. En somme l'eut en
telle estime, qu'il luy sembla qu'on n'en pou-
uoit parler assez honorablement, comme de
celle qui estoit nee avec le monde & avec A-
mour, le plus ancien des Dieux, & n'auoit rien
qui ne fust diuin. Mais il ne se faut esbahir si les
Grecs ont ainsi philosophé, veu qu'ils ont bien
attribué la prattique & l'inuention des adulte-
res, des parricides, larrecins, & generally de
tous vices, à leurs Dieux, les en faisant auteurs.
Ils ont escrit plusieurs liures de cest art de dan-
ser, esquels ils ont compris les especes, mesu-
res, & noms de toutes danses, en quelle maniere
chacune se faisoit, & qui en a esté l'inuenteur,
dont ie me passeray de dire dauantage. Quant
aux anciens Rommains, qui estoyent personna-
ges d'autre grauité, sagesse, & autorité, ils re-
prouerent & reiecterent toutes manieres de
danses, & n'ont donné iamais bõ bruit ny louan-
ge honnestes à femme aucune pour l'auoir veu
danser.

danſer. Parquoy Salluſte reprocha à Semprouia qu'elle chantoit & danſoit mieux qu'il n'eſtoit conuenable à yne femme de bien. Et fut attribué à honte & deſhonneur à Gabinus & à M. Cœlius, gents conſulaires, de ce qu'ils eſtoient trop addroits & experts à baller, & à L. Murena fut imputé à crime par M. Cato ce qu'on l'auoit veu danſer en Aſie, la cauſe duquel eſtoit defendue par Cicero: toutesfois il n'oſa onques excuſer le faiſt, mais le nia tout à plat, diſant en outre qu'aucun perſonnage ſobre ne ſe met à ſauter & danſer ſ'il n'a perdu le ſens, ny en lieu ſolitaire, ny en compagnie ou banquet honneſte & modéré, ny en lieu quelconque: car la danſe eſt le comble des inſolences, exceſſifs paſſetemps, & ſales voluptés. d'un banquet diſſolu faiſt hors de temps & d'heure opportune. Parquoy il eſt force que la danſe ſoit l'extremité & la derniere main de tout vice: & ne pourroit on aiſement dire combien de maux ſont là attirés par la veüe, par l'ouïe, par les deuis, & attouchements. Là on ſaute d'une façon enragee avec grand trespignement de pieds au ſon mol & laſcif d'un instrument, au chant de ſales chansons & rithmes deſhonneſtes: les femmes & filles d'honneur y ſont taſtônees & maniees d'une façon lubrique & par mains impudiques, baiſees & accolées ainſi que paillardes, meſmes en ſe remuant & danſant ſouuent ſont deſcouuertes les parties que nature & la modeſtie ont voulu voiler. Bref ſous couleur de ieu & paſſetemps la meſchanceté

ceté desguisee vient en place. Partant il n'y a doute que cest exercice n'aye esté inuenté par les esprits infernaux, tant s'en faut qu'il soit produit du Ciel, lequel fut mis en vsage au deshonneur de Dieu par les enfans d'Israël apres qu'ils eurent forgé le veau au desert: car il est dit que luy ayant sacrifié ils commencerent à manger & boire, & puis se leuerent pour iouer, chanzans & dansans. Mais il suffit d'auoir dit des danses iusques icy.

De la Danse armee. CHAP. XIX.

IE n'ignore point toutesfois en parlant des danses, qu'il n'y en aye plusieurs autres especes iadis celebrees par les auteurs, qui sont pour la plupart delaissees, & aucunes encor auiourdhuy en vsage: ainsi que la danse armee, que nous appelons moresque, laquelle est fort propre & accommodée aux escrimeurs, bastelleurs, & aux gents de guerre. Mestier, à la verité, tragique, auquel on ne fait cas de tuer vn homme innocent, & n'est cela qu'un ieu, & leger passetemps, & y est imputé à grande infamie d'auoir cuidé tant soit peu destourner vn coup mortel, & ne l'auoir receu hardiment dans ses entrailles. A la folie de cest execrable artifice est iointe vne impieté insigne. Et sont tous tels excercices, tant vuides de tout bien, & pleins d'impudēce, que c'est peu de les blasmer seulement, si quand & quand on ne les maudit & deteste: car on

n'ap

n'apprend par iceux autre chose que certaines manieres estranges & admirables de forcenner & perdre tout entendement.

Des Basteleurs, & de leurs sauts & danses.

CHAP. XX.

IL y auoit aussi vne espece de basteleurs qui tenoyent rang de sauteurs & danseurs, lesquels par mines & contenances representoyēt si proprement leurs cōceptions, (c'estoyēt des farces muettes, ou mysteres sans parler) & par gestes & mouuements exprimoyent si naïuement les mœurs & affections des personnes, qu'ils estoyent entendus clairement d'un chacun, ores qu'ils ne parlassent point. Cest art a cela de singulier, qu'il n'estoit besoing d'auoir aucun truchement à ceux qui les regardoyent. Car chacun, tant fust il esloigné, pourueu qu'il peust voir, pouuoit aisement entendre l'argument & subiect de la farce par le branslement seul, & par les sauts ou remuements de ceux qui iouoyent: tant bien scauoient ils imiter & représenter vn enfant, vn vieillard, vne femme, seruiteur, chambriere, vn yurongne, vn cholere, & en somme toutes manieres de gents en toutes leurs façons, mœurs, & affections, par vn plaisant geste. A raison de quoy ceux qui faisoient profession de cest art, ont esté fort prisés & estimés par les anciens, & dit Macrobe que Cicero s'esproouoit avec Roscius, qui estoit de ce mestier, & auoit esté aussi
ami

ami familier de L. Sylla Dictateur, lequel d'eux deux representeroit ou exprimeroit en plus de façons vn mesme subiect, l'un par diuersité de paroles & richesse d'eloquence, l'autre par geistes variés & changés en plusieurs manieres: ce qui donna occasion à Roscius d'escrire vn liure de la comparaïson de l'eloquence & de l'art de bastelerie. Toutesfois la ville de Marseille, à ce que recite Valere, eut l'honneur & la reputation si recommandee, qu'elle ne donna onques acces à aucuns basteleurs, farceurs, ou ioueurs de comedies, pource principalement que les subiects & arguments de leurs fables & recits n'estoyent que paillardises & actes lubriques: parquoy craignoyent que l'accoustumance de tels spectacles n'induisist leur peuple à se licencier de les imiter. Partant le mestier de reciteur ou ioueur de fables & comedies en quelque façon que ce soit, est vne occupation meschante & deshonneste, & ceux qui prennent plaisir d'y assister & les regarder, sont grandement à reprendre: car la delectation que lon prend en choses lasciuës est vicieuse & approchante de crime. Bref il n'y auoit anciennement tiltre plus reprochable ny vilain que celuy de basteleur ou farceur: & estoyent par les loix notés d'infamie, & reculés de tous honneurs & estats publics, ceux qui s'estoyent trouués sur vn eschafaut pour iouer ou contrefaire vne farce.

Du Rhe

Du Rhetorisme, ou bal rhetoric. CHAP. XXI.

Ne autre maniere de bal se prattiquoit anciennement, qu'ils appelloient Rhetorisme, à peu pres semblable à celuy des basteleurs, vn peu plus posé toutesfois : lequel Socrates, Platon, Cicero, Quintilien, & plusieurs d'entre les Stoïques trouuoient vtile & tresnecessaire à celuy qui aspireroit d'estre orateur, aduocat, ou harangueur. C'estoit vne adresse de bien porter sa personne en geste, contenance, & visage decent, bien composé & adiancé, & d'accompagner au son, à la voix, & à toutes les paroles & sentences que lon proferoit, la viuacité des yeux, la grauité de la face, & le mouuement & contournement du corps selon qu'il falloit pour leur donner grace & efficace, sans que cest art passast plus outre que d'enseigner les mines & contenances. Or par succession de temps ceste bastelerie en matiere de rhetorique fut du tout quittee & mise hors d'usage entre les orateurs, ayant quelquefois Auguste Cesar admonnesté Tybere qu'il falloit parler de la langue & non des doigts, & auiourd'huy il n'en est plus de nouuelles, si ce n'est à l'endroit de quelques moynes en chaire, (combien qu'anciennement les basteleurs estoient retranchés de l'eglise, & n'estoyent admis à receuoir le saint Sacrement de l'eucharistie,) lesquels à present lon void se tormenter & crier haut à merueilles, faisans diuerses grimaces du visage, iectans leurs regards
ça &

ça & là, escrimans des bras, trepignâs des pieds, remuans les costés lasciuement, & avec mille autres gestes & contenance estrâges faire leurs presches au peuple, tantost se courbans, tantost se renuersans, tournoyans, sautans, & en somme monstrans le peu d'arrest qu'ils ont en leur cerueau par ces inconstans mouuements de leurs corps, ayans possible en memoire la sentence de Demosthenes, lequel interrogué, ainsi qu'escriit Valere, quelle estoit la chose qui donnoit plus grande efficace aux paroles, respondit que c'estoit l'hypocrisie : enquis derechef de cela mesme, respondit semblablement que c'estoit l'hypocrisie : & ainsi pour la troisieme fois, affermant que tout l'artifice, la force, & vertu de bien dire consistoit en cela. Mais à fin que nous ne nous esgarions loing des Mathematiques, venons à la Geometrie.

De la Geometrie. CHAP. XXII.

LA Geometrie, qui est honnoree par Philo Iuif du tiltre de mere & source de toutes les sciences, a cela de bon & digne de louenge en elle, qu'au lieu qu'entre les professeurs des autres disciplines on void infinis debats & contrarietés, les Geometriens sont en tout de bon accord entre eux, si ce n'est qu'ils disputent encor si les poincts, lignes, & superficies, se peuuent partir & diuiser ou non. Au demeurant il n'y a aucun different parmy eux, ny en leur doctrine, ny en la ma

La maniere de l'enseigner, seulement chacun
tasche par nouuelles inuentions & subtiles spe-
culations de choses qui n'ont encor esté mises
en auant, de surmonter l'un l'autre. Toutesfois
il ne s'est trouué encor aucun geometrien qui
aye entendu la raison de reduire le rond en son
quarré egal, ny de faire vne ligne egale à la cir-
conference ou costé du cercle, combien qu'Ar-
chimedes Syracusain eüst iadis opinion de l'a-
uoir trouuee, & plusieurs apres luy se soyent
essayés en vain d'y paruenir, lesquels possible
ont peu dire quelque chose approchant à cela,
mais non pas cela mesme. Et sont menés tous
de telle ambition, ne se voulans arrester à ce
qu'ont escrit & enseigné leurs predecesseurs
geometriens, que és mesmes considerations ils
présent tousiours pouuoir imaginer & adiouster
quelque chose outre ce que leurs precepteurs
ont inuenté, & se mettent en telle refuerie, que
bien souuent ils en perdent le sens, en manie-
re que tout l'ellebore du monde ne suffiroit à
purger leurs certieaux. Or outre que la geome-
trie cherche les raisons des lineaments, des fi-
gures, distances, magnitudes des corps, & leurs
dimensions & poids: d'icelle dependent aussi
tous les artifices, ouurages, instruments, & en-
gins seruans tant à la guerre & aux batteries des
villes, qu'à l'architecture & autres vsages com-
muns, comme sont les belliers, tortues, scor-
pions, catapultes, sambuques, ponts leuis, tours
mobiles, & autres engins & machines dont

g vsoient

vloyent les anciens pour renuerſer les murail-
 les, ietter traitts ou pierres de grand poids, mi-
 ner ou eſcheler villes : Plus les nauires, galeres,
 ponts, moulins, ou engins à rouler ou faire tour-
 ner meules : Item les chariots, coches, grües,
 polies, rouës, & autres ſeruans à enléuer, tirer,
 & traîner grands fardeaux & poids deſmeſures
 à peu de peine. Dauantage les artifices ſoy mou-
 uans par le moyen de contrepoids des eaux,
 d'air, ou de nerfs & cordages : ainſi que les Ho-
 rologes qui ont leurs mouuements à raiſon des
 contrepoids, & les instruments qui rendent
 ſons à cauſe du vent, & ceux qui iettent, eſpui-
 ſent, ou attirent l'eau, comme pompes & rouës
 à ce appropriées, en outre les ouurages qui ſont
 faiſts ſeulement pour donner plaſir & admira-
 tion, comme certaines boules ſautans & roulans
 d'elles meſmes, des lampes qui tirent leur me-
 ſche ſans qu'on y mette la main, des ſouffleſeux,
 & comme certaine beſte, dont parle Politian,
 laquelle eſtant ſeruiſe ſur table, decoupee, &
 tranchee pour eſtre mangée, beuuoit neant-
 moins & auoit les mouuements & la voix com-
 me ſi elle euſt eſté en vie : Par ſemblable artifice,
 dit Mereure, les Egyptiens faiſoyent les images
 de leurs Dieux, auxquelles ils faiſoyent proferer
 des voix diſtinctes, & les faiſoyent marcher.
 Ainſi que Architas Tarentin fit & conſtruiſit
 pareillement ſa colombe par raiſons geometri-
 ques, la faiſant eſleuer haut en l'air & voler. Ar-
 chimedes auſſi fabrica le premier, à l'aide de

cest art vn ciel de cuyure par telle industrieuse
 inuention, que lon y voyoit distinctement les
 mouuements de chacun planete, & les tours
 des cercles & globes celestes, à l'imitation du-
 quel nous en auons veu vn de nostre temps. De
 cest art est issue l'inuention de l'artillerie, arque-
 butes, & autres instruments à feu, desquels j'ay
 composé vn liure particulier, intitulé Pyrogra-
 phie ou description des artifices de feu, dont ie
 me repens: car il ne contient qu'enseignements
 nuisans & trespernicieux. En somme tout l'arti-
 fice qui peut estre en la peinture, en la cosmo-
 graphie, en l'agriculture & instruments rusti-
 ques, à la guerre, à la fonte, à la sculpture, poté-
 ric, menuiserie, orfeurerie, architecture, & au-
 tour des mines des metaux, tout, ou la pluspart,
 est prins de la geometrie.

De l'Optique ou Perspective. CHAP. XXIII.

LA Geometrie est suyvie de pres par
 l'Optique, que lon appelle autre-
 ment Perspective, puis par la Cosmi-
 metrie & Architecture. La Perspe-
 ctive donques ou Optique a trois parties ou
 trois considerations en la veüe, à sçauoir quand
 les rais d'icelle sont iectés directement, quand
 ils sont reflexchis, ou quand ils sont brisés: elle
 enseigne que c'est que des lumieres, ombres, &
 interualles, comprend les raisons des grâdeurs,
 appetissements, ou des fausses apparences, qui
 se representent à l'œil, à cause des distances, re-

cherche pareillement si les rais de l'œil estendus sur diuers corps passent à trauers vn ou plusieurs moyens clairs & transparents, monstre où il faut que le iour ou l'ombrage batte, & touche qui auient pour ce regard aux corps, à la veüe, & au moyen ou air qui est entredeux, & quels changements peuuent apparroistre en la chose & en la veüe, par la diuerse qualité de cest air ou moyen. Quant à la raison & maniere de voir, les opinions sont discordantes & diuerses. Car Plato est d'aduis que la veüe se fait par vne mutuelle clarité, à sçauoir quād la lumiere issant de nos yeux est rencontrée à mychemin en l'air clair & diaphane par celle qui sort de la chose que nous regardons, & qu'elles se ioignent exterieurement ensemble : & quant à la lumiere qui est en l'air, par lequel passe le traict de l'œil, qu'elle est facilement par la vertu d'iceluy resplendissante comme feu, destournee & esparse. Galien est accordant à l'opinion de Platon. Mais Hipparque pense que les rais passans outre iusques aux corps mesmes, & les touchans legerement dessus, reçoient d'iceux la qualité visible, & la rapportent aux yeux. Les Epicuriens croyent que ce sont images & simulacres sortans des corps, lesquels sont portés dans nos yeux. Aristote est quasi de mesme opinion, mais il dit que ces simulacres n'ont point de corps, ains sont certaines qualités produites de l'alteration & varieté de l'air, qui est autour & en l'entredeux des corps visibles & de nos yeux.

Porphi

Porphirius dit bien autrement: car il soustient
 que ce ne sont ny rais ny simulacres ou images,
 ny autres telles choses, qui causent la veüe, ains
 l'ame seule, laquelle estant vne en toutes cho-
 ses, & visible à elle mesme, se void & congnoit
 par tout. Mais les Geometriens optiques ou
 perspectifs s'accordans à peu pres avec Hippar-
 que, afferment qu'il se fait certains triangles des
 rais sortans de nos yeux, les lignes laterales
 desquels venans à s'entrecroiser en font
 d'autres, par le moyen desquels l'œil peut voir
 en certaine façon plusieurs choses ensemble,
 mais que la veüe certaine se fait à l'endroit où
 les lignes susdites viennent à se joindre & croi-
 ser. Toutesfois Alkindus en ce qu'il a escrit des
 regards, enseigne choses du tout contraires. S.
 Augustin se contente de dire q̄ la vertu de l'ame
 fait quelque operation en l'œil, qui n'a point en-
 cor esté biē recherchee par les sages & sçauans.
 Or est ceste science fort vtile à ceux qui essayent
 de cōgnoistre & cōprendre les diuersités, distā-
 ces, quantités, ou grandeurs des mouuemēts des
 corps celestes, leurs reflexions, & refractions.
 Sert semblablement aux Architectes pour me-
 surer les bastiments, comme aussi elle est neces-
 saire aux peinctres & à ceux qui fabriquent les
 miroirs, & donne grand ornement & belle ma-
 niere à leurs ouurages, lesquels sans icelle ne se
 peuuent bien parfaire: car elle enseigne tenir
 moyen & mesure selon les hauteurs & distan-
 ces, à fin de ne faire choses difformes & hors

de proportion.

De la Peincture. CHAP. XXIIII.

LA peincture est à la verité vn art prodigieux, mais qui imite soigneusement les œuvres de nature, par la bonne disposition & adiancement des traicts & deuë applicatiō des couleurs propres à chacune chose. Lon faisoit anciennement si grande estime d'iceluy, qu'il tenoit le premier degré apres les arts liberaux. C'est vn art plein de liberté, non moins que la poësie, ainsi que Horace a tresbien dit:

*Toufiours de tout oser par main prompte & hardie
Ont prins la liberté Peincture, & Poësie.*

Aussi dit on que la Peincture n'est autre chose qu'une poësie muette, & la poësie vne peincture parlante, tant sont elles bien alliees l'une avec l'autre: Car & peinctres & poëtes feignent également les vns comme les autres des fables ou des histoires, & representent toutes choses: la lumiere & splendeur, les ombres, les hauteurs, les abbaissements, montagnes, & plaines. D'auantage la peincture a cela, qu'elle deçoit la veüe en vn mesme obiect, faisant voir & paroistre en diuerfes sortes vne mesme figure, selon le changement de l'assiette ou d'icelle ou des regardans, ce qu'elle emprunte de l'optique & passe plus outre que la sculpture ou statuaire, en ce qu'elle contrefait le feu, les rayons, la lumiere, les tonnerres, foudres, le poinct du iour, le So-

leil

leil couchant, l'entre iour & nuict, les nuages, fait apparoiſtre les paſſions & affections de l'homme, & preſque fait parler ſes figures, & par fauſſes meſures elle raccourſit les choſes, & fait apparoiſtre ce qui n'eſt point comme ſ'il eſtoit, ou autrement qu'il n'eſt. Ainſi que lon trouue eſcrités hiſtoires de la gageure d'entre Zeuxis & Parrhaſius peintres excellents, qui eſtoient entrés en contention pour la prerogative & preeminence de leur ſçauoir: l'un deſquels, qui fut Zeuxis, apporta des raiſins peincts avec telle industrie & labeur, que les oiſeaux cuidans que ce fuſſent vrais & naturels raiſins, y accouroyēt pour en manger: l'autre mit en place vn tableau où eſtoit peinct vn rideau ſeulement, par lequel ſon concurrent fut deceu: car il eſtoit ſi bien contrefaict, qu'il penſoit que ce ne fuſt que le voile, & que la peinture fuſt deſſous, de ſorte qu'il ſe print à dire tout fier de ce qu'il auoit trompé les oiſeaux, Deſcouure ton tableau, & nous mōſtre ce que tu as peinct. En fin ſ'apperceuant de ſa faute, il fut contraint de ceder & quitter à Parrhaſius le champ & la victoire: car Zeuxis auoit bien deceu les oiſeaux, mais Parrhaſe auoit affiné vn maistre ouurier. Plinẽ raconte qu'à certains ieux que celebroit Claude il y auoit des tuiles peinctes d'un art admirable, ſur leſquelles les corbeaux deceus par l'apparence eſſayoyent de voler & ſe poſer. Le meſme auteur dit que durant le regne des Triumuits vn dragon en peinture fit taire & perdre le

chant aux oiseaux à la veüe d'un chacun. La peinture a encor cela de singulier, qu'en tous ses ouvrages il y a quelque sens & intelligence outre ce qui se void, en quoy il faut que l'esprit & le iugement des regardans s'exerce, comme fort diligemment a remarqué Plutarque en ses images ou discours de peinture. Et combien que l'art, l'industrie, & exercice de la peinture soit excellent & de grand aduantage à celuy qui en fait estat, si est ce que le naturel luy sert encor dauantage, & est par dessus tout.

De la Statuaire, Sculpture, ou taille en bosse, & de la Poterie & Fonte. CHAP. XXV.

LA peinture est accompagnée de l'art de tailler figures en bosse, de la poterie, fonte, & graueure, tous exercices bigearres & fantastiques, lesquels pourroyent estre compris sous le tiltre d'architecture. La sculpture taille ses images en pierre, bois, ou yuoire: la poterie les forme de terre: la fonte iecte dans des moules du cuyure & autres metaux, dont sont façonnées les figures. La graueure les taille au dedans des pierres precieuses ou autres. De ces arts a escrit n'aguières Pomp. Gauric, mais il est croyable que tant ceux cy, que la peinture, ont esté inuentés & mis en auant par les esprits immondes, pour seruir à l'orgueil & parade, esueiller les cupidités, & engendrer superstition es cœurs humains, & que les premiers ouuriers qui se sont addonnés à

iceux

iceux furent ceux que S. Paul dit qui changerent la gloire de Dieu incorruptible à la ressemblance de l'homme corruptible, des oiseaux, des bestes à quatre pieds, & des reptiles: lesquels contre la defense expresse de Dieu, qui reiecte toute image taillée & ressemblance des choses qui sont là haut au Ciel ou ça bas en la terre, ont introduit vne detestable idolatrie & desplaisante à Dieu. Dont le sage parle ainsi: L'idole est maudit, tant icelle que l'ouurier qui l'a faicte: cestuy cy, d'autant qu'il en est l'ouurier: & icelle, pour ce que estant corruptible elle a receu le nom & tiltre de Dieu. La vanité des hommes, dit il, a introduit au monde ces arts, pour les tenter, & surprendre leur vie, & leur inuention est la corruption d'icelle. Neâtmoins entre nous Chrestiens sommes en cela desfreiglés, & priués de bon sens par dessus toutes les autres nations, nous laissans deschoir en tel abastardissement de mœurs & de façons de viure, qu'il n'y a chambre, sale, ny cabinet en nos maisons, qui ne soit garnie de lubriques & deshonestes peintures, par lesquelles nos femmes & filles ne peuuent estre inuitees qu'à toute impudicité: mesmes en remplissons les temples, chappelles, & oratoires en singuliere veneration, non sans danger de tumber en idolatrie: de quoy nous traicterons plus amplement quand nous viendrons à parler de la religion. Toutesfois i'ay autresfois appris estant en Italie, que la peinture ne sert pas de peu, & que son autorité n'est pas à mespri

ser : Car s'estant meü vn grand proces en Cour de Rôme entre les freres Augustins & ceux que lon appelle chanoines reguliers, touchât l'habit duquel S. Augustin ysoit, sçauoir s'il portoit le noir sur vne cotte blanche, ou le blâc sur la noire, & ne trouuant aucun document ny escriture qui peust seruir à esclarcir ceste difficulté, les Iuges furent d'aduis de renuoyer les parties aux peinctres & tailleurs d'images, & que le rapport qu'ils feroient par la recherche des anciennes peintures tiédroit lieu de sentence diffinitive. A l'exemple desquels m'estant rangé & arresté, apres m'estre trauaillé fort long temps avec continuelle diligence pour trouuer l'origine des capuchôs des moynes, & n'en pouuant estre esclarcir par aucune escriture, en fin i'eü recours aux peintures, mesmes à celles des cloistres & pour memoirs de leurs conuents, où volontiers sont peinctes les histoires du vieil & nouveau Testament, la recherchant soigneusement ie n'apperceus aucuns des patriarches de l'ancienne alliance, ny des prestres, ny des prophetes, ny des leuites, non pas mesme Helie, que les Carmes disent estre auteur & instituteur de leur ordre, qui fust encapuchonné. Venant puis à regarder au nouveau, i'y trouuay Zacharie, Simeon, S. Jean Baptiste, Ioseph, nostre seigneur Iesuschrist, les Apostres, les Scribes, & Pharisiens, les grands prestres, Anne, Cayphe, Herode, Pilate, & plusieurs autres, entre lesquels ie n'en voyois pas vn qui eust capuchon en teste. Ie reuiens, & fais derechef

deresch yne reueuë par tout de chaque chose par le menu, & avec diligence en fin i'apperceu environ le cōmencement des histoires du nouveau Testament le diable qui tentoit nostre Seigneur au desert, lequel portoit cest habillement de reste. D'ont ie fus fort resiouï & satisfait, d'auoir appris par les peinctures ce que ie n'auois sceu trouuer par escrit en aucun liure, à sçauoir que l'inuention des capuchons soit venue du diable, & que d'iceluy, comme il est croyable, les moynes l'ayent empruntée, s'en accoustrans chacun selon son ordre & de la couleur qui est requise à iceluy, ou bien l'ont receuë de luy, & apprehendee par droit successif & hereditaire.

De la Speculaire, ou art de faire les miroirs.

CHAP. XXVI.

MAIS reuenons à l'optique, qui ayde grandement à ceux qui se messent de fabriquer & composer les miroirs: car par icelle ils sont enseignés & entendent routes les impostures, effects, & accidents de la veuë en iceux, qui s'experimentent selon la diuersité de leurs formes & façons: car il y en a de creux ou concaues, d'autres enleués & courbes en dehors, de plains faicts en façon de colonne, de pyramide, de toupie, à sçauoir aigus par le bas, en bosse, ronds, à angles renuersés, reguliers, irreguliers, massifs, ou arrestans la veuë, transparents, à trauers lesquels la veuë passe. Nous lisons és leçons antiques de
Cœlius

Cælius que du temps d'Auguste vn certain Hostius, homme consommé en toute deshonesteté, faisoit des miroirs ayans ceste propriété de représenter les choses beaucoup plus grandes qu'elles n'estoyent, en sorte qu'une figure de la grosseur du doigt se monstroit aussi grosse & longue que le bras & plus. Il se fait des miroirs où lon peut voir seulement la forme d'un autre, mais non pas la sienne. Autres posés en certains lieux ne representent rien, transportés ailleurs on y void toutes choses comme aux autres. Certains rendent les figures renuersees les pieds contre mont, & d'une seule chose en representent plusieurs. Il s'en trouue aussi qui monstrent à droite les parties dextres, à gauche les senestres, au contraire de ce que font communemēt tous miroirs. Lon fait des miroirs ardans & deuant & derriere, & aucuns qui monstrent les figures non au dedans, mais au dehors. d'iceux assez esloignees, ressemblans à phâtosmes suspêdus en l'air, & autres qui recueillent en eux les rais du Soleil, & puis les reiectent roide-ment sur quelque matiere qui soit propre à brul-ler, & mettent le feu de fort longue distance la part où lon veut : & autres de plusieurs sortes, que nous auons veu, sceu faire & composer. Les miroirs transparans, lunettes, & bericles, ont pareillement leurs impostures, cōme de faire mon-trer les choses grandes petites, & au contraire celles qui sont petites tresgrandes : faire voir de pres les choses esloignees, & ce qui est prochain sembler

sembler fort esloigné. Ce qui est à nos pieds estre esleué haut, & ce qui est par dessus nous apparoistre au dessous ou en quelque autre estrange assiette à nos yeux. Il y en a qui font que pour vne chose qui est, il semblera d'en voir plusieurs, autres monstrent les choses colorees diuersement ainsi que l'arc en ciel, & sous diuerses formes & apparences. Je sçay la maniere de faire certains miroirs, lesquels exposés au clair Soleil representent entierement en iceux tout ce qui est atteint des rais d'iceluy au pais d'alentour & par longue espace & distance, comme d'environ quatre ou cinq lieuës. C'est aussi vne chose singuliere & admirable que les miroirs plats, tant plus ils sont petits, tant plus petites representent ils les choses qu'elles ne sont. Mais quelques grands qu'ils soyent, elles n'apparoissent iamais plus grâdes en iceux que leur naturel; ce que Sainct Augustin ayant remarqué escriuant à Nebridius, dit qu'il y a en cela quelque secret caché. Mais toutes ces inuentions sont vaines & inutiles, & ne seruent qu'à donner plaisir à ceux qui n'ont guiere à faire, ou bien à vaine gloire. Plusieurs ont escrit des miroirs, tât Grecs que Latins, mais le plus suffisant de tous est Vitelle.

De la Cosmimetrie, ou consideration des mesures du Monde. CHAP. XXVII.

Esplu

Dipluchons maintenant la Cosmimetric, & sommairement. Elle est diuisee en Cosmographie & Geographie. L'une & l'autre mesure & partit le monde; mais la Cosmographie se reigle par les choses celestes, & rapporte la terre à la raison & proportion d'icelles, mesurant tous les lieux & endroits du globe terrestre par degres & minutes correspondans à ceux du Ciel, donne les raisons des Climats, de la difference & diuersité des iours & des nuicts, accroissement & diminution d'iceux, les endroits & assiettes des vents, le leuer diuers des astres sur nostre horizon, l'elevation des Poles, les Paralleles, les Meridiens. Pareillement les ombres des poinctes esleuees es horloges ou colonnes, & autres semblables choses sont par ceste science enseignees par raisons mathematiques. Quant à la Geographie, sans se seruir des mouuements du Ciel, ny de ses mesures, elle partit la terre par stades ou milles, la diuise par confins des montaignes, fleues, forests, lacs, mers, & riuages: décrit & demontre les peuples & nations, les Royaumes, Prouinces, Cités, Ports, Haures, & autres choses qui sont memorables en icelle.

Nous declairant la disposition

De chaque lieu, & la condition:

Et mesmement fait congnostre par ruse

Ce qu'un terroir peut porter ou refuse.

Et à l'imitation de la peinture par raisons & observations de geometrie & de perspective figu

re tou

re toute la terre en vn globe ou en vne carte platte. Aucuns cōprennent sous icelle la chorographie, qui est vne description particuliere de certains lieux séparés, recherchant par le menu tout ce qui est en iceux, pour le représenter en peinture parfaite & accomplie.

De diuers ornemens passementee & ceinte,

De vignes, de forests, de fontaines enceinte

Reiaillissans es prés, de fleuves tournoians,

Et sur les champs herbus par sources larmoyans,

De vaux panchants, de monts, dont les cimes cornues

Surpassent l'espaisseur des vagabonds nues.

Toutes ces choses, & celles que nous auons dit cy dessus, nous sont promises par la Cosmimetrie: mais les auteurs, qui la nous deuoyent enseigner, sont entre eux si discordans des limites, longitudes, latitudes, magnitudes, mesures, distances, climats, & de leurs températures, que nous ne sçauons à quoy nous en tenir. Ce que Eratosthenes dit, est autrement enseigné par Strabo: Marin luy est diuers, & Ptolomee ne s'accorde avec eux: Denys a autre opinion, & ceux qui escriuent de ce temps vsent de distinctions toutes differentes. Ils ne sont point d'accord où est le nombril ou milieu de la terre. Lequel Ptolomee assigne sous le cercle Equinoctial: Strabo croit que c'est le mont de Parnasse en Grece, auquel s'accordent Plutarque & Lactance Grammairien, estimant que du temps du deluge il fut la separation des eaux d'avec le Ciel, ainsi que Lucain chante d'iceluy:

*Du chef de ce seul mont, qui les nues voisine,
Lors que tout estoit mer n'apparut que la cime.*

Que si ceste raison est suffisante pour remarquer le nombril de la terre, ie dis qu'il n'est point en Parnase, mais en ce mont d'Armenie, qui commença premier à se descouvrir lors que les eaux du deluge descreurent, & sur lequel l'arche de Noë s'arresta, ainsi que dit Berole Chaldee. Autres ameinent autres raisons, & alleguent comme par le vol des aigles le milieu de la terre a esté trouué & congnu. Il y a des theologiens qui iectent leur faucille en ceste moisson, & affermet que le milieu de la terre est la cité de Hierusalem : car il est escrit par le Prophete, Dieu a fait l'œuvre de nostre salut au milieu de la terre. A ceste censure s'adjoignēt Lucrece, Lactāce, & Augustin, lesquels ont fort & ferme nié qu'il y eust des antipodes. Ceux pareillement qui ont voulu maintenir qu'il n'y auoit aucune terre habitable outre l'Europe, l'Asie, & l'Aphrique : Ce qui est apparu faux par les nauigations des Portugois & Espagnols de nostre temps, lesquels nous ont rendus certains que tout le traid qui est sous le Zodiaque est habité, contre les resueries des anciens poëtes, & l'opinion faulse d'Aristote. Plusieurs autres erreurs des Geographes ont esté par nous remarqués cy dessus, où nous auons parlé de l'histoire. Or cependant que à l'aide de cest art nous sommes empeschés à rechercher toute la terre, & les mers, les endroits & assiettes de chaque region, & des isles,

leurs

leurs bornes & limites. Pareillement les origines, mœurs & coustumes d'une infinité de peuples separans les vns d'avec les autres, nul autre fruit ne nous en reuient, sinon qu'en nous enquerant soigneusement des choses qui appartiennent à autrui, nous apprenons à nous ignorer nous mêmes. Et, selon que dit S. Augustin en ses confessions, les hommes vont admirer le sommet des montagnes, les grands amas des eaux de la mer, les larges cours des riuieres, le tour & contenu de la mer Oceane, & le tournoyement des estoiles, & ce pendant ils s'oublient eux mêmes, & se delaisent. Plinè aussi dit que c'est folie de s'amuser à mesurer la terre: car en la mesurant bien souuent nous outrepassons mesure.

De l'Architecture.

CHAP. XXVII.

L On ne peut douter si l'Architecture est vtile: car il est tout certain, qu'elle apporte plusieurs commodités, & embellit grandement les edifices, tant publics que particuliers. C'est d'elle que nous auons les parois & les toicts & couuertures d'icelles, les moulins, ponts, nefes & bateaux, temples, murs, tours, rempars, & toutes sortes d'engins & machines, par lesquelles les lieux & les affaires des hommes, tât publics que priués, sont gournés, maintenus, ornés, & embellis. Discipline honneste & tresnecessaire à la verité, si elle n'auoit enforcelé les esprits humains de telle sorte, qu'à peine s'en trouue il vn qui ne

h soit

soit espris de la folie de bastir, pourueu que l'argent ne defaille, & ne veuille, quelque accompli & bien construit que soit son logis, y adiouster encor quelque edifice. Laquelle affection insatiable de bastir a passé toute mesure & raison par tel excès, que rien n'a esté espargné en ce monde: les rochers ont esté tranchés, les vallées comblées, les monts applanis, les grands escueils percés, donné passage à la mer au trauers des montagnes, la terre fouillée iusques au centre, les fleuues destournés, les mers assemblees l'une à l'autre, les lacs espuisés, les marests desseichés, les riuages bornés à la mer, les profonds gouffres d'icelle recherchés, nouuelles isles construites, autres assemblees avec la terre ferme. Toutes lesquelles choses, ores qu'elles bataillent contre nature, & la forcent, ont toutesfois souuent apporté au monde vniuersel des commodités non petites. A quoy neantmoins donnent contre-poids les remuemens de terre & autres ouurages construits à grands frais, sans qu'ils ayent peu seruir aux hommes à aucun vsage, sinon de monstrier par vaine ostentation que lon auoit force argent, humeur sotte, & de gents de néant, comme estoient les merueilles des œures & bastiments excessifs des Egyptiens, Grecs, Tuscans, Babyloniens, & autres nations, leurs labyrinthes, pyramides, obelisques, colosses, mausolees: les monstrueuses statues des Rois Rampsinet, Sefostris, & Amasis, & l'effigie admirable du Sphinx, où l'on estime qu'estoit enseveli

enseveli Amasis, qui estoit taillee de pierre naturelle, & polie. Le tour de la teste de ce monstre par le front estoit de cent deux pieds, la longueur de sept vingts & trois. Mais il y a bien eu d'autres œuvres plus grandes, à sçavoir celles de Memnon & la statue de Semiramis au mont Bagistan au païs des Medois, qui auoit de grandeur dixsept stades, qui sont deux mil cent vingt cinq pieds. Lesquelles toutesfois eussent esté surpassées par l'entreprise de Stesicrates, ainsi que dit Plutarque, ou de Dinocrates selon Vitruue, ou autre architecte quicōque il fut, qui promettoit de reduire le mont Athos en forme humaine, representant l'effigie d'Alexandre le grand, en la main duquel seroit assise vne ville capable de dix mil habitans. Au rang de ces merueilles on peut mettre l'eschauguette de Babylone, le pied & plan de laquelle, selon Herodote, auoit en chaque sens cent vingt cinq pieds, & la tour bastie en pleine & haute mer soustenue par des Cancre de verre. Lon y peut aussi adioindre le Palais de Gordien, les arcs de triomphe, & les temples anciens des dieux, metme celuy de Diane en Ephese basti aux despens de toutes les nations d'Asie en l'espace de deux cents ans, & la chapelle faicte d'une seule piece de pierre au temple de Latone en Egypte, qui auoit de largeur en chaque face quarante coudees, couuerte d'une autre pierre entiere. Pareillemēt la statue d'or fabriquee par le Roy Nabuchodonosor de la hauteur de soixante coudees, qu'il vouloit estre ado-

ree sur peine de la vie , & vne autre statue faicte d'un grand Topase haute quatre coudees d'une Royne d'Egypte. De nostre temps on peut voir plusieurs edifices bastis avec semblable prodigalité , comme aucuns temples avec leurs festes & domes superbement bastis, monceaux de pierres esleués en hauteur admirable, clochers dressés iusques aux nues , où sont mal despensées & dissipees grandes sommes de deniers ordonnés à œuures pies & aumosnes , pendant que innombrables chrestiens, qui sont les vrais tēples de Dieu, & son image, meurent de faim, de froid, de maladies, & autres necessités, lesquels deuoyent estre entretenus & alimentés de ces deniers là. Au reste, si lon veut sçauoir quelles ruines & destructions ont esté amenees sur le genre humain par le ministere de cest art d'Architecture , les bouleuards, forts, & remparts, les machines de guerre, canons, doubles canons, couleuaines, & autres instruments de ruine , en font ample foy, & en portent certain tesmoignage avec les villes , peuples , & nations subuerties & aneanties par ces engins : & ne s'est contenu seulement en terre , mais a enseigné à faire des chasteaux & forteresses sur mer, des nauires, dis-ie, de guerre, où les pirates font leur demeure le plus souuent, & sont plustost habitans que nauigeans les perilleuses mers , lesquelles ils nous rendent encor plus mal asseurees qu'elles ne sont de leur nature, d'autant qu'elles sont pleines de mil dangers par les larcins & brigandages qu'ils y exercent

cent tout ainsi qu'en terre ferme. Ceux qui ont escrit de l'architecture sont Agatharchus Athenien, puis Democrite & Anaxagoras des premiers: Puis Silene, Archimede, Aristote, Theophraste, Caton, Varro, Plin, finalement Vitruue, Negrigente: & des derniers Leon Baptiste, frere Luc, & Albert Durer.

Des Metaux, & de la recherche de leurs mines. CHAP. XXIX.

L'Art metallique chemine sous l'architecture, qui est vn artifice de non mediocre subtilité d'esprit: car en premier lieu elle monstre à congnoistre les endroits où sont les mines, en considerant seulement le dessus ou superficie de la terre & des montagnes, quelle est leur estendue, en quelles branches ou rameaux elles se despartēt, & quelles sont leurs issues. Pareillement elle enseigne ayant fouillé & creusé les entrailles de la terre, par quels engins le faix des montagnes, & les terres qui sont au dessus comme suspendues, doyuent estre estançonnees, soustenues & asseurees. De toutes ces choses escriuit iadis Stratō de Lampsaque: mais peu d'hommes ou point du tout ont iusques à present sceu esclaircir & enseigner par quelle industrie, art, ou sçauoir on peut bien purifier & cuire par feu les metaux, les separer d'entre les pierres & autres matieres qui sont tirees des mines, & s'ils sont meslés entre eux les partir l'un d'avec l'autre ainsi qu'il con-
h 3
uient

uient. Possible que c'est à cause qu'estant cest art mechanique, & exercé par gents de basse condition, les hommes doctes & de gẽtil esprit l'ont en mespris. Toutesfois ayant esté commis par la maiesté de l'Empereur depuis quelques anneés sur aucunes mines, & eu moyen de rechercher par le menu tout ce qui appartient à cest artifice selon ma capacité, i'en ay commencé à escrire vn liure special & expres, lequel ie vais de iour en iour augmentant & corrigeant, à mesure que i'apprens quelque chose de nouveau, & espere traicter en iceluy tout ce qui est requis à l'inuention des metaux, congnoissance, essay, & espreuue de leurs mines: plus la maniere de les fondre, extraire, & separer, destayer & appuyer les montagnes, à fin qu'elles ne fondent sur les ouuriers dans leurs creux & concauités, & de faire toutes sortes de machines pour tirer & enleuer matieres & autres instruments & engins conuenables iusques à present incongnus, sans rien obmettre. De cest art prouiennent toutes les richesses de ce monde, la conuoitise desquelles a incité les hommes si estrange-ment, qu'ils ne craignent d'entrer tous vifs sous terre, & penetrer iusques aux enfers, ou par vn remuement ruineux des œuures de nature cherchent les tresors iusques aux manoirs des esprits immondes. Dont Ouide chante ces vers:

*Iusques au fons des entrailles allerent
De terre basse, où prindrent & fouillerent*

Les grands tresors, & les richesses vaines
 Qu'elle cachoit en ses profondes veines,
 Comme metaux & pierres de valeurs,
 Incitement à tous maux & malheurs.
 La hors de terre estoit le fer nuisant
 Avecques l'or trop plus que fer cuisant.
 Honneste Honte, & Verité certaine
 Avecques Foy prinrent fuite loingtaine:
 Au lieu desquels entrerent flatterie,
 Deception, trahison, menterie,
 Et folle amour, desir & violence
 D'acquerrir gloire & mondaine opulence.

Et vn autre poëte:

L'or a chassé du monde & foy & loyauté:
 L'or met au plus offrant iustice & equité.

Celuy donques pourueut la vie humaine de
 grandes occasions de crimes & meschancetés,
 qui premier trouua les mines d'or & des autres
 metaux, & enseigna la maniere de les fouiller,
 enquoy les hommes ont rendu la terre tresperil
 leuse (ainsi que dit Plin) surpassant en temerité
 & folle hardiesse ceux qui se plongent au pro
 fond de la mer pour chercher les perles. Or les
 Historiens sont mal d'accord de ceste inuentio,
 laquelle ils attribuent à diuers. Les principaux
 escriuent que le plomb fut premierement trou
 ué en certaines isles dites anciennement Cassi
 terides és enuirs d'Espagne : possible sont ce
 celles qu'aujourd'huy lon nomme Axores : le
 cuyure en Cypre : le fer en Crete ou Candie.
 Mais l'or & l'argent fut descouuert au mont Pan

gee, dit aujourduy Castagna en Thrace ou Romanie, d'où ils ont infecté tout le monde. Les Scythes seuls entre tous peuples, à ce que Solin raconte, reiecterent l'usage de l'or & de l'argent à iamais, se deliurans de la seruitude vniuerselle de l'auarice. Les Romains anciens reprimerent par ordonnance publique les superfluités de l'or, & Pline fait mention d'une loy & reiglement fait aux mines d'Ictomulū au territoire de Verceil, par laquelle il fut defendu aux fermiers & peagers de ne tenir plus de cinq ouuriers. Et pleust à Dieu que les hommes fussent autant soucieux des choses celestes, comme ils sont de fouiller aux entrailles de la terre, allechés par la conuoitise des richesses, desquelles tant s'en faut qu'ils puissent acquerir heur & repos, que la plus grand' part au contraire y trouue occasion de plaindre le temps & la peine qu'ils y ont employé.

Del' Astronomie. CHAP. XXX.

POur la derniere des sciences mathematiques s'offre & presente l'Astrologie, dite aussi Astronomie, toute fauleuse & trompeuse, plus que ne sont les imaginations poëtiques. Les professeurs & maistres de laquelle, gents outrecuidés, forgeurs de monstres & prodiges, ont par curiosité reprouuee, ainsi que l'Abraxes de Basilides heretique, construit & fabriqué à leur appetit des cercles & globes au Ciel, des mesures

aux estoiles, des mouuements, figures, images, accords, & harmonies, les descriuans & representans ainsi que s'ils estoient descendus nauigueres d'en haut, où ils eussent longuement han- té & habité. Par lesquelles choses ils afferment qu'il n'y a rien qui ne puisse estre, produit, sceu & congnu: neantmoins sont en si grand discord entre eux, & si contraires, que ie peux bien dire avec Pline, que l'inconstance de cest art donne euident tesmoignage qu'il est faux & nul, atten- du que des principes d'iceluy les Indiens iugent d'une façon, les Chaldeens d'une autre, les Egyptiens d'une autre, & que en iceux Maures, Iuifs, Arabes, Grecs, & Latins sont tous diuers en opinions les vns des autres. Car parlant du nombre des spherés ou globes celestes, Plato, Proclus, Aristote, Auerroïs & presque tous les Astrologues qui ont esté deuant Alphonse, peu exceptés, ont tenu qu'il n'y en auoit que huit. Toutesfois Auerroïs, & Rabi Isac afferment que Hermes & quelques Babylo- niens en auoyent obserué vne neuueme. Al'opi- nion desquels s'accorde Azarcheles Maure, & Thebith, & le mesme docte Rabi Isac & Alpe- tragus, & Albert Teutonique, qui fut surnom- mé le grand par ie ne sçay quelle vaillantise: & en somme tous ceux qui ont obserué le mouue- mét tremblant ou de titubation qu'ils appellēt. Mais les nouueaux Astrologues en comptent dix à present: ce que Albert mesme dit auoir esté creu par Ptolemee. Quant à Alphonse ensuyuant
h s quelque

quelque fois l'opinion de Rabi Isac surnommé Basam, il a tenu qu'il y eust neuf Spheres, neantmoins quatre ans après qu'il eust publié ses tables, se ioignant avec Albuhasen Maure & Albatregni, il se retracta, & n'en mit que huit. Pareillement Rabi Abraam Auenazre, Rabi Levi, & Rabi Abraham Zacut croyent que sur l'octave Sphere il n'y a aucun globe mobile. Après, pour le regard du mouuement du huitieme Ciel & des estoiles fixes, ils sont merueilleusement discordans entre eux: Car les Chaldees & Egyptiens afferment qu'il n'est porté que par vne seule sorte de mouuement, à quoy consentent Alpetragus, & des modernes Alexandre Aquilin.

Les autres astrologues depuis Hipparque iusques à nostre temps, disent qu'il tournoye de diuers tournoyeméts. Les Iuifs Talmudistes luy en assignent deux, Azarcheles & Thebit & Jean de Montroyal luy donnent vn mouuement tremblant, qu'ils appellét d'acces & d'esloignement sur deux petits cerceaux és chefs ou commencementés du Mouton & de la Balace: sont diuers routesfois entr'eux, en ce qu'Azarcheles dit que le chef mobile n'est distant de celuy qui est fixe plus de dix degrés, & Thebit soustient qu'il n'est que de quatre seulement avec dixneuf minutes. Jean de Montroyal veut qu'il y ayt distance de huit degrés, & non plus: & partant que les estoiles fixes ne sont portees tousiours vers mesme endroit du monde, ains retournét quelque fois d'où elles sont parties. Mais Ptole-

mce,

mme, Albategni, Rabi Leui, Auenazre, Zacut, & des plus recents Paul Florentin, & Augustin Rit, lequel i'ay congnu & hanté familièrement en Italie, afferment que les estoiles sont portées selon le mouuement successif des signes tousiours & sans intermission. Mais les plus nouveaux astrologues attribuent triple mouuement à l'octaue sphere, à sçauoir vn qui luy est propre, que nous auons appellé tremblant, lequel s'accomplit en sept mil ans vne fois. Vn second mouuement procedant de la neuueme sphere, le tour duquel ne se paracheue en moins de quarante neuf ans. Le troisieme mouuement est causé par la dixieme sphere, & fait son tour en vn iour naturel de vingt quatre heures, appelé mouuement du premier mobile, mouuement forcé & diurne: car tous les iours il retourne à son poinct & principe. En outre ceux qui n'assignent que deux mouueméts à l'octaue sphere, ne sont point tous d'un mesme aduis: car presque tous les modernes, & ceux qui accordent le mouuemét de titubation, ou tremblant, recueillent de leurs obseruations, qu'elle est rauie par la sphere superieure: mais Albategni, Albuaßen, Alphragan°, Auerroës, Rabi Leui, Abraham Zacut, Augustin Rit, pensent que le mouuement diurne, ou qui se parait en vn iour, n'est point peculier à aucune sphere, ains se fait par tout le ciel vni, & par toutes les spheres ensemble. Le mesme Auerroës dit que Ptolemee en certain liure (lequel il intitule les narrations)

nie

nie le deuxieme mouuement de circuition, que nous auons dit s'accomplir en quarante neuf mil ans, & Rabi Leui s'accorde avec Auerroës touchant le mouuement diurne, & soustient qu'il se fait par tout le ciel ensemble, sans qu'un globe attire les autres. Or touchant les mesures du mouuement de l'octaue sphere & des estoiles fixes, sont-ils de meilleur accord? Ptoleme pense que les estoiles fixes se mouuent & s'auancent d'un degré en cent ans, Albategni dit que c'est en soixante six annees Egyptiennes, auquel consentent Rabi Leui, Rabi Zacut, & Alphonse en la correction de ses tables. Azarcheles Maure dit, qu'elles se meuuent d'un degré en septante cinq ans, Hipparque en septante huit. Plusieurs des Hebrieux, ainsi que Rabi Iosue, Rabi Moysse Maymon, Rabi Abenezra, & à leur suite Rabi Benrodan, croient que ce soit en septante ans. Jean de Montroyal en huitante. Augustin Rit tient le milieu entre les opinions d'Albategni, & des Hebrieux, & tient que les estoiles fixes courent vne portion du ciel non plustost qu'en soixante six ans, ny plus tard que septante. Mais Rabi Abraham Zacut (selon le rapport de Ririus) tesmoigne que iuxte les preceptes des Indiens, il y a encor au ciel deux estoiles fixes opposees diametralement l'une à l'autre, qui parfont leur cours en l'espace de cent quarante quatre ans pour le moins au rebours & cõtre l'ordre des signes. Alpetrag. aussi estime qu'au ciel sont encor plusieurs sortes de mouuem

mouuemens incōgnus aux hommes: que si ainfi
est, il est croyable qu'il y a semblablement des
estailles & corps auxquels ces mouuemens s'ap-
proprient, lesquels ne sont apperceus par les
hommes, à cause de leur excessiue hauteur, ou
n'ont peu estre recongnus iusques à present par
aucune obseruation astronomique. A laquelle
opinion s'accorde Phauorin philosophe, selon
que dit Gelle, en sa harangue contre les astrolo-
gues dresseurs de natiuités. Il n'y a donques
rien qui nous asseure, qu'il soit iusques à pre-
sent descendu du ciel aucun Astronome, qui
nous aye apporté nouuelles certaines du
vray & asseuré mouuement de ces corps non
erratiques. Et quant aux planettes, le vray
mouuement de Mars ne leur est non plus con-
gnu iusques au iour d'huy: dont Iean de Mont-
royal mesme se plaint en certaine epistre qu'il
escriit à Blanchin, lequel erreur en ce mouuemēt
a esté laissé par escriit par vn certain Guillaume
de saint Cloud, grand Astrologue, en ses ob-
seruations faictes sont passés deux cents ans &
plus, & ne s'est trouué aucun de ceux qui sont
venus apres qui l'aye corrigé. Outre ce lon tient
pour chose impossible de pouuoir remarquer
certainement, quand le soleil entre aux poincts
equinoctiaux: ce que monstre par plusieurs rai-
sons Rabi Leui. Mais que dirons-nous des fau-
tes que les plus anciēs ont faictes es choses qui
ont esté descouuertes & obseruees apres eux?
Car plusieurs avec Thebit ont pensé, que la plus
grande

grande declinaison du soleil va tousiours variant, & toutesfois il est certain que tousiours il va d'une mesme heure. Ptolemee a eu autre opinion d'icelle, & Albategni. Rabi Leui, Auenazre, & Alphonse, en ont trouué choses diuerses. Le semblable est aduenü du cours du soleil, & de la mesure de l'an : car ils en trouuent autrement que Ptolemee & Hipparque n'ont enseigné. Comme aussi du mouuement de l'auge du Soleil. Ptolemee en a estimé d'une façon, Albategni d'une autre, & tout diuersement que les autres. Semblablement des figures & images celestes, & des considerations des estoiles fixes, les Indiens, les Egyptiës, les Chaldeës, les Hebreux, les Arabes, ont chacun leur opinion à part & diuersé: dont Timothee, Arfatile, Hipparchus, & Ptolemee ont donné diuers & discordans enseignements. Je me passe de faire mention des folies qu'ils disent du commencement du ciel dextre ou senestre, d'ot toutesfois Thomas d'Aquin & Albert Teutonique theologiens superstitieux s'essayans de dire quelque chose à propos, n'ont sceu monstrier ou enseigner rien du tout, ny scauront iamais tous ceux qui s'y travailleront. Dauantage, il n'y a aucun Astrologue qui aye encor sceu dire que c'est que le cercle lactee, que lon appelle le chemin de saint Iaqués. Je passe aussi ce qu'ils disent des eccentriques, concentriques, epicycles, retrogradations, trepidations ou tremblemens, accez & esloignement, rauissement, & autres especes de mouuements,

ments, & des cerceaux descrits par iceux mou-
vements, d'autant que toutes telles choses ne
sont œuvres de Dieu ny de nature, ains môstres
imaginaires des mathematiciens, & bourdes
printes des fables des poëtes, ou de la bourbe
d'une philosophie corrompue: auxquelles néat-
moins les maistres professeurs de cest art n'ont
point de honte d'adiouster telle foy, que si c'e-
stoyent choses tresueritables, creees de Dieu &
establies en nature: voire de rapporter à ces ba-
neries cōme à causes certaines, tout ce qui se fait
ça bas parmi nous, affermans que leurs mouue-
mēts imaginés sont principes & sources de tous
les mouuementz inferieurs. Ces Astronomes fu-
rent iadis touchés au vif par la chambriere d'A-
naximenes d'un brocard poingnant & notable;
ainsi qu'elle accompagnoit son maistre, comme
elle auoit de coustume, lequel estoit sorti de sa
maison de fort grand matin pour contempler
les estoiles: car come il eust les yeux tendus au
ciel sans prendre garde où il mettoit les pieds, il
tomba dans vn fossé qui estoit tout deuant luy,
dōr il ne luy souuenoit point: alors sa chābriere
luy dit, Le m'esmerueille comme tu presumes de
pouuoir sçauoir ce qui est au ciel, veu que tu ne
peux preuoir les choses qui sont deuant tes
pieds. Lon dit que Thales de Milet fut aussi re-
pris par sa chambriere Thraciene par vne sem-
blable sornette. Presque choses semblables sont
dites d'iceux par Cicero: Pendant, dit-il, que les
Astrologues cherchent & courent les espaces du
ciel,

ciel, nul d'eux ne prend garde à ce qui est deuant
ses pieds. J'ay appris cest art, & en ay esté ab-
breuüé dès mon enfance par mes parents, & y ay
depuis consommé & mal employé beaucoup de
temps & de peine: en fin ie n'en ay tiré autre
proffit sinon de congnoistre que tout ce qu'il
contient & enseigne n'a autre fondement que
friuoles & songes imaginés: & me repens gran-
dement de ce que i'y ay tant perdu de temps &
de trauail, & desirerois pouuoir m'exempter &
du souuenir & de l'usage d'iceluy, & pieça l'euf-
se-ie dutout abandonné & chassé de mon esprit,
pour ne m'en mesler iamais, si ie n'estois con-
traint de heurter encor souuent à cest escueil
par la violéce des prieres des grands seigneurs,
lesquels ont accoustumé d'abuser maintesfois
en choses indignes des bons & gentils esprits,
ou que ie ne fusse sollicité par le profit de mon
mesnage detirer aucunesfois quelque fruiet de
leurs follies, & fournir de bourdes à souhait à
ceux qui en sont si frias. Je dis de bourdes: car à
la verité l'astrologie n'a autre chose en elle que
pures bourdes & fables poëtiques, prodigieuses
resueries, & fausses imaginations, dont ils don-
nent à entendre que les cieux sont remplis, &
n'y a estat ny profession qui mieux s'accordent
& se ressemblent que l'Astrologie & Poësie,
horsmis en ce qu'ils disent de Lucifer & Ve-
sper: car les Poëtes afferment que l'estoile Luci-
fer apparoiſſant deuant le soleil leuant, suit ice-
luy quand il se couche, au mesme iour, ce que

tous

tous les Astrologues nient pouuoir aduenir en
mesme jour, excepté ceux qui logent Venus au
dessus du Soleil, d'autant que les estoiles qui
sont plus esloignees apparoiſſent pluſtoſt ſur
noſtre horiſon au leuer, & ſe cachent plus tard
au coucher. Mais ceſte contrarieté en matiere
d'aſſiette de planettes d'entre les Astrologiens
m'eſchappoit ſi ie n'y euſſe eſté mené par l'occa-
ſion de la conference d'iceux avec les Poètes:
car auſſi eſt-ce choſe appartenante plus aux phi-
loſophes qu'aux astrologues. Plato à la verité a-
pres la Lune met en ſecond rang la ſphere du
Soleil. Les Egyptiens font le ſemblable, logeans
le Soleil entre la Lune & Mercure. Archimedes
& les Chaldees aſſignent au Soleil le quatrieme
rang. Anaximander & Metrodore de Zio, &
Crates diſent que le Soleil eſt le plus haut de
tous, apres luy la Lune, & au deſſous toutes les
autres estoiles errantes & non errantes. Xeno-
crates eſt d'opinion que toutes les estoiles rou-
lent ſur vne meſme eſtendue ou ſuperficie. Ils
ne ſont auſſi moins diſcordans de la grandeur
du Soleil & des autres estoiles, & des diſtan-
ces & interualles qui ſont entre elles, comme il
n'y a arreſt ny aſſeurance en tout ce qu'ils diſent
des choſes celeſtes: & ne ſ'en faut eſmerueiller:
car auſſi n'y a-il rien plus inconstant que le ciel
qu'ils eſpluchent & recherchent, ny plus plein
de fables: Car les douze ſignes & les autres ima-
ges & figures, tant Septentrionales que Meri-
dionales, n'ont point eſté portees au ciel que
i par

par les fables. Cependant par le moyen de ces fables les Astrologues vivent, trompét, & gagnent de l'argent, où les poètes inuenteurs d'icelles ieusnent & meurent de faim,

De l'Astrologie iudiciaire. CHAP. XXXI.

RESTE à parler de l'autre partie de l'Astrologie, qu'ils appellent iudiciaire ou diuinatrice, laquelle traicte des reuolutions des années du monde, des natiuités, des demandes & questions, des elections, intentions, cogitations, & vertus pour predire, attirer, euitier, ou repousser les euenemens de toutes choses, encor que futures, voire des dispositions secretes de la prouidence diuine. Partant les Astrologues font leurs comptes & calculs des effects du ciel & des astres dès les premieres & plus esloignées années immemoriables, & auant par maniere de dire que Promethee fust au monde, les ramenant aux conionctions qui estoient auant le deluge, & afferment que les effects, forces, vertus, & mouuements de tous les animaux, des pierres, herbes, & metaux, & en somme toutes ces choses inferieures dependent totalement des influences des cieux & des estoiles, & que par icelles lon les peut rechercher & trouuer. Hommes priués de foy, & du tout sans religion, ne s'apperceuant point que par vn seul point ils sont redargués en ce que Dieu auoit desia créé les herbes, plantes, arbres, auant qu'il fist les

cieux

cieux & les estoiles ; & n'y a aucun des philosophes bien renommés , comme Pythagoras, Democrite, Bion, Fauorin, Panece, Carneades, Posidoine, Timee, Arist. Placo, Plotin, Porphyre, Auicenne, Auerroës, Hippocrates, Galien, Alex. Aphrodisien , ny Cicero, Seneque , ou Plutarque, ny autres semblables, lesquels ont recherché par toutes sciences les causes & raisons des choses, qui nous aye onques renuoyé à ces causes astronomiques, lesquelles, ores qu'elles fussent vrayes causes , si est-ce qu'estant le cours des estoiles & leurs vertus incertaines & peu congnues, ainsi qu'il est apparét & hors de doute entre tous les sçauans, il est impossible aussi de donner certain iugemét de leurs effects, & s'en est assez trouué de leur bande qui ont confessé ouuertement , que lon ne peut trouuer rien de certain en la science des iugemens , tant à raison de plusieurs autres causes cooperantes avec le ciel, lesquelles il faut non moins considerer & congnoistre, ce que Ptolemee enioint , que pour les occasions & obstacles infinis qui peuvent empescher leurs effects ; comme sont les mœurs & coustumes, la nourriture, la honte, les commandements, le lieu, la conception, le sang, la sorte de viandes, la liberté de l'esprit, & la discipline : attendu que ces influxions ne forcent point, disent ils, mais inclinent seulement. De cest aduis sont Eudoxus, Archelaus, Cassandre, Hoyehilax, Halicarnasse, tressçauans mathématiciens , & plusieurs autres tresgrans auteurs

plus récents . Outre plus ceux qui ont escrit les reigles de ces iugements , enseignent d'iceux choses si diuerses qu'il est impossible à vn prognostiqueur de recueillir ne determiner chose aucune certaine de tant & si cōtraires opinions, s'il n'est pourueu en soy de quelque congnoissance secrette des choses aduenir, instinct & faculté de les descouurir & prédire , ou pour mieux dire de quelq diabolique inspiration cachée pour pouuoir discerner & iuger entre les choses, ou en quelque autre maniere choisir les opinions auxquelles il se doit tenir. Duquel instinct ou esguillon quiconque est priué, ne peut, ainsi que tesmoigne Haly, rien dire de veritable par iugements astronomiques . Partant il s'ensuit, que les prediCTIONS des astrologues ne se font point tant par art & reigles, que par certaine obscure sorcellerie : & tout ainsi qu'en ouurant vn liure on peut rencontrer vn vers qui contient choses veritables , & qui aduiennent bien souuēt , aussi de l'esprit de l'astrologue non par art mais par sort les prediCTIONS sont poulsees hors & proferees , comme tesmoigne Prolemee mesmes. La science des estoiles, dit-il, gist en toy, & est prinse d'icelles , donnant à entendre euidemment que les diuinations des choses futures & cachees ne se font point tant par l'observation des estoiles , que par le moyen des affections de nostre esprit. Il n'y a donques aucune assurance en cest art, ains est muable, & s'applique à toutes choses, selon la diuersité des opinions

nions qui sont produites, ou des coniectures & creances, ou d'une incomprehensible inspiration ou incitation des esprits immodes, ou d'un sort superstitieux: Et n'est cest art en effect autre chose qu'une fausse coniecture de gents superstitieux, qui ont voulu bastir vne science sur la longue experience de plusieurs choses de ce qui est incertain & tresdouteux, par laquelle ils puissent attrapper l'argent des simples, en deceuant & trompant & eux & les autres. Que si leur art estoit veritable, d'où sortiroyent tant d'erreurs dont toutes leurs prognostications sont remplies? & s'il ne l'est, pourquoy se vantent-ils d'une science sans subiect, ou de choses qui passent leur intelligence, & y employent le temps en vain avec non moindre impieté que folie? Mais ceux d'entr'eux qui sont les plus rusés, ne mettent iamais en auant que choses obscures & ambiguës, qui se peuuent tirer & appliquer à quelque eueneinent qui se presente, à toutes saisons, à chaque prince & natiõ: & bastissent ainsi par vn malicieux artifice leurs douteuses prognostications. Estant puis par aduenture aduenue quelque chose qu'ils auoyent essayé de predire, alors ils recueillent les causes d'icelle, & par nouuelles raisons taschent d'asseurer leurs vieilles propheties, à fin qu'il semble qu'ils l'ont preueüe & deuinee. Comme font ceux qui se messent d'interpreter leurs songes: lesquels lors qu'ils ont songé ne scauent à quoy cela tend: mais s'il aduient quelque chose de semblable,

ils appliquent à leur songe ce qui est aduentu. Ioinct qu'estant le nombre des estoiles infini, & leurs effects tant diuers, il est impossible qu'il n'y aye de bons & de mauuais aspects & influxions, par où l'occasion leur est produite de dire ce qu'il leur plaist, & prononcent à qui ils veulent, heur, vie, santé, honneurs, richesses, dignités, puissance, victoire, lignee, amitiés, mariages, benefices & offices, & choses semblables, ou leurs contraires, à ceux qui ne leur sont agreables, les menaçs de mort, de gibbets, ignominies, deffaictes, bannissements, perte d'enfans, langueurs, maladies, & autres telles calamités, qui leur sont suggerees, non tant par leur art reprouué, que par leurs meschantes affectiōs par lesquelles le rude & credule populaire est trainé en perdition, s'addōnant à ceste curieuse impieté : & souuent les Princes & Potētats sont incités les vns contre les autres, & enueloppés en sanglantes seditions & mortelles guerres. Si l'aduenture ameine l'euenement au poinct de leur presage, Dieu sçait leurs insoléces, & comme ils drescent les crestes, & se vātent. Mais s'ils mentent perpetuellement, encore qu'ils soyent conuaincus, ils n'ont faute d'excuse, & principalement se defendent par vn blaspheme, couurant par vn mensonge vn autre mensonge, & disent que le sage commande aux astres: ce qui est faux. car ny le sage a aucun commandement sur les astres, ny les astres sur luy : mais l'un & l'autre sont sous l'autorité & puissance de Dieu: ou di-

sent

sent que le subiect qui doit receuoir l'influxion celeste a empesché l'effect d'icelle par imbecillité, ou pour n'estre bien propre & conuenable à icelle. Et si on les presse de donner raisons plus pertinentes, ils se mettent en cholere. Neantmoins ces basteleurs & vendeurs de bourdes ne laissent de trouuer des Princes & magistrats qui leur adioustent foy en toutes choses, les honorent, leur assignent gages & salaires du public, encor qu'à la verité il n'y aye qualité ny condition d'hommes plus pestiferes à la chose publique que ces deuins, qui se meslent de donner la bonne aduenture par les astres ou en regardant les mains, ou par interpretations de songes, & autres especes & manieres de deuiner & predire les choses futures, gents reprouvés de Dieu, & detestés par tous ceux qui croient en luy. Desquels Cor. Tacitus mesme se plaint ainsi: Aux Mathématiciens, dit-il, ainsi les hommes communément, qui sont vne maniere d'hommes infideles enuers les Princes, & trompeurs enuers ceux qui les croient, est tousiours defendue la ville de Rôme: mais n'en sont iamais pourtant deschassés. Varro semblablement, auteur graue & approuué, tesmoigne que toutes les superstitions & leurs vanités sont produites par l'astrologie. Lon lit aussi qu'en Alexandrie on leuoit vne gabelle sur les Astrologues, qui estoit appelée par vn mot grec Blacennomion, c'est à dire, le denier des sots, d'autant qu'il n'y a que les sots qui ayent recours aux astrologues,

& qu'iceux ne font gaing & proffit q̄ des sottises d'autrui, & de leurs remerités. Si la vie & la fortune des hōmes depēd des astres, que deuons nous craindre ny tant nous soucier? Laissons plustost ces choses à Dieu & aux cieux, qui ne peuuent ny errer ny mal faire: & estans hōmes, enquerons-nous des choses humaines, sans attēter ce qui est plus haut, & qui surpasse nostre entendement & nos forces, voire estans baptisés en nostre Seigneur Iesus Christ auquel nous croyons, laissons à Dieu son pere les heures & les momēts qui sont en sa seule main & puissance. Mais si ny nostre vie ny nos aduentures ne sont produites & regies par les astres, tout le labeur des astrologues n'est-il pas vain? Or est rempli le monde d'une maniere de gents tant timides, aisés à croire & à esmouuoir, ainsi que sont les petits enfans aux comptes qu'on leur fait des fantosmes & rabats qu'ils croyēt, & s'espouuantent plus des choses qui ne sont point, que de celles qui sont, voire sont tant plus effrayés qu'il y a de l'impossibilité, tant plus credules que ce qu'on leur donne à entendre est plus esloigné de toute verisimilitude: & si ces hommes n'estoyent, les astrologues pourroyēt biē chercher autre pratique, ou il leur cōuendroit mourir de faim. Mais la sotte credulité de ceux-cy, laquelle fait que les choses passees leur eschappent de la memoire, les presentes soyent negligees, & les futures si ardamment poursuyues & recēchees par iceux, donne telle faueur
à ces

à ces imposteurs, qu'au lieu que les autres hommes par vne seule mensonge rendent leur foy suspecte es choses mesmes veritables, au contraire ces forgeurs de mensonges ordinaires par le rencontre casuel d'une seule verité couurent toutes les tromperies & faussetés qu'ils sçauroyent auoir esparées publiquement par tout, à raison de quoy ceux qui tant s'y fient sont les plus malheureux d'entre tous les hommes: car ces baueries ne peuuent apporter que malheur à tous ceux qui les ont en estime & s'en messent, comme il est apparu, ainsi que les anciens tesmoignent, en Zoroastre, Pharaon, Nabuchodonosor, Cesar, Pompee, Crassus, Deiotarus, Neron, & Iulien l'apostat, lesquels comme ils furent tresaddonnés & abusés à icelles, aussi peurent ils miserablemēt, & ne vid on iamais qu'à tous ceux ausquels ces astrologues ont promis heur & ioye, mal & tristesse ne soit aduenue en toutes leurs entreprinſes, cōme à Pompee, Crassus, & Cesar, ausquels tous auoyēt predict q̄ chacun d'eux mourroit en extreme vieillesse, & en la maison, rempli d'honneurs & de gloire: neant moins à tous furent leurs iours auancés, & moururēt de male mort. A la verité ceste espeece d'hommes sont merueilleusement rebours & obstinés, de presumer de sçauoir les choses futures, puis qu'ils sont ignorans des passees & des presentes, & pendant qu'ils donnent à entendre à tout le monde qu'ils les aduertiront & leur prediront les choses les plus cachees, ne

i s sçauent

ſçauët ce qui ſe fait en leurs maiſons ny en leurs propres chambres, comme vn certain Aſtologue fut noté par Thomas Morus en vn ſien epi-gramme en ce ſens,

*Le Ciel de ſes ſecrets, beau deuin, t'a faiſt part,
Et de l'heur ou malheur qu'aux hommes il deſpart:
Mais d'entre ces brandons n'y a cil qui te die,
Voy tu point que par tout ta femme ſe publie?
Phebé ton front ſerain, ton œil clair, noble cœur,
Ne void celles de qui Cupidon eſt vainqueur.
Saturne eſt loing, & n'a, bigle dès ſa naiſſance,
Non pas meſme de pres d'un caillon congnoiſſance,
D'Europe Iupiter, de Daphné Sol, & Mars
De Venus, & d'Hérſé Mercure eſt d'amour ars:
Si bien que quand d'autrui ta femme s'amourache,
Nul Ciel, nul ſeu aſtré ne veut que tu le ſçahe.*

Outre ce il n'y a celuy qui ne ſçache combien ſont differents entre eux les Iuiſ, Chaldeens, Egyptiens, Perſes, Grecs, & Arabes és reigles & preceptes de leurs iugements, & comme l'aſtologie de tous les anciens eſt reiectee par Ptole-mee. Que ceſtuy cy eſtant ſouſtenu par Auenro dan eſt d'autre part agallé par Albumaſar, de tous leſquels detracte & meſdit Abraham Auenazre Hebrieu. Bref Dorothee, Paul Alexandrin, Epheſtiô, Materne, Aiomar, Thebith, Alkindus, Zaël, Meſſahalla, & preſque tous les autres ont diuers aduis & opinions : & où ils ne peuvent donner preue de la verité des choſes qu'ils diſent, ont recours aux experiences ſeules, & par les raiſons d'icelles ſe defendent : encor qu'en
cela

cela ils ne soyent tous d'un mesme accord:encor moins sont ils accordés touchant ces propriétés des douze manoirs & domiciles celestes, desquels ils pourchassent & tirent les predictiōs de tous les euenemens futurs:car Ptolemee les assigne en vne façon, Heliodore en autre, & sont diuersemēt décrits par Paul, Manile, Materne, Porphyre, Abenragel, & chacun d'eux, autrement par les Egyptiēs, par les Arabes, par les Grecs, par les Latins, autrement par les anciens, autrement par les modernes: & ne sont encor resolués ny certains en quelle forme ils doyuent fabriquer les principes & extremités des maisons: car les anciens leur donnent vne façon, Ptolemee vne autre:& sont autrement tracees par Campanus, & par Iean de Montreal. Parquoy il aduiēt qu'eux mesmes se rendent suspects par leurs observations propres de vanité & mensonge, attribuās és mesmes endroits diuerses & differentes propriétés, fins, & principes selon la diuersité de leurs opinions, assignans ces hōmes irreligieux, sans aucune reuerence de la maiesté diuine, ce qui appartient à elle seule, aux astres, & rendans la liberté des hommes esclauē des estoiles, & combiē que nous soyons instruits que tout ce q̄ Dieu a créé est bon, ils veulent neantmoins qu'il y aye certains astres malins, auteurs de crimes & meschancerés, & de mauuaises influences, faisant en ce tresgrande iniure au Ciel & à Dieu mesme, donnans à entendre que és Cieux par ceste diuine assemblee sont decretés & ordonnés

nés les maux & les excès qui se font entre les hommes, imputans les crimes que nous com-mettons de nostre propre volonté & de gayeté de cœur, comme lon dit, & tout ce qui aduient contre l'ordre de nature par la corruption d'icelle aux corps & influxions celestes. Avec ces Astrologues presument bien sans aucune crainte de semer & enseigner des heresies tres-pernicieuses, comme quand ils maintiennent par sacrilege temerité que le don de prophetie, la pieté, les secrets de la conscience, la vertu contre les esprits malings, les miracles, l'efficace des prieres, & l'estat de la vie aduenir, & toutes telles choses dependent des astres, sont donnees par iceux, & par iceux sont congnes des hommes: Car ils disent que celuy qui sera nay le signe des lumeaux ascendant lors que Saturne & Mercure sont conioincts sous le signe du Portecruche en la neuueme maison du Ciel, sera prophete, & que à ceste cause nostre seigneur Iesuschrist faisoit tant de choses merueilleuses, d'autant qu'il auoit en tel lieu Saturne & les lumeaux. Pareillement donnant la superintendance à Iupiter & totale protection des sectes des religions, faisant vn meslange des autres estoiles avec iceluy, distribuent & separent icelles en sorte, que Iupiter avec Saturne fait la religiō Iudaïque: S'il est ioinct à Mars, il fera la Chaldaïque, avec le Soleil celle des Egyptiens: si c'est avec Venus, il produit la religion des Sarrafins, avec Mercure la Chrestienne, avec la Lune celle que

quel on dit deuoir estre mise au monde par l'an
techrist. Disent d'auantage que Moïse institua
le iour du Sabbat & la cessation religieuse de
toutes œuures en iceluy par observations astro-
logiques : & partant que les chrestiens errent
de traualler au samedy, ne le voulans fester à
la maniere des Iuifs, veu que c'est le iour de Sa-
turne. La foy & fidelité d'un chacun, tant enuers
Dieu que enuers les hommes, & la profession de
religion, & pareillemēt les secrets des conscien-
ces, disent proceder du Soleil, & pouuoir estre
cognus par iceluy & par la troisième, neuueme,
& onzieme mansion du Ciel. Pour iuger & sça-
uoir ce que les hommes pensent, ou leurs inten-
tions, comme ils disent, plusieurs baillent des
reigles en abondance, & assignent les causes des
plus merueilleuses œuures de la diuinité, comme
du deluge vniuersel, de la loy publiee par Moïse,
de l'enfantement de la vierge Marie, aux figures
& descriptions de leurs domiciles celestes, con-
trouuans que la mort salutaire à l'humaine ge-
neration de nostre seigneur Iesuschrist est œu-
re de l'estoile de Mars, remarquans que le Sei-
gneur mesme a bien obserué les heures, & icel-
les sceu choisir, quand il a voulu faire ses mira-
cles, à fin de n'estre offensé par les Iuifs quand il
venoit en Hierusalem: & pource quand les disci-
ples le voulurent diuertir, il leur dit, N'y a il pas
douze heures au iour? Outre ce ils disent que si
Mars est heureusement logé en la natiuité d'au-
cun en la neuueme maison du Ciel, que cestuy
là

là chassera par sa seule presence les diables des corps des personnes. Que celuy qui fera sa priere à Dieu en la conionction de la Lune avec Iupiter au milieu du Ciel en la queue du Dragon, impetrera tout ce qu'il voudra demander, & que la felicité de la vie aduenir est ottroyee par Iupiter & Saturne. Et si quelcun naissant a Saturne colloqué heureusement au signe du Lyon, que l'ame d'iceluy apres ceste vie mortelle deliuree d'innumerables difficultes & trauaux, passera aux Cieux d'où elle a prins son origine, & s'adioindra avec les dieux. Lesquelles faussetes, & trespernicieuses heresies, sont neantmoins attestees & non sans soupçon d'heresies approuuees par Pierre d'Appon, Roger Bacon, Guido Bonat, Arnold de Ville-neue philosophes, Aliacense Cardinal & Theologien, & plusieurs autres docteurs chrestiens, lesquels afferment ces choses estre veritables, & les auoir experimentees, & ont le cœur de les maintenir & defendre. Or contre ces Astrologues diuinateurs a depuis peu d'annees en ça escrit douze liures Iean Pic Comte de la Mirandole, si abondamment qu'il n'a rien laissé arriere de tout ce qu'on leur peut opposer, & par telle efficace de pertinentes raisons, que ny Luc Balant tresaspre defendeur de la vanité de cest art, ny autre qui l'aye voulu maintenir, ne l'ont sceu garentir ny sauuer iusques à present de la force de ses arguments. Car Pic prouue avec vehementes raisons que c'est vne inuention des diables, & non des

hommes, ce q̃ Firmien dit aussi, par laquelle ces esprits malins ont voulu pervertir & réuerſer toute la philosophie, medecine, loix, & religion, au dommage & ruine du genre humain: Car en premier lieu elle oste la foy de la religion, aneantisſant les miracles, ostant la prouidence, & enseignant que toutes choses dependent de la force & vertu des estoiles, & aduiennent par necessité fatale & ineuitable de leurs constellations, fauorise en outre aux vices, entant qu'elle les excuse, comme descendans du Ciel en nous: souille & diffame tous les bons exercices, & les destruit entierement. La philosophie, entant qu'elle assigne des causes fabuleuses & non vraies aux choses: la medecine, en ce qu'elle la destourne des remedes naturels & certains pour la tirer à ses vaines obseruatiōs, & l'amuser à peruerſes & dānables superstitions, & mortelles tāt au corps qu'à l'ame. En outre elle foule aux pieds tout ce que la prudence humaine a ſceu ordonner & pouruoir aux hommes de bonnes loix, mœurs, & coustumes, en tant qu'il faudroit prendre aduis des astrologues selon eux, quand, comment, & par quels moyens on doit faire quelque chose: & donner à leur art le sceptre & commandemēt sur la vie & mœurs de tous en general, & de chacun en particulier, comme ayant seul autorité du Ciel sur toutes choses, & estimer vains tous autres moyens qui ne despendroyent de cestuy, ou ne le reconnoistroyēt pour maistre. Art, à la verité, digne que les diables mesmes l'ayent


l'ayent enseigné iadis au deshonneur de Dieu, & deception des hommes. Car l'heresie des Manicheens, qui despouille l'homme de toute liberte & election és choses, n'a point eu origine d'auteurs que de l'opinion & fausse doctrine des necessitez fatales des Astrologues. De la mesme source est deduite l'heresie de Basilides, qui imaginoit trois cents soixante cinq Cieux, les formant successiuement, & à l'imitation l'un de l'autre, & que la monstre d'iceux faisoit le nombre des iours de l'an, assignant à chacun d'eux certains principes, vertus, & auges, & leur donnant des noms : le prince & auteur desquels estoit vn Abraxas, nom composé de lettres grecques, lesquelles, selõ que les aualent les Grecs en notes de compte, font trois cents soixante cinq, nombre egal aux positions locales de ses Cieux controuués & imaginés. Ces choses ont esté par moy deduites, à fin de faire congnoistre que l'astrologie est aussi mere des heretiques. Finalement, comme il n'y a personne de bon & sain iugement entre les philosophes, qui ne reiecte ceste Astrologie deuineresse, elle est aussi detestee & condamnée par Moïse, Isaïe, Iob, Ieremie, & tous les saincts prophetes de l'ancienne loy : & S. Augustin entre les docteurs catholiques est d'aduis qu'elle soit bannie d'entre les Chrestiens. S. Hierosme la met au rang des idolatries, Basile & Cyprien s'en moquent, Chrysostome la combat, Eusebe, & Lactance se bandent contre, Gregoire, Ambroise, Seuerian, & le concile de

Toledo

u, & ani-
erte
ail-
ne-
sme
ima
for-
l'au
bre
er-
ant
oir
es,
no
q,
ux
ar
a-
e-
iu
e-
te
&
&
st
s:
i-
a
,
e
e

Toledé la défendent & condamnent, pareille-
ment le synode de Martin & Gregoire le ieune
& Alexandre troisieme Papes l'ont excommu-
niée & maudite, & les loix ciuiles & imperiales
la punissent. A Rôme sous les Empereurs Tibe-
re, Vitelle, Diocletian, Constantin, Gratien, Va-
lentinien, Theodose, elle fut interdite en la vil-
le, chassée & punie : Iustinien aussi y ordon-
na peine de mort, ainsi qu'il appert en son
Code.

Des Devinations en general. CHAP. XXXII.

 E lieu requiert que ie face aussi men-
tion des autres especes de diuina-
tiōs, lesquelles n'ont point tant d'e-
sgard aux choses celestes qu'à ces
choies basses & terrestres qui ont quelque om-
bre, ressemblance, ou imitation des celestes, &
par icelles font leurs predictions : à fin que en-
tendues icelles on puisse mieux congnoistre cest
arbre astrologue, duquel sont produits tels
points, & d'où est engendré ce monstre à plu-
sieurs testes ainsi que le serpent de Lerne. Entre
les arts diuinatrices sont donques comptees la
Physionomie, Meroposcopia, Chiromantie, Geo-
mantie, de laquelle nous auons desia dit quel-
que chose cy dessus, la diuination par les entrail-
les des animaux ou aruspicine, par l'observation
des foudres & tonnerres, dire speculaire, l'oniro-
critique ou interpretation de songes, & la fu-
reur, oracles, & propheties des insensés. Tous
k lesquels

lesquels artifices ne procedent par aucune bonne ny asseuree doctrine, & ne sont pourueus de raisons qui valloient, mais enquierent des choses secretes, ou par aduentures fortuites, ou par l'agitation de l'esprit, ou par quelques apparens coniectures qui sont prises des obseruations communes ou de longue main. Car ces arts prodigieux de deuiner n'ont autre defense que l'experience des choses qui aduiennent, & par icelle se despeschent des obiections qu'on leur fait quand ils promettent ou enseignent choses estranges hors de foy & de toute raison. Desquels il est ainsi parle en la loy, Nul entre vous ne se trouue, q face passer son fils ou sa fille par le feu, ny magicien vlant d'art magique, n'homme ayant regard au temps, & aux oiseaux, ny forcier, ny enchanteur qui enchante, n'homme demandant conseil aux esprits familiers, ny deuins: car Dieu a ces choses en abomination.

De la Physionomie.

CHAP. XXXIII.

LA Physionomie entre iceux suyuant (ainsi qu'elle dit) nature presume de pouoir congnoistre par signes apparens & probables en considerant toute la composition du corps, quelles sont les affections tant d'iceluy que de l'esprit, & quelles serot les aduentures des personnes entant qu'elle apperçoit que cestuy cy est Saturnin, cestuy la Iouial, l'autre Martial, ou Solaire, Venerien, Mercurial, ou Lunaire, & par l'habitude & comple-

xion des corps dit qu'elle peut recueillir l'Horo-
scope ou ascendant d'un chacun, montant peu à
peu par les effects aux causes astrologiques, là où
estant paruenue elle cause & babille à plaisir.

De la Metoposcopia. CHAP. XXXIIII.

LA Metoposcopia regardant seulemēt
le front avec iugement aigu & docte
experiēce se vante de sentir de loing
les commencemens, progres, & is-
sues des hommes ou de leur actions, & se dit
nourrie pareillement par l'astrologie.

De la Chiromantie. CHAP. XXXV.

LA Chiromantie remarque en la pau-
me de la main sept monts rapportés
au nombre des planettes, & estime
pouuoir congnoistre par les lignes
qui sont trouuees en iceux les complexions &
affections des hommes, leur vie, sort, & aduentu-
res, selon la correspondance ou bon accord des
traicts, qui sont comme marques celestes que
Dieu & nature ont imprimees en chacun, se ser-
uant mesme du tesmoignage du liure de Iob, où
il est dit que Dieu a constitué signe en la main
de tout homme, à fin qu'un chacun congnoisse
ses œuures. Lesquelles paroles ne peuvent estre
entendues de la vanité de la chiromantie. Dau-
tage les professeurs de cest art se parent & de-
fendent de ce qu'ils disent que ores qu'ils ne iu-
gent point des choses par les vrayes causes, neāt-

moins q̄ par signes imprimés par elles ou par autres semblables causes, lesquelles sont tousiours semblables en semblables choses, ils peuuent iuger de mesmes effects. Et disent que Pythagoras vsoit de cest artifice, & remarquoit par iceluy les mœurs, le naturel, & les esprits des ieunes gens, considerant la disposition & habitude de tout leur corps, & que ceux qui estoient iugés par luy en ceste sorte propres à la philosophie estoient receus au rang de ses disciples. Et que ce mesme moyé estoit tenu par Pharaotes Roy Indien à ce que racompte Philostrate. Tāt y a que pour reputed la vanité de ces arts, il n'est besoing d'alleguer autre raison, sinon qu'ils n'ont fondement sur aucune raison. Toutesfois plusieurs renommés personnages anciés ont escrit d'iceux, comme Hermes, Alkindus, Pythagoras, Pharaotes Indien, Zopire, Helenus, Ptolemee, Aristote, Alpharabe : En outre Galien, Auicenne, Rasis, Iulien, Materne, Loxius, Philemon, Palemon, Constantin Africain : Et entre les Princes Romains L. Sylla, & Cesar dictateur y furent tres addonnés. Mais des modernes Pierre d'Appon, Albert Teutonic, Michel Scot, Antiochus, Barthelemy Cochles, Michel Sauonarole, Antoine Cermison, Pierre de l'Arche, André Corbeau, Tricasse Mantuan, Iean de Indagine, & plusieurs autres medecins illustres en ont escrit. Mais pas vn d'entreux ne passe outre les coniectures & quelques observations d'euenemens & experiéces, qui ne sont dignés d'estre creues.

car en toutes telles coniectures & obseruations ne se void aucune reigle de certitude. Ce qui est euident, d'autant q̄ ce sont toutes fictions volontaires, esquelles mesmes ces professeurs & protecteurs de la sciēce & de l'autorité d'icelle ne s'accordēt point ensemble. Parquoy tous ceux q̄ par tels signes veulent iuger plus auant que des temperatures & complexions naturelles des corps, & se mesler de predire sur les affections de l'esprit & les aduentures, ou choses fortuites, sont menés de grande folie & erreur: ce que verifie le iugement de Socrates fait par Zopire. Et que lon n'adiouste point de foy à ce que Appion le Grammairien a laissé par escrit d'un certain Alexandre, qui faisoit des pourtraicts si bien contrefaits & ensuyuis apres le naturel, que le Metoposcope iugeoit sur iceux le temps du decez ou passé ou futur: ce qui est aussi peu croyable pouuoir estre sceu par cest artifice, que veritablement il est impossible. Mais c'est la coustume de ces vendeurs de triacle d'ainsi resuer, estans menés à l'appetit des esprits damnés, par lesquels ils sont attirés d'erreur en superstition, & d'icelle peu à peu en infidelité.

De la Geomantie derechef. CHAP. XXXVI.



Nous auons parlé de la Geomantie traictant de l'Arithmetique, laquelle marquant certains poincts casuellement, ou bien en aydant vn peu à la lettre, comme lon dit, & d'iceux composant

certaines figures par nombres pairs ou impairs, attribuees & rapportees aux planettes & estoiles, deuine par icelles. A raison de quoy elle par tous les auteurs qui en ont escrit est reputée fille de l'Astrologie. Mais il y a aussi vne autre espeece de Geomantie introduite par Almadal Arabe, laquelle par certaines coniectures faictes sur des ressemblances que lon apperçoit és fentes & creuasses de la terre, ou és remuemens ou tumeurs d'icelle, qui aduiennent d'eux mesmes, ou sont causés par chaleurs, halles, & tonnerres, fait ses diuinations, & est semblablement soustenue par les foibles & vains estançons de l'astrologie, obseruant ensemble les heures, les changements de la Lune, le leuer des estoiles, & les figures & assiettes d'icelles.

Des auspices ou augures, & des diuinations par les entrailles des animaux. CHAP. XXXVII.

QVant aux augures iadis tant recommandés, qu'aucun affaire n'estoit entrepris, fust public ou priué, sans iceux, il y en a plusieurs especes. C'est vn art tresancien selon qu'escrit Pomp. Le tus, transmis des Chaldeens aux Grecs, entre lesquels Amphiarac, Tyresias, Mopsus, Aphilotres, & Calchas ont esté estimés tresexperts augures. Des Grecs la science passa en Tuscanie, & de là entre les Latins, & Romulus mesme en estoit maistre, lequel ordonna que les estats & offices seroyent ratifiés & confirmés par augures.

res. Et, à ce que dit Denys, les Aborigenes, ou originaires Latins, auoyent d'ancienneté leurs façons d'augures. Et Ascanius voulant combattre contre Mesence, auant que ranger son armee en bataille, print augure, & le trouuant bon combatit & vainquit. En somme les Phrygiens, Pisidiens, Caramans ou Ciliciens, Arabes, Ombres, Tuscans, & plusieurs autres peuples ont suyui & obserué les augures. Les Lacedemoniens pareillement bailloyét pour assesseur vn augur à leurs Rois, lequel assistoit au conseil general des affaires : & à Rome y auoit vn college, cour, ou compagnie d'un certain nombre d'augurs. La force & vertu de cest art fut enseignee & creuë estre en ce que certains rayons de clarté prophetique tumboyent d'enhaut des corps celestes sur chacū des animaux ça bas, par l'effect desquels lon pouuoit remarquer en leurs mouuements, alleure, gestes, & assiettes, en leur vol, manger, couleurs, façons de faire, & tous accidens, certains signes, & par iceux estre aduertis de ce qui estoit ordonné au ciel de ces choses inferieures, inferāt q̄ les animaux ainsi attaincts de la vertu des estoiles auoyent quelque intelligēce secrette & quelque consentement avec icelles, qu'ils pouuoient communiquer aux hommes. Par où il appert que ceste science deuineresse ne suit autre chose que les coniectures, & ce que les hommes se font à croire, se fondans en partie sur les influences des estoiles, partie sur certaines apparences & verisimilitudes, qui

k 4 sont

sont les choses du monde les plus incertaines & deceuantes: & pource à bon droit Panetius, Carneades, Cicero, Chrysippe, Diogenes, Antipater, Ioseph, & Philo s'en mocquent, la loy & l'Eglise la condamnent. De mesme vanité sont les mysteres des Chaldeens & Egyptiens, que les Romains, & auant eux les Hetrusques, & encor à présent certaine maniere de gents superstitieux adore comme oracles & propheties,

De la Speculatoire. CHAP. XXXVIII.

SUr le mesme fondement est bastie la Speculatoire, à sçauoir l'art d'interpreter ce que les foudres, tonnerres, & autres impressions elementaires, les prodiges, monstres, & euenemens contre l'ordre de nature, signifient & menassent, & ce par le mesme moyen des coniectures & apparences des choses. Subiect tresincertain, & plein d'erreurs: car il est euident que ces choses ne sont point prognostiques, mais ceuures faictes en nature.

De l'Onirocritique. CHAP. XXXIX.

L'Onirocritique, ou art d'interpreter les songes, suit: les maistres duquel sont proprement appellés faiseurs de coniectures, cōme Euripides chante:

Qui coniecture bien grand prophete soit dit.

A cest artifice plusieurs Philosophes grands à la verité ont beaucoup faict d'honneur, principalement

lement Democrite, Aristote, & son imitateur Themiste, & Syneſius Platonicien, s'attachans tellement aux exemples de ces songes, qui ſont veriſiſés aucunesfois par quelque accident, qu'ils ont voulu par là faire à croire au monde que lon ne ſonge rien en vain : & diſent que tout ainſi que par influences celeſtes formes diuerſes ſont produites en la matiere corporelle, auſſi par les meſmes influences & diſpoſitions celeſtes pluſieurs phantoſmes ſont imprimés en la partie imaginatiue, qui eſt instrumentale, leſquels ſont propres à produire quelque eſſect, meſmes en ſongeant: car alors l'eſprit ceſſant du miniſtere du corps, & ſoing des choſes externes, reçoit plus librement ces diuines influences, & partant que pluſieurs choſes ſont reuelees aux dormans, leſquelles demeurent cachees à ceux qui veillent. Par ces telles quelles raiſons ils cuidoient donner lieu de verité aux ſonges. Mais quant aux cauſes qui nous ſont ſonger, tant celles qui procèdent de nous interieurement, que de celles qui viennent d'ailleurs exterieurement, ils en ſont mal d'accord: car les ſectateurs de Plato diſent que ce ſont formes, images, & congnoiſſances de l'ame, leſquelles ſe conglutinent ou figent par maniere de dire. Auicenna tient qu'ils procèdent d'un ange qui regit le mouuemēt de la Lune, lequel par les raiſ de ceſt aſtre rayonnant la phantaſie des hommes dormans les leur enuoye. Aristote les rapporte au ſens commun, mais imaginatif. Auer-

roës à l'imaginatiue. Democrite tient que ce sont idoles ou formes qui s'esleuent des choses. Albert dit qu'ils viennent d'influxions celestes rencontrans entre deux certaines formes qui fluent continuellement d'en haut. Les Medecins en attribuent la cause aux humeurs & vapeurs, autres aux affections & penſees eues en veillant. Les Arabes à la faculté intellectuelle de l'ame. Aucuns diſent qu'ils dependent des facultés de l'ame ioinctes avec les influences celeſtes & les ſimulacres enſemble : les aſtologues maintiennent qu'ils ſont cauſés par leurs rencontres & conſtellations: autres que c'eſt l'air qui nous environne & penetre en nous, qui nous fait ſonger. Artemidore Daldian a eſcrit de l'interpretation des ſonges, & y a certains liures publiés ſous le nom d'Abrahā, lequel Philo au liure des Geants & de la vie ciuile afferme auoir eſté le premier qui trouua la maniere d'interpreter les ſonges : autres ſous les noms de Salomon, & de Daniel, forgés pour ſeruir à ceſte farce, lesquels en matiere de ſonges ne contiennent que vrais ſonges. Mais Cicero en ſes liures de diuinatiō diſpute par raiſons valables & fermes contre ceſte vanité & la beſtiſe de ceux qui y adiouiſtent foy, lesquelles ie me paſſeray de mettre en ce lieu.

De la fureur ou forcenerie deuinerreſſe. CHAP. XL.



MAIS ioignons à ces reſueurs ou ſongeurs ce que i'auois preſque oublié, à ſçauoir ceux qui attribuent quelque faculté diuinatrice aux for-

cennés,

cennés, & y croient : cuidans que les hommes, qui ont perdu la congnoissance des choses presentes, & la memoire de celles qui sont passées, & en somme tout sens & tout iugement és choses humaines, soyent pourueus d'une diuine prescience de ce qui est à venir, & qu'ils puissent preuoir ou sçauoir ainsi hors du sens & dormans, les choses que les hommes sages & vigilans ne congnoissent aucunement: comme s'il estoit bien croyable que Dieu approchast plus pres de ceux-cy que des autres qui sont sains d'entendement, soigneux, & studieux de s'enquerir & congnoistre. Gents malheureux à la verité, qui adioustent foy à ces vanités, & s'assubiectionnent à telles impostures, qui entretiennent ces maistres trompeurs, sousmettās à leurs ventres, eux, leurs entendements, & leur creance: car qu'est-ce autre chose ce que lon appelle fureur, qu'un estrangement de l'esprit humain, tormenté par les anges damnés, par le moyen des astres & de leurs influxiōs, ou d'autres choses inferieures, conduites & adressees par ces diables? Ce que Lucain a voulu signifier, faisant mētion du deuineur Arons Tuscan, disant qu'il estoit sçauant

*Aux mouuements du foudre, és veines bouillonnantes,
Es plumes des oiseaux parmy l'air tournoyantes.*

Estant la ville purgée, les victimes occises, les entrailles considerées, finalement dit que Figulus prononça ce qu'il luy en sembloit par ces paroles:

De quel

De quel grief desarroy, de quels pestueux desastres
 D'un regard courroucé nous menassez vous astres
 Est-ce pour retrancher des années le cours,
 Ou bien d'un cours forcé faire cesser nos iours?
 Que si quelque brandon embrasoit de Saturne
 Au plus haut la froideur l'eschançon de son vrne
 Estoilée feroit se renouveler d'eau
 Vn ondoyant desbord, vn deluge nouueau.
 Titan si tu pressois sur ceste terre basse
 Le Lion Nemean, de l'ardeur de ta face
 Tu cuirois les humains, & ton char portefeux
 Embrajeroit le ciel. Or cessent lesdits feux.
 Toy qui du Scorpion fais embraser Gradine,
 Les bras, les auirons, & la queue tardine,
 Mars d'ire transporté quels troubles, quels orages
 Veux-tu vomir sur nous? quels effrois, quels ravages
 Iupiter a contrainct en haut son chef voilé
 Pour ne plus esclairer, & le feu estoilé
 De Venus s'amortit. O postillon Mercure
 Tu n'as plus de ton cours ny de ton chemin cure:
 Mars regne seul au ciel. Les signes irrités
 Sont tous quittans leur train couuerts d'obscurités.
 Le costé d'Orion portespee trop brille,
 Le fer, l'harnois. l'escu par tout clique & brandille:
 Vice chassant vertu met ses voiles aux vents,
 Rode par l'univers par longue espace d'ans.

Or toutes ces diuinatiōs & leurs arts ont leurs
 racines fichees en l'astrologie, & en icelle leurs
 fondemēts assis & establis. Car soit que lon con
 fidere le corps, le visage, ou les mains, soit que
 par songes, prodiges, vol des oiseaux, ou par fu-

leur lon soit halené ou inspiré, ils veulent tous-
 jours que la figure du ciel soit dressée, & par les
 jugemens tires d'icelle ioincts aux signes & ap-
 parences & aux coniectures qu'ils font sur icel-
 les, tirent leurs opinions des choses qu'ils di-
 sent estre signifiees. Parquoy reuerans en tou-
 tes diuinations la science & l'usage de l'astrolo-
 gie, ils confessent qu'elle seule est la clef neces-
 saire à la congnoissance de tous les secrets fu-
 turs. Dont s'ensuit que leur vanité & faulxeté est
 du tout hors de doute, & descouuerte à vn cha-
 cun, puis que les principes & fondemens de
 ces arts diuinateurs sont manifestement faux,
 mensongers, controuués, & feincts par la re-
 merité poëtique, lesquels n'ayans esté, n'estans
 point, & ne deuant onques auoir estre, sont ne-
 antmoins estimés causes & signes des choses
 qui sont en effect, & à iceux sont rapportés les
 euénements d'icelles contre la verité toute eu-
 dente.

De la Magie en general.

CHAP. XLII.

CE lieu requiert que nous traictions
 aussi de la Magie, car elle est pareille-
 ment si conioincte & attachee à l'a-
 strologie, que celuy qui fait profes-
 sion de Magie sans l'astrologie, ne fait rien qui
 vaille, & cingle du tout hors de la droite route.
 Suidas pense que la Magie aprins son origine &
 son nom des Maguseens. La commune opinion
 est que ce soit vn nom Persien: & mesme Por-
 phyre

phyre & Apulee sont de cest aduis, & qu'en ceste langue Mage signifie sacrificateur, sage, ou philosophe. La Magie donques embrassant toute la philosophie, physique & mathematique, mesle aussi la religion, & ioint les vertus & faculté d'icelle avec les autres sciences. En outre comprend la Goëtie & Theurgie, à raison de quoy plusieurs la diuisent en deux parties, disant qu'il y a Magie naturelle & Ceremoniale.

De la Magie naturelle.

CHAP. XLII.

LA Magie naturelle n'est estimee autre chose sinon la haute & parfaicte vertu, effect & faculté des sciences naturelles, appelée à ceste cause le sommet, consommation, ou dernier degré de la Philosophie naturelle. La partie active & operante d'icelle, laquelle par le moyen des vertus mises es choses que le naturel produit, & par vne mutuelle & bien assaisonnée application de l'une à l'autre d'icelles fait des œuvres plus que merueilleuses. En ceste magie les Ethiopiens & Indiens entre autres estoient studieux & experts, ayans en leurs pais la commodité des herbes, pierres, & autres choses requises à icelle. D'icelle on pense que saint Hierosme a fait mention escriuant à Paulin que Apollone Thia-neen estoit magicien ou philosophe, ainsi que les Pythagoriens. De ceste espece de Mages lon estime auoir esté ceux qui vindrent visiter nostre Seigneur Iesuschrist nouuellement nay, luy

porterent des présents, & l'adorerent, lesquels les Interpretes des Euangelistes expoient pour philosophes Chaldeens, & tels que Hiarchas fut entre les Brachmanes, Tespion entre les Gymnosophistes, Budde entre les Babylonniens, Numa Pompilius à l'endroit des Rommains, Zamolxides en Thrace, Abbaris aux Hyperborees, Hermes entre les Egyptiens, Zoroaste fils d'Eromase entre les Perles. En icelle pour certain ont esté excellents sur tous autres les Indiens, Ethiopiens, Chaldees, & Persiës. Et estoit la science (selon que Plato afferme au dialogue qu'il a intitulé Alcibiades) en laquelle on instruisoit les enfans des Rois de Perse, à fin qu'ils apprinsent par le reiglement & bon ordre qui est en l'assemblage & communauté des choses naturelles en ce monde, à bien ordonner, regir, & administrer leurs royaumes & republiques. Ciceron aussi és liures de la diminution dit, que entre les Perles nul n'obtenoit le Royaume s'il n'estoit institué en la Magie. La Magie naturelle est donques celle qui considere les vertus & propriétés de toutes choses en nature & au ciel, & par curieuse recherche descouure les accords & conuenances, & met en euidence les puissances & facultés qui sont cachees en icelle, assemblant les choses basses aux dons & faueurs celestes, comme par attraiçts & alleichemens, en sorte que par la ioincture des vnes avec les autres sont produiçts effects admirables & miraculeux, non tant par artifice aucun, que

que par la nature meſme, à laquelle ceſt art ſert
 comme d'inſtrument à faire ſes œuurs. Car les
 Mages ainſi que tresdiligents enqueſteurs de la
 Nature, conduifans & adreſſans bien à propos
 les choſes qu'elle a preparees, & appliquans les
 actiues avec les paſſiues, bien ſouuent font voir
 des effets extraordinaiement, & auant le tēps,
 leſquels le vulgaire iuge eſtre miracles, combien
 que ce ne ſoyent qu'œuures naturelles, aduan-
 cées aucunement de temps: ainſi que ſi quel-
 qu'un trouuoit moyen de faire produire des
 roſes ou des raiſins meurs au mois de Mars, ou
 fiſt croiſtre en peu d'heures les ſeuſes ſemees, le
 perſil, ou autres ſemences, & les fiſt deuenir
 plantes formees & parfaites, & encor choſes
 plus grandes, comme d'engendrer nuages, ton-
 nēres, foudres, diuerſes eſpetes d'animaux: &
 tranſmuter pluſieurs choſes d'une en autre, com-
 me Roge Bacon ſe vante auoir fait pluſieurs
 fois, ſeulement par pure & naturelle magie. Des
 œuures & effets de ceſte ſcience ont eſcrit Zo-
 roaſtre, Hermes, Euantes Roy d'Arabie, Zacha-
 rie Babylonien, Iosephe Hebrieu, Bocus, Aaron,
 Zenotenus, Kirannides, Almadal, Therel, Alkin-
 dus, Abel, Ptolemee, Geber, Zaël, Nazabarub,
 Thebith, Berith, Salomon, Aſtaphon, Hippar-
 chus, Alcmeon, Apollonius, Triphon, & plu-
 ſieurs autres, dont quelques liures ſont encor
 entiers, & pluſieurs fragments ſe trouuent qui
 ne ſont tombés quelquefois entre les mains.
 Mais quant aux modernes peu en ont eſcrit, &

peu de choses, ainsi qu'Albert, Arnold de Ville-
neue, Raimond Lulle, Bacon, & Appon, & ce-
luy qui sous le nom de Picatrix a adressé son
liure au Roy Alphonse, lequel toutesfois, ainsi
qu'ont fait tous les autres, melle avec la magie
naturelle infinies superstitions.

De la Magie mathématique. CHAP. XLIII.

L se trouue outre ceux là d'autres
imitateurs tresaigns & tresauda-
cieux chercheurs de nature, les-
quels sans se seruir des vertus des
choies produites par icelles, promettét de mon-
strer des effects tous semblables à ceux qui se
font naturellement, seulement par reigles & rai-
sons mathematiques, en obseruans, appro-
prians, & appliquas les influences celestes, com-
me de faire parler & cheminer des corps, sans
qu'en iceux soyent aucunes facultés animales,
telle que par la colombe de bois d'Architas Ta-
rentin, qui voloit, & les statues de Mercure par-
lantes, & la teste d'airain forgee par Albert le
grand, que lon dit auoir parlé. En telles choses
fut tresexpert Boëce, personnage de grad esprit
& bien versé en toutes sciences, auquel Cassio-
dore escrit telles paroles: Tu fais profession de
congnoistre ce qui est haut & difficile, & de fai-
re voir des miracles par la subtilité de ton arti-
fice, les metaux muglent, & Diomedes en cuy-
ure corne treshaut, la couleure de bronse siffle,
les oiseaux sont exprimés & imités si bien que

ceux qui ne peuuent mettre hors leurs propres voix sont ouïs gasouillans en chants tresplaisans & melodieux. Nous disons peu de choses de celuy qui pourroit bien contrefaire le ciel mesme. De ces artifices à mon aduis est dit ce que nous lisons en l'onzieme liure des loix de Platon, Vn art, dit il, est donné aux hommes mortels, par lequel ils pourront engendrer certaines choses successiues, lesquelles ne seront pas participantes de verité ny de diuinité aucune : Mais à la semblance d'eux mesmes retireront & contreferont des simulacres. Or est passée si auant la temerité des Mages à entreprendre toutes choses à la faueur & instigation du serpent ancien prometteur de science, qu'ils ont ainsi que singes voulu enuier & contrefaire nature & Dieu mesme,

De la Magie qui empoisonne. CHAP. XLIIII.

VN autre espee de Magie se pratique, qui est appellee empoisonneuse, laquelle par compositions amoureuses, breuuages, & diuers medecaments venimeux, s'accomplit & fait ses effectz comme celuy que lon lit auoir esté faiet par Democrite pour faire engendrer des enfans bons, heureux, & fortunés. Et vn autre pour faire que nous entendions les voix & langage des oiseaux, ainsi que Philostrate & Porphyre disent que faisoit Apollonius. Virgile pareillement parlant de certaines herbes qui naissent
en la

en la contree de Pont dit,

J'ay veu souuent par herbes Meris cher

Estre faict loup, & au bois se cacher:

Souuent i'ay veu exciter les esprits

Hors des enfers, & les bleds estre pris

Pour de ce champ en autre les traduire

Par son venim & herbes dont veut nuire.

Pline aussi racompte d'un certain Demarque de Parrhase, lequel assistant au sacrifice que les Arcades auoyent accoustumé faire à Iupiter Lycee, où ils offroyent des creatures humaines, se mit à goustier & manger les entrailles d'un garçon que lon y auoit immolé, & soudain se transmua en loup. A raison de laquelle transformation d'hommes en loups S. Augustin pense que les furnoms de Lycee auoyent esté baillés à Iupiter & à Pan. Le mesme S. Augustin escrit, que luy estant en Italie certaines femmes magiciennes, ainsi que Circe estoit, bailloyent vne maniere de poison meslé dans du fourmage aux hommes, par laquelle ils estoient conuertis en cheuaux: & apres qu'elles s'estoyent seruis d'eux à porter des charges où elles vouloyent, elles les restituoyent en leur premiere forme humaine: & dit que cela aduint lors à vn certain religieux nommé Prestant. Mais à fin que lon ne pense que ce soyent du tout folies & choses impossibles, que lon se souuienne de ce qui est narré en la sainte escriture touchant le Roy Nabuchodonosor, lequel fut ainsi que les beufs mangeant & viuant de foin l'espace de sept an-

nees, en fin par la misericorde de Dieu son sens & sa figure luy furent rendus. Le corps duquel apres son deces fut par le commandement d'E-uilmerodach son fils baillé aux vautours en pasture, de peur qu'il auoit qu'il ne resuscitast, l'ayant veu de beste reuenir homme, & plusieurs semblables choses faictes par les Mages de Pharaon, qui sont narrees au liure d'Exode. Or de ces Mages ou empoisonneurs, comme on les voudra nommer, est escrit par le sage en ceste maniere : Tu les as eu en horreur, pource qu'ils faisoient enuers toy œuures qui estoient à haïr par empoisonnements. Et est à noter que ces Mages ne recherchent point seulement les choses naturelles, mais aussi celles qui accompagnent la nature, & sont comme hors d'icelle, comme les mouuements, nombres, figures, sons, voix, accords, lumiere, & les affections de l'ame & les paroles. Par tels moyens les Marses & Pilles peuples d'Italie faisoient assembler les serpents, autres les deschassoyent. Orphee aussi appaisa la tempeste au voyage des Argonautes par vn hymne ou chanson : & Homere escrit que par paroles le sang fut arresté à Vlysses blecé. Es loix des douze tables peine est ordonnee à ceux qui par enchantements attiroient les moissons de leurs voisins en leurs champs, comme si c'estoit chose hors de doute, que les Mages par paroles seules, par affections, & choses semblables produisent en eux mesmes & ailleurs admirables effects, & que par ces moyens ils puissent

disti.

dissiper les vertus & propriétés qui sont es choses, les attirer à eux, ou les repousser & reiecter, ou en quelque autre façon les manier & disposer tout ainsi que l'aymant attire à soy le fer, l'ambre la paille, ou comme l'ail ou le diamant empeschent la vertu de l'aymant. Outreplus disent Iamblichus, Proclus, & Synesius que par ceste suite, accord, & consentement des choses s'entretenans ainsi que chainons & anneaux, lon peut receuoir d'enhaut à l'appetit des Mages non seulement les dons naturels & celestes, mais les intellectuels & diuins. Ce que Proclus confesse estre vray au liure intitulé du sacrifice & de la magie, disant que par ce consentement & accord qui est entre les choses les Mages auoyent de coustume d'appeller & attirer les Dieux. Et s'en est bien trouué entre eux aucuns menés de si estrange follie, qui presumoyent par diuerfes rencontres des estoiles ou constellations, moyennant certains interualles & espaces de temps & quelques proportions bien & deuëment obseruees, de faire qu'une image par eux construite prendroit par le vouloir celeste esprit de vie & intelligence, pour pouuoir respondre à ce dont elle seroit interroguee, & reueler la verité des choses occultes & secretes. Par où ie conclus qu'il est euident que ceste Magie naturelle est facilement destournee en Goëtie & Theurgie, & enueloppee en autres tromperies, ruses, & erreurs diaboliques.

De la Goëtie & Necromantie. CHAP. XLV.

LA MAGIE, dite Ceremoniale, contient ces impostures que les Grecs appellent Goëtie & Theurgie. La Goëtie maudite & malencontreuse à cause de l'accointance & commerce qu'elle a avec les esprits immondes, estant composée d'une maniere de faire de curiosité damnable, paroles, enchantements, & coniurations illicites, est prohibee & dechassée par les loix de toutes nations, comme chose execrable. D'icelle font estat ceux que nous appellons aujourdhuy Necromantiens, Sorciers, & Enchanteurs,

Gents malouulus de Dieu, qui croient d'embrouiller

Le ciel, & cauteleux sa lueur enrouiller,

Voire tout ce qui est en nature dissoudre,

Comme s'ils manioient les vents, tonnerres, foudre.

Outreplus, imposteurs, du vent de leur parole

Esbranler, affermir or' l'un or' l'autre pole,

Faire crouller les monts, mesler par leurs fureurs

Les feux astrés parmy l'element portefleurs.

Ce sont ceux qui inuoquent & rappellent les âmes des defuncts, ceux qui estoient anciennement appelés Epodes (c'est ce que nous disons enchanteurs) qui enchantent les enfans, & les induisent à prononcer des oracles, ceux qui ont des diables familiers assesseurs ou conseillers, tel que nous lisons que estoit celuy de Socrates, qui tiennent des esprits, ainsi qu'ils donnent à entendre, dans vne piece de verre ou cristal, par lesquels ils prophetisent. Tous lesquels ont
deux

deux voyes & manieres de proceder. Car les vns s'essayent de coniurer & forcer les malings esprits en vertu de certaines paroles, mesmes des noms & epithetes diuins, sous pretexte que toute creature craint & reuerle le nom de celuy qui l'a faicte & creee, à fin qu'il semble moins estrange, si ces Goëtiens infideles, Payens, Iuifs, & Sarrafins, & en general toute la troupe & secte de ces gents prophanes contraignent les diables par l'inuocation du nom de Dieu. Autres, meschans en toute extremite, par crime horrible, detestable, & punissable par mille feux, se soumettans aux diables les adorent & leur font des sacrifices, s'abbaisans en orde & abominable idolatrie. Aufquels crimes iacoit que les premiers susmentionnés ne s'addonnent, si est-ce qu'ils s'exposent en manifeste danger de glisser en iceux. Car les diables, quelques contrains qu'on les imagine, ne cessent neâtmoins de veiller tousiours pour tromper ceux qui se fouruoyent & cherchent des destours. De ce bourbier Goërique sont escoulés tous les liures tenebreux qui courent au iourdhuy par le monde, lesquels Vlpian Iureconsulte appelle de meschante lecture, & ordonne estre bruslés sur le champ aussi tost qu'ils seront trouués : tels que ceux qui premierement furent inuentés par vn certain Zabulus homme addonné à tout art illite : & apres luy ceux de Barnabas Cypriot, & à present sous tiltres faux & controuués plusieurs que lon dit auoir esté cōposés par Adam,

Abel, Enoch, Abraham, Salomon : & autres par Paul, Honnoré, Cyprien, Albert, Thomas, Hierosme, & par vn certain d'Yorck Anglois: les reueries desquels ont esté suyues & imitées par Alphonse Roy de Castille, Robert Anglois, Bacon, & Pierre d'Appone, & plusieurs autres gents abandonnés & perdus. Et, qui plus est, lon ne s'est contenté d'attribuer tels meschans liures aux hommes mortels, & saincts Patriarches, comme dit est, mais a lon voulu faire auteurs de telles doctrines execrables mesmes les anges de Dieu, & en a lon intitulé aucuns des noms de Raziol & Raphaël anges d'Adam & de Thobie. Lesquels liures s'ils sont considerés de bien pres, & avec iugement, seront aisement cong nus par leurs reigles & preceptes, par les coustumes & ceremonies dont ils traictent, par la maniere de leurs caracteres, figures, & langage, ordre de leurs discours, & sots termes & manieres de parler, estre pleins de pures resueries & impostures, & auoir esté forgés depuis peu d'annees par gents ignorans de toute la magie vsitee entre les anciens, meschans artisans de tout artifice mauuais, d'un meslinge d'aucunes ceremonies prin ses de la religion chrestienne avec paroles & signes estranges & incong nus, pour effroyer les simples & estourdis, les insensés, & ceux qui n'ont appris les bonnes lettres. Mais nonobstant tout cela il ne s'en suit pas que ces arts soyent fabuleux, & qu'ils ne produisent quelque effect: Car s'ils n'estoyét point,

point, & que par iceux lon n'effectuast plusieurs choses admirables, meschantes, & dommageables, ils ne seroyent prohibés tant estroictement & expressement par les loix diuines & humaines, pour estre du tout chassés & exterminés de la terre. Or la raison pour laquelle ces Goëtiens ne s'addonnent qu'aux esprits malings & impurs, est d'autant que les bons anges ne sont point si priués, & ne se communiquent si euidentement: car ils attendent en toutes choses l'expres commandement de Dieu, ne hantent ny fréquentent que les gents de bien, de cœur pur & de sainte vie: mais les anges trompeurs & meschâs sont prompts & faciles à comparoistre estans inuouqués, faïsans beau semblant, promettans faueur, & se transfigurans en esprits diuins pour decevoir par leurs ruses les gents maladuïsés, & les induire à les honorer & adorer. Et pour ce que les femmes sont d'un naturel plus curieux de sçauoir les choses occultes, moins prudentes, & plus addonnees aux superstitions que les hommes, elles sont aussi plustost attrapees, & se rendent les diables plus faciles, familiers, & traitables à icelles: parquoy elles font des choses esmerueillables & prodigieuses, ainsi que nous lisons de Circe, Medee, & autres mentionnees tât par les poëtes que par Cicéron, Pline, Seneque, S. Augustin, & plusieurs autres philosophes & docteurs de nostre religion chrestienne, Historiës, & mesmes par les escritures saintes. Car és liures des Rois lon lit qu'une femme enchante

resse, laquelle habitoit en Endor, fit voir Samuel le prophete à Saul par ses inuocations, combien que plusieurs croient que ce ne fust point Samuel mesme, mais quelque diable qui auoit prins sa forme & ressemblance. Toutesfois les Rabins Hebrieux disent, suyuant la doctrine des Goëtiens, que c'estoit l'esprit de Samuel le prophete, lequel pouuoit estre rappellé facilement auant l'an reuolu de son deces & departement d'auec le corps. Ce que mesme saint Augustin escriuant à Simplicien ne nie pas estre chose impossible: Auec ce que les Mages Necromantiens foustiennent que par certaines vertus, liaisons, & contraintes naturelles cela se peut faire, dont nous auons touché quelque chose en nos liures de la philosophie occulte. Et partant les anciens peres experts és choses spirituelles n'ont ordonné sans cause que les corps des defuncts seroyent enterrés en lieu saint accompagné de cierges, arrosés d'eau benite, & parfumés d'encens, purgés & recommandés par prieres tant qu'ils demeurent sur terre: Car, à ce que disent les maistres Hebrieux, tout ce qui demeure en nous de matiere mal disposée de ceste chair & de ce corps animal ou charnel, est delaisné en pasture au serpent qu'ils appellent Azazel, lequel est le seigneur & le maistre de la chair & du sang, le Prince de ce mode, nommé au Leuitique Prince des deserts, & auquel fut dit au commencement, Tu mangeras la terre tous les iours de ta vie. Et en Esaïe, La poussiere est ton pain: c'est à dire q

nostre corps créé de la poudre est la pasture pen-
 dant qu'il n'est point sanctifié & chagé en mieux,
 en sorte qu'il ne soit plus au serpēt, mais de Dieu,
 à sçauoir de charnel rédu spirituel, cōme dit aus-
 si S. Paul, q̄ ce q̄ est charnel ou sensuel est semé,
 & ce qui est spirituel resuscitera : & ailleurs, que
 tous pour certain resusciteront, mais tous ne se-
 ront immués, d'autāt que plusieurs demeurerōt
 en proye & pasture perpetuelle au serpent. Nous
 despouillons veritablement par la mort ceste
 fālle & vilaine matiere charnelle, ceste viande
 du serpēt, en esperance de la reprendre quel-
 que iour en meilleur estat, à sçauoir spirituelle:
 ce qui aduiendra en la resurrection des morts.
 Toutesfois cela est desia aduenü à aucuns, les-
 quels par la vertu diuine de l'esprit de Dieu ont
 dès ceste vie commencé à gouster l'eschantillon
 de la resurrection bienheureuse, comme Enoc,
 Elie, & Moïse: les corps desquels n'ont senti la
 corruptiō à la façon des autres, & ont esté trans-
 mués en corps spirituels, sans que le serpēt y
 aye sceu rien prendre. Et est cestuy l'estrif que
 S. Iude dit en son epistre, que le diable eut avec
 Michel touchant le corps de Moïse. Or c'est as-
 sez dit de la Goëtie & Necromantie.

De la Theurgie. CHAP. XLVI.



Vant à la Theurgie, plusieurs estimēt
 qu'elle n'est point illicite, comme
 estant regie par les anges bienheu-
 reux & avec maïesté diuine. Si est-ce

toutes

toutesfois que souuent elle est subiecte aux trôperies & deceptions du diable, qui se contrefait & separe du nom de Dieu & des Anges: Car non seulement elle se sert des facultés des choses naturelles, mais par certaines obseruations de ceremonies veut que nous puissions attirer les vertus celestes, & par icelles les diuines. Or la plus grand' part de ces ceremonies consiste à se maintenir propres & nets de toute souilleure & immondicité, premierement en l'esprit, puis au corps, & consequemment en tout ce qui sert au corps & autour d'iceluy, en la peau, aux habits, en l'habitation, aux meubles & vtenfiles, es offrandes, dons, & sacrifices: car ils estiment que la mondicté dispose l'homme à contempler la diuinité, & communiquer à icelle, & que mesmes es choses religieuses & saintes elle est grandement requise, allegans ce que dit Isaïe, Soyez laués & nets, & ostez la malice de vos pensees. Mais que les ordures infectans souuent l'air & les hommes destournent ces influences celestes, & dissipent les diuines inspirations tresmondes & trespures. Toutesfois les malins esprits & puissances tromperesses appetent aussi souuent vne telle mondicté, pour se faire honnorer & adorer comme Dieu: partant il faut bien ouuir les yeux: & de ce nous auons amplement traicté en nos liures de la philosophie occulte. De ceste Theurgie ou magie diuine Porphyre ayant au long discours, finalement conclud que par Theurgiques consecrations lon peut preparer
l'ame

l'ame humaine, & la rendre propre à receuoir les esprits angeliques, & à voir les dieux, mais nie du tout que par cest art elle puisse approcher ny retourner à Dieu. Les escholes d'iceluy sont l'art d'Almadel, l'art notoire, l'art Paulin, l'art des reuelations, & semblables traictés superstitieux, qui sont d'autant plus dangereux, qu'ils ont plus d'apparence de diuinité à l'endroit des ignorans.

De la Caballe. CHAP. XLVII.

MAis ce propos me fait souuenir des paroles de Pline: Il y a, dit il, vne autre espee & faction de Magiciens, dependás de Moïse & Latopee Iuifs. Lesquelles paroles m'admonnestent de la Caballe iudaïque, que les Hebrieux croyent fermement auoir esté baillee par Dieu mesme à Moïse au mont de Sina, & depuis transmise aux successeurs de pere en fils sans aucune escriture, & enseignee de viue voix seulement iusques au temps d'Efras, ainsi que les preceptes de Pythagoras estoient iadis enseignés par Archippus & Lisiades, qui en tenoyent eschole à Thebes en Grece, où il falloit q̃ les escholiers se seruissent de leur esprit & memoire au lieu de liures, apprirent, & retinrent par cœur les documets de leurs maistres. Aussi certains Iuifs delaisans l'usage des lettres establirent ceste science en la memoire & obseruation des choses enseignees de viue voix, d'ont elle print le nom de Caballe lequel denote

denote comme vne doctrine prinse & receüe l'un de l'autre par la seule ouïe. L'art, à ce que lon dit, est tresancien : mais quant au nom, il a esté incongnu iusques aux temps plus recents, qu'il a esté mis en vsage entre les Chrestiens. La doctrine & science d'iceluy est doublement enseignée, ou a deux parties : L'une dite de Beresith, appelée aussi Cosmologie : c'est celle qui explique les vertus des choses creées, naturelles, & celestes, expose & donne à entendre les secrets de la loy & de la Bible par raisons philosophiques : laquelle pour ce regard n'est à mon aduis en rien differente à la Magie naturelle, en laquelle il est croyable que Salomon fust tres expert : car nous lisons es histoires sacrees des Hebreux qu'il estoit coustumier de discourir depuis le cedre du liban iusques à l'hysope, plus des cheuaux & bestes à quatre pieds, oiseaux, serpents, & poissons : toutes lesquelles choses peuvent porter en elles des vertus magiques. Selon icelle Moïse Egyptien entre les modernes Hebreux a faict ses expositions sur les cinq liures de Moïse, & a esté ensuyuie & imitée par plusieurs Thalmudistes. L'autre partie de cest art est appelée de Mercana, traictant des vertus plus hautes, angeliques, & diuines, des contemplations des noms & signes sacrés, presque comme vne Theologie allegorique ou enigmatique, consistant en notes & marques : en laquelle toutes les lettres, nombres, figures, & noms, les sommets & coings des lettres, traicts, lignes, poincts

& ac

& accents denotent & signifient grands mysteres de choses tresprofondes & cachees. Ceste cy est le rechef par eux partie en deux, à sçauoir Arithmantie, qui est celle qu'ils appellent Notariacon, traitant des vertus angeliques, noms, & signes, & aussi de l'estat & condition des ames & esprits: & Theomantie, qui comprend les mysteres de la maiesté diuine, & les reuelations & choses procedantes d'icelle, ses noms sacrés & pentacules: la congnoissance de laquelle, ainsi qu'ils afferment, rend l'homme admirable en vertus, tellement qu'il peut sçauoir quand il veut toutes les choses futures, commander à la nature, exercer pouuoir & iurisdiction sur les anges & sur les diables, & faire miracles. Par icelle croyét que Moïse fit tant de signes merueilleux, transmuta la verge en serpent, l'eau en sang, attira en Egypte les grenouilles, mousches, poux, locustes, & chenilles, y fit descendre le feu & la gresle, affligea les homes d'ulceres & langueurs, mit à mort tous les premiers nais des hommes & des bestes, & conduisant son peuple fit entrouuir la mer, fit saillir les eaux du rocher, amena du ciel les cailles, addoucit les eaux ameres, bail la pour guide à son armee la nuee de iour, le feu la nuict attira du ciel la voix de Dieu pour la faire ouir au peuple, cōsomma par feu les orgueilleux, frappa de lepre les murmurateurs, abbatit de mort subite les ingrats, & fit engloutir par la terre les autres rebelles, repeut le peuple es deserts du pain du ciel, appaisa les serpents, guerit ceux

ceux qui estoient picqués, & empoisonnés, conserua ceste grâde multitude de peuple d'infinites maladies, & maintint leurs habillemens entiers par tant d'annees, en fin la rendit victorieuse de ses ennemis. Par ce mesme art de faire miracles disent aussi que Iosué arresta le Soleil, qu'Elie fit tumber le feu du ciel sur ses aduersaires, & resuscita l'enfant mort, que Daniel ferma la gueule des lyons, que les trois enfans chantoient dans la fournaise ardante. Bref, les perfides & meschans Iuifs soustiennent que par cest artifice caballiste Iesuschrist aussi faisoit tant de merueilleuses œuvres, que Salomon pareillement y estoit tressçauant, & que par iceluy il enseigna des coniurations & enchantemens contre les diables & leurs liens, & contre les maladies, selon que tesmoigne Ioseph. Quant à moy ie croy que le vray Dieu reuela à Moïse & aux autres prophetes plusieurs grands mysteres & secrets contenus sous l'escorce de la loy, lesquels il n'estoit besoing de communiquer au commun peuple prophane: mais ie ne doute nullement aussi, que cest art de Cabale, dont les Iuifs se parent & se vantent, & auquel ie me suis quelquesfois fort trauaillé & abusé, ne soit autre chose qu'un amas de superstitions, & ne le reconnois que pour Theurgie magique. Car si ainsi estoit, comme les Iuifs afferment, qu'elle fust procedee de Dieu pour rendre la vie des hommes parfaite pour le salut d'iceux, pour le seruice de sa maiesté, & la congnoissance de sa verité, il est certain que

que cest esprit de verité, lequel laissant la synagogue nous est venu enseigner toute verité, ne leust pas celee à son eglise iusques à ces temps derniers, veu que c'est elle qui congnoit tout ce qui est de Dieu, la benediction duquel, la purgation qu'il a faicte de nos pechés, & les mysteres de ses sacrements luy sont reueles en toutes langues entre toutes nations. A la verité telle & semblable vertu est en vn langage qu'en l'autre, pourueu que la pieté & religion soit de mesme: Il n'y a nom ny vocable au ciel ny en terre en vertu duquel nous receuions salut, ny puissions ouurer vertueusement, que le nom seul de Iesuschrist, lequel embrasse & conuient toutes choses. Et partant les Iuifs avec leur grand science des noms diuins ne font pas grande chose, où plustost rien du tout, après Iesuschrist, ainsi que faisoient leurs peres vieux. Quant à ce que nous voyôs que par les reuolutions, qu'ils appellent de cest art lon tire sens & interpretations merueilleuses de grands mysteres des saintes escriptures, tout cela n'est autre chose qu'un plaisir que prennent gens de seiour & grand loisir à feindre & controuuer des allegories à leur appetit sur chacune lettre, poincts, & accets: ce qui leur est aisé de faire en ceste langue & façon d'escriure des Hebrieux: & combien qu'il semble que ce soyent grands secrets, neantmoins ils ne scauroyent rien prouuer, ny conuaincre ceux qui leur voudroyét contredire: & peuuent avec la mesme facilité estre mesprisees & reiectées

toutes les choses qu'ils disent, qu'il leur est aisé
 de les mettre en auât. Vn art presque semblable
 a esté mis par escrit par Rabanus moyne, mais
 avec caracteres & vers latins accompagnés de
 diuerses figures, lesquels en quelque sens qu'ils
 soyent tournés & leus au droit des superficies
 & lignes de chacune figure, sonnent & pronon-
 cent certain mystere sacré representatif de l'hi-
 stoire q est peincte illec. Ce qui se peut aussi bien
 faire & tirer de quelque liure prophane que ce
 soit, & moins les vers composés par Valeria Pro-
 ba de nostre seigneur Iesuschrist, recueillis de
 pieces & morceaux ramassés des œuvres de Vir-
 gile & toutes lesuelles choses sont occupations
 & recherches de gents qui n'ont guiere à faire.
 Pour le regard des œuvres miraculeuses, ie croy
 qu'il n'y a aucun de si lourd entendement qui
 veuille penser qu'il y aye art aucun ny science
 qui enseigne à les faire. Parquoy nous concluons
 que ceste Caballe des Iuifs n'est qu'une supersti-
 tion respernicieuse, par laquelle ils recueillent
 departent, & transportent ainsi qu'il leur plaist
 de lieu à autre les paroles, noms, & lettres espar-
 ses ça & là es escritures saintes, & changeant
 vne chose en vne autre desioignent & separent
 les membres & sentences d'icelles, & corrompent
 la verité, controuuans & songeans là dessus cer-
 taines allegories & fictions, certains arguments
 & discours à leur fantasie, à quoy voulans appli-
 quer la parole de Dieu ils diffament les escritu-
 res, donnans à entendre que leurs resueries sont

directs d'icelles, & par ce moyen publient & infamement la loy de Dieu pour source de leurs calomnies, erreurs, & infidelités, lesquelles ils s'efforcent de prouuer & soustenir par certaines supputations forcées & pleines de blasphème, de mots, syllabes, lettres, & de nombres. Estans puis enflés & enorgueillis de ces bourdes & baueries se vantent de sçauoir & pouuoir descouurir les plus hauts & indicibles secrets de la sapience de Dieu, surpassans tout ce qui est cōtenu és escritures, voire se font forts de prophetiser & produire œuvres, vertus, & miracles par cest art, sans rougir ny auoir aucune honte de mentir si audacieusement. Mais il en prend à ces gens ainsi qu'au chien d'Esopé, lequel voulant mordre l'ombre du pain qu'il portoit en sa gueule, laquelle il voyoit dans l'eau, laissa cheoir & eschapper le pain mesme, & le perdit. Aussi ce peuple perfide & obstiné, pendant qu'il s'occupe aux ombres de l'écriture sainte, & se travaille autour d'icelles par son artificieuse mais superstitieuse Caballe, perd le vray pain de la vie eternelle, & se laisse eschapper la parole de verité, qu'il auoit commencé à goustier. Du Iudaïque leuain de ceste superstition Caballistique furent infectés & se mirent en auant à mon iugement les Ophites, Gnostiques, & Valentinien heretiques, lesquels avec leurs sectateurs controuuerent aussi vne espece de Caballe Grecque, peruertissans tous les mysteres de la religion chrestienne, & par malicieuse heresie les attirans à

leurs caracteres & nombres Grecs, dont ils construïrent vn corps qu'ils appellerent corps de verité, soustenans que sans la congnoissance de ces lettres & notes & de leurs secrets lon ne peut auer la verité des Euangiles, ny de tout ce qui est escrit en iceux, attendu qu'il s'y trouue des diuersités & quelques repugnances, disent ils, & en outre sont pleins de fictions, similitudes qu paraboles, en sorte que les voyans n'y puissent voir, ceux qui oyent ne puissent ouïr ny entendre, & sont publiees aux aueugles & errans selon la capacité de leur aueuglement & erreur, mais que sous icelles la pure verité est cachée, ordonnée, & baillée en garde seulement à ceux qui sont parfaicts, qui l'enseignent succisement de main en main & de viue voix, & que ceste là est l'alphabetaire & arithmantique Theologie, que nostre Seigneur bailla & manifesta secretement aux Apostres, & de laquelle S. Paul n'usoit qu'entre les parfaicts: Car à cause que ces mysteres sont treshauts, il n'a esté expediēt de les mettre au long par escrit, & ne faut les escrire en sorte quelconque, mais doyuent estre tenus & gardés en silence par les sages, lesquels les gardent bien clos & cachés. Or selō eux ces sages ne sont recongnus sinon que à bien sçauoir forger des plus monstrueuses heresies.

*Des impostures & illusions dont vsent les
basteleurs & ioueurs de passe passe.*

CHAP. XLVIII.

MAIS


MAIS retournons à la magie, de laquelle l'impôsture, illusion, ou esblouissement est vne partie; c'est à sçauoir quand on fait paroistre ce qui n'est pas. Par où les magiciens produisent des phantôsmes, & font plusieurs merueilles, induisant par cauteleux bastelage les hommes en resueries & songes. Ce qu'ils ne font point tant par Goëtiques enchantemens & imprecations, ou par diaboliques trôperies, q̃ par le moyen de certaines vapeurs de parfums, lumieres, breuuages, onctiôs, breuets, & attaches: ou par anneaux, images, miroirs, & semblables drogues & instrumens magiques, pourueus neantmoins de vertu naturelle & celeste, & executent en ouïre plusieurs choses par subtilité & industrie des mains, ainsi que lon void ordinairement faire aux basteleurs & ioueurs de passe passe, lesquels estoyent à ceste cause & sont appellés Chirosofophes, c'est à dire experts & sçauans à iouer de la main. De cest artifice se treuuent liures escripts par Hermes, & quelques autres. Nous lisons d'un certain imposteur nommé Pasete, lequel auoit de coustume de faire paroistre vn beau banquet, bien dressé, & fourni copieusement de bonnes viandes: puis quand chacun estoit assis à table, soudain faisoit tout esuanouir, & laissoit la compagnie affamee sans viures ny breuuage. L'on dit que Numa Pompilius se mesloit pareillemēt de cest art. Et que ce grand philosophe Pythagoras faisoit quelquesfois vne semblable moquerie

rie pour rire : il escriuoit dessus vn miroir qui pourtrayoit avec du sang ce que bon luy sembloir, lequel estant opposé à la lune pleine faisoit sembler à ceux qui regardoyent au reuers d'iceluy, que ces traicts, figures, ou lettres fussent tracées dans le rond de la Lune. A cest artifice est attribué tout ce que lon lit es poësies des transformations des hommes, creu & receu pour veritable entre les historiens, & mesmes par aucuns Theologiens chrestiens, fondés sur quelques passages des sainctes escritures. Par iceluy on fait paroistre les hommes en forme de cheuaux, d'asnes, ou d'autres animaux aux yeux esblouis & enforecillés, ou par le troublement de l'air miroyen, à trauers lequel passent les rais visuels, & tout par le moyen de choses naturelles. Quelquesfois telles choses sont faictes par les esprits & bons & mauuais, ou par Dieu à la priere des saincts personages, ainsi que nous lisons en l'histoire sacree qu'il aduint lors q l'armee du Roy de Syrie assiegeoit le prophete Elisee en Dorthain. Mais ces impostures ne peuent deceuoir ceux q ont les yeux purs & ouuerts de par Dieu. Partant ceste femme là, q sembloit estre iument, & estoit estimee telle par vn chacun, n'apparoissoit autre que femme à Hilarion, comme à la verité elle estoit. Ces choses donques, qui ne se font qu'en apparence seulement, s'appellent impostures & esblouissements. Quant aux autres qui se font par vrais changements & transmutations, comme ce qui est dit de Nabuchodonosor, &

lor, & des bleds & moissons attirées d'un chap
en vn autre, nous en auons parlé cy dessus. De
cest art de faire paroistre ce qui n'est point, lam-
blachus parle en ceste sorte, Les choses qui sont
imaginées par ceux qui ont les yeux liés & em-
pelchés par artifice, ostē l'imaginatiue n'ont au-
cun plus ny action ny estre aucun veritable : Car
le but où tend cest art est seulement de faire non
simplement que la chose soit en effect, mais de
conduire ce que l'on s'est imaginé iusques à vne
certaine apparence, dont peu apres il ne se trou-
ue marque ny trace aucune. Or par ce qui dessus
est dit il appert que la magie n'est autre chose
qu'un amas & assemblage d'idolatrie, d'astrolo-
gie, & superstitieuse medecine. Et partant iadis
d'entre les magiciens s'est debandee vne grand'
troupe d'heretiques contre l'eglise de Dieu, les
quels, ainsi que Iannes & Mambres resisterent à
Moïse, se sont opposés à la verité apostolique.
De ceux cy fut chef Simō Samaritain, lequel fut
honoré d'une statue à Rōme, à cause de cest art,
sous l'Empereur Claude, avec telle inscription,
au Saint Dieu. Les blasphemes duquel sont copieu-
sement narrés par Eusebe, Clemēt, & Irenee. De
ce Simon comme d'une fourmilliere plusieurs
aages apres sortirent les môstrueux Ophites, les
deshonneſtes Gnostiques, les blasphemateurs
Valentiniens, Cerdoniens, Marcionistes, Monta-
nistes, & plusieurs autres especes d'heretiques
meus de vaine gloire & d'auarice à semer leurs
mensonges contre Dieu, sans faire profit ny be-

ne fice aucun au genre humain, ains decevans & poussans vn chacun en erreur & ruïne. Et pour ce ceux qui s'amuseñt & croyent à leurs resueries & abusions, seront confus en iugement deuant Dieu. Je confesse qu'estant encor ieune ie me suis mis à escrire trois liures d'assez grand volume de la magie, que i'ay intitulés de l'occulte philosophie, esquels tout ce que ie peux auoir forfait par curiosité de ieunesse ie veux bien amender par ceste mienne retractation : Car à la verité i'ay autresfois mal employé beaucoup de temps en ces vanités. Toutesfois i'y ay aumoins tant profité que i'ay appris à sçauoir dissuader les autres d'y mettre leur estude. Partant quiconque presume de vouloir deuiner, non par la vertu & selon la verité de Dieu, mais par abus diaboliques & operations des esprits malins. Ceux qui se vantent de faire des miracles par vanités de magie, exorcismes, enchantements, cōpositions amoureuses & attrayantes, & autres artifices diaboliques, & en exerçant idolatries frauduleuses esblouissent les yeux, & font apparoir des phantomes qui bien tost apres s'eleuouissent: tous ceux là, dis-je, avec Iannes, Mambres, & Simon le magicien seront destinés au feu en perpetuel torment.

De la Philosophie naturelle. CHAP. XLIX.



R P A S S O N S maintenant outre aux decrets & ordonnances de la philosophie, & discouons de ces sciences qui recherchent la nature des choses,

ses, & s'enquierent des commencements & fins d'icelles avec arguments pleins de ruse & de cautelle. Desquelles la certitude autre que la foy, que lon adiouste aux auteurs & docteurs d'icelles est ignoree d'un chacun. Ceux qui premiers en ont faict profession estoient poëtes, & entre iceux Promethee, Linus, Musee, Orphee, & Homere, sont remarqués pour en auoir esté les premiers inuenteurs. Penlez donques quelle verité nous peut apporter la philosophie, puis qu'elle est illue des bourdes & fables poëtiques. Et qu'ainsi soit Plutarque le tesmoigne, prouuant par certains & euidets indices que toutes les sectes des philosophes sont deriuees & ont prins leur commencement d'Homere. Et Aristote meisme confesse que les philosophes sont naturellement philomythes, c'est à dire amateurs de fables. Le nombre des sectes est diuersement determiné : car aucuns en comptent neuf, autres dix ; mais Varro les diuise en beaucoup plus de parts. Or quand tous les philosophes seroyent assemblés en vn lieu, si ne sçauroyent ils encor s'accorder entre eux quelle secte doit estre estimée la meilleure, aux preceptes de laquelle on doit plustost se tenir, tant sont ils discordans en chacun poinct les vns d'avec les autres, entretenans & nourrissans ce proces eternellement. Et, comme dit Lactance, chaque secte renuerse toutes les autres, pour se donner lieu & establir ses opinions, & nulle d'icelles approuue ny recongnoit sagesse aucune és autres, de peur que

la folie ne soit tenue pour confessee. Et iacq̃
 que la philosophie disconre de toutes choses, si
 est ce qu'elle n'est asseuree ny bien resolue de
 pas vne. Parquoy ie suis en doute si ie dois assi-
 gner rang aux philosophes entre les bestes bru-
 tes, ou entre les hommes : car il semble bien
 qu'ils ayent quelque chose plus que les bestes,
 d'autant qu'ils ont quelque discours de raison
 & d'intelligence. Mais comme les peut on esti-
 mer hommes, veu que leur raison ne leur peut
 persuader rien de certain & asseuré, mais balan-
 ce perpetuellement entre des opinions glissan-
 tes & variables ? L'entendement desquels in-
 certain & muable en toutes choses n'a à quoy
 s'arrester, & ne sçait ce qu'il doit suyure ? Ce
 qu'il nous faut monstrier estre veritable plus
 amplement.

Des Principes naturels. CHAP. I.

LN PREMIER lieu le fondement de
 toute la faculté philosophique, qui
 est assis sur les principes naturels,
 cause vn debat entre les plus aduises
 & graues philosophes si aspre qu'il n'a peu ius-
 ques à present s'en ensuyure aucun arrest ny de-
 cision : ains en est encor le proces pendant, &
 ne sçait on qui d'entre eux a mieux dit, tant sont
 persuasives & inuincibles les raisons contradi-
 ctoires qu'ils alleguent. Car Thales de Milet,
 le premier homme qui aye esté estimé sage par
 l'oracle, soustenoit que de l'eau chaque chose
 prend

prend son commencement. Son disciple & successeur en son eschole Anaximander mettoit infinité de principes. Anaximenes, qui fut son escholier, vouloit q̄ les choses eussent leur origine d'air, lequel il affermoit estre infini. Hipparque & Heraclite Ephesien maintenoyent que toutes choses se faisoient de feu, & à ces deux s'accordoit aucunement Archelaus Athenien. Anaxagoras de Clazomene disoit bien que les principes des choses estoient infinies petites parcelles meslees & confuses, mais que le divin esprit les disposoit & mettoit par ordre. Xenophanes, que toutes choses estoient vne vnté immobile. Parmenides, que le chaud & le froid estoient les principes, le feu comme donnant mouuement, & la terre formante. Leucippe, Diodore, & Democrite disoyent que c'est le plein & le vuide. Diogenus l'affranchi, l'air, pourueu neantmoins de raison diuine. Pythagoras de Samos establissoit le principe des choses au nombre, lequel fut ensuyui par Alcmeon de Crorone. Empedocles d'Agrirent affermoit que c'est amitié & discorde avec les quatre elements. Epicure les atomes en place vuyde. Platon & Socrates disoyent que c'est Dieu, les idees, & la matiere. Zenocrate, Dieu, la matiere, & les elements : mais Aristote enseigne que c'est la matiere appetant la forme, de laquelle elle est priuee, ou moyennant la priuation, qu'il establit pour troisieme principe, se contredisant à soy mesme en ce qu'ailleurs il auoit dit que les
noms

noms Equiuoques ou ambigus & signifians choses de diuerse nature, ne se doyuent compter entre les principes : parquoy ceux qui sont venus apres luy, les nouueaux Peripateticiens, disie, au lieu de la priuation assignent vn certain mouuement qui contraint la forme & la matiere à se ioinde, neantmoins estant le mouuement vn accident qui ne peut auoir lieu qu'en la substance, comme peut il estre principe des substances, ou qui sera le moteur de ce mouuement. A ceste cause les philosophes Hebrieux ont establis pour principes la matiere, la forme, & l'esprit.

Du monde, de sa pluralité & duree. CHAP. LI.

VENANT apres à disputer du monde, ils sont en pareille cōtrouerse. Thales dit qu'il n'y a qu'un monde, la facture duquel il attribue à Dieu. Empedocles n'en met pareillement qu'un, mais que ce n'est qu'une petite portion de ce qu'il appelloit Vniuers. Au cōtraire Democrite & Epicure maintiennent qu'il y a plusieurs mondes, voire sans nombre, l'opinion desquels est receuë par Metrodore leur disciple, affermant qu'il y a des mondes innombrables, pour autant que les causes d'iceux sont sans nombre, & qu'il n'y auroit moins d'absurdité qu'en l'univers n'y eust qu'un seul monde, que de voir naistre vn seul espi en tout vn champ. Parlant apres de sa duree Aristote, Auerroës, Cicero, Xenophanes disent qu'il est

est eternal, frâc, & exempt de toute corruption: Car ne pouuant iceux bonnement entendre & scauoir (comme dit Censorin) lequel deuoit estre le premier engendré de l'œuf ou de la poule, attendu que l'œuf ne peut estre engendré que d'un oiseau, & l'oiseau aussi ne peut sortir que d'un œuf, ils se sont despestrés de ceste difficulté en establisans vne eternité en ce monde, disans que le commencement & la fin de tout ce qui s'y engendre est vne perpetuelle reuolution, tour, & retour. Pythagoras & les Stoïques veulent qu'il aye esté engendré de Dieu, & que quelque iour il sentira corruption en la nature: avec iceux s'accordēt Anaxagoras, Thales, Hierocles, Auicenna, Algazel, Alcinous, & Philon Iuif. Mais Plato soustient que Dieu l'a faict au patron de soy mesme, & qu'il n'aura iamais fin. Contre luy maintient Epicure qu'il perira du tout. Democrite dit que le monde a esté vne fois engendré & qu'il prendra fin sans qu'il soit apres restauré à iamais. Empedocles & Heraclite enseignoyent que le monde n'a pas esté engendré vne fois seulement, mais que tous les iours il s'engendre & se corrompt. Mais parlons d'un seul effect que ces philosophes disent proceder principalement de cause naturelle, comme seroit le tremblement de terre; ont ils encore peu d'un commun consentement trouuer ce qui en est? ny d'où il vient? aussi peu assurez sont ils en cela qu'au demeurant: car ayant sondé plusieurs causes Anaxagoras dit qu'il est causé par le

le haut element du feu, qu'il appelle æther: Empedocles par le feu: Democrite & Thales de Millet par l'eau: Aristote, Theophraste, & Albert par les vents, ou vapeurs encloses sous terre: Asclepiades dit qu'il procede de cheutes. ou ruines: Possidoine, Metrodore, & Calisthenes des Parques: Seneque & autres varians en opinions se font en vain travaillés à chercher la cause de cest effect. Partant les anciens Rômainz auoyent de coustume toutes les fois que la terre auoit tremblé, & qu'on les en auoit aduertis, d'ordonner des festes: mais sans dire à quels Dieux, d'autant qu'ils n'auoyent encor seeu apprendre par quel Dieu la terre estoit ainsi esmeue, ny par quelle puissance elle trembloit.

De l'Ame.

CHAP. LII.

QUE SI nous nous voulons enquerir d'iceux, que c'est que de l'ame, nous les trouuerons autant & plus discordans: Car le Thebain Crates croit qu'il n'y a point d'ame, & afferme que les corps sont meus & menés ainsi que nous voyons par la nature. Ceux qui ont confessé qu'il y a ame, ont opinion que c'est le plus subtil de tous les corps, qui est infus ou espars par l'espaisseur de ce corps grossier, mais entre eux aucuns maintiennent qu'elle est de feu, comme Hipparque & Leucippe, avec lesquels s'accordent aucunement les Stoïques, disans que l'ame est vn esprit bouillant, & Democrite qui pense que c'est vn esprit

esprit remuant & enflammé, méllé parmy les atomes. Autres ont creu que c'est air, comme Anaximenes & Anaxagoras, Diogenes le Cynique, & Critias, auxquels se joint Varro, disant que l'ame est vn air receu par la bouche, eschauffé & faict bouillir aux poulmons, temperé par le cœur, & espars par tout le corps. Autres disent que c'est vne substance aqueuse, ainsi que Hippias. Autres terrestre, comme Hesiodé & Propoïdes : auxquels consentent en certaine façon Anaximander & Thales, tous deux concitoyens de Miler. Autres affectent que c'est vn esprit méllé de feu & d'air, comme Boëtes & Epicure. Autres vn mélange d'eau & de terre, comme Xenophon. Autres de terre & de feu, comme Parmenides. Autres disent que c'est vn esprit de sang, comme Empedocles & Circias. Autres vn subtil esprit espandu par tout le corps, ainsi que le medecin Hippocrates. Autres la chair moyennant l'exercice & operation des sens, comme Asclepiades. Plusieurs ont eu opinion que l'ame ne soit point ce corps mince & menu, ains certaine qualité & complexion esparse par les parties corporelles, ainsi que Zeno Citique & Dicearque, lequel definit l'ame estre vn embrassement & assemblage des quatre elements : & Cleanthes, Anripater, Possidoine, disans que c'est vne chaleur ou complexion chaude, à quoy s'accorde Galien le medecin. Il y en a eu d'autres qui ont estimé que ce n'estoit ceste qualité ny complexion vagante, mais vne adresse & rapport

rapport d'icelle à vn certain poinct establi en quelque endroit du corps, comme le cœur ou le cerueau, & que de là comme de son siege elle regit tout le corps : du nombre desquels est Chryssippe, Archelaus, & Heraclite de Pont, lequel a appelle l'ame lumiere. Outreplus il s'en est trouué d'autres, qui ont donné plus de liberté à l'ame : car ils n'ont voulu que ce poinct, but, où addressé fust resident en aucune partie determinee du corps, ains present & tout vn à chacun membre, lequel, ou soit engendré par la complexion susdite, ou soit que Dieu l'aye creé, est neantmoins tiré du sein de la matiere : & de ceste opinion ont esté Xenophanes de Colophon, Aristoxenes, & Asclepiades medecin, disant que l'ame estoit vn commun exercice de tous les sens, & Critolaus peripateticien, qui dit que c'est vne quinte essence, & Thales de Milet vne nature se mouuant sans repos, & Xenocrates, qui l'appelle vn nombre qui se meut, lequel est suyui par les Egyptiens, qui afferment l'ame estre vne certaine vertu passant & repassant à trauers tous les corps, & les Chaldeens disent que c'est vne faculté & vertu n'ayant aucune certaine forme de soy, mais qui reçoit toutes celles des autres choses : estans cependant tous d'accord en ce poinct, que l'ame soit vne puissance & faculté prompte & habile à mouuoir, ou bien vne exquisite harmonie & accord des parties & membres corporels, dependant toutes fois de la nature du corps : & mesme ce demoniaque

niacque d'Aristote ensuit les traces de ceux cy, appellant l'ame par vn vocable nouveau & par luy controuué, à sçauoir Endelechie, qui denote vne perfection d'un corps naturel pourueu d'organes & instruments appropriés pour pouuoir auoir vie, donnant à iceluy le commencement d'entendre, de sentir, & de soy mouuoir. Voila la belle definitiō que le meilleur & plus approuué philosophe donne à l'ame, laquelle ne declaire nullement son essence ou nature, mais seulement ses effects. Bref, outre ceux cy il y a eu d'autres philosophes qui ont eu opinion que l'ame estoit vne certaine diuine substance vnīe & indiuisée, presente en tout le corps, & en chacune parcelle d'iceluy, produite par vn auteur exempt de corps, tellement qu'elle depend seulement de la vertu de celuy qui la pousse, & non de la matiere. De laquelle opinion ont esté Zoroastre, Hermes Trismegiste, Orphée, Aglaophemus, Pythagoras, Eumenius, Hammon, Plutarque, Porphyre, Timee, Locie, & Platon, que lon appelle le diuin, lequel dit que l'ame est vne essence soy mouuante elle mesme, pourueuë d'entendement. Eunome Euesque s'accordant partie avec Platon, partie avec Aristote, definit l'ame estre vne substance sans corps, faicte neantmoins dans vn corps : sur laquelle definition il a apres basti le surplus de sa doctrine. Cicero, Seneque, & Lactance, disent franchement que lon ne peut sçauoir que c'est que l'ame. Or voyez vous comme ils sont discordans touchant

chant l'essence de l'ame, mais ils ne sont non plus d'accord du lieu & endroit où elle gist & reside, ains sont si differents entre eux que c'est vne mocquerie: Car Hippocrates & Herophile la logent dans les concavités du cerueau ou ventricules: Democritus luy assigne tout le corps: Erasistrate dit qu'elle est autour de la taye qui couure le test, qu'il appelle membrane epicranide: Strato en l'entredeux des sourcils: Epicure en toute la poitrine: Diogenes en la concavité du cœur, d'où part l'artere: les Stoïques avec Chrysippus entour le cœur, & en l'esprit qui hante autour d'iceluy: Empedocles au sang, l'opinion duquel est confirmee par Moïse, lequel semble pour ceste raison defendre de manger le sang des animaux, pource que l'ame gist en iceluy. Plato & Aristote, & les autres principaux philosophes disent qu'elle est en tout le corps. Mais Galien pense que chaque membre & parcelle du corps aye son ame particuliere: car voyla ses paroles au liure de l'utilité des parties: Plusieurs sont les parties des animaux, les vnes plus grandes, les autres moindres, aucunes totalement indiuisibles en quelque autre espee que ce soit. Or toutes & chacune de ces parties sont besoing necessairement à l'ame, d'autant que le corps est l'organe & instrument d'icelle, & pource les parties des animaux sont fort diuerses entre elles, ainsi que les ames. Je ne dois oublier de mettre icy l'opinion de Beda Theologien, lequel escriuant sur S. Marc dit ainsi,

Le siege principal de l'ame n'est point, comme dit Platon, au cerueau : mais, selon que dit Iesus Christ, au cœur. Quant à la duree de l'ame, Democrite, & Epicure tiennent qu'elle meurt avec le corps. Pythagoras & Plato afferment qu'elle est du tout immortelle, & que ayant laissé le corps elle s'en va & passe aux natures qui sont de mesme elle. Les Stoïques tiennēt entre l'une & l'autre opinion la moyenne, & disent que l'ame estant sur le poinct de partir du corps, si elle ne s'est esleuee par aucunes vertus en ceste vie, en sorte qu'elle se trouue infirme, elle meurt avec iceluy : Mais si elle est façonnée & lousteenue par vertus heroïques, elle est accompagnee avec les natures permanentes, & peut paruenir aux lieux & domiciles sublimes & celestes. Aristote dit que certaines parties de l'ame, lesquelles ont leurs sieges & assiettes corporelles, d'autant qu'elles sont inseparables d'avec icelles, meurent quand & quand : Mais que l'entendement, qui n'est assigné à aucun organe ou instrument corporel, est séparé de ce qui est corruptible, comme estant perpetuel : dont toutesfois il parle si obscurement ou si peu clairement que ses interpretes en demeurent irresolus, & en sont encor en dispute. Alexandre Aphrodisien dit ouuertement qu'il a eu opinion que l'ame fust mortelle, & Gregoire Naziansene entre les nostres est de mesme aduis. Contre iceux Platon & des nostres Thomas d'Aquin combattent pour Aristote, & disent qu'il sentoit tres-

bien de l'immortalité de l'ame. Finalement Averroïs cest excellent commentateur d'Aristote, pense que chaque homme est pourueu d'une ame à luy propre, laquelle est périssable & mortelle : mais que l'entendement ou faculté intellectuelle est de toutes parts éternelle, toutesfois que ce n'est qu'une seule ame accompagnant toute l'espece humaine, de laquelle vn chacun prend l'usage durant qu'il vit : mais Themiste dit qu'Aristote a estimé qu'il y a vn seul esprit agissant ou mouuant, mais que ce qui est capable est de plusieurs sortes, & que l'un & l'autre est perpetuel. Dauantage ces philosophes ont si bien ouuré, qu'ils ont induit les Theologiens Chrestiens à disputer par contrarietés de l'origine de l'ame. Entre lesquels aucuns ont eu opinion qu'elles ont esté toutes creees dès le commencement du monde: & de ce nombre est Origenes tresdocte entre iceux. S. Augustin dit que l'ame de nostre premier pere d'origine celeste estoit plus ancienne que le corps, & que l'ayant contemplé & congnu propre domicile pour executer les vertus & facultés, elle fut meüe volontairemēt à le desirer : combien qu'il en parle assez douteusement, sans l'oser affermer pour chose veritable. Autres ont creu que l'ame se prouigne, & q l'une passe en l'autre, & que les ames sont engendrees des ames, tout ainsi que les corps: & de cest aduis fut l'Euesque de Laodicee, & Tertullien, Cyrille, & Luciferien : contre l'heresie desquels S. Hierosme dispute.

spite. Autres croient que les ames sont creees par Dieu de iour en iour, ausquels se ioint Thomas d'Aquin, se fortifiant de cest argument peripatetique, à sçauoir, Qu'estant l'ame celle qui donne la forme & l'estre au corps, elle ne doit estre creee à part, mais avec le corps : & de ceste opinion sont à present tous les Theologiens & scholastiques nouveaux. Je laisse les degres des ames, leurs montees & descentes mises en auant par les Origenistes, mais nullement prouuees par les saintes escritures, ny accordantes à ce que l'eglise chrestienne en enseigne. Bref il ne faut penser de trouuer ny entre les philosophes ny entre les Theologiens aucune certitude touchant l'ame : Car Epicure & Aristote l'estiment mortelle, Pythagoras la fait pourmener & tourner : & y en a (ainsi que dit Petrarque) qui la restraint en leurs corps, autres l'espandēt par tous les animaux, autres la rendent au ciel, aucuns la bannissent es extremités de la terre, aucuns la chassent aux enfers, aucuns la nient tout à plat. Il y en a qui pensent que chacune ame soit creee à part, autres toutes ensemble. Il s'est trouue Auerroës, qui a osé dire choses plus merueilleuses : car il establit l'unité de l'ame intellectuelle. Les Manicheens heretiques ont maintenu qu'il n'y a qu'une seule ame en tout l'univers dispersee par tous les corps, tant ceux qui ont vie, que ceux qui en sont priués : mais que ceux cy, qui nous ressemblent estre sans ame, en participent moins que les autres q nous voyons

animés : & sur tout que les corps celestes en tiennent copieusement : & concluent que l'ame d'un chacun n'est qu'une portion de l'ame vniuerselle. Plato, à la verité met bien vne ame en l'univers, mais en assigne aussi à chacun particulier vne autre, comme estant l'univers separément animé par sa propre ame, & pareillement chaque corps animé par la siéne à part. En outre aucuns ont maintenu qu'il n'y a qu'une espece d'ames, autres en ont establi deux, à sçauoir vne raisonnable, & vne autre priuee de raison : autres en ont constitué plusieurs, voire d'autant de sortes qu'il y a d'especes d'animaux. Galien medecin non seulement assigne diuerses ames selon la diuersité des especes, mais met pluralité d'ames en vn mesme corps. Il y en a qui estiment deux ames estre en l'homme, l'une sensitiue, procedant de celuy qui engendre, l'autre intellectuelle, venant du createur : entre lesquels est Occan Theologien. Plotin met difference entre ame & intellect, & dit que ce sont deux choses, auquel s'adjoint Apollinaire. Aucuns n'admettent point ceste distinction, mais disent que l'intellect est la principale partie de la substance de l'ame. Aristote a opinion que l'homme est seulement creature capable de pouoir entendre, mais que l'intelligence actuelle luy vient d'ailleurs, & que l'intellect ne communique rien à la nature & essence de l'homme, mais sert seulement à la perfection de congnostre & contempler. Partant afferme que peu
d'hom

d'hommes se trouuent qui ayent intellect de
faict & actuellement, & que les seuls philoso-
phes ont ce don. Il y a aussi vne grande contro-
uerse entre les Theologiens, sçauoir si les ames
ayans laisse leur corps retiennent encor quel-
que memoire ou sentiment des choses qu'ils
ont laissees ou faictes en ce monde, ou bien si
elles en oublient & perdent toute congnois-
sance, ainsi que les Thomistes avec leur Aristo-
te afferment & maintiennent asseurement, &
les Chartreux en ameinrent vn exemple de ce
Docteur de Paris, qui reuint des enfers, lequel
interrogué de ce qu'il luy estoit demeuré de
son sçauoir, respôdit qu'il ne sçauoit autre cho-
se que peine & trauail, proferant ce que dit Sa-
lomon, qu'il n'y a raison, sçauoir, ny richesse aux
enfes, par où il leur sembloit conclurre qu'il ne
demeuroit aux morts plus aucune congnoissan-
ce. Ce qui est non seulement contre ce qu'af-
ferme Plato, mais aussi repugnant à l'escriture
saincte, laquelle tesmoigne q̃ les pecheurs ver-
ront & congnoistront qu'il y a vn Dieu, & qu'ils
rendront compte, tant de leurs faicts & œures,
que mesmes de leurs paroles infructueuses &
inutiles. Plusieurs se trouuent aussi, qui ont bien
osé escrire & faire rapport des apparitions des
ames des trespassez, & mettre en auant choses
contraires à la parole de Dieu & articles de no-
stre foy. Et combien que l'apostre prononce
haut & clair qu'il ne faut point croire mesme à
vn ange du ciel, s'il met en auant autre doctrine

que ce qui est escrit : l'euangile est neantmoins en si peu d'estime & de reuerence à l'endroit de ceux cy, qu'ils s'arrestent plustost à ce que le... racontera vn mort, qu'ils ne feront aux Prophetes, à Moïse, aux Apostres, & Euangelistes. C'estoit l'opinion & doctrine de ce mauuais riche enseveli aux enfers, lequel pensoit que ses parents & amis, qui viuoyent au monde, croiroient si on leur enuoyoit quelque mort qui leur fist foy de ce qu'il falloit qu'ils creussent : auquel Abraham en l'euangile contredit, disant, que s'ils ne croyoyent à Moïse & aux prophetes, qu'ils ne croiroient non plus à aucun des morts qui leur pourroit estre enuoyé. Toutes fois ie n'oserois du tout nier les saintes apparitions, admonitions, & reuelations des morts : mais i'aduertis le lecteur de les auoir pour grandement suspectes : car Sathan souuent sous ce masque se transforme en ange de lumiere & en façon d'ame, partant ne faut establir article de foy en ce qui vient de ce costé là, mais s'il y a chose qui puisse edifier, l'on s'en peut seruir ainsi que des autres choses qui se trouuent hors les escritures canoniques, & es liures que l'on appelle apocryphes. De ces bourdes ont esté publiés plusieurs liurets & traictés fabuleux, comme Tondal, & celuy qui est intitulé, Le Consolateur des ames, & semblables, par les cōptes desquels aucuns prescheurs ont de coustume de faire peur au sot & ignorant populaire, d'où ils tirent tousiours quelque bribe. Il n'y a

pas long temps qu'un certain protonotaire François, homme de mauuaise conscience, & imposteur, escriuit vne semblable fornnette d'un esprit Lionnois. Entre ceux qui ne sont du tout à blâmer ont escrit de ces choses Cassianus, & Iacques de Paradis Chartreux, mais tout sans fondement asseuré en verité, ny aucune sapience exquise: & ne se trouue en toutes ces apparitions & reuelations chose qui puisse engendrer ny maintenir vraye charité, ny adresser l'homme au salut de son ame, ains seulement quelques auoines, pelerinages, prieres, oraisons, ieusnes, & semblables œuures religieuses & communes, lesquelles toutesfois sont beaucoup mieux à propos, & plus salutairement enseignées par la doctrine Euangelique, & commandées en l'eglise. Orauons nous assez amplement escrit de ces apparitions au dialogue que nous auons inscrit de l'homme, & es liures de la philosophie occulte: mais reuenons aux philosophes. Tous les Ethniques, qui ont eu opinion que l'ame soit immortelle, ont aussi tous receu d'un commun consentement la transmigration d'icelle de corps en corps, voire logeant souuent l'ame raisonnable es corps des bestes irraisonnables & des plâtes, à certains temps & periodes, ou ainsi qu'il peut aduenir autrement. Desquelles transmigrations Pythagoras fut le premier auteur, dont Ouide chante ainsi en ses transformations:

*Les ames sont de telle qualité,
Que leur cours tend à immortalité:*

*Et en laissant leurs demeures premieres
 D'aller tousiours elles sont coustumieres
 En nouueaux corps, où elles sont receuës.
 Par moy sont bien ces choses apperceuës.
 Il me souuient encores que i'estois
 Nommé Euphorbe, & que ie combattois
 Pres d'Iliou en la guerre ancienne
 Des Grecs armés contre la gent Troyenne,
 Où Menelaë adonc me rencontra,
 Et de son fer mortel me penetra.
 I'ay recongny mon vieil bouclier encores
 N'a pas long temps dedans Argos, où ores
 On le peut voir dans le temple sacré
 Et en l'honneur de Iuno consacré.*

Plusieurs autres choses ont esté escrites de ceste
 transmigration Pythagorique par Timon, Xeno-
 phanes, Cratin, Aristophô, Hermippus, Lucien,
 & Diogenes Laërce: mais Iamblichus & plusieurs
 autres avec Trismegiste nient que les ames pas-
 sent des hommes és bestes, ny des bestes aux
 choses qui n'ont point de sentiment: mais di-
 sent & accordent que celles des hommes pas-
 sent és hommes, & celles des autres animaux és
 animaux bruts seulement. Et y a eu des philoso-
 phes, du nombre desquels est Euripides compa-
 gnon d'Anaxagoras, & Archelaus le naturaliste,
 & depuis Auicenne, qui disent que les premiers
 hommes ont esté produits de la terre ainsi que
 choux, en ce encor plus ridicules que ne sont les
 poëtes, qui faignent qu'il y en a eu aucuns qui
 ont esté semés de dents de serpents qui ont ger-
 mé.

mé. Pyrrho Elie ne mesmes qu'il y aye aucune generation:& Zeno aucun mouuement.

De la Metaphysique. CHAP. LIII.

MAIS passons auant aux autres sciences, & donnons à congnoistre que les philosophes ne debattent point entre eux seulement de ce qui se void en nature, mais aussi des fictions de leurs cerueaux, & des choses qui ne sont appuyees sur aucuns principes, & d'ont il n'y a certitude si elles sont ou non, lesquelles ils pésent auoir estre sans corps ny matiere & sont nommees par eux formes separees. Lesquelles, pour autant qu'elles ne sont en nature, mais l'outrepassent, comme ils pensent, sont appellees metaphysiques. De là est parti si grand nombre d'opinions contraires l'une à l'autre non moins lourdes que pleines d'impieté touchant la diuinité : Car Diagoras de Milet & Theodore Cyreneen ont maintenu fort & ferme qu'il n'y a aucun Dieu. Epicure confessoit bien qu'il y a vn Dieu, mais sans soing ny cure de ce qui se fait ça bas. Protagoras disoit que lon ne pouuoit sçauoir en sorte aucune s'il est ou non. Anaximander pensoit qu'il y eust des dieux naissans & mourans par longs interualles. Xenocrates comptoit huit dieux. Antisthenes en croyoit plusieurs vulgaires, mais disoit qu'il y en auoit vn seul naturel, souuerain ouurier de toutes choses. Or s'est il trouué plusieurs d'entre eux saisis de telle forcennerie, qu'ils se sont forgés

forgés de leurs propres mains des dieux, à fin de
 les adorer ainsi que la statue de Bel en Assyrie:
 lesquels dieux façonnés de main d'homme c'est
 merueille combien ils sont exaltés & magnifiés
 par Hermes Trismegiste en son dialogue d'Escu
 lape. Quant à l'essence diuine, Thales Milefien
 disoit que Dieu est vn esprit lequel a formé tou-
 tes choses d'eau: Cleanthes & Anaximenes que
 l'air est Dieu: Chrysippus que c'est vne vertu na-
 turelle pourueüe de raison, ou bien vne diuine
 necessité: Zeno vne loy diuine & naturelle: Ana-
 xagoras vn esprit infini se mouuant soymesme:
 Pythagoras que c'est vn esprit espars sur tout ce
 qui est en nature, cheminant & passant par tout,
 duquel toutes choses prennent vie: Alcmeon de
 Crotone disoit que le Soleil, la Lune, & les
 autres estoiles estoient dieux: Xenophanes af-
 fermoit que tout ce quia estre est Dieu: Parme-
 nides posoit au lieu de Dieu vn certain rond
 plein de lumiere, qu'il appelle Stephane, c'est à
 dire Couronne: & Aristote, comme si par le
 mouuement des cieux on pouuoit estre à plein
 informé de Dieu, s'est forgé de la nature d'iceux
 des Dieux, & partant attribue diuinité ores à l'e-
 sprit, ores à l'ardeur du ciel. En vn endroit il dit
 que le monde est Dieu, en autre il met quelque
 autre Dieu par dessus le monde, lequel par mesme
 inconstance est suyui par Theophraste. Je passe
 ce qu'en ont dit Strato, Perse, Aristo disciple
 de Zeno, Plato, Xenophon, Speusippus, Demo-
 crite, Heraclides, Diogenes Babylonien, Hermes

Trisme

Trismegiste, Ciceron, Seneque, Pline, & autres: les opinions desquels ne sont toutesfois guiere esloignées de celles que nous auons recitees cy dessus. Je pourrois faire icy vn recit de plusieurs autres leurs contentions, & des prodiges de paroles d'ont ils vsent, comme des idees, des atomes, des matieres, de la forme, du vuyde, de l'infini, de l'eternité, de la destinee, des voix tout vniuerselles, qu'ils appellent transcendantes, de l'introductiō des formes, de la matiere du ciel, si les astres sont de matiere elementaire, ou bien faicts d'une quinte essence introduite par Aristote, & de semblables choses, autour desquelles les hommes insensés exercent leur manie par opinions, doutes, & contentions. Par où il me semble deuoir estre euident & prouué, que les philosophes ne sçauent où ils en sont, & sont du tout discordans touchant la verité des choses, & que ceux qui approchent plus pres de leurs traditions, s'esloignent d'autant plus de la verité & de la religion catholique. A ceste occasion nous sçauons que Iean vingtdeuxieme Euesque de Romme se desuoya, se persuadant que les ames des bienheureux ne verroyent la face de Dieu auant le iour du iugement, que Iulien l'apostat delaisa Iesuschrist non pour autre raison qu'estant par trop studieux de la philosophie il auoit en mespris la simplicité de la doctrine de la foy chrestienne, & s'en mocquoit. Par mesme cause Celse, Porphyre, Lucien, Pelage, Arrien, Manichee, Auerroës, & plusieurs autres se sont
mis

mis à abboyer comme chiens enragés contre Iesuschrist & son eglise. D'où est procedé le proverbe vulgaire, que ceux qui sont plus grands philosophes sont les plus grands heretiques. Et S. Hierosme les appelle patriarches des heretiques, premiers nais d'Egypte, & portes de Damas: ce qui n'est que trop veritable. Car tout tât qu'il y a iamais eu d'heresies, ont bouillonné de la philosophie comme de leur propre source. Par icelle la Theologie a esté presque toute falsifiée & abastardie, & ont esté receus des faux prophetes, des heretiques, en somme des philosophes au lieu des docteurs euangeliques, lesquels ont egalé les inuentions humaines à l'expresse parole de Dieu, ont triomphé & dit merueilles en matiere de reigles & enseigneméts humains, &, comme dit Gerson, ont reduite la pure & simple Theologie en sophisteries pleines de babil, & en vne chimere mathematique. Ce qui estant preueu par l'apostre S. Paul nous a en tant d'endroits admonnestés de nous donner garde d'estre pillés & deceus par la philosophie. S. Augustin munit sa cité de Dieu & la defend contre icelle: & les autres SS. Peres, & presque tous les bons Theologiens ont esté d'aduis de la reiecter au loing de leurs escholes, & l'en desfraciner du tout. Ce qui a esté faict & executé aussi par les mesmes payens, dont nous n'auons faute d'exemples. Car les Atheniens condânerent à mort Socrates pere de la philosophie. Les Romains chasserent de leur ville tous philosophes. Les

Messeniens & Lacedemoniens ne les voulurent onques recevoir ny souffrir parmy eux. Derchief sous l'Empire de Domitien ils furent bannis de la ville de Romme, & de toute l'Italie. On void encore vn arrest du Roy Antiochus contre la ieunesse qui s'amusoit à philosopher, & leurs peres qui les y pouffoyent & le leur permettoient. Et n'ont esté condamnés & deschassés seulement par les Rois & potentats, mais pareillement reprouvés par les hommes doctes, & poursuyuis par leurs liures & escritures, entre lesquels est Timon Phliasien, qui composa l'œuvre intitulé Syllos en derision des philosophes. Aristophanes l'un d'entre eux, qui a escrit la comédie intitulée Nubes, & Dion Prusien, lequel fit vne oraison eloquente au possible contre les philosophes. Pareillement Aristides a escrit contre Plaron pour quatre grands personnages Atheniens vne oraison treseloquente. Et des Rommains Hortense, homme de tresnoble race & treseloquent, a combattu les philosophes par viues & fortes raisons. Mais c'est assez dit de la philosophie.

De la Philosophie morale. CHAP. LIIII.

AV surplus, s'il y a quelque philosophie ou discipline qui traite des mœurs (ainsi qu'aucuns croient) i'estime qu'elle ne consiste point tant en raisons philosophiques, qu'en diuersité d'usage, de coustume, d'observations, de commune
con

conuersation, & maniere de viure d'entre les hommes:lesquelles choses se changent felô que les lieux, les temps,& les opinions diuerſes le requierent. En ſomme c'eſt vne philoſophie que les menaces ou les flatteries & amadouëments enſeignent aux enfans, les loix & les chaſtimëts d'icelles aux plus grands, où pluſieurs choſes ſont miſes en auant par l'induſtrie naturelle des hommes, qui ne peuuent eſtre enſeigneës, & puis apres avec le temps & par long vſage & commun conſentemët ſont receuës & retenues, ſoit à droit ou à tort,ſoyent bonnes ou mauuaisſes. Parquoy ſouuët il aduiët q̃ ce qui en vn tēps aura eſté trouué mauuais & vicieux,ſera en autre eſtimé bon & de vertu: & ce qui eſt vertu en vn lieu,ailleurs eſt eſtimé vice:ce q̃ l'un trouue honneſte,ſemble à l'autre deſhonneſte:ce q̃ eſt iuſte à noſtre aduis, au iugement d'un autre ſera inique, ſelon la diuerſité des opinions & des loix, des lieux, du temps,& des perſonnes. En Athenes il eſtoit permis à l'homme d'eſpouſer ſa propre ſœur: ce qui eſtoit illicite à Rome. Iadis entre les Iuiſ & auioirdhuy entre les Turcs lon peut auoir pluſieurs femmes eſpouſees & avec icelles des concubines:à preſent entre nous Chreſtiens cela n'eſt pas ſeulement defendu, ains eſt reputé crime deteſtable. En Grece on tenoit pour choſe louable d'eſtre aymé des ieunes hommes: & n'eſtima lon onques mal ſeant aux hommes ny aux femmes de ſe monſtrer ſur vn eſchafaut pour iouer ſon roolle és comedies, &

donner

donner plaisir & passe-temps au peuple : mais à Rome cela estoit estimé infame, & vn exercice de gents de basse & vile condition & du tout sans honneur. Au lieu de cela à Rome ils ne trouuoient point impertinent de mener leurs femmes és banquets, & grandes assemblees, & leur faire hanter & tenir les plus honorables lieux en la maison & principaux membres : ce qui estoit du tout reprobé entre les Grecs : Car les femmes ne se trouuoient iamais en banquet sinon entre parents, & n'estoyent veuës qu'és lieux plus retirés & cachés au dedans des maisons, où personne n'auoit acces q'les parés plus proches. Le larcin estoit exercice honorable entre les Egyptiens & Lacedemoniens. En ces païs nous enuoyons au gibbet ceux qui y sont surprins. Iulius Firmicus, en ses discours astrologiques qu'il escrit à Lollianus, dit, que aucunes nations sont tellement faconnees par les cieux, que lon les peut remarquer d'entre les autres à certaines mœurs & facons propres & particulieres. Les Scythes ou Tartares brigandent avec cruelle & farouche inhumanité. Les Italiens ont esté de tous temps apparens entre les autres par vne royale noblesse : les Gaulois sont simples & fots : les Siciliens rusés : les Espagnols aduantageux & hardis en vanterie : les peuples d'Asie fondus en voluptés & toutes superfluités. Et est chaque nation diuisée en mœurs & facons par la nature & d'en haut, en sorte que lon peut aisement congnoistre de quelle region ou païs est
o l'hom

l'homme, à la voix, au parler & discours, au iugement, à la conuersation, au viure, au negotier, aux amours, aux querelles, à la cholere, à la guerre, & en tous exercices. Qui est celuy qui verra vn homme marcher en coq, d'un pas comme s'il vouloit combattre, avec vne face esgaree, vne voix bouine, vn parler aspre & rude, de mœurs farouches, habillé dissolument avec force dechi- quetures, qui ne iuge soudain que c'est vn Alle- mand? Ne congnoissons nous pas les François à leur marcher moderé, leurs contenance molles, visage gracieux, douce voix, parler agreable, façons modestes, & leur large & ample habille- ment? Les Espagnols à leur marcher, mœurs & gestes plaisantes & gaillardes, visage esleué, voix plaintiue, paroles elegantes, habit curieux? com- me aussi nous voyons que les Italiens ont vn marcher aucunement pesant, sont graues en mœurs, inconstans en visage, ont la voix basse, le parler ambigu & captieux, magnifiques en leurs façons de faire, & propres en habits. Nous sçauons aussi pareillement qu'en chantant les Italiens bessent, les Espagnols gemissent, les Allemans hurlent, les François chantent vraye- mét. Au parler & discourir les Italiens sont gra- ues, mais rusés; les Espagnols ornés, mais van- teurs: les François prompts & hautains: les Alle- mans durs, mais ronds & simples. En conseil l'Italien est prudent & aduisé: caut & fin l'Espa- gnol: le François estourdi: l'Allemand vtile & profitable. En son viure l'Italien est net & pro-

pre : l'Espagnol delicat ; le François copieux & abondant : l'Allemand sans ordre ny artifice quelconque. Les Italiens sont officieux & humains enuers les estrangers: les Espagnols doux & paisibles : les François benignes : les Allemans rustiques & sans acces. Au conuerſer les Italiens sont prudents : les Espagnols cauts & fins : les François doux & amiables: les Allemans aduantageux & insupportables. Es amours l'Italien est en continuelle ialouſie : l'Espagnol impatient: les François legers : les Allemans ambitieux. Es inimitiés l'Italien est couuert : l'Espagnol obstiné : le François plein de menaces : l'Allemand se vange sans remission. En maniements d'affaires les Italiens sont accorts & soigneux: les Allemans de grand travail : les Espagnols vigilans : les François diligents. A la guerre l'Italien est vaillant, mais cruel: l'Espagnol rusé, mais larron : l'Allemand inhumain & à qui plus luy donne : le François magnanime, mais soudain & hastif. En somme les Italiens sont remarquables pour les lettres: les Espagnols pour la nauigation: les François en ciuilités : les Allemans en religion, & à cause des arts mechaniques. Et a chaque nation pour petite qu'elle soit, soit ciuile & bien apprise, ou barbare, ie ne ſçay quoy de particulier en ses mœurs & façons de faire qui la rend differente des autres, & qui ne se peut assigner ny comprendre sous aucune partie de la philosophie, ains luy vient des influences celestes, & par vertu naturelle, dès leur origine,

sans aucune discipline humaine. Mais dressons
 nostre propos à ceux qui nous ont baillé reigles
 de ces choses, & les ont voulu reduire en art.
 Ceux cy à la verité ont faict en nostre endroit
 ce que fit le serpent aux premiers hommes : car
 ils nous ont baillé vn fruit, au goust & v'sage du
 quel nous apprenons à congnoistre le bien & le
 mal. Voila la premiere de leurs pestilencieuses
 opinions, à sçauoir que lon ne doit ignorer le
 bien & le mal, estimans que les hommes par ce-
 la suyront mieux la trace de vertu, & eueront
 celle du vice. Mais combien plus seroit il requis,
 non seulement de ne faire point de mal, mais de
 l'ignorer du tout? Qui est celuy qui ne sçait que
 ce fut le commencement de nos malheurs lors
 que nos premiers peres prindrent enuie de sçauoir
 que c'estoit que de bien & de mal, & l'apprirent?
 Encor seroyent aucunement excusables les philosophes
 de cest erreur, si au lieu de vertus, & sous le voile
 d'icelles, ils ne nous produisoient & enseignoyent
 bien souuent des vices detestables, & maux tresper-
 nicieux. Or les sectes de ceux qui ont traicté de
 ceste philosophie Ethique, ou morale, sont diuer-
 ses, à sçauoir l'Academique, Cyrenaique, Eliaque,
 Megarique, Eroïtique, Stoïque, Peripatetique, &
 autres en grand nombre, Theodore, surnommé Dieu,
 l'un d'iceux, a en cest endroit ainsi philosophé.
 Le sage peut s'addôner aux larrecins, adulteres
 & sacrileges en temps opportun, & quand il en
 besoing : Car, dit-il, aucune de ces choses n'est
 deshonn

deshonneste par nature, & si l'opinion commune quel on en a estoit ostee, (laquelle n'est qu'un phantome du menu peuple sot & ignorant) il est certain que le sage paillarderoit publiquement sans honte d'estre veu ny apperceu. Voila les beaux enseignements de ce diuin philosophe; ausquels ie ne sçache vilennie qui puisse estre accompaee. Si ce n'est Venus masculine approuuee par Aristote, & qui estoit iadis permise par loy publique en Candie; laquelle Hierosime Peripateticien louë & magnifie à cause, dit-il, que par le moyen d'icelle on s'est despesché de plusieurs tyrans. Les paroles d'Aristote en ses politiques, où il estime qu'elle seroit profitable à la republique; d'autant qu'elle empêcheroit que le menu peuple ne seroit tant chargé d'enfans, sont telles: Le sage, dit il, a ordonné sageement & soigneusement plusieurs choses pour garder temperance au manger; comme chose tresutile: Pareillement pour le regard des diuorces & separations des femmes, à fin qu'elles n'engendrent lignee superflue & en trop grand nombre, au lieu de quoy il a introduit l'usage & compagnie des masles. C'est cest Aristote, les mœurs duquel furent reprobuees de Platon; d'où sourdit la haine & ingratitude d'iceluy enuers son maistre & precepteur. Celuy, dis-je, lequel craignant les iugements & la rigueur des loix à cause de sa meschante vie; s'en fuit à cachettes & en grand' haste de la ville d'Athenes. Celuy qui confit en ingratitude enuers tous ses

bienfaiteurs occit d'un breuuage infernal Alexandre le Grand, duquel il auoit receu tant de bien, & auoit esté si magnifiquement & honorablement traicté, qui se fioit du tout en luy de sa vie, & de sa personne, & auoit à sa faueur rebastit & restauré la ville de sa naissance destruite par les guerres. Celuy, dis-ie, lequel par erreur & mauuaise opinion qu'il auoit de l'ame nioit qu'il y eust aucun lieu de resiouissance ou bonheur apres ceste vie : Qui ayant pillé les sentences & dits des anciens, & iceux corrompus par maligne & enuieuse interpretation, a cherché louange d'esprit orné & enrichi par ses larrecins & calomnies, lequel enuieilli, plein & chargé de mauuais & malheureux iours, en fin pour l'excessif estude & conuoitise de sçauoir deuenue enragé se tua soy mesme, faisant de soy vn digne sacrifice à tous les diables. Tresdigne d'estre au iourd'huy le grand docteur des vniuersités latines, & d'auoir esté canonisé par mes compagnons Theologiens de Colongne, qui ont publié en faueur d'iceluy vn liure imprimé, intitulé du salut d'Aristote, & vn poëme de la vie & mort d'Aristote, avec sa glose tirée de raisons Theologiques, en la fin duquel ils concluent, qu'Aristote a esté precursor de nostre seigneur Iesust Christ és sciences naturelles, tout ainsi que S. Iean Baptiste en la doctrine de grace. Mais à fin que nous ne nous esloignons par trop de nostre chemin, voyons ce que ces philosophes croyent du souuerain bien, & de la felicité. Aucuns l'ont

confi

constituee en volupté seule, ainsi qu'Epicure, Aristippe, Gnidius, Eudoxe, Philoxene, & les Cyreniens. Autres ont ioinct avec la volupté l'honnesteté, comme Dinomache & Calpho. Autres en ce qui est premier en nature ou au premier estat de nature, comme Carneades & Hierosme Rhodien. Autres à ne sentir douleur, ainsi que Diodore. Autres es vertus, comme Pythagoras, Socrates, Ariston, Empedocles, Democrite, Zeno Citique, Cleanthes, Hecaton, Possidoine, Denys Babylonien, Antisthene, & tous les Stoïciens: & auioird'huy plusieurs de nos Theologiens s'accordans avec ceux cy disputent encor des liaisons des vertus entre elles, & quel est ce poinct & fondement de felicité auquel toutes les vertus tendent & doyuent estre rapportees ensemble: d'autant, disent ils, que l'homme ne peut estre rendu heureux sinon que toutes coulent & s'assemblent en vn, ores qu'il n'en de faillist qu'une seule. Or comme ainsi soit que entre les vertus soyent diuerses & presque contraires la liberalité, & l'espargne, la magnanimité & humilité, la misericorde & la iustice, la contemplation & la sollicitude de beaucoup d'affaires, & plusieurs autres semblables, si elles ne s'unissent d'accord en vn mesme subiect, on les pourra estimer vices & non vertus. Et quāt à ce poinct, auquel toutes les vertus se trouuent assemblees, Ambroise & Lactance avec Macrobe, suyuant Platon es liures de la Republique, tiennent que c'est la iustice. Autres ont opinion que

c'est

c'est temperance, qui donne reigle à toutes choses. Autres la pieté: ce que Platon dit aussi au dialogue intitulé Epimenides. Autres charité, sans laquelle nul fruit ny proffit ne reuient de la vertu, selon que S. Paul estime, & toutesfois encore disputent là dessus Thomas, Henri, l'Escot, & autres. Mais reuenons d'où nous estions partis. Aucuns constituent la felicité en la fortune, ainsi que Theophraste: mais Aristote ioint avec la fortune les premieres semences naturelles, & les vertus, & avec ce les voluptés, mais emplastrees du fard de vertu, comme si Epicure ne remparoit pas de ces mesmes choses la volupté. Finalement le surplus des Peripateticiciens en la speculation. Herile philosophe, Alcidas, & des Socratiques plusieurs estimoyent que la science fust le souuerain bien. Mais les peuples Tyberins, voisins des Chalybes, desquels Apolloine & Pomponius ont faict mention, auoyent opinion que la superfluité ou dissolution & le ris fussent la souueraine felicité, & y en a eu qui ont colloqué au Silence le souuerain bien. Les sectateurs de Platon avec luy & Plotin, resensans tousiours leur diuinité, ont estimé que l'union avec le souuerain bien estoit l'estat de la felicité. Bias Prienien disoit que c'estoit la science: Bion & Borystene la prudence. Thales l'entassement de ces choses. Pittacus de Metelin le bien faire. Ciceron dit qu'elle consiste en l'exemption ou vacation de toutes choses, laquelle ne se peut trouuer qu'en vn seul Dieu.

Ic laisse

Je laisse les autres philosophes vulgaires, qui ont osté toute felicité, ainsi que Pyrrho Elie, Euricole, & Xenophanes, & ceux qui ont establi toute felicité es honneurs, gloire, puissance, oyfueté, richesses, & semblables choses, comme aussi Periandre Corinthien, & Lycophon, & les autres desquels entend parler le psalmiste, disant, La bouche d'iceux parle chose vaine, & leur dextre est dextre de fausseté. Les enfans desquels sont comme petites plantes bien croissantes en leur ieunesse, & leurs filles comme les encoigneures entaillées à la semblance du temple, leurs greniers pleins, fournissans toutes manieres de prouision, leurs troupeaux multiplient par milliers, & sortent par millions en nos rues, leurs beufs refaicts : nulle ruine ny bresche est en leurs clostures, nul passage ny cri en leurs places. Ils ont estimé bien heureux le peuple auquel il en est ainsi. En mesme discord sont ils touchant la volupté, laquelle, ainsi que vous auez entendu cy dessus, Epicure estime estre le souuerain bien. Au contraire Architas Tarentin, Antisthenes, & Socrates disent que c'est le souuerain mal. Mais Speusippe & quelques anciens Academiques disoyent que la volupté & la douleur estoient deux maux contraires l'un à l'autre, & que ce qui est entre deux est le bien. Zeno a estimé que la volupté ne se deuoit appeller bien ny mal, mais ie ne sçay quoy d'indifferent. Critolaus Peripateticien, & Platon, disoyent que la volupté estoit mauuaise, & la

mere nourrice de plusieurs meschancetés. Ce seroit chose par trop longue si nous voulions icy amener les opinions d'un chacun touchant la felicité, & faire vn amas de ce dont autres ont rempli plusieurs volumes: Car M. Varro recueillit plus de c c l x x x. opinions sur ceste matiere, ainsi que tesmoigne S. Augustin, les principales desquelles & plus renommes il nous suffit d'auoir icy recitees. Or voyons maintenant quelle conuenance elles ont avec nostre Seigneur Iesuschrist, & il nous apparoitra clairement que la felicité & beatitude ne nous est nullement acquise par la vertu des Stoïques, ny par la purgation Academique, ny par la speculation Periparetique, mais par la foy & par la grace en la parole de Dieu. Vous avez bien entendu comme aucuns philosophes constituent la felicité en volupté: Mais Iesuschrist la met parmy la faim & la soif. Autres en vn estat honorable, en renommee, grandeur & reputation: Mais Iesus Christ dit qu'elle est suyvie de maledictions & de la haine du monde & des homes. Autres au premier estre & condition des choses, ou es choses premieres engendrees, comme la santé, ioye, & absence de douleur: Mais Iesuschrist en deuil & pleurs. Autres en prudence, sapience, & vertus morales: Mais Iesuschrist en la simplicité, innocence, & pureté de cœur. Autres en la fortune: Mais Iesuschrist en la misericorde. Autres en la gloire acquise par armes & conquestes des pais: Mais Iesuschrist en la paix. Autres es

hon

honneurs & pœmpes: Mais Iesuschrist en humilité, prononçant bienheureux les doux & debonnaire. Autres en puissance & victoires: Mais Iesuschrist en endurant persécution. Autres es richesses: Mais Iesuschrist en poureté. Iesuschrist enseigne que la parfaicte vertu ne s'acquiert point que par grace donnee d'en-haut: mais les philosophes disent qu'elle vient de nos propres forces, & par accoustumance. Iesuschrist enseigne que toute concupiscence est peché: au contraire les philosophes la mettent au rang des choses moyennes, celles, dis-je, qui ne sont ny de vice ny de vertu, mais disent qu'elles passent pour vertus, si l'hôme s'y maintient par mediocrité. Iesuschrist enseigne qu'il faut bien faire à vn chacun, voire aimer ses ennemis, prester liberalement, ne poursuyure aucune vengeance, donner à tous ceux qui demandent: au contraire les philosophes ne veulent qu'on s'employe que pour ceux qui peuvent rendre la pareille: au surplus qu'il est licite de se courroucer, haïr, quereller, guerroyer, & prester à vsure. Avec tout cela ils nous ont produits par leur franc arbitre, & ce qui nous est fourni par nostre droite raison & lumiere naturelle, l'heresie des Pelasgiens. Partât toute la philosophie morale, au rapport de Lactance, est fausse & vaine, ne donnant aucune adresse à iustice, ny assurance aucune à l'homme en son deuoir ny en sa raison, & est tellement contraire à la loy de Dieu & à Iesuschrist mesme, que lon ne doit attri

attribuer la gloire d'icelle à autre qu'à Sathan.

Des polices ou Gouvernements des cités & Republ.

CHAP. LV.

DE C E S T E philosophie est membre l'art de gouverner & administrer les republ. D'iceluy sont faictes trois especes, à sçauoir Monarchie, qui est le gouvernement d'un seul : Aristocratie, celuy qui est en peu de personnes, mais nobles, riches, & choisis des plus gents de bien : & la Democratie, qui est l'estat populaire. A celles cy ressemblent la tyrannie : l'oligarchie, qui est vne faction de peu d'hommes : & l'anarchie, à sçauoir quand chacun veut estre le maistre. Or n'a lon sceu iusques à present encore determiner laquelle sorte de ces regimes & gouvernements est meilleur & plus desirable : Car ceux qui soustiennent que la monarchie doit tenir lieu par dessus les autres, se rengent aux exemples de nature, & disent qu'ainsi qu'en l'univers il n'y a qu'un seul souuerain Dieu, entre les estoiles vn Soleil, entre les auailles vn Roy, vn chef entre les grues, & vn conducteur des troupeaux, aussi qu'il n'y doit auoir qu'un Roy en la republique, qui soit comme vn chef auquel tous les membres s'accordent. Et ceste maniere d'administration a pleu à Platon, Aristote, Apolloine, ausquels consentent Cyprien & Hierosme entre les nostres. Mais ceux qui preferent l'aristocratie ou gouvernement des gents de bien, disent

sent qu'il n'y a meilleur moyen de bien gouverner les grands affaires que d'assembler les opinions & conseils de plusieurs vnis & s'accordans à bien faire: Car de plusieurs gents de bien il est necessaire que les cōseils soyent tresbons, & qu'il ne se trouue aucun qui soit assez sage tout seul: car c'est chose qui appartient au seul Dieu. A laquelle opinion consentent Solon, Lycurge, Demosthene, & Cicero, & quasi tous les anciens legislateurs, & Moïse mesme. Platon aussi semble s'y accorder, disant que la republique & cité se pourra lors dire heureuse, qu'elle sera gouvernee par les sages; nous y adiousterons aussi, s'il luy plaist, qu'ils soyent nobles, attendu que c'est vne opinion arrestee & fondee sur le consentement presque vniuersel. Quant à ceux qui trouuent meilleur l'estat populaire, ils luy baillent vn nom tresbeau & bien sonnant, à sçauoir Isonomie, c'est à dire egalité de droit, attendu que tout se rapporte là au bien commun, & sont les conseils mieux prins & plus certains entre la multitude en laquelle sans doute aucune gisent toutes choses. Avec ce que la voix du peuple est la voix de Dieu, & partant ce qui plait à tous, ce qui est arresté & ordonné d'un commun consentement du peuple, par necessité doit estre receu pour tresbon & tresiuste, & comme venant de Dieu. En outre que ceste espece d'estat est plus asseuree que celuy qui est regi par petit nombre des plus grands & principaux, d'autant qu'il est moins subiect à sedition.

Car

Car le peuple peu souuent ou iamais se bande en factions, ce que les grands & puissans font ordinairement. D'auantage toute egalité & liberté se trouue au gouuernemēt populaire, sans qu'elle soit opprimee par aucuns tyrans: là sont pareils tous degres d'honneur, & n'y a aucun qui soit plus capable q̄ son voisin: mais vn chacun separement & tous en general à leurs tours commandent & sont commandes. Cest estat donques a esté sur tous estimé & approuué par Othanes Persien, Eufates, & Dion Syracusain: & aujourd'hui nous en auons les exemples des Venitiens & Suisses, les republiques desquels sont florissantes sur toutes les principautés de la Chrestienté & les premieres, tant en prudence, puissance, richesse, & reputation de bonne iustice, que de grands exploits & victoires. Anciennement la republique d'Athenes, l'estat de laquelle estoit populaire, commādoit sur grande estendue de païs en tresgrande puissance, & estoient tous les affaires & deliberations proposees au peuple, & resolues par le peuple. Les Rommains aussi ayans esprouué toutes les especes de regimes & gouuernement, conquerirent la plus grande partie de leur Empire sous l'estat populaire, & n'ont iamais esté plus mal administrées leurs affaires, q̄ lors qu'ils ont esté sous les Rois, ou maniés par les plus grands & plus puissans d'entre eux, & encor pis quand les Empe-reurs en ont prins le maniement: car à leur conduite toute leur puissance a faict bris & naufrage.

ge.Par

ge. Parquoy il est mal aisé à iuger laquelle de ces trois manieres de gouuernement est la meilleure & plus asseurée, attédu que chacune a ses partisans & defenseurs, & aussi d'autres qui la débattent; Car les Rois, ausquels il est permis de faire tout ce qu'il leur plait à leur appetit, sans crainte d'en estre repris, peu souuent commandent bien ainsi qu'ils doyuent, & quasi iamais ne sont sans bruit & tumulte de guerres. Et en outre la royauté a ce mal pestilent en elle, que ceux qui en autre estat ont eu renom & tesmoignage vniuersel d'estre gents de bien, deuiennent insolents & meschans en toute extremité dès qu'ils sont paruenus à la couronne, comme si par cela la porte leur estoit ouuerte pour se desborder en toute licence de mal faire. Ce qui est apparu en Caligula, Neron, Domitien, Mitridat, & plusieurs autres. Et mesmes les saintes escritures monstrent que cela est aduenu à Saul, Dauid, & à Salomon, Rois que Dieu auoit choisis luy mesme, & qu'entre tous les Rois de Iuda fort peu se sont trouués de bon renom, entre ceux de Samarie pas vn. Et auiourdhuy les Rois, Empereurs, & Princes qui dominant, semblent estre establis & nais seulement pour defendre, maintenir, & cōfirmer la noblesse, & peu se soucient du peuple, des bourgeois, des villageois, ny de faire iustice, & regnent en maniere qu'il semble que les biens & facultés de tout le peuple leur aye esté baillé, non en garde, mais en proye & pillage, butinant routes choses sur
rous

tous leurs subiects, desquels ils vsent ainsi que
 leur semble bon, & quelque fois comme il leur
 plaist, abusans de la puissance que Dieu leur a
 donnee sur les hommes, chargeant les bour-
 geois d'emprunts, les villageois de tailles &
 coruees, les vns d'exactions, les autres de pe-
 ages & gabelles entassées l'une sur l'autre sans
 fin ny mesure. Et si quelcun d'entre eux se mon-
 stre plus doux & modeste, en donnant au peu-
 ple quelque soulagement & relâche, il est cer-
 tain que ce n'est pour le bien commun qu'ils le
 font, mais pour leur commodité particuliere,
 permettant au peuple vn peu d'aïse, à fin qu'eux
 s'en sentent, & puissent trouuer de quoy rai-
 rir quand il leur en prendra enuie. Et pour se don-
 ner bruit d'estre iustes, ils font de bonnes or-
 donnances, & establisent des loix tresestroï-
 tes & difficiles, à fin d'armer leur avarice & cru-
 auté de l'espee de iustice, punissans ceux qui
 contreuiennent par rigoureuses peines, extre-
 mes torments, & confiscations: semblables en
 celà aux tyrans, entant qu'ils desirent qu'il y aye
 beaucoup de contreuenans & infracteurs de
 leurs edicts, à fin d'en auoir profit: Car comme
 les forces des tyrans sont les meschansetés des
 delinquans, ainsi la multitude des trasgressions
 sont les richesses des Princes. I'ay eu autrefois
 grande priuauté avec vn Prince Italien grand &
 puissant, auquel il m'aduint de donner conseil
 & l'exhorter d'appaiser & reprimer en ses ter-
 res les factions des Guelphes & Gibellins: mais
 il me

il me confessa que par le moyen d'icelles il entroit en ses coffres tous les ans plus de douze mil ducats d'amendes. Toutesfois nous parlerons de cecy plus amplement au liure de la noblesse politique. Mais où les nobles & plus apparens tiennent le gouvernement en la republique, en icelle logent avec eux l'ire, la haine, & l'enuie, parquoy peu souvent l'estat d'icelle est paisible, ny eux de bon accord: car voulant vn chacun son aduis estre receu, & estre estimé par dessus tous les autres, les inimitiés particulieres s'engendrent entre eux, d'où viennent les ligues & factions, les seditions & meurtres, & en fin les guerres ciuiles en ruine & destruction de la chose publique. Desquels malheurs les histoires Grecques & Latines nous fournissent plusieurs exemples, & à present beaucoup de viles d'Italie sont exposées en pitoyable spectacle aux hommes. Quant à l'administration populaire, chacun la iuge tresmauuaise, laquelle maniere de gouvernement Apolloine desconseille à Vespasian par plusieurs raisons, & Cicero dit, qu'au peuple n'y a raison, ny conseil, ny discretion, ny diligence, &, comme dit le poëte,

La populace est aisée à distraire

D'opinions l'une à l'autre contraire.

Et le Persien Othanes dit qu'il n'y a chose au monde plus insolente que la multitude populaire, rien plus fade & ignorant, de qui son propre est de ne rien entendre, & de se précipiter à l'estourdi en l'exécution des affaires, sans con-

p

seil,

feil, ainsi qu'un torrent. Demosthenes pareillement appelle le peuple vne mauuaise beste, & Platon le nomme beste à plusieurs testes, comme fait apres luy Horace. Phalaris aussi escriuant à Egesippe, Tout le peuple, dit il, est temeraire, sans esprit, paresseux, variable à tout propos en opinions, perfide, incertain, hastif, traistre, frauduleux, n'ayant que le babil: tantost se met en cholere, tantost flatte: & de là aduient que ceux qui taschent de complaire au peuple au manient des affaires de la republique perissent par honnestes outrages. Mais Lycurgus legislateur Lacedemonien interrogué quelquefois pourquoy il n'auoit establi en sa republique l'estat populaire, respondit à cestuy là, qu'il ordonnast premierement sa maison selon cest estat là, & puis il en sçauoit la raison. Aristote pareillement en ses traictés moraux dit son aduis estre que l'administration du peuple est tresmauuaise, celle d'un seul fort bonne. Car le menu peuple est le prince & grand maistre des erreurs & des mauuaises coustumes, comble de rous malheurs, d'autant qu'il n'y a raison, autorité, conseil qui le puisse fleschir: car il n'entend aucunement les raisons, il mesprise l'autorité, & est du tout indocile & obstiné aux persuasions, les mœurs duquel sont tresinconstantes, tousiours desireux de nouueautés, & ayant en haine les choses presentes, & ne peut estre retenu par aucune doctrine des sages, discipline des ancestres, autorité de magistrats, ny maieité du prince, &

te, & à l'endroit duquel iamais n'ont eu poids
ny vertu ny n'ont iamais esté escoutés sans dan-
ger les conseils des hommes sages, ayant touf-
ours plus de force la folie du vulgaire, ainsi que
l'experimenta Socrates, lors qu'il disoit son o-
pinion touchant les dieux, Capys, quand il fut
question d'introduire le cheual de bois dans la
ville de Troye, Magius Capouan conseillant de
ne recevoir Hannibal dans la ville, Paul Emile
n'estant d'aduis de combattre à la iournee de
Cannes, & tant de prophetes de nostre Sci-
ence, aux predictions desquels le peuple Ju-
daique faisoit l'oreille sourde. Comme don-
ques peut il estre que les statuts & ordonnances
du populaire soyent bonnes, veu que la multi-
tude ignore presque tout ce qui est bon & iuste,
attendu que la plus grande partie d'iceux sont
artisans & manouvriers, puis aussi q̄ tels arrests
ne se font point selon la iustice & l'equite, mais
à la pluralité de voix, & selon le nombre, où se
trouuent ordinairement plus de mauuais que
de bons, & que le peuple n'est mené de sain &
droit iugement, mais par le plus grand nombre,
& selon l'inclination & appetit du commun, où
les sentences & opinions sont comptees & non
pesées, & où ce qui semble bon, non aux plus
sages, mais au plus grand nombre, a lieu &
obtient plus de force & vigueur. Entre lesquels,
pour autant qu'ils s'estiment egaux les vns aux
autres, rien toutesfois n'est si inegal que leur
egalité mesmes. Parquoy par l'impetuosité con-

fuse du commun populaire rien n'est ordonné bien à propos ny salutairement, rien de ce qui est descheu & empiré n'est redressé ou remis en meilleur estat, ains au contraire ce qui est bien establi & institué est renuerlé & perdu le plus souuent par la temerité populaire. Or entre ces tant diuerses manieres d'administration de la chose publique plusieurs ont trouué bon d'en constituer vn gouuernement meslé de deux especes, tel que Solon institua, à sçauoir des plus apparents & nobles & du menu peuple, leur communicant à tous en certaine façon leurs honneurs. Plusieurs en ont establi vn meslé de toutes les trois especes selon que la republ. des Lacedemoniens estoit regie; Car le Roy estoit entre eux perpetuel, mais n'auoit commandement qu'en temps de guerre, Ils auoyent le senat ou conseil composé des plus riches & puissans, & avec ce creoyent dix Ephores perpetuels du menu peuple, qui auoyent puissance de condamner à mort ou absouldre, & representoyent l'estat populaire. La republique Romaine estoit vne democratie meslee avec l'aristocratie, à cause de l'autorité du Senat: car plusieurs choses estoient commandees par le peuple, & aucunes aussi par le Senat. A present en la pluspart des païs les Rois & les Princes commandent selon leur plaisir, neantmoins ils ont pour conseillers les principaux hommes des prouinces, & les magistrats, auxquels ils baillent le maniement des affaires. Sur quoy il se fait vne
demande,

demande, à sçauoir quel estat est le plus assésuré, celui où le Prince estant mauuais ses conseillers néantmoins sont bons, ou bien celui auquel le Prince est bon, & ses conseillers meschans. Marius, Maximus, & Iules Capitolin, & plusieurs autres choisissent le premier: ausquels toutesfois autres graues auteurs ne s'accordent nullement, attendu que l'experience nous fait voir qu'un bon Prince chastie plus facilement ses mauuais conseillers, que le mauuais Prince n'est amendé par ses conseillers gents de bien. En somme il n'y a philosophie, art, ny science, qui puisse faire que la republique soit bien regie, ains seulement la preud'homme de ceux qui la gouuernent. Car vn seul, ou petit nombre, ou tout le peuple peuuent fort bien & sainctement administrer s'ils sont gents de bien, & s'ils sont meschans tresmal. Mais voycy qui passe toute audace en meschanceté. S'il est besoin de cultiuer vn champ, paistre vn troupeau, gouuerner vn nauire, regir vne famille, nourrir & instruire des enfans, on n'aura point de honte de confesser que lon ne le sçait faire, ou que lon ne le peut faire: Mais où il est question de commander en vne ville, & exercer vn magistrat, faire le Roy ou le Prince, & ce qui est le plus difficile en ce monde, de commander aux peuples & nations, il n'y a celui qui ne croye d'estre nay à cela. Au reste, ce qui est considerable pour le regard des loix ciuiles & la science d'icelles, par lesquelles toutes les republiques

& cités ont leur estre, sont gouuernees, augmentees, & maintenues, nous en traiterons cy apres.

De la Religion en general. CHAP. LVI.

L'ACCOMPLISSEMENT de la re-
publique appartient aussi la religion,
qui est vne discipline de solennités
& ceremonies externes, par lesquelles
ainsi que par signes & marques nous sommes
admonestés des choses interieures & spirituelles.
Elle est definie par Cicero vne discipline
par laquelle les ceremonies, qui concernent
le seruice diuin, sont exercees avec reuerence
& soumission, & est, selon le tesmoignage
tant de luy que d'Aristote, chose fort vtile &
tresnecessaire à toutes cités. Il faut (dit Aristote
en ses politiques) que le Prince se montre religieux
sur tous autres, d'autant que les subiects se
doutent moins d'estre iniquement traités de
ceux là: & pource conspirent ou entreprennent
malaisément contre eux, ayans opinion qu'ils
soyent en la sauuegarde & protectiō des dieux.
Or la religion est tellement naturelle en l'homme,
que par icelle il est rendu plus different d'avec
les autres animaux que par la raison mesme.
Que la religion soit plantee en nous naturellement,
outre que Aristote le confesse luy mesme,
il appert aussi clairement en ce que si nous sommes
surprins de quelque danger subit, ou troublés
de frayeur, soudain, auant que prendre au-

tre conseil ny rechercher autre remede, nous
avons recours à l'inuocation de la diuinité, es-
tans enseignés par la nature, sans autre prece-
pteur, de requerir aide & secours de Dieu. Et
desia dès l'origine & commencement du mon-
de, Cain & Abel sacrifioyent à Dieu religieuse-
ment. Mais Enos fut le premier qui ordonna
reigles & manieres comme il falloit inuoyer le
nom de Dieu. Duquel l'escriture dit ainsi, Alors
lon commença à inuoyer le nom de l'Eternel.
Après le deluge lon fit beaucoup de loix tou-
chant la religion, & y eut beaucoup de legisla-
teurs, voire autant & plus que de peuples & na-
tions. Car Mercure & Mena Roy instituerent
celle des Egyptiës : Melisse nourricier de Iupi-
ter en bailla aux Cretois ou Candiots : Faunus,
& deuant luy Ianus, aux Latins : Numa Pompi-
lius aux Rommains : Moïse & Aaron aux He-
brieux : Orphee aux Grecs : & puis Cadmus fils
d'Agenor appporta de Phenice les mysteres &
solemnités des sacrifices des Dieux, la maniere
de leur consacrer simulacres, chansons, & autres
ceremonies, pompes, & festes en l'honneur d'i-
ceux, & les enseigna aux Grecs. Il y eut aussi des
Dieux establis sur les larrecins & meschancetés,
& ne leur baillerent point tant seulement des
titres & noms de Dieux, ains aussi leur ordon-
nerent des sacrifices. Car les Rommains adore-
rent Iupiter surnommé le paillard & adultere,
dedierent vn temple au mont Palatin publique-
ment à la Fiebure, & au mont Exquilin vn autel

au Malencôtre, Dauantage chercherent iufques aux enfers des Dieux pour adorer, & mefmes le Prince des diables infernaux Sathan vil & malheureux fur toutes creatures, l'appellans Dis, ou Pluto, ou Neptune, & l'honorans fous ces noms & tiltres, auquel ils assignerent pour guette & gardien Cerberus avec fes trois testes, c'est à dire charoppier ou gourmand de chair, lequel tousiours rode & tournoye, cherchant proye pour deuorer, fans merci de perfonne, nuifant à tous, accusant vn chacun. D'où il a prins le nom de diable, qui signifie impofeur de crimes, ou accusateur, duquel le poëte chante ainfi:

*La le prince infernal des forfaits effroyable,
Enflammé de courroux, de nully pitoyable,
S'enquiert : Aux chefs hideux les furies alors
Deuant luy font debout, & mille & mille morts,
Mille ceps, fous lesquels aux malheureufes ombres,
Mille feux fuphurés fait fouffrir, mille encombres.*

Les Egyptiens iadis avec leurs autres Dieux ont pareillement adoré des Bestes brutes & des monftres, & s'en trouue encor auiourd'huy qui adorent les idoles & fimulacres. Les Turcs, Sarrafins, Arabes, & Maures, & la plus grand' partie des habitans de la terre ont en finguliere reuerence Mahomet auteur de leur fotte & tres absurde religion. Les Iuifs obftinés en leur defloyauté attendent tousiours la venue du Meffias. Et nous Chréftiens auôs receu de plufieurs de nos pontifes ou papes en diuers temps & diuers

diuers lieux diuerses façons & coustumes touchant la religion par loix discordantes à merueil les entre elles, pour le regard des ceremonies, ordre, & manieres de seruir Dieu, des viandes, ieunes, habits, questes, pompes : Item touchant les mitres & chappeaux, habillement rouge, & semblables choses. Mais sur toutes les merueilles ceste cy est admirable, qu'ils croient de pouuoir monter aux cieux par les mesmes façons & pratiques ambitieuses qui en firent iadis tresbu cher lucifer. Ce pendant toutes ces loix de religions n'ont autre appuy ny soustenement que l'opiniõ & plaisir de ceux qui les ont instituees, ny autre reigle de certitude & verité que la seule credulité des hommes.

Considerons, ie vous prie, les diuers estudes qu'on a eu dès le cõmencement du monde pour les religions, combien de manieres de seruices & ceremonies, combien d'heresies, cõbien d'opiniõs, de vœux, & de loix : toutesfois avec tout cela depuis tāt de siecles les hommes n'ont sceu estre bien adressés à la droite foy, à quelque religion qu'ils se soyent adstrains sans la parole de Dieu, laquelle ayant prins chair, & triomphé de ses ennemis par la croix, les temples & idoles ont esté renuersees & atterrees, les puissances des faux dieux abbatues, & leurs oracles sont de meurés muets.

*L'oracle Pythien a perdu le parler,
D'ont la voix nul mortel ne scauroit rappeler:
Apolio tient muet pieça son temple clos:*

Mais pourtant en ce lieu d'offrir tu n'es forclos.

Offre donq deuëment, puis aux tiens fais retour.

Car dès que la parole de Dieu par les messagers euangeliques commença à retentir & donner lumiere aux esprits humains par le monde, tous les dieux des nations furent renuersés ainsi que par vn coup de foudre, comme dit Iesuschrist en S. Luc, I'ay veu satan tumbant du ciel ainsi que la foudre. Quant à ce qui touche la foy & la Theologie, decrets, & canons, nous l'examinerons cy apres : car nous parlons icy de la religion entant qu'elle fait au profit des prestres & gents d'eglise, & que touche l'ornement qu'elle apporte à la republique par les simulacres, statues, & images, temples, chappelles, & autres edifices, pompes, magnificences, prelatures, & dignités ecclesiastiques. Desquelles choses i'ay autresfois disputé amplement à Colongne entre les decrets Theologiques par moy declamés l'an 1510. Parquoy nous en traicterons avec peu de paroles en ce lieu, & donnerons par mesme moyen à cōgnoistre qu'és choses qui ont esté introduites pour parer & rendre la religion plus honorable, & pour seruir au salut des hommes, souuentresfois se trouue avec la vanité iointe vne malice non legere. Ce que nous monstrerons estre veritable, discourans de chaque chose à part.

Des Images. CHAP. LVII.

L'HON

L'HONNEUR que lon fait aux images n'a pas esté receu ny approuué de tous peuples desia dès les temps plus anciens. Car les Iuifs n'auoyent chose du monde en plus grande horreur que les simulacres, selon que recite Ioseph, & ne representoyent aucunement le Dieu qu'ils adoroyét, ny ceux dont ils vouloyent conseruer la memoire, par images. Car la loy de Dieu publiee par Moïse leur defendoit de faire des simulacres, & de les loger dans leur temple, & d'adorer deuant iceux. Entre les Seres peuples d'Asie, ainsi que tesmoigne Eusebe, par loy expresse estoit prohibee la veneration des simulacres. Nous lisons aussi és escrits de Clement & de Plutarque, qu'à Rome par decret & ordonnance de Nume lon ne vid és temples aucune image peincte, taillee, ny autrement façonnée par l'espace de cent septante ans apres la fondation d'icelle. Ce que tesmoigne pareillement S. Augustin suyuant Varro, les paroles duquel, dit il, font ample foy qu'il n'y eut en la ville simulacre aucun des Dieux durant cent septante annees, & que depuis par la multitude des statues & images l'on eust la religion en moindre recommandation, & fut mesprisée. Les Persiens, selon qu'Herodote & Strabo recitent, ne dressoyent non plus aucunes statues. Mais l'impieté & folie des Egyptiës en cest endroit estoit supreme, & d'eux s'espandit par toutes les nations. Laquelle corruption payenne & fausse religion est demeuree & infecté

fecté la chrestienté, mesme depuis que les peuples ont esté conuertis à la foy de Iesuschrist, introduisant en nostre eglise les images & simulacres avec plusieurs ceremonies infructueuses & pompes superflues, du tout ignorees entre les premiers & vrais chrestiens. A ceste occasion nous auons commencé à faire des statues muertes aux saincts, les porter en nos temples, & les mettre en grande reueréce sur les autels, & là où il ne seroit licite en façon quelconque à l'homme vivant qui porte la vraye image de Dieu, de monter, nous y auons dressé des images insensibles, nous enclinons à icelles, les baisons, leur portons des chandelles, leur faisons dons & offrandes, leur appliquons & attribuons la vertu des miracles, rachetons des pardons, entreprenons des pelerinages & longs voyages à cause d'icelles, leur faisons des vœux, les honnorons & presque les adorons. Et est incroyable & ne sçauroit on exprimer par parole combien de superstitions, pour ne les nommer idolatries, sont entre le menu peuple simple & ignorant nourries par le moyen des images à qui les gents d'eglise ferment les yeux à cause des grands profits & commodités qu'ils en tirent. Et se remparent des paroles de Gregoire, qui dit que les images sont les liures du vulgaire, pour garder la souuenance des choses passees, à fin que ceux qui n'ont appris les lettres, lisent en icelles, & à la veüe desquelles ils soyent incités de penser à Dieu. Ce sont à la verité les paroles de

ce

ce saint personnage, lequel cuide aucunement excuser les inuentions humaines, & combien qu'il ne reprouue point les images, si n'approuue il point leur veneratiō. Mais la voix de Dieu, qui les defend, sonne bien autre chose. Il ne nous est nullement permis d'apprendre par le liure defendu des images, mais par celuy de Dieu, qui est l'escriture sainte. Partant quiconque desire de congnoistre Dieu, ne s'en enquire point des images des peintres ou tailleurs, mais recherche les escritures, ainsi que dit saint Iean: car elles portent tesmoignage d'iceluy. Et ceux qui n'ont appris à lire, escoutent les paroles de l'escriture: Car la foy d'iceux, dit S. Paul, est par l'ouïe: & Iesuschrist en S. Iean dit que ses brebis oyent sa voix. Et si ainsi est que aucun ne peut venir à Iesuschrist, comme luy mesme tesmoigne, s'il n'y est attiré par le pere, ny aucun au pere sinon par le moyen de Iesuschrist, pourquoy priuōs nous Dieu de sa gloire pour la bailler aux images & statues, comme si elles pouoyent mener nostre esprit à Dieu? Il y a en outre l'excessiue veneration des reliques. Nous confessons, & ne peut on nier, que les reliques des saints ne soyent saintes, comme celles qui doyuent estre quelque iour reluisantes de gloire immortelle, & partant que les saints doyuent estre en grande veneration en nostre endroit. Mais s'ils entendent les prieres des bons, ils les peuuent entendre en tous lieux. Et quand ainsi seroit qu'ils y prestassent plus l'oreille la part où ils

ils ont quelque gage & reliques, si est-ce qu'à cause de l'incertitude qui est en ce regard, attendu que lon se vante en plusieurs lieux d'avoir les mesmes gages & reliques de mesmes saints, il est force que ceux cy ou ceux là y mettent follement leur confiance & deuotion. Parquoy, à fin d'euiter le danger de tumber en idolatrie ou superstition, le plus seur est de ne colloquer nostre fiance aux choses visibles, mais honorer les Saints spirituellement, & selô la verité, à cause de nostre seigneur Iesuschrist. Nous n'avons à la verité reliques plus certaines ny plus dignes que le sacrement du corps & du sang de Iesus Christ, l'usage duquel est és temples des Chrestiens saint & sacré : Car par iceluy nous auons le corps de Iesuschrist présent, lequel se communie aussi par tout, & l'adorons. Mais les prestres, hommes rapineux & auares, ont cherché d'entretenir leur auarice, non seulement par le ministere de la pierre & du bois, mais aussi en se seruant des os des trespasés & reliques des saints Martyrs, & en ont fait les outils & instruments de leur art & boutique. Ils esleuent les sepulcres de ceux qui sont decedés en la confession du nom de Iesuschrist. Produisent les reliques des fideles tesmoins de sa verité, vendent l'attouchement & le baiser de ces choses, ornent & embellissent leurs simulacres, & leur celebrét des festes en grand' pompe, preschent hautemét les louanges d'iceux, la sainte vie desquels cependant ils fuyent tant loing qu'ils peuuent.

N'est

N'est-ce pas à ceux cy à qui le Sauueur a parlé? Malheur sur vous, dit-il, qui edifiez des sepulchres aux prophetes, estans neantmoins semblables à ceux qui les ont tués. Avec tout cela ils distribuent à la façon des Payens des charges & offices à chacun Sainct. L'un a (selõ iceux) pouuoir sur les eaux ainsi que Neptune, & deliure des dangers & naufrages: l'autre iecte le feu & la foudre comme vn Iupiter ou Vulcan: vn autre a charge de garder les moissons avec Ceres: vn autre garentit les vignes, compagnon de Bacchus. Les femmes mesmes ont leurs sainctes, auxquelles elles demandent des enfans, cõme on faisoit à Lucine, ou à Venus, ou de faire l'appoinctement d'entre elles & leurs maris courroucés, ou les chastier ainsi que la Iuno des Payens. Il y en a qui descouurent les larrecins, & font recouurer les choses perdues, ou esgarees; & si n'y a maladie qui ne trouue parmy les Saincts son medecin, qui est la cause que les medecins profitent moins que ne font les aduocats: car il n'y a cause si petite ny si iuste qui puisse trouuer Sainct qui la veuille soustenir ny defendre. Or dit on, que tout ainsi que nostre ame par le ministere des membres de nostre corps fait diuerses operations, & qu'iceux reçoient selon leur estat & disposition diuerse, diuerses facultés & puissances, comme l'œil, la veüe, l'oreille, l'ouïe, aussi nostre seigneur Iesuschrist, qui est l'ame de son corps mistique, par diuers Saincts qui tiennent lieu de membres en iceluy, distribue & despart
ça

ça bas diuers dons & graces, tellement que chaque Sainct a quelque office propre & peculier, & nous eslargit quelque grace speciale, à raison dequoy & selon laquelle distribution de graces recongnues par reuelatiō faicte à quelque homme de bien, ou creuë par religieuse cōiecture & fiâce, l'on implore & requiert l'aide des Saincts par diuerses prieres. Et qu'il est croyable que comme nostre Seigneur Iesuschrist ayant racheté nostre vie par sa mort a faict que par icelle la mort de tous les saincts est sanctifiée; ainsi si quelque martyr est mort de quelque espece de maladie ou autre torment, que c'est par luy que les hommes sont deliurés de semblables maux, comme les ayant premierement endurés pour amour d'eux: ce qui a quelque grande apparence. Mais il y a dequoy rire en ce qu'aucuns par la similitude que le nom de quelque saint a au moyen de la confusion des langages à quelque maladie, & par semblables legeres & vaines inuentions, on luy en attribue la guerison: Comme en Allemagne du mal caduc à Valentin, pour ce que *Vallen* signifie en Allemand choir: Et en France de l'hydropisie à Eutrope, à cause que ces noms sonnent quasi de mesme. Or ie ne veux en cest endroit desroger aucunement à la vertu des Saincts, & croy que celuy qui mesprise la pieté chrestienne, & les vrais miracles des Saincts, est meschant: mais ie dis aussi que ceux sont superstitieux & mauuais qui nous veulent faire vne histoire de chaque mensongere nouveauté

beauté & bourde qui se presente, & la proposent aux simples comme oracle, à fin qu'ils la croyent, & la leur veulent mettre en la teste à force de crier, & que ceux qui croyent à ces fables & songes, sont du tout insensés.

Des Temples. CHAP. LVIII.

F I S O N S maintenant des Temples. Nous sçauons que ceste superstition a esté la plus grâde qui fust entre les gentils, de bastir à chacun de leurs dieux son temple, à l'imitation desquels les Chrestiens ont voulu dedier temples à leurs Saincts. Plusieurs peuples toutesfois ont esté sans aucuns temples, & trouue lon par escrit que Xerxes par le conseil des Mages iadis brusta tous les Temples de la Grece, pour autant qu'ils estimoient chose prophane & meschante de vouloir enclorre Dieu entre les parois. Zeno Citrique a quelques fois philosophé touchant les temples en tels termes: Il n'est, disoit il, nullemēt nécessaire de construire temples ny chapelles: car aucune des choses qui sont fabriquées par les mains des hommes ne doit estre estimee sainte ny sacree. Les Perses iadis n'auoyent aucuns temples en leurs pais, & entre toute la nation des Hebreux il n'y en auoit qu'un seul construit en Ierusalem par Salomon, duquel toutesfois Isaïe parle en ceste sorte: Le seigneur dit ainsi, Le ciel est mon siege, & la terre mon marche-pied. Quelle donques est ceste maison que tu

q

me

me veux bastir? & S. Estienne premier martyr dit ainsi: Salomon luy edifia vne maison: mais le treshaut n'habite point en logis faiets par main d'homme. S. Paul aussi disoit aux Atheniens, Dieu n'habite point és temples bastis par les hommes, & n'est point serui par mains d'hommes, comme ayant necessité d'aucune chose, veu qu'il est Seigneur du ciel & de la terre. Et ailleurs il enseigne que la nature humaine, à sçauoir les hommes purs, viuans religieusement, & saintement, & qui sont du tout dediés à Dieu, sont les vrais temples, plaisans, & agreables, comme quand il escrit aux Corinthiens, Vous estes, dit il, le temple de Dieu, & l'esprit de Dieu habite en vous: or le temple de Dieu est saint, celuy estes vous. En outre en la primitiue eglise aux purs commencements de nostre religion, & long temps apres la mort de nostre seigneur Iesuschrist, ainsi qu'Origene confesse escriuant contre Celse, il n'y auoit aucuns temples pour l'exercice d'icelle: lequel monstre par plusieurs raisons qu'ils ne conuiennent nullement avec la religion chrestienne, ny au vray seruice de Dieu. Il n'est besoing (dit aussi Lactance) d'amonceller pierre sur pierre, pour dresser des réples à Dieu, mais il faut que chacun luy donne lieu en la poitrine, & que là il adore Dieu.

De Temple saint par humaine structure,

Tant beau soit il, le Tout-puissant n'a eue.

L'homme ayment droit de cœur pur & non feint.

Est de fin or de Dieu le temple saint.

Iesuschrist n'enuoye point ses adorateurs au temple ny es sinagogues, mais en leurs cabinets, pour là prier Dieu en secret. Luy mesme, selon qu'on lit en S. Luc, ne s'est onques mis à prier es assemblees, aux villes, au temple, ny es synagogues, mais sortoit aux montagnes, & passoit là les nuicts en oraison. Toutesfois estant par succession de temps le nombre des Chrestiens augmenté, & les pecheurs introduits & meslés parmy les fideles, les infirmes avec les forts, & ainsi que dans l'arche de Noé les animaux immenses parmy les nets, l'eglise, qui ne fait rien que par l'instinct du S. Esprit, a ordonné certains temples & lieux séparés de tout commerce & exercice profane, où le peuple chrestien s'assembloit pour ouïr la parole de Dieu publiquement preschée, & esquels lon peust administrer plus commodement & purement les Saints sacrements. Ces lieux de tout temps ont esté entre les chrestiens en grâde veneration; & outre ce doués par les Princes de plusieurs priuileges & immunités : au moyen de quoy à present se trouuent multipliés en si grand nombre, avec les accessoires de plusieurs oratoires de freres, & chappelles particulieres, qu'il seroit bien requis d'en retrancher vne bonne partie ainsi que membres superflus & inutiles. Avec cela s'adjoinct la magnificence des superbes structures, où sont employees & de iour à autre consommées grandes sommes de deniers des aumosnes & reuenus ecclesiastiques, desquels, ainsi que cy

dessus nous auons desia dit, lon deuroit subſtancer tant de poures chreſtiens vrais temples & images de Dieu, qui periſſent de faim, de ſoiſ, de chaud, de froid, de trauail, de foibleſſe, & autres pouretés.

Des Feſtes. CHAP. LIX.

LE s iours de feſtes ont auſſi eſté tous iours celebrés treſreligieusement & par grande deuotion, tant entre les Gentils que entre les Iuiſ, leſquels en certaines faiſons & iours ordonnés par tours adoroyent Dieu, comme ſ'il euſt eſté licite de laiſſer paſſer quelques temps ſans vaquer à ſon ſeruiſe, ou que Dieu requiſt poſſible d'eſtre mieux ſerui & honoré en vne faiſon qu'en l'autre. Ce que S. Paul reproche aux Galates, en ces paroles: Vous obſeruez les iours, les mois, & les temps, & années: ie crains grandement d'auoir trauaillé en vain en voſtre endroit. Dequoy il admonneſte ſemblablement les Corinthiens, leur ordonnant ainſi, Que aucun ne vous iuge, dit il, en viandes ou breuuage, és iours de feſte, nouuelles lunes, ou ſabbath, q ſont ombres des choſes à auenir. Auſſi entre vrais & parfaicts Chreſtiens il n'y a aucune difference és iours qui leur ſont tous feſtés & dediés au repos en Dieu, celebrans ſans intermiſſion le vray ſabbath, ſelon qu'auoit prophetiſé Iſaïe aux peres & anciens Iuiſ, que le temps viendroit que leur ſabbath ſeroit aboli, & qu'à la venue du Sauueur y auroit

un sabbath & solemnité perpetuelle. Toutesfois
tels iours de festes ont esté assignés par les SS.
Peres au menu peuple plus grossier, à la multitu-
de des infirmes, en somme à la partie de l'Eglise
plus imparfaicte, à fin de servir Dieu, ouïr sa pa-
role es sainctes predicationis, & communiquer
aux saincts Sacrements: en sorte toutesfois q̃ l'E-
glise ne serue point aux iours, mais q̃ plustost les
iours seruent à l'Eglise. Il y a donques certains
iours ordonnés en l'Eglise, esquels il conuient
au peuple s'abstenir de leurs negoces ordinaires
exterieurs, & œuures corporelles, à fin de va-
quer plus librement à servir Dieu, à prieres, orai-
sons, aux predicationis de sa parole, & autres
contemplationis & exercices de religions; qui
nous adimōnestent, & attirēt nos pēsees au salut
eternel. Mais ce peruertisseur de toute equité,
corrupteur de toute chose belle & bien ordon-
nee, auteur de toute meschanceté, le diable,
dis-ie, lequel s'efforce de demolir tout ce que le
S. Esprit edifie, a aussi presque renuersé ce rem-
part: tellement qu'aujourd'hui la plus grande
partie du peuple Chrestien n'employe ces
saincts iours de festes à autres choses qu'à oisi-
veté vicieuse, non à prier Dieu, ny à frequenter
les predicationis & autres exercices, pour raison
desquelles les festes ont esté instituees, ains plus-
tost s'addonnent à tout ce qui peut corrompre
les mœurs & la doctrine Chrestienne, à dan-
ses, farces, bastelleries, chants, ieux, iurongne-
ries, pompes, spectacles, & en somme à toutes
œuures

œuvres charnelles & mondaines contraires à celles du S. Esprit : & se gouvernent selon que dit Tertullien parlant des solennités que l'on faisoit en l'honneur des Empereurs. Ils ont, dit-il, de coustume de se mettre lors en grand deuoir de faire feux de ioye par les places, & danser en public, banqueter par les rues, faire paroistre toute la ville comme vne tauerne, se remplir de vin, estre prompts aux querelles & outrages, & faire à l'enui à qui sera plus impudent & donnera plus d'allechements à paillardise & deshonnesteté : ainsi la ioye publique est demonstree par vn public vitupere. Ne sommes nous pas donc iustement à condamner, veu que nous celebrons les festes & saintes solennités par tels excès. Au reste il ne s'est veu guieres d'autres heresies pour le regard des festes que les blasphemés des Manicheens, & les pestilentes doctrines des Catharygiens. Mais ont bien donné occasion à vn grand schisme & diuision en l'Eglise lors que Victor Euesque de Romme retrancha toutes les Eglises Orientales & Africaines de la communion, seulement pour ce qu'elles suyuoient vne autre maniere en l'observation du iour de Pasques que celle de l'Eglise Romaine. Auquel entre autres grands personages resista Polycrates Euesque Asiatique & Irenee Euesque de Lyon, nonobstant qu'il celebrast la pasque à la coustume Romaine, osa bien tanser par grand liberré Victor de ce que outre l'exemple de ses predecesseurs il s'estoit monstre perturbateur

teur de paix en retranchant les Eglises qui n'estoyent en aucun erreur de la foy, ains seulement aucunement differentes de l'Eglise Romaine en discipline & façons exterieures. Depuis lon est tellement arresté sur l'observation de ce iour de Pasques, que plusieurs conciles ont esté à ceste cause conuqués, plusieurs decretz faicts par les Papes, plusieurs supputatiōs de comptes, quel on appelle ecclesiastiques, calculés par les peres, & toutesfois iusques à present lon n'a peu tant faire que iour certain soit arresté auquel on celebre la Pasque precisement par tout le monde. Et encor auiourd'huy met on en besongne les astrologues pour la reparation du calendrier pour meisme raison, sans aucune decision ny arrest. A vostre aduis n'estoit ce pas chose qui meritast que l'eglise fust mise en si grand peril de naufrage par l'opiniastrété superstitieux d'un seul Euesque de Romme?

Des Ceremonies. CHAP. LX.

LE s ceremonies & pompes en accoustrements, vaisseaux, lumieres, cloches, chants, orgues, encensements & parfuns, sacrifices, gestes & contenance, belles peintures, discretion & abstinence de viandes, & autres telles façons, tiennent grand lieu en la religion, & sont estimés des principaux membres d'icelle, receués en grande veneration, & admirés par le populaire ignorant, & par les hommes qui ne pensent qu'à

ce qu'ils ont deuant leurs yeux. Numa Pompilius fut le premier qui institua les ceremonies à Rome, à fin d'inuiter ce peuple rude & farouche, lequel s'estoit là installé par force & par armes, à pieté, religion, foy, & iustice, & qu'il le peust gouverner plus heureusement. Tesmoins de cestoyent les anciles, boucliers sacrés, & le Palladium, gages de l'Empire: Ianus à deux visages, iuge & dispensateur de la guerre & de la paix: le feu perpetuel de Vesta, lequel estoit veillé continuellement par la religieuse, gardienne de l'Empire: l'année mesme diuisee par luy en xii. mois entremeslés de iours festés & non festés, plaidoyables ou non plaidoyables: les dignités sacerdotales parties en Pontifes & Augurs: les diuerses manieres de sacrifices, supplications, processions, spectacles, lieux dediés & consacrés, & manieres de seruices & offices, dont la plus grand' partie est passée iusques à nous, & a esté retenue, ainsi que dit Eusebe, en nostre religion. Mais Dieu, lequel ne préd son plaisir en la chair, ny au corps, ny en signes materiels & sensibles, reiecte & mesprise toutes telles ceremonies exterieures & charnelles: Car Dieu ne veut point estre serui ny honoré par œuures corporelles, sensibles, ou charnelles: mais en esprit & verité par Iesuschrist. Il a aussi son regard dressé au dedans à l'esprit, à la foy, & à ce qui est le plus caché en l'homme, sonde les cœurs & les profondes cogitations de l'ame, & pource il ne faut penser que ces ceremonies externes & corporelles

telles puissent approcher l'homme de Dieu, lequel n'a rien agreable que la foy en Iesuschrist & l'imitation de la charité ardante d'iceluy, & la ferme esperance de salut & du salaire par luy promis.

C'est là où gist le vray & pur seruice de Dieu, qui n'est nullement souillé ny offensé par aucune tache de ceremonies charnelles & extérieures. Ce que nous enseigne S. Iean, disant que Dieu est esprit, & qu'on le doit adorer en esprit & verité. Ce qu'ont bien congnu mesmes aucuns des philosophes payens, comme Platon, lequel à ceste cause veut qu'en seruant le souverain Dieu toutes ceremonies exterieures cessent & soyent ostées. Hermes aussi, au traicté intitulé Asclepius, dit, que de brusler encens & chose semblable en priant Dieu est acte qui ressemble à sacrilege, pour autant que rien ne defaut à celuy qui est luy mesme tout, & auquel sont toutes choses : partant nous le faut il adorer par actions de graces : car ce sont les vrais encensements que Dieu requiert, que d'estre recongnu & remercié par les hommes mortels comme leur bienfauteur. Et à la verité nous n'auons autre chose que nous puissions rendre ou bailler à Dieu, ny qui luy soit plus agreable que les louanges, la gloire, & les remerciements. Et n'est besoing obiecter icy les sacrifices & ceremonies de la loy Mosaique, comme si Dieu auoit prins plaisir en icelles : Car ce ne fut point pour cela qu'il tira les Israélites hors de l'Egypte, &

ne se foucioit de leurs sacrifices ny encensements, mais à fin qu'il leur fist oublier les idolatries des Egyptiës, & qu'il les rendist dociles & obeïssans à la voix de leur Dieu & Seigneur avec foy & en iustice pour les sauuer. Et car Moïse esgard à l'infirmité de ce peuple, & à la durté de leur cœur, pour raison de laquelle il leur ordonna des sacrifices & ceremonies, les supportant en cela, à fin de les retirer des sacrifices illicites des gentils, & de peur qu'à leur exemple ils n'immolassent & offrissent aux demons & malins esprits, & non au Dieu viuant. Car ce ne fut point le principal but de religion qu'il vouloit leur proposer, qu'en ces seruices, oblations & ceremonies, ains les ordonnoit à cause de la consequence susdite, & n'estoit loy qui les peust obliger, sinon entant que par le consentement du peuple elle auoit esté receue: parquoy Moïse lors qu'il vouloit publier la loy des ceremonies fit assembler les principaux & anciens du peuple, & pour les y obliger dauantage recueillit leurs voix & suffrages: partant ceste loy a esté muable selon le changement des temps & des choses, & en fin abrogee du tout. Mais quant à la loy de Dieu, qui estoit grauee es tables de pierre, ceste là est perpetuelle. Sur quoy le Seigneur parle ainsi par Ieremie: Quel besoing ay ie q̄ vous m'apportiez encens de Saba, & le cinamome aromatique de terre loingtaine? Vos holocaustes ne me sont point à gre, & vos oblations ne me plaisent point. Et dere-

chef

chef par luy mesme: Retirez vos holocaustes, dit le Seigneur, avec vos sacrifices, & mangez la chair dont ie n'ay point parlé à vos peres, ny enjoinct des holocaustes ny des sacrifices, lors que ie les retiray hors de la terre d'Egypte, ains leur commanday ceste parole, disant, Eiscoutez ma voix, & ie seray vostre Dieu & vous serez mon peuple: cheminez en toutes mes voyes que ie vous ay commandees, à fin que bien vous loit. Et encores par la bouche d'Isaïe le Seigneur dit, Tu ne m'as point offert l'aigneau de ton holocauste, & ne m'as point glorifié de tes sacrifices. Je ne t'ay point faict sortir par oblation, & ne t'ay point donné de peine en l'encensement. Tu ne m'as point achetté à l'argent la canne odorante, & n'ay point desiré la graisse de tes sacrifices: mais toutesfois tu m'as molesté par tes pechés. Sur qui donques, dit il, regarderay ie sinon sur l'humble & paisible, & qui redoute mes commandements? Car les graisses & les chairs refaictes n'osteront de toy ton iniquité. N'est ce pas icy le ieusne que i'ay esleu, dit le Seigneur? Que tu deslies les liens de meschanceté, que tu lasches les fardeaux d'exces, que tu laisses allér francs ceux qui sont foulés, & que tu rompes toute charge? Que tu brises du pain à celuy qui a faim, & faces venir en ta maison les affligés vagans? Quand tu vois celuy qui est nud couure le, & ne te soustray point de ta chair. Adonc ta lumiere se boutera hors comme le matin, & ta santé s'esleuera incontinent:

ta iu

ta iustice ira deuant toy, & la gloire du Seigneur
 te recueillira. Adonques inuokeras tu, & le
 Seigneur te respondra: tu crieras, & il dira, me
 voicy. Je ne doute point que tout ainsi que an-
 ciennement Moïse & Aaron, & successiue-
 ment les autres pontifes, iuges, prophètes, iusques
 aux Scribes & Pharisiens voulurent orner la
 Synagogue, aussi les Apostres, Euangelistes, Pa-
 pes, Prestres, & docteurs n'ayent fait de me-
 mes, l'enrichissans de belles ceremonies & or-
 donnances pour la rendre ainsi qu'une espouse
 bien paree à son espoux, & que ceux qui sont
 venus apres y ayent adiousté à ceste fin plusieurs
 statuts & decretz selon l'imbecillité humaine.
 Mais comme il aduient le plus souuent que ce
 qui est appresté pour seruir de remede, ameine
 nuisance, ainsi en est il prins en cest endroit: car
 estant multipliées de iour en iour les régles &
 loix des ceremonies, lon trouue qu'aujourdhuy
 le peuple Chrestien est plus chargé de constitu-
 tions que n'estoyent les Iuifs anciennement: &
 ce qui doit faire plus de mal au cœur, ores que
 les ceremonies soyent choses qui d'elles me-
 mes ne sont ny bonnes ny mauuaises, le peuple
 neantmoins y met plus de fiance, & les observe
 plus religieusement que les propres comman-
 dements de Dieu: sans que cependant ny Eues-
 ques, prestres, abbés, & moynes s'en esmeuent
 aucunemēt, pour autant qu'ils ont plus de soing
 de leur aise, & font fort bien le profit de leur
 ventre parmy ces erreurs. Or combien que par
 les

les ceremonies n'ayent esté introduites en l'eglise aucunes heresies, si est ce qu'elles ont engendré infinies sectes, & donné occasion à tresgrandes diuisions. Par icelles l'eglise Grecque s'est premierement separée de la nostre, pource qu'elle n'usoit point de pain sans leuain au sacrement, combien que nous confessons qu'elle procede bien en cest endroit. Apres l'eglise de Boëme s'est diuisee, pour autant qu'elle administre le sacrement à la maniere ancienne sous l'une & l'autre espece, contre les defenses des nouueaux papes. Que si ainsi est, comme dit l'apostre, que la Circoncision ne soit rien, le prepuce ne soit rien, mais la seule obseruation des commandemens de Dieu, aussi les ceremonies ne sont rien, ains l'obseruation des commandemens de l'eglise. C'est donques chose meschâte d'une part & d'autre de diuiser l'unité de l'eglise chrestienne & le corps de Iesuschrist, à l'appetit de choses de petite importance, qui ne nuisent rien à la pieté & foy chrestienne : & ainsi que nostre Seigneur Iesuschrist reprochoit aux Pharisiens, couler vn moucheron, & engloutir vn chameau : & en somme tellement troubler la paix de l'eglise, que le danger de la diuision soit plus pernicieux que ne scauroit apporter de profit la correction & amendement que lon pourchasse. Les Papes à la verité eussent retransché l'occasion de beaucoup de maux, & conserué l'eglise paisible en repos, & entiere, s'ils eussent enduré le leuain des Grecs & le calice des

Boë

Boëmiens : car ces choses ne sont pas plus grandes que ce qui fut permis aux peuples de Noruege par Innocent huiſtieme, cōme tesmoigne Volaterran, à ſçauoir de pouuoir adminiſtrer le calice ſans vin.

Des Prelats de l'eglise. CHAP. LXI.

QUAND on eſtabli en l'eglise des Prelats ainſi que magiſtrats, & diuerſes ſectes d'hommes, tant pour la decoration de la religiō, que pour maintenir vn bon ordre, à fin d'euiter conſuſion en choſes ſainctes : mais tout ce qui ſe fait en l'eglise, ſoit pour l'ornement d'icelle, ſoit pour l'edification de la religion, & tant pour l'election des prelates que pour l'eſtabliſſement des miniſtres eccleſiaſtiques, ſ'il n'eſt conduit par la reigle du ſainct Eſprit, qui eſt comme l'ame de l'eglise, tout cela, dis-ie, eſt vain & meſchant. Qui-conque donques n'eſt appellé par l'eſprit de Dieu, ainſi qu'Aaron, à vn grād eſtat eccleſiaſtique, & à la dignité apoſtolique, & n'entre par la porte qui eſt Ieſuſchriſt, mais ſe fourre par autre voye en l'eglise, par la fenestre de la faueur des hommes, par voix achetees, par le commandement ou menees des Princes, pour certain ceſtuy là n'eſt point vicaire de noſtre Seigneur Ieſuſchriſt, ny ſuccesseur des Apoſtres, ainſi Aaron, vicaire de Iudas Iſcariot, & de Simon Samaritain. A ceſte cauſe les peres anciēſ ont fait des ordōnances tant eſtroites en cas d'election de

de prelats, que Denys appelle sacrement de nomination, à ce que ceux qui seroyent nommés pour estre Euesques, & tenir lieu d'apostres en l'eglise fussent gents de saincte vie, & mœurs entieres, sçauans & exercés en doctrine, pour pouuoir donner raison de toutes choses. Mais estant peu à peu les anciennes constitutions des peres descheuës de leur maiesté, & en lieu d'icelles s'estans auancees les nouuelles constitutions & le droit des papes, & prins force les damnables coustumes, lon void des Euesques colloqués au siege de Iesuschrist, & des Apostres tous semblables aux Scribes & Pharisiens assis anciennement sur celuy de Moïse, qui disent assez, & font peu : qui imposent griefs & pesans fardeaux sur les espaules d'autrui, lesquels ils ne daigneroyent auoir touchés du doigt. Ce sont hypocrites, faisans toutes leurs œuures à fin d'estre veus par les hommes, faisans parade de leur religion es lieux publics & frequentés, cherchans d'estre assis es premiers rangs, es assemblees & conuocations, & d'estre appellés Messieurs nos maistres & docteurs par les places & marchés & par tout, fermans la porte des cieux où ils n'entrent point, pour empescher les autres d'y entrer : qui mangent les maisons des veufues, font longues & prolixes oraisons, & circuissent la mer & la terre pour attirer à leur cordele vn enfant pour augmenter le nombre des gents perdus, & à fin qu'ils n'aillent seuls au feu d'enfer, auquel ils sont adiugés, ains y fourrer

encor

encor plus auant beaucoup d'autres par leurs traditions & choses controuuees, corrompent les saintes loix de Iesuschrist, n'ayans cure aucune du vray temple de Dieu, des viues images de Iesuschrist, ny des ames du peuple: ont leur œil auare tendu sur l'or & les offrandes, s'occupans cependant à certaines choses légères & comme accessoires de l'église, comme d'auoir soing de faire nouueaux reiglements sur les dîmes, collectes, oblations, & aumosnes, d'ordonner q̃ les loix des ceremonies soyent estroitement obseruees, leuer le dîme des fruicts, du bestail, des reuenus, & de chaque petite chose, de la menthe, de l'anet, du cumin, comme il est dit, en toute diligence, & abboyans ainsi que chiens du haut d'une chaire debattent de ces choses avec le peuple. Mais quant aux ceuures plus graues & plus requises de l'euangile & de la loy, la iustice chrestienne, le iugement, misericorde, & foy, elles sont laissees arriere: ils courent le moucheron & engloutissent le chameau; ils choppent à vn petit caillou, & sautēt par dessus vne grande pierre, conducteurs aueugles, faux, & trompeurs, engeance de viperes, verres bien laués, sepulcres blanchis par dehors, parés de mytres & de chapeaux, bien enfrocqués & enchapperonnés pour faire beau semblant de sainteté, mais au dedans remplis d'ordure & d'hypocrisie, ruffiens, ioueurs, gourmans, iurongnes, empoisonneurs, paruenus, ainsi que remarque l'Euesque Camotense, non par le me-

rite de vertu, mais par quelque deshonneste service ou par presents ou par faueur de Princes, ou bien à force d'armes sont montés aux dignités, prelatures, & benefices, ou sous le masque d'hypocrisie ont attirés à eux les biens ecclesiastiques qui appartiennēt aux pources, pour enrichir leurs maisons priuees, faisant monopoles & marchandise des aumosnes de nos peres & antecesseurs, desquelles ils abusent en paillardises, ieux, chasses, chiens, & cheuaux, & en toute superfluité & vilain excès.

Chiens & cheuaux sont leurs plaisirs,

Et champs herbis tous leurs desirs.

Ils secouent les peuples par pilleries, destruisent les royaumes, esmeuent les guerres, ruinent les eglises qui ont esté basties par la deuotion de nos ancestres, edifiens cependant des palais, cheminans en robes d'escarlatte, dorés & diaprés au grand detrimēt & appourissement du peuple, infamie de la religion, & charge insupportable de la chose publique, lesquels S. Bernard au sermon qu'il fit au synode general de Reims present le Pape definit, non pas mercenaires au lieu de pasteurs, non pas loups au lieu de mercenaires, mais au lieu de loups les nommant diables. Les mesmes souuerains pontifes Rommains (ainsi que deplore ce S. Eueque Camotense) sont griefs & insupportables à tous. La pompe & arrogance desquels surpasse celle de tous les tyrans qui ont iamais esté, & neantmoins ils se vantent qu'en eux seuls gist

tout l'estat de la religion & de l'eglise, combien qu'ils reiectent les principales charges d'icelle, comme la predication de la parole euangelique (qui est le vray deuoir & office des Euesques) sur autres, pendant qu'ils sont occupés à bastir des loix pour leur proffit, & retirer à eux tous les reuenus & emoluments de l'eglise, oisifs & meschans tout ensemble. Et pour autant que le siege Papal, ainsi qu'ils disent, reçoit ou fait tous les Saincts, ils estiment que rien ne leur est illi-cite : iusques à se iouer & abuser impudemment & malheureusement par meschante volupté, à leur appetit mesmes, des sacrees ceremonies ecclesiastiques instituees par les saincts peres pour l'instruction des hommes mortels, & pour les preparer à receuoir les graces de Dieu. Dont nous lisons vn exemple en Crinitus de Boniface VIII. cōtre le Cardinal Porchet. C'est ce Boniface qui fit trois choses remarquables & grandes: car premierement par vne feinte reuelation il trompa Clement, & le persuada de luy ceder la Papauté. Apres il bastit le sixieme des decretales, & maintint que le Pape estoit par dessus tous. Pour la troisieme il institua le Iubilé, le marché, dis-ie, des indulgences, & les fit atteindre le premier iusques au purgatoire. Je passe les autres monstrueux Papes de Romme, comme Formosus, & les neuf qui le suyirent, & gouvernerent si vilainement l'eglise : les derniers aussi, Paul, Sixte, Alexandre, Iules, fameux perturbateurs de la Chrestienté. Je passe aussi Eu-

gene,

gene, lequel pour auoir faussé la foy au Turc en-
 ueloppa la chrestienté en tant de sanglâtes guer-
 res, comme si la foy ne deuoit estre aussi bien
 gardée à l'ennemi. Quelle playe fit Alexandre
 sixieme à la chrestienté en ostant du monde par
 poison Zizim frere de Baïaseth Empereur des
 Turcs? Vn chacun l'a congnu. Les legats du Pape
 pareillemēt, selon que dit Camotense & l'expe-
 rience ordinaire le mōstre, dès qu'ils sont entrés
 es prouinces remuent tout avec telle insolence,
 qu'il semble que satan soit parti de deuāt la face
 de Dieu pour flageller l'eglise, esmeuēt & trou-
 blent la terre, à fin qu'il semble que lon aye be-
 soing d'eux pour y donner remede, s'esioüissent
 du mal, & sautent d'aïse quand il aduiant pis.

Et font sans se pener leur sein en pleurs noyer,

Bien qu'ils ne voyent rien dont fale larmoyer.

Car ils mangent des pechés du peuple, ils se
 nourrissent, se vestent, & prennent leurs plaisirs
 & voluptés par le moyen d'iceux, & ont leurs
 excuses promptes, & (ce leur semble) assez
 exemples à qui se prendre si d'aduenture on
 leur veut reprocher quelque chose de leurs vi-
 ces: Car si on les reprend d'ignorance & d'estre
 sans lettres, ils disent que nostre Seigneur esleut
 ses apostres de ceste sorte, qui n'estoyent ny
 maistres en la loy, ny Scribes, & n'auoyent on-
 ques frequenté synagogue ny eschole. Si on
 leur reproche leur parler lourd & barbare, ils
 mettent en auant incontinent Moïse, qui auoit
 la langue empeschée, & Ieremie qui ne sçauoit
 parler,

parler, Zacharie aussi, qui estoit muet, lequel toutesfois ne fut point priué de sa prestise. Et si on leur obiecte qu'ils n'entendent rien es saintes escritures, ou mesmes qu'ils sont infidelles, errans, & heretiques: ils disent que saint Ambroise fut bien fait Euesque auant que d'estre receu chrestien, & prins d'entre ceux que lon instruisoit encores: & que S. Paul fut appelle à l'apostolat estant non seulement infidelle, mais, qui pis est, persecuteur. Augustin pareillement auoit esté vn temps fut Manicheen, & que Marcel martyr estant Pape offrit bien de l'encens aux idoles. Si lon leur fait reproche de leur ambition, ils prendront pour exemple les enfans de Zebedee. Si d'estre timides, Ionas & Thomas furent aussi timides: car l'un craignoit d'aller vers les Niniuites, l'autre vers les Indiens. Si la perfidie, ils diront que S. Pierre adiousta à la desloyauté le pariurement. Si la paillardise, Sanson & Osee hantoyent les paillardes. Si les batteries, les meurtres, la guerre, S. Pierre, diront ils, abbattit l'oreille à Malchus, S. Martin estoit gendarme sous l'Empereur Iulien, Moïse tua l'Egyptien, & puis le cacha dans le sable. Tellement qu'il n'y a rien qui les empesche quels qu'ils soyent d'estre admis aux estats & dignités ecclesiastiques, & puis il faut qu'un chacū baïsse la teste sous le glaïue de ces maistres: le glaïue, dis-ie, non de la parole de Dieu, de laquelle ils doyuēt estre les gardiens & dispensateurs, mais le glaïue de l'ambition, de l'auarice, des extorsions

sions & amendes, des mauuais exemples, du sang & de l'occision, duquel ils s'arment contre toute verité, iustice, & honnesteté.

*Car si nous exerçons iustice & loyauté,
Nos tiltres nous perdrons; le sceptre, & royauté.
Donnons donc liberté, que nul mal nul ne craigne,
C'est ce qui maintiendra en estat nostre regne.
Sinon, qui respandroit sur nos autels l'encens?
Prenez le glaive au poing, faites selon vos sens.*

Et si ne faut presumer de pouuoir contredire à leurs façons de faire sans danger, ny de résister à leurs desordonnés appetits, si lon n'est bien disposé & préparé à receuoir martyre pour le nom de Iesuschrist; c'est à dire d'estre brûlé comme heretique, ainsi que l'experimenta Hierosme Sauonarolle de l'ordre des freres prescheurs, homme theologien & d'esprit prophetique, lequel fut brûlé à Florence. Toutesfois, puis que toute puissance est bonne, d'autant qu'elle vient de Dieu, duquel sont toutes choses & tous biens, nonobstant que les hommes en vsent quelquesfois mal, ou qu'ils souffrent à tort, si est ce qu'à ceste vniuersité ou generalité telles choses sont bonnes, par la prouidence de celui qui sçait vser en bien de nos mauuaises œuures. Car pour la multitude de nos pechés Dieu lasche la bride aux tyrans, & les pechés du peuple establisent le regne de l'hypocrite. Partant, quiconques est ordonné par le seigneur Euesque en son eglise, doit par raison estre obeï sans contredire. Car qui mesprise l'Euesque ou

r 3 le pre

le prestre, ne mesprise pas iceux, mais Dieu mesme, ainsi qu'il est tesmoigné des contempteurs de Samuel. Ils ne t'ont point eu en mespris, dit il, mais c'est moy qu'ils ont mesprisé. Et Moïse dit contre les murmurateurs du peuple, Vous n'avez point murmuré contre moy, ains contre le Seigneur Dieu. Celuy donques ne demeurera point impuni, qui s'opposera à son Euesque ou prelat. Datan & Abiron ont resisté à Moïse, & s'en trouuerent mal: car la terre les engloutit. Plusieurs conspirerét avec Coré contre Aaron, & furent consommés par feu. Achab & Iesabel ont persécuté les prophetes, & seruirent de pasture aux chiens. Les enfans qui se mocquerent d'Elisee furent descirés par les ours. Osias Roy voulant faire office de prestre fut frappé de lepre. Saul entreprenant de sacrifier sans Samuel, fut priué de la royale onction de l'esprit prophetique, & liuré au maling esprit. C'est chose infidelle de ne croire point aux saintes escritures, & irreligieuse de mespriser les prestres qui sont bons, les Euesques qui sont meilleurs, ou le Pape qui est tresbon: ausquels ont esté baillées les clefs du royaume des cieux, & la dispensation des saints mysteres de Dieu. Et ceux qui les honnorent seront honorés, & seront deshonorés & punis de Dieu ceux qui les deshonorent.

EN L'ÉGLISE de Dieu se trouuent encore des troupes de gents de diuerſes ſectes, moynes, freres, & hermites ſolitaires, qui ont eſté incongrus aux temps anciens. Car en l'églife plus pure & encoꝛ exempte de tant de ceremonies que nous voyons à preſent il n'en eſtoit aucune nouuelle. Ceux qui auioꝛd'huy attribuent à eux ſeuls le nom de religieux, font profeſſion de regleſtroites à la verité, & difficiles, & ſe parent des noms de grands perſonnages & dignes de louange & des peres remplis de ſaincteté, comme de Baſile, Benoift, Bernard, Auguſtin, François, & ſemblables : mais le nombre des bons entre eux eſt fort eſclairci & diminué en ce temps, & la troupe des mauuais accreue à merueille. Car là abbordent de toutes parts, ainſi qu'à vne franchise & receptacle de meſchans garnements, tous ceux qui ſont effrayés par leur mauuiſe conſcience, qui craignent la rigueur des loix, & n'ont retraicte aſſeuree ailleurs, qui ſont chargés de crimes dignes de grands ſupplices, qui ont mené vie infame & deſhonneſte, qui ſont reduits à beliftrer & demander leur pain après auoir diſſipé leurs biens en paillardifeſ, berlans, & tauernes, & ſont chargés de dettes enuers vn chacun. Ceux qui prennent plaifir à ne rien faire, fuyent le trauail, & eſperent de viure là en oiſiueté. Et ſi quelcun n'a peu iouir de ſes amours, il ſe fourre là par deſeſpoir, ou bien vne ſimplicité de ieuneſſe de-

ceüe, vne aspre & rigoureuse marastre, ou les tuteurs iniques les y ameinent & introduisent: toute l'armee desquels est puis iointe & maintenue en reputatiō par vne saincteté dissimulee & feincte, par vn habit encapuchonné, & vne belistrerie & mendicité saine & gaillarde. Voyla la grande mer en laquelle avec les autres poissons viuent Behemot & Leuiatan monstres enormes & estranges reptiles, le nombre desquels est infini: d'où sortent tant de marnots stoïques, tant d'importuns attrappederiers, tant de belistres bien emmantelés, tant de monstres embeguïnés, portebarbes, portecerdes, portelicols, portesacs, chaussés de cuir ou portefabots, pieds nuds, vestus de noir, de gris, blâcs, griuollés, fauues, portans rochets, rets, chappes, manteaux, cappes, ceincts, desceincts, portans brayes, & tant d'autres tels bouffons & bastelleurs, lesquels ayās perdu entieremēt leur credit en ce qui concerne les affaires du mōde, parlent avec grande autorité des choses celestes & diuines: en quoy leur est foy adioustee, à cause de leur habillement estrange & prodigieux: en sorte qu'eux seuls vsurpēt aujour'd'huy le sainct tiltre de religion, sont, ce disent ils, compagnons de Iesuschrist, & de mesme chambree avec les apostres. Neantmoins le plus souuent leur vie est pleine de meschanseté, d'auarice, luxure, gourmandise, ambition, temerité, arrogance, & en somme de tout vice: mais tousiours excusée & impunie sous le couuert de la religion: Car
ils

ils sont garnis de bons priuileges de la cour
Romaine, & par le moyen desquels ils decli-
nent de toutes iurisdiccions, & s'en exemptent,
à fin qu'ils puissent faire plus de mal sans crainte
d'estre punis, & nonobstant qu'ils puissent tirer
en action qui que ce soit en tous sieges & de-
uant tous Iuges, eux ne peuuent estre appellés
en iugement sinon à Romme, ou en Ierusalem.

Si ie voulois mettre par escrit tous les erreurs
de ces gents, toutes les peaux des bergeries de
Madian ne suffiroient au parchemin qu'il me
cōuiendroit remplir, de ceux, dis-ie, qui ne sont
entrés en religion par deuotion & religieuse
affection, mais ont prins le capuchon pour ser-
uir à leur gourmandise & oisueté. Car les bons
ne se doyuent tenir offensés de mes paroles,
lesquelles ie n'adresse à eux, ains seulement aux
mauuais, qui sous la peau de brebis sont vrais
loups rauissans, & portent sous le manteau d'ai-
gneau la malice du renard dans le cœur, dissimu-
lans par tel artifice leurs tromperies, qu'il sem-
ble bien qu'ils ayent prins grand' peine à apprê-
dre à bien iouer le roolle d'un hypocrite, & à
belistrer sous le masque de pieté & religion: con-
tre faisant les abstinents avec vn visage palle, &
tirās du profond du cœur des souspirs accompa-
gnés des larmes qu'ils ont à commandement,
remuant tousiours les leures comme s'ils
prioient Dieu, & d'un marcher approprié &
contenances posées,

A coliors, bas regard, tousiours mirans la terre:

veulent faire acroire à chacun qu'ils sont tresmodestes par leur habit desguisé, contrefaisans les humbles, & avec leur capuchon pendant sur les espauls fignent saincteté exterieurement : cependant le dedans est infecté de mœurs & façons detestables : & nonobstant que souuent parmy cela ils commettent des meschancetés execrables, ils se sauuent tousiours, & le gagnent contre tous en faueur de la religion & pour l'honneur de l'habit lequel ils presentent ainsi qu'un bouclier à tous coups qui leur sont lancés, & les repoussent brauement : en sorte que ainsi assurez de tous les dangers & trauaux de ce monde, ils mangent le pain ocieusement mendié au lieu de l'acquerir par labeur & peine, viuans sans souci, & dormans sans aucune sollicitude : & pensent que de viure ainsi du labeur d'autrui en oisiveté & belistrerie, soit la vraye poureté euangelique. Et combien qu'ils facent profession de grande humilité, cheminans en pource & simple habit, ainsi que villageois, ceincts de cordes ainsi que larrons, nuds pieds comme bastelleurs, teste rase comme fols, & qu'il ne s'en fale que des oreilles de chaque costé de leur capuchon, & des sonnettes pour représenter les badins & masques de caresme prenant, & en somme portent toutes les marques de mespris & moquerie, pour l'amour, disent ils, de Iesuschrist & de la religion, ils sont neantmoins pleins d'ambitiō, & toute leur intentiō n'est rapportee qu'à acquerir des tiltres arrogā, prenās plaisir d'estre
appel

appelés recteurs, preuosts, gardiens, prieurs, abbés, vicaires, prouinciaux, generaux, & semblables, tellement qu'il n'y a gêts plus desireux des prefeances & preeminences que ceux cy. Il y a assez de quoy mesdire d'eux en plusieurs sortes, mais il y en a eu desia autres qui nous ont deuancé, & ont contre eux amplement presché force iniures & blames, voire en sorte qu'ils ont mis en mespris non seulement plusieurs bons peres religieux & de vie entiere, mais aussi les reigles mesmes de bien viure, ordonnees par les saints Peres. Parquoy ie ne voudrois que lon pensast que i'aye icy voulu toucher aucunement ceux qui cheminent droitement en leur profession, ensuyuent les vestiges des Saints Peres, & aspirent à la perfection. Ie croy que leurs reigles & professions ayent esté sainctement instituees, & que mesme auiourd'huy il se pourroit trouuer des moines bien viuans, de bons freres mendiants, hermites, & chanoines reguliers: mais aussi ie dis qu'entre iceux il y en a grand nombre d'infideles, reprouués, apostats, qui corrompent tout ce qui est de bon en leurs religions, à raison de quoy i'ay voulu monstrier icy qu'il n'y a eu onques profession religieuse si chaste, laquelle ne se soit imprimée quelque tache d'erreur & de malice: Car mesmes nous lisons qu'entre les anges y a eu des apostats, & entre les premiers freres vn paricide, des prophetes reprouués, des apostres traistres, des disciples de Iesus christ desloyaux, & entre les Papes Rommains iadis plusieurs

seurs schismatiques & reprouués heretiques, & que en ceste haute dignité est montee autresfois vne femme qui fut nommee Iane huietieme, qui gouuerna le siege au contentement d'un chacun deux ans, quelques mois, & iours, & conféra les ordres sacrés (chose defendue en l'Eglise aux femmes), promeut des Euesques, administra les sacrements, & fit tous autres offices que les Papes ont accoustumé de faire, & si ses actes ne furent point rescindés ny abrogés, faisant droit l'erreur general en cela, lequel ayant gaigné le dessus il est à presumer que l'Eglise lors fut contrainte de dissimuler beaucoup de choses que la rigueur de la religion n'eust autrement souffert. Dont il faut conclure qu'es religions non plus qu'aux autres choses rien ne demeure en son entier ferme ny **perpetuel**. Mais ceux qui introduisent des sectes, & se cōplaisans à eux mesmes, se retranchent de l'Eglise pour leur gain & profit, & pour acquerir gloire par feincte saincteté, ceux là, dis-ie, ainsi que Nadab & Abiu offrans le feu estranger à l'autel du seigneur seront bruslés par iceluy. Ceux aussi, lesquels enorgueillis osent s'esleuer contre l'Eglise de Dieu par opinions peruerfes d'heresies forgees en leurs cerueaux, seront engloutis en terre ainsi que Dathan & Abiron, & descendront vifs aux enfers. Pareillement ceux qui diuisent l'unité de la religion, & separans les membres de Iesuschrist affligent l'Eglise de Dieu, seront exterminés par le mesme supplice que fut Ieroboan.

AV surplus, pour autant qu'anciennement entre les Egyptiens nul n'estoit receu à la dignité sacerdotale, qu'il n'eust esté premierement novice & faict par maniere de dire son apprentissage en la religiō & ceremonies du Dieu Priapus, & que par mesme obseruation & coustume receuë en nostre Eglise ceux qui sont chastrés ne peuuent estre Papes, & est defendu de bailler les ordres sacrés aux eunuques ou chastrés, soit de nature, soit par artifice : ioinct que par tout on void où sont les plus magnifiques temples, cloistres, & colleges de moynes, & chanoines, que là pres sont aussi establis les bordeaux. Auec ce que plusieurs cloistres de nonnains ne sont autre chose que cachettes & repaires de putains, plusieurs desquelles nous sçauons auoir souuent esté entretenues és cloistres parmy les beaux peres religieux (sauf l'honneur de leur profession de chasteté) en habit & sous le capuchon monachal, ainsi que l'un d'eux : à raison, dis-ie, de ces choses il nous a semblé n'estre mal à propos de mettre à la suite de ce que nous venons de traiter ce q concerne l'art & mestier des paillardes, lequel n'est pas à reiecter de la republique bien ordonnee, selon l'opinion de plusieurs sages, qui l'ont estimé non seulement vtile, mais necessaire. Car Solon, ce grand legistateur des Atheniens, & qui fut iugé l'un des sept sages de Grece

ce par l'oracle d'Apollo (ainsi que tesmoignent Philemon & Menander) fit prouision & employe de putains pour la ieunesse, & premier bastit & dedia le Temple de Venus Pandemie, ou commune, des deniers contribués par les putains du gaing qu'elles faisoient de leurs corps, institua les bordeaux, les autorisa par loy, donnant plusieurs immunités aux paillardes, les establit & confirma. Et furent iadis en si grand honneur entre les Grecs, que venant Perles avec grande armee contre la Grece, les putains Corinthiennes firent les prieres publiques pour le salut du pais au temple de Venus: & estoit vne coustume ordinaire entre les Corinthiens, s'ils vouloyent faire supplications & requestes à la deesse Venus de quelque chose de grande importance, d'en donner la charge aux putains. Plusieurs temples furent construits aux paillardes en la ville d'Ephese, & vn tresrenomé fut edifié par ceux d'Abysde en recongnissance & memoire de ce que par le moyen d'une paillarde ils auoyent recouuré leur liberté perdue. Outre ce Aristote le sage n'espargna les honneurs qui appartiennent aux dieux seuls à sa concubine Hermia, & luy fit des sacrifices & ceremonies tels que ceux qu'on faisoit à Ceres d'Eleusine. Celle qui premiere-ment prattiqua ce mestier, fut Venus, à ce que l'on dit, laquelle pour ce merite fut canonisee & mise au nombre des deesses. Ceste femme impudique & abandonnée à tout appetit desordonné, donna conseil & exemple aux femmes de

Cypre

Cypre de gagner de l'argent en abandonnant leur corps publiquement au plaisir de qui en vouloit, & de là vint en auant la coustume q fut obseruee en ceste Isle, narree par Iustin, de permettre que leurs filles courussent le long du riuaage de la mer, se prostituant à vn chacun pour gagner leur mariage auant qu'on les espousast, & payer premierement ceste offrande à Venus, à fin de viure apres le reste de leur vie en chasteté. Herodote pareillement dit que les Babylo-niens auoyét pour coustume, lors que quelques vns auoyent dissipé & consommé leur bien, de contraindre leurs filles à faire gaing & profit de leurs personnes. Mais il y eut vne putain escholiere de Socrates, nommee Aspasia, laquelle remplit toute la Grece de femmes de sa sorte, pour l'amour de laquelle, & à l'occasion de quelques siennes seruantes qui auoyent esté rauies par les hommes de la ville de Megare, ainsi q dit Aristophanes, Pericles fit entreprédre la guerre qui fut appelée Peloponnesiaque. Cest art fut mis en grande reputation par l'Empereur Helio gabale, lequel, selon que tesmoigne Lampride, dressa chez luy des bordeaux pour ses amis, subiects, & seruiteurs, fit des festins où furent seruis vingt deux plats de toutes sortes de viandes exquises: mais à la charge qu'un chacun embrassast sa chacune à chaque seruice que lon portoit, & puis s'estans laués ils venoyent affermer par serment qu'ils auoyent accompli l'œuvre voluptueuse. Souuent il rachettoit de ses deniers
les

les putains des mains & seruitude des ruffiens, & les mettoit en liberté: entre lesquelles vne, qui estoit fameuse pour sa beauté, fut payee trenteliures d'argent. Lon dit aussi qu'il fit vne reueüe & recherche des putains certain iour par toute la ville de Romme, & autour du theatre, de l'amphitheatre, & des lices, où elles auoyent de coustume se retirer, & bailla à chacune d'elles vn escu. Et vne autrefois, appella & conuoca au palais toutes les paillardes, loudieres & buissonnieres, tant celles des lieux susdits que autres de tous les endroits de la ville, & là leur fit vne belle harague, cōme s'il eust esté au milieu d'une armee, & qu'il eust voulu exhorter ses soldats, appellant ces femmes ses compagnons, & discourut des diuerses manieres de prendre le plaisir deshonneste: & apres qu'il eut acheué sa harague, ordonna qu'il leur seroit baillé à chacune trois escus de donatif, ainsi que l'on faisoit aux vaillās gents d'armes qui auoyent bien fait leur deuoir. Et s'il y auoit quelques matrones & dames d'honneur en la ville de Romme, qui voulussent se mettre à cest exercice, il les absoluoit, & asseuroit de toutes peines portees par les loix, & outre ce leur octroyoit des priuileges & immunités. Bref il assigna des pensions sur son espargne aux paillardes, fit des decrets & arrests en plein Senat, qu'il appella ordōnāces d'amour, de paillardise, & de volupté, & les intitula du nom de sa mere, ou de sa femme, les ordonnances Semiramidiennes. Dauantage il inuenta des

les manieres de luxure estranges, en quoy il sur
 passa ceste putain Cyrenienne, laquelle estoit
 renommee aux douze inuentions, pource qu'il
 auoit trouué douze manieres pour rendre
 l'acte venerien plus voluptueux & agreable à
 l'homme: en somme fut si ord & deshoneste
 en ce mestier, qu'il surmonta de beaucoup tou-
 tes les deshonestes gaupes & bordellieres qui
 ayent onques esté. Je passeray legierement les
 paillardises de Iudas Israëlite l'un des douze pa-
 triarches, celles de Samson Iuge du peuple de
 Dieu, lequel n'espousa femme qui ne fut putain,
 celles de Salomon le tressage Roy des Iuifs, qui
 en auoit des troupeaux innumerables, de Cesar
 dictateur, q fut si valeureux en ce regard, qu'on
 disoit de luy que c'estoit le coq à toutes poules,
 le mari à toutes femmes, celles de Sardanapale
 monarque des Babylonniens, & autres sans nom-
 bre fauteurs & protecteurs tresrenommés &
 trespuissans des paillardes. Entre lesquels l'Em-
 pereur Proculus ne fut des moins estimés en
 cest exercice: car lon peut voir par vne epistre
 qu'il escrit à Metian, qu'ayant choisi cent pucel-
 les Polonoises entre les prisonnieres de guerre
 il en despucela dix la premiere nuit, & vint à
 bout du reste dans la quinzaine. Mais lon dit
 bien chose plus grande d'Hercules és poësies,
 cest qu'en vne seule nuit il rendit femmes cin-
 quante filles vierges. Il y a vne petite herbe aux
 Indes selon le rapport de Theophraste, laquelle
 mangée donne telle vigueur qu'il s'est trouué

s

homme

homme lequel a peu accomplir l'œuvre de Venus soixantedix fois. Au reste Sappho poëtesse amie de Phaon, & Leontion concubine de Metrodore tresexperte en la philosophie, n'ont pas donné peu de reputation à ce mestier, mesmes Leontion a bien osé escrire contre Theophraste des liures pour la defense & approbation de la paillardise, contre le mariage. A ceste cy on peut ioindre Sempronia femme bien instruite en l'eloquence Grecque & Latine. Et ne faut oublier Lyonne amoureuse d'Aristogiton Athenien loyale & fidele à l'espreuue, laquelle endura tous les tormets que les tyrans luy firent bailler pour luy faire declairer où estoit son ami avec vn silence constant & perpetuel. Pareillement l'art de paillarder a esté fort annobli par Rhodope esclaue iadis avec Esope sous vn mesme maître & sa cōpagne, laquelle acquit en paillardant si grâdes richesses, qu'elle fit cōstruire de ses deniers la troisieme des Pyramides cōptees entre les sept merueilleux spectacles du mode. A sa suite vient Thaïs Corinthienne, hautaine pour sa grande beauté, tellement qu'elle n'admettoit aucuns à coucher avec elle sinon Rois & Princes. Mais sur toutes Messalina femme de l'Empereur Claude aduança fort l'art & profession des putains: car rodant par les cachettes & caues où les putains auoyent de coustume de iouer de leur mestier, on dit qu'en vn iour & vne nuit elle surmonta vne fameuse esclaue de celles qui se prostituoyent de vingtcinq embrassades, tant qu'estant

qu'estant lassée, mais non pas soulée d'hommes,
 elle se retira. Aufquelles nous pourrions bien ac-
 compagner des modernes & moins anciennes
 putains, comme Ieanne Roine de Naples tres-il-
 lustre, & plusieurs autres grandes Princeesses, &
 dames de Cour, n'estoit qu'il est vn peu dange-
 reux de les nommer, nonobstant qu'elles soyent
 tresrenommées & congnues: lesquelles sont tou-
 tesfois différentes des autres, en ce qu'elles ne se
 font embrasser publiquement selon les loix
 d'Heliogabale, & ne courent les bourdeaux ain-
 si que faisoit Messalina l'Imperatrix, mais le font
 honnestement, en secret, à portes closes, & à la
 desrobée. Mettons en ce roolle les deux Iulies,
 l'une fille, l'autre niece d'Octauius Auguste, Popu-
 lea, Cleopatra Roine d'Egypte, & autres nobles
 & excellentes putains: mettôs y pareillement les
 exemples & patrons tres anciens de toute lubri-
 cité, Semiramis & Pasiphaë, dont la première fut
 embrasée de paillardise, qu'elle sollicita son
 propre fils de coucher avec elle, & non seulement
 cela, mais fut amoureuse d'un cheval, iusques
 à desirer sa compagnie: l'autre, qui fut femme du
 Roy Minos, se soumit à vn taureau. Or nous ne
 voudrions entreprendre de faire en cest en-
 droit vn recit de toutes les insignes & renom-
 mées putains: car il seroit trop long. Mais il ne
 faut passer sans remarquer que des paillardises,
 adulteres, & illicites conionctions nous ont
 esté produits plusieurs grands & illustres per-
 sonnages, & Heroës: comme ont esté Hercules,

Alexandre, Ismaël, Abimelech, Salomō, Constantin, Clouis Roy de France, Theodoric Roy des Gots, Guillaume le Normād, Raymir Roy d'Aragon, & mesme des Rois & Princes de ce tēps, qui en seroit bien informé, peu se trouueroyent nais de legitime mariage, tant peu de compte font ils des loix & reigles matrimoniales: car ils retiennent & repudient, changent & rechange, selon qu'il leur plaist, les femmes qu'ils ont legitiment espousees: ils meslent & accouplent par mariages leurs fils & filles en telle confusion de consanguinités & alliances, qu'il est mal aisé de trouuer ny congnoistre où gist la vraye ioincture & assemblage d'iceux. Et de ce nous pourrions amener infinis exemples: toutesfois nous nous contenterons d'aucuns qui ont esté pratiqués depuis peu d'annees. Le Roy Ladislaus de Polongne, apres auoir espouse Beatrix, en consequence duquel mariage il obtint le Royaume de Hongrie, ne la repudia il pas pour receuoir vne concubine Françoisse? Charles huietieme de France ne laissa il pas Marguerite fille de l'Empereur Maximilien, pour espouser ou raurir celle qui estoit femme d'iceluy? laquelle apres luy Louis douzieme print en mariage, ayant pareillement repudiee celle qu'il auoit espousee? à ces consentans & l'exhortans les Euesques du Royaume, lesquels firent plus d'estat que la Duché de Bretaigne fust ioincte à la couronne, q̄ de maintenir entiers les droits des legitimes mariages? & mesme de ce temps i'entends que vn cer-

ain Roy s'est laissé persuader qu'il luy est licite
 de laisser sa legitime espouse, qui a esté avec
 luy plus de vingt ans, pour se marier avec sa con-
 cubine. Mais reuenons aux putains. Quiconque
 voudra scauoir leurs artifices, à scauoir comme
 elles ont accoustumé de prostituer leur pudici-
 tie, par quels regards lascifs, par quelles mines du
 visage, conténances & geste du corps, mignardi-
 es de paroles, attouchements deshonestes, par
 quelles façons d'habits & ornemens extérieurs,
 regards, & deguisements elles sollicitent les hom-
 mes à les corrompre : & en somme qui voudra
 connoistre & entendre toutes les ruses & me-
 tieres, les lacs, amorces, & stratagemes de leur art
 & mestier, lise & feuillète les poëtes auteurs des
 Comedies. Mais si quelcun desire scauoir en
 quelle façon, avec quels amadouements, deuis,
 regards, baisers, attouchements, petits foute-
 mens, frottements, luictes, pressemens, re-
 uoilemens, aduancements, receptions & recul-
 ements le ieu d'amour s'accomplit, par quels
 moyens la volupté venerienne est prolongee,
 celle receüe, rendue, restauree, il trouuera toutes ces
 choses dās les liures des medecins. Outre ce il y
 a de plusieurs auteurs q ont escrit des liures des paillar-
 es, come Antiphanes, Aristophanes, Apollodo-
 rus, & Callistratē. Mais le rhetoricien Cephalus a
 écrit particulièrement les louanges de Lais
 q de paillarde : comme aussi Alcidasus celles d'une
 autre putain nommee Naïs. Dauantage plusieurs
 Grecs que Latins ont mis par escrit les

amours publiques & bordelleries, comme Callimach, Philotes, Anacreon, Orphee, Alcee, Pindare, Sappho, Tibulle, Catulle, Properce, Virgile, Iuuenal, Martial, Corneille Gaulois, & autres, faisans en ce plustost œuure & office de vrais maquereaux que de Poëtes. Mais tous ceux cy ont esté surpassés par Ouide en ses Epistres Heroïdes, & aux poësies qu'il a adressées à Corinna, principalement au liure qu'il a faict de l'art d'aymer, lequel il eust plus proprement intitulé de l'art de paillarder ou de maquerelage. A raison desquels liures par luy publiés, & pour les mauuais enseignemens contenus en iceux, par lesquels la ieunesse estoit corrompue, il fut iustement chassé par Octauian Auguste, & banni iusques aux Getes ou Valacres. Tous tels liures amoureux furent iadis condamnés au feu par Archilochus Lacedemonien, & neantmoins nous auioirdhuy lisons encores les auteurs qui traictent de cest art, & mesmes les maistres de schole en font des leçons à leurs disciples, & escriuent, pour les mieux dōner à entendre, sur iceux des meschans & detestables commentaires. I'ay veu & leu naguieres vn dialogue de paillardise en l'agage Italië, intitulé la Courtisane, imprimé à Venise, des plus infames & malheureux que lon sçauroit voir, publiant les sales voluptés, communes que celles qui sont recherchees contre nature, liure digne à la verité d'estre mis au feu avec son auteur. Je passe à mon escient en cest endroit de faire mention de l'abominable paillardise

hardise qui se commet avec les masses, nonobstant que ce grand Aristote l'aye approuuee, & que l'Empereur Neron la couurist du tiltre honorable de mariage publiquement au temps mesme que S. Paul escriuant aux Rommains leur anonçoit l'ire & indignation du Dieu tout puissant. Le Seigneur fera plouuoir sur eux charbon, feu, soulfre, & vent de tempeste sera la portion de leur hanap. Contre ceux cy commande l'Empereur que la rigueur des loix soit exercee, & la iustice armee du glaiue vengeur pour les exterminer par chastimets exquis & peines capitales, & à present on les condamne au feu. Moïse pareillement ordonna que ce vice fust desfraciné par cruels supplices d'entre les Iuifs. Platon le debouta de sa republique, & le condamne par ses loix. Les anciens Rommains aussi, au rapport de Valere, & d'autres, punissoyēt ceste vilennie tresasprement, tesmoins Q. Flaminius, & ce Tribun occis par Celius. Mais espargnons les chastes oreilles, & pour l'honneur d'icelles cessons de parler de ceste monstrueuse & brutale luxure, & reprenons le propos des paillardes. Il est certain qu'il n'y a celuy des humains qui n'aye esté quelquefois en sa vie trauaillé de cest appetit, qui n'aye senti l'ardeur de ce feu amoureux: Mais la maniere de s'enflammer est diuerse: Car les femmes bruslent d'une façon, les hommes d'une autre: autrement les ieunes, autrement les vieils: les nobles & riches diuersement des pources & rustiques. Et ce qui donne encor

admiration, est que entre les nations & selon les contrees diuerſes on apperçoit grande diuerſité en matiere d'amour. Car l'Italié la faiſt d'une façon, l'Eſpagnol d'une autre, & ainſi du François, de l'Allemand, & autres, s'addōnans vn chacun à forſenner en diuerſe maniere, ſelon la diuerſité de l'aage, du ſexe, du degré, dignité, biens & nations, où ce feu de luxure ſe préd & s'allume. L'amour des hōmes eſt plus ardent, celuy des femmes plus perſeuerant & obſtiné: l'amour des ieunes gents eſt plaifant & follaſtre, celuy des vieils ridicule: le poure s'eſſaye d'eſtre aymé en faiſant ſeruice, le riche par dōs & preſents: le menu peuple entretient ſes amours par banquetſ & bōnes cheres, les grāds par pompes, ieux, & ſpectacles: l'Italien ruſé pourſuit celle dont il veut iouir en diſſimulāt ſon ardeur avec façōs plaifantes, mais belles & proprement inuentees, & ſe met à compoſer des ſonnets & autres vers en louange d'icelle, la faiſant la premiere du monde. S'il paruiet où il pretend, il eſt ialoux incontinent d'elle, & la voudra tenir touſiours enfermee & garder comme priſonniere. S'il eſt fruſtré de ſon amour, & hors d'eſperance d'en pouuoir iouir, il n'y a mal qu'il n'en diſe, & l'a en tresgrande deteſtation. L'Eſpagnol prompt & ſoudain, impatient, de l'ardeur qui l'eſguillonne ſe rue furieuſement ſur l'amour, folaaſtrant, mais ſans ſe donner repos aucun, & par pitoyābles lamentations ſe plaint du feu qui le conſomme, inuoque & adore ſon amoureuſe: mais quand il

l'a gaignee, ou il la tue par ialousie, ou il en de-
vient ruffien, & la prostitue pour le gain &
proffit. S'il n'en peut iouir, il le tormente, ius-
ques à se refoudre à mourir.

Le follastre & lascif François fait le seruiteur
enuers celle qu'il ayme, essaye d'acquerir sa
bonne grace par honnesteté, l'entretient de
chants & plaisans deuis: s'il devient ialoux, il
s'afflige & ploure: si on luy donne congé, &
qu'il voye ne pouuoir venir à son attente, il bra-
ue avec iniures, menasse de se venger, & mesmes
veut vser de force. S'il vient à son desseing, il
mesprise tost apres & cherche vne nouvelle
amie. L'Allemand froid s'eschauffe d'amour peu
à peu, estant enflammé il poursuit avec art & iu-
gement, & cherche d'attirer la dame par dons:
s'il entre en ialousie, il retire sa liberalité: est il
deceu, il en fait peu de compte: iouit il, son a-
mour se refroidit. Le François est dissimulateur
à aymer, l'Allemand cache son amour, l'Espa-
gnol se persuade d'estre aymé, l'Italien est en
perpetuelle ialousie. Le François ayme celle qui
est plaisante & de bonne grace, encor qu'elle
soit laide: il ne chaut à l'Espagnol si elle est vn
peu endormie, pourueu qu'elle soit belle: l'Ita-
lien la veut craintiue & honteuse: l'Allemand
ayme celle qui est vn peu hardie. En poursuyuât
obstinement ses amours le François de sage de-
vient fol: l'Allemand apres auoir tout despendu
ce qu'il a en faisant l'amour sur le tard de fol de-
vient sage: l'Espagnol pour acquerir la bonne
s s grace

grace de sa dame se hazarde à grandes entre-
 prinſes. Il n'y a choſe pour grande qu'elle ſoit
 que l'Italien ne meſpriſe pour iouir de ſ'amie.
 Ce qui eſt aduenü ſouuent aux plus grands per-
 ſonnages, leſquels enueloppés és rets de leurs
 cupidités amoureuſes ont meſpriſé & laiſſé paſ-
 ſer pluſieurs belles occaſions d'executer choſes
 grandes, ainſi que lon lit de Mithridates en
 Pont, d'Hannibal à Capoue, de Ceſar en Ale-
 xandrie, de Demetrius en Grece, de Marc An-
 toine en Egypte. Hercules ceſſa de bien faire
 pour l'amour d'Iole. Achilles ne voulut ſe trou-
 uer au combat à cauſe de Briſeis. Circe detint
 Vlyſſes. Claude mourut en priſon pour Virgi-
 nia. Cleopatre arreſta Ceſar: elle meſme fut
 cauſe de la mort d'Antoine. Les ſainctes eſcri-
 tures teſmoignent que le monde fut ſubmergé
 par le deluge, à raiſon des paillardies des en-
 fans de Seth avec les descendantes de Cain, &
 la generation humaine preſque eſtaincte. Pour
 la vehemence de luxure la ville de Sichen & la
 maiſon d'Hemor furent exterminées, & quaſi
 toute la lignee de Benjamin miſe à neant. Com-
 bien de ruïnes & deſſaictes ſont aduenues au
 peuple d'Iſraël? combien de fois a il eſté reduit
 en ſeruitude pour auoir paillardé avec les fem-
 mes eſtrangeres? Pour vn ſeul adultere commis
 par le Roy Dauid quelle deſtruction de peuple
 y eut il par peſte, par glaiue, par famine? A cauſe
 des amours illicites & deſhonneſtes les The-
 bains,

bains, les Phocenses, & Circeens ont esté iadis destruits & rasés, & la guerre mesme du Peloponese, ainsi que nous auons dit, entreprinse par Pericles. La ville de Troye prinse par vn siege qui dura dix ans, au grand dommage de toute la Grece & de l'Asie. Et pour mesme cause Tarquin, Claude, Denys, Hannibal, Ptolemee, M. Antoine, Theodoric Goth, Rodoald Lombard, Childeric François, Venceslaus Boëmien, & Manfroy Roy de Naples ont souffert la mort ou perdu eux & leur patrie. Pour la violence faicte par Rodric Roy d'Espagne à Cana fille de Julian gouverneur de la prouince Tingitane, où sont aujourd'huy Fez & Maroc, les Maures & Sarrafins enuahirent les Espagnes, & en chasserent les Gots. Henry second Roy d'Angleterre fut dechassé de son Royaume pour auoir violé la femme de son fils, qui estoit fille du Roy de France Philippe. A cause des paillardises des maris les femmes indignees leur ont souuent pour chassé la mort: Comme Clytemnestra, Olympia, Laodicee, & Beronice, Fredegonde & Blanche Roines de France, & Iane de Naples, & plusieurs autres. Pour la mesme raison Medee, Progne, Ariadne, Althee, Heristille changeans l'amour maternel en haine furieuse & cruelle ont occis leurs propres enfans. Et depuis elles plusieurs autres se sont vangees sur leurs enfans des paillardises de leurs maris, & sont deuenues de meres douces & benignes des Medees tres-cruel

cruelles, des Althees enragees, des Heristilles impiteuses.

Du Maquerelage. CHAP. LXIIII.

MAIS pour autant que les putains & putiers cōmettent leurs meschances par l'œuure, cōseil, & instigation des maquereaux & maquerelles, di-
 fions de l'art de maquerelage. Tout ainsi que la puterie est l'art de prostituer sa propre pudicité, aussi le maquerelage est celuy qui combat & mine la pudicité d'autrui & l'expose à l'abandon: mestier d'autant plus haut, puissant, & d'efficace, que n'est la paillardise, qu'il est plus meschant & pernicieux, garni & enuironé de plus de moyes & d'artifices: car il se sert de tous les autres arts & disciplines, comme de satellites & sergents, parmy lesquels il court sucçant ainsi qu'une araignee tout ce qui est en iceux de mauuais & venimeux, & en file & ourdit ses toiles, ou en forge ses traicts & armes offensives. Non pas de la sorte que sont les toiles d'araignees, au tra-
 uers desquelles les oiseaux passent, & les petites mouches demeurent, ny ainsi que les rets des veneurs, qui arrestent les grosses bestes, & laissent eschapper les petits animaux. Mais cest art lasse ses mailles & filets par telle ruse, & de telle force, qu'il n'y a fille ny femme tant soit elle pure, prudente, constante, & obstinee, tant hon-
 teuse ou craintive, grande ou petite, qui ne de-
 meure incontinent prinse, si vne fois elle preste
 l'oreille

Poreille à vne maquerele. Car les ruses & fines-
ses de cest art sont telles, qu'il n'y a prudence
feminine qui s'en puisse garder, nulle fille peut
euitier ses lacs, nulle matrone, nulle vefue, nulle
nonnain, pour religieuse qu'elle soit, en peut
eschapper sans dommage. Et n'y a armee si puis-
sante & numereuse qui puisse faire tant de de-
gast & ruine que fait ceste guerre desarmee à
l'honesteté & chasteté des femmes, ny subtili-
té ou industrie d'esprit qui puisse estre egalee
aux fraudes, trôperies, ruses, & astuces d'icelle:
lesquelles on ne scauroit expliquer ny donner
à entendre par aucun stile, propriété, ny artifice
de langage. Toutesfois iacoit que plusieurs se
messent de ce mestier, tant hommes que fem-
mes, si est ce qu'il s'en trouue peu qui soyent
maistres accomplis: dont il ne se faut esmerueil-
ler: car, combien qu'il y aye autant de sortes de
maquerelages & de maquereaux qu'il y a d'arts
& de sciences, & de professeurs d'icelles, si est ce
que la perfection d'un bon maquereau ne s'ac-
quiert sinon par la congnoissance de toutes les
disciplines ensemble. Partant il faut que l'excel-
lent & consommé maquereau ou maquerele
soit scauant en tout, & ne s'amuse à vne seule
science, se guidant par icelle ainsi que par son
estoile du pole, mais les embrasse toutes, & face
profession d'un art qui est maistre par dessus
tous, & auquel toutes les autres disciplines sont
serues & esclaves, & luy doyuent vn certain
hommage ou baisemain. Car en premier lieu la
gram

grammaire, discipline qui enseigne à parler & escrire, luy sert de secretaire pour composer des lettres amoureuses, & luy dicte les petites salutations, prieres, plaintes, & allechements d'amour, dont les exemplaires nous ont esté fournis naguieres par Eneas Syluius, qui fut depuis Pape, laques Cauicee, & plusieurs autres auteurs modernes. Mais il y a vne autre maniere de Grammaire, qui monstre à escrire en lettres ou termes secrets, incongnus, & qui ne peuvent estre entendus que par ceux qui sçauent le secret des chiffres, ainsi q̃ nous lisons en A. Gelle que faisoit Archimedes de Syracuse, & duquel artifice l'Abbé Tritheme a composé deux beaux volumes, intitulés, l'un la polygraphie, l'autre la steganographie, au dernier desquels il enseigne des moyens si secrets & si asseurés de faire entendre ses pensees & conceptions à vn autre, nonobstant quelconque interualle & distance de lieux, que la curieuse ialousie de Iuno, l'estroicte garde & prison de Danaë, ny la vigilance & pouruoyance des cent œils d'Argus n'y sçauroyent mordre, obuier, ny penetrer. Art à la verité qui ne sert point tant aux Princes & aux Rois, qu'il est vtile & commode aux maque-reaux, & à tous ceux qui se meslent de faire l'amour. La poësie vient apres, laquelle fournit en rithmes lasciuës & folatres des chants pastoraux pleins de deuës amoureux, des epigrammes, sonnets, epistres, reigles, & preceptes d'amour, farces, comedies, & autres sortes de com-

positions poëtiques tirees des plus secrets cabinets de Venus, & sert ainsi de son mestier fort bien l'art de maquereleage, renuersant par tels moyens tout ce qui est d'honneste, saint, & pudique au naturel & aux mœurs de la ieunesse. Parquoy à bon droit les poëtes ont esté tousiours estimés des plus aduancés en la discipline de maquereleage, & tenus pour les plus suffisans ruffiens. Et entre iceux les plus excellents ont esté ceux dont nous auons cy dessus faict mention en l'art de puterie, à sçauoir Callimach, Philletes, Anacreon, Orphee, Pindare, Alcee, Sappho, Tibulle, Catulle, Properce, Virgile, Ouide, Iuuenal & Martial : & aujourd'hui nous n'auons faute de poëtes qui escriuent des poësies tres pestilentieuses. A leur suite marchent les Rhetoriciens, lesquels ne sont des moins prisés entre les maquereaux : car ils sont maistres ouuriers des frauduleuses flatteries & persuasions, & se reputé bien heureuse la maquerele, à qui la deesse de persuasiō veut ayder. Mais entre iceux les historiens tiennent le premier rang, ceux principalement qui ont escrit les narrations amoureuses des cheualiers & dames, comme autresfois de Lancelot du Lac, de Tristan, & depuis des Amadis, & semblables, par la lecture desquelles les filles se façonnent dès leur rendre ieunesse à estre quelque iour bonnes putains & adulteres. Car à la verité il n'y a batterie plus violente pour faire bresche ou ruiner du tout la chasteté des vierges, des mariees, ou des vesues,

que

que la lecture d'une histoire ou fable lascive & impudique: & n'y a femme de naturel si bon ny si entier, qui n'en soit corrompue: & pourroit on compter pour miracle s'il se trouuoit femme ou fille aucune de celles qui s'addonnent à lire tels liures, qui n'entre par le moyen d'iceux en quelque appetit desordonné en matiere d'amour, bien souuent iuſques à en perdre le sens. Tant y a que auiourdhuy celles sont estimees des mieùx apprises & mieùx sentans leur cour, qui sont les plus verſees & ſçauantes en ces auteurs, qui ont mieùx retenu les manieres de bien dire, qui ſçauent mieùx à propos ieſter les brocards & plaifanteries qu'elles y ont leuës, & s'entretenir plus long temps avec leurs amoureux & pourſuyuans en deuſis bien ornés & enrichis ſelon la diſcipline contenuë en iceux: Or y a il eu beaucoup d'historiens maquereaux, les noms deſquels ſont peu congnus & obſcurs: pluſieurs auſſi tresfameux & renommés auteurs ſe ſont employés à ceſt office & deuoir, comme entre les plus nouueaux Eneas Syluius ſus mentionné, Dante, Petrarque, Bocace, Pontan, Baptiſte de Campregole, & vn autre Baptiſte de li Albici Florentin, Pierre Hedus*, Bembe, Iaques Cauicee, & Iaques Calandri Mantoan, & pluſieurs autres: entre leſquels Bocace eſt le plus remarquable maquereau, comme celuy qui les a tous paſſés en ſon œuvre des cent nouuelles. Le ſubieſt duquel n'eſt autre choſe que patrons & exemples fort excellents des ruſes & fineſſes de

* *Pierre hedus, De amoris generibus, rache* maque
d'inspirer l'amour de Dieu & du prochain: ainſi -
agrippa le place mal ici.

maquerelage. Mais lors qu'il se rencontre quelque femme ayant son honneur, & craignant d'offenser Dieu, & que lon cherche moyen de la persuader & gagner, lon a recours à la dialectique, la force des arguments de laquelle, & combien ils peuuent aduancer vn marché, & seruir grandement aux maquereaux, est euidement mōstree par Ouide en la fable de Myrrha. Les disciplines mathematiques contribuent à cest art de ruffiennerie les petits ieux & amusements extraicts de l'arithmetique ou science des nombres. La musique est des plus propres & mieux cheries chambrières d'iceluy, laquelle avec la douce voix, & le venim emmiellé des chants, sons, & accords voluptueux de ses instruments enflamme la luxure & les desirs desreiglés, & oste toute force & vertu à l'esprit, le corrompt en toute lasciueté & delices, peruertit les bonnes mœurs, incite imperueusement les cupidités & affections deshonestes. Donne lieu aux danses, & par icelles moyen aux amoureux de deuiser librement avec les filles & femmes qui leur plaisent, leur compter leurs passions, les baiser, manier, toucher, serrer, & frayer impudiquement, & bien souuent se desrober d'avec les autres & chercher des cachettes & lieux secrets. Et n'est exempt de seruice enuers l'art de maquerelage l'architecte geometrien, par l'invention duquel l'amoureux trouue moyen d'escheler la maison de son amie, & entrer à icelle de nuict par le couuert ou par la fenestre, de
t contre

contrefaire les clefs. Donnant au surplus toutes commodités d'exécuter les paillardises & adulteres, ainsi que fit Dedale à Pasiphaë. Celles pareillement qui n'ont appris les lettres peuvent lire es peintures, & apprendre par icelles plus de mal que les autres en lisant les liures: car il n'y a chambre qui ne soit garnie de tableaux d'actes & figures deshonnestes, que les femmes peuvent prendre enuie d'imiter: car elles les ont tousiours en veüe, & n'est l'esprit moins corrompu par le regard que par l'ouïe, l'une & l'autre voye cõduisant à l'ame: & ne sont moins inuitées à paillardise les personnes par les images lasciuës, que par les choses mesmes presentes: dont peut faire foy la statue de Venus en Gnide, les ouurages de Praxiteles contaminés vilainement dans le temple, le Cupido du mesme ouurier corrompu par Alchida ieune hõme Rhodien, & la statue de Fortune dont fait mention Elian, qui fut aimée si ardamment par vn iouissanceau Athenien, que ne la pouuant auoir par argent il expira aupres d'icelle. Terence aussi, en sa comedie intitulee l'Eunuque, introduit vn ieune homme enflammé de luxure pour auoir veu vn tableau auquel estoit peinct Iupiter corrompant Danaë, & venant à elle par le toit de la maison. Partant ce n'est sans cause qu'Aristote veut que les peintres qui exposent telles peintures en public, par lesquelles les appetits desordonnés peuvent estre esueillés, soyent punis publiquement: & n'est sans raison que le Sage

dit que la peinture & la sculpture sont arts in-
nentes & introduits pour renter l'ame, attrapper
les fols, & corrompre la vie de l'homme. Les
Astrologues, les Chiromantiens, Geomantiens,
interpretes de songes, diseurs de bonne auen-
ture, & le surplus des deuineurs se presentent
aussi pour seruir par leurs tromperies & fraudu-
leuses predictions de maquereaux aux amans,
auxquels ils promettent iouissance de leurs a-
mours illicites, & s'entremettent à conduire
icelles, & souuent bastissent des mariages me-
schans, & damnables, & dissipent par adulteres
ceux qui sont bien ioincts & assembles. Ceste
espece de ruffiens est enquisse non seulement par
les femmes, mais, qui est chose honteuse, par les
hommes mesmes, sur le succes heureux ou mal-
heureux de leurs amours & de leurs mariages,
& prend on esperance sur les rapports d'iceux de
iourir de sa bien aimee, & à leur instigation les
mariages sont accomplis ou delaisés. Et se trou-
uent des hommes si faciles à croire follement,
qu'ils pensent que l'amour peut estre contraint
& forceé par les images astrologiques & obser-
uations des heures, ainsi que Theocrite, Virgile,
Catulle, Ouide, Horace, Lucain, & plusieurs au-
tres poëtes par mocquerie ont chanté, & com-
me les astrologues, autant menteurs que les
poëtes, es liures de leurs elections ont par cer-
taines reigles escrit & enseigné. Au moyen des-
quels petits tours de maquereillage tous astro-
logues & deuineurs font vn gain & profit qui

n'est pas petit. A l'aide desquels vient aussi la Magie, laquelle par charmes, coniurations, & forcelleries, peut, ce dit on, resjouir & contrister les esprits ainsi qu'il luy plaist, & comme dit Lucain,

*L'amour au cœur par l'art magique des Thessales
S'escoula, non forcé par volontés fatales.*

Et Horace fait mention de Canidia, Apulee des Pamphiles forcieres, lesquelles cōtraignent leurs amoureux à les aimer, & en la tragicomédie de Callisto, la maquerelle Celestine enflamme d'amour la ieune fille Melibee. Outre ce l'on pratique certaines poisons & breuuages pour faire aimer, si dangereux toutesfois que bien souuēt au lieu d'inciter à l'amour ils amènent l'homme à la mort, ou le iectent en quelque griue & incurable maladie. Pour auoir auallé de telles boissons Lucullus mourut, & Lucrece deuint insensé & abesti, mais avec quelques interualles de santé. Nous lisons aussi d'une certaine femme, laquelle par le moyen d'un semblable breuage amoureux ayant tué un homme fut absoute par la cour des Areopages, pour autant qu'elle auoit commis ce crime par amour. Mais l'art qui sert plus au maquerelage de tant qu'il y en a au monde, est la medecine: car elle promet de restituer en son entier la virginité perdue, enseignant comme il faut rassembler & retraindre la taye appelée Hymen, par quel moyen l'on peut empescher les mamelles de croistre, le ventre de grossir, baillant des poi-
sons

sons propres pour rendre les femmes steriles, à fin qu'elles puissent longuement & en toute assurance exercer leurs paillardises & sales voluptés, & par certains tours & secouëments du dos faire en sorte que la semence receuë soit reiectee dehors, ainsi qu'entend Lucrece par tels vers:

*Et pource les putains fort menu se remuent,
De peur de conceuoir & prendre pance pleine,
Et à fin qu'aux paillards plus de plaisir ameine
Ce frequent mouuement.*

Par lequel seul benefice de la medecine aujourdhuy plusieurs dames grandes & notables & filles de maison iouent de ce mestier sans aucun soupçon ny crainte. A cecy seruent aussi les emplastremens & fards des vieilles, & autres desguisemens des femmes deshonestes: la composition desquels est enseignee ça & là par les liures de medecine, où ils traitent de la decoration de la face & du corps, par où la marchandise est mise en reputation, & rendue plus de requeste & vendible. Parquoy telles drogues sont proprement appellees en l'écriture sainte, Onctions de paillardise. Outre ce ils enseignent plusieurs medicaments secrets & receptes pour esmouuoir & esguillonner la luxure, comme celui à l'aide duquel Ouide se vante d'auoir peu congnoistre vne femme neuf fois, & l'herbe dont Theophraste fait mention, laquelle donne telle force & vigueur, que par icelle il s'est trouué homme lequel a accompli l'œuvre de Venus

septante fois. Ioint qu'il n'y a maquereles qui se puissent pratiquer ny exercer plus commodement en temps & lieu, que ceux qui se font sous le manteau & couuerture de la medecine: car aux medecins ne sont fermées les portes de quelque maison que ce soit, il n'y a monastere si reclus, prison si serree ny estroittement gardee où ils ne soyent receus & bien venus, nul ne se doute d'un medecin maquereau, nul ne le repousse. Par le moyen & ministere desquels, ainsi que dit Pline, les adulteres se brassent és palais des Rois & Empereurs, dont font foy celuy de Eudemus avec Liuia femme de Drusus, celuy de Vectius Valétius avec Messaline femme de l'Empereur Claude. Mais à fin que lon ne pense point que les philosophes s'abstiennent de l'estat de maquerele, le Prince de la secte Cyrenienne Aristippus nous oste de ce doute, lequel hantoit souuēt Thaïs ceste tant renommee putain, avec plusieurs autres, & disoit que luy seul possedoit Thaïs, là où les autres corriuaux estoient possedés par elle: & au lieu qu'iceux faisoient l'amour avec elle au dettirement & consommation de leurs biens & facultés, luy seul prenoit ses plaisirs à souhait, gratuitement, sans qu'il luy coustast rien: cependant ce bon philosophe seruoit à ceste paillarde de maquereau, en ce que par l'exemple & sous l'autorité d'iceluy elle attiroit la ieunesse apres elle. Et si ne se contenta point Aristippe de faire office de ruffien à ceste femme, mais commença à faire des leçons publiquement

quement des sales voluptés, & transporta l'impudicité du bordeau és escholes. Au surplus la plupart des arts mechaniques tiennent lieu de maquerelages, entre lesquels les inuentions & exercices Phrygiens de coudre, filer, ouurager, tixtre, & autres artifices feminins sont des plus propres à ce mestier, sous l'ombre desquelles choses les putains deuenues vieilles corratieres font leurs marchés : car, faisant semblant d'auoir du lin, de la toile, des rubans, des risus, des bourses, ceintures, gands, & autres tels fatras à vendre, elles prennent l'opportunité de parler avec les filles sâffres & amouteuses, leur font des messages, & les vous appastent & attirent facilement. A celles là se ioignent les lauandieres, lesquelles peuent librement entrer par les maisons, & emmener les filles pendant que les meres n'y sont pas, ou les seruantes en l'absence de leurs maistresses, aux linges, sans engendrer aucune soupçon. Les gueuses & belistresses pareillement sont fort propres à cest office : car faisant mine de demander l'aumosne ne bougent des portes, espians l'occasion de pouuoir donner des nouuelles & des lettres amoureuses, & portent aux ieunes femmes les presents que leur enuoyent leurs adulteres. Les exercices & occupations des gentilshommes se rapportent aussi fort bien à l'art de ruffiennerie, comme les ioustes & tournois, & autres ieux d'armes & combats dissimulés, par l'amorce desquels iadis Romulus rait les filles des Sabins.

Quant à la chasse, à combien d'adulteres a elle donné moyens & commodités entre les grands parmy l'espaisseur des buissons, & solitude des forests? Virgile racompte plaisamment la maniere comme Eneas iouit de Dido, ayant prins l'occasion de s'escarter de la compagnie, & s'esgarer eux deux en chassant. Les pasteurs ont serui semblablement Iupiter de maquereaux. Des nautôniers ie m'en rapporte à ceux qui ont esté à Venize. Mais les cuisines & grands apprests de banquets passent sans difficulté pour maquereles: ce que Virgile exprime en ses Eneides elegamment en ce sens:

*Donques apres la premiere viande
Du beau banquet, quand la table friande
On eut osté, à grand's tasses donnerent
Par tout à boire, & le vin couronnerent.
Alors la Roine vn grand hanap pesant
De beaux ioyaux en fin or reluisant
Tout plein de vin commande d'apporter
Pour à liesse vn chacun inuiter:
Puis en goutant la premiere au bord touche
Tant seulement du jommet de la bouche:
Après bailla ceste douce liqueur
A Birtas en luy donnant bon cœur.
La grande couppe escumant il beut toute,
Sans se monstrier paresseux vne goutte,
Et à son aise en plein or se baigna,
Puis des Seigneurs chacun l'accompagna,
Tant Tyriens que les Troyens apres.
La nuit aussi prolongeoit tout expres*

De maints propos Dido lors qu'en malheur

Elle beuvoit l'amoureuse langueur.

le passe vne multitude infinie d'artifices de maquerele: mais le plus puissant, & qui surmonte tous les autres est l'or. Et à la verité si les Alchimistes pouuoient mettre à effect ce qu'ils nous promettent, ils pourroient estre colloqués au plus haut degré entre les maquereaux, & seroyent sur tous inuincibles; car la vertu d'attirer & d'acquiescer tout ce que lon veut gist en l'or, plus qu'en chose du monde.

Argent donne credit, amis, femme opulente,

Noblesse, & grands honneurs, & beauté excellente.

L'or appaise le courroux d'un mari ialoux. Par l'or le corruial, qui ne vouloit ceder, quitte la poursuite. L'or gaigne les plus diligents & soigneux gardiens. Il n'y a porte qui ne s'ouure par le moyen de l'or. On penetre dans les chambres avec iceluy, Il brise les verroux, demolit les murailles, & en somme les liens sacrés de mariage sont par luy dissouls & coupés. Est ce si grand merueille si les femmes, les filles, les vefues, les religieuses, sont vendues pour de l'or, puis que par ce Iesuschrist mesme est à vendre? Or par ces pratiques de maquerele, & à la conduite & guide de cest art de ruffienner plusieurs extraits de la bourbe du menu peuple sont paruenus au plus haut sommet de noblesse. Celuy qui aura presté sa femme sera pourueu d'un estat de Conseiller. Si quelcun a faict plaisir de sa fille, soudain on luy baillera quelque gouuernement,

Vn autre qui aura moyenné la iouissance de quel que belle dame à vn Prince ou grand Seigneur, sera incontinent faict gentilhomme de la chambre. Plusieurs se sont fort aduancés pour auoir espousé les royales putains, & ont eu des charges honorables : & par ces mesmes artifices sont atrappés plusieurs gras benefices du Pape & des Cardinaux, & n'y a chemin plus court que cestuy là. Quant à l'ombre de la religion, chacun sçait quelles occasions de maquerelages elle fournit, & l'histoire de Pauline dame tres constante en pudicité recitee par Egesippe en donne ample & certain tesmoignage, à laquelle les prestres d'Isis firent à croire que le Dieu Anubis estoit amoureux d'elle, & la prostituèrent à vn ieune Cheualier Rommain. Et l'histoire tripartite fait foy de l'exploit qu'a faict en cest endroit nostre confession auriculaire, & me seroit aisé de trouuer des exemples de ce temps, si ie les voulois reciter, lesquels i'ay sceus & cōgnus. Pour certain les prestres, moynes, beaux peres, nonnains, & sœurs religieuses ont vn priuilege par dessus toute maniere de gents, par lequel ils obtiennent la premiere audiēce en matiere de maquerelage : Car sous le voile de religion il leur est permis de courir par tout où ils veulent, entrer, sortir, aller, & retourner tant de fois & en quelque temps qu'il leur plaist, faisant semblant de visiter & consoler les personnes, ou de les venir ouïr en confession, là où ils peuuent discourir priuement & sans tesmoins, tant est religieu-
sement

sement attriffée leur façon de ruffiennier. Et y en
a aucuns entre eux qui font grand' conscience
de toucher l'argent, neantmoins sans se soucier
beaucoup si S. Paul dit qu'il seroit bõ de ne tou-
cher à femme, ils les maniét & tastét d'une estrā-
ge & impudique façon, se glissent à cachettes
dans les bourdeaux, corrompent les vierges de-
diées à Dieu & les vesues, & paillardent avec
les femmes de ceux qui les reçoient en leurs
logis, & lesquelles bien souuent, ainsi que fit le
volleur de Troye, ils emmeinent avec eux : ce
que ie peux attester pour l'auoir sceu & veu. Et
puis suruant la loy de Platon les prostituent à
leurs compagnons, & les font seruir à la commu-
nauté de leurs conuents, sacrifiant au diable les
corps de celles dont les ames deuroient estre
par eux amenees à Dieu: & font plusieurs autres
meschancetés plus detestables, poussés d'execra-
ble & enragé appetit, lesquelles ie ne veux dire
par honneur. Cependant ils estiment auoir bien
satisfait à leur vœu de chasteté quand ils ont
fort crié contre les conuoitises, la luxure, la pail-
lardise, adulterés, & incestes, les blasmans & de-
testans, & si ils parlent de la vertu, & recomman-
dent la chasteté cependant qu'ils paillardent
tout leur soul : mais sous tels manteaux de reli-
gions bien souuent sont couverts les plus abo-
minables & dangereux maquereaux & maque-
relles que lon scauroit voir. Les grandes dames
de cour ont volontiers des gents de ceste sorte,
qui seruent à leurs chappelles, lesquels font les
mariages,

mariages, & brassent les paillardises de la cour. Les loix & canons sont aussi enroullés en ceste gendarmerie; & seruent au maquereillage lors qu'en faueur des grands seigneurs ils valident & approuuent les iniques mariages, & rompent & separent ceux qui sont iustes & legitimes, & contraignent les prestres à paillarder vilainement, leur defendant de se marier honnestement. Ces legistateurs ont estimé meilleur que les gents d'Eglise menassent vne vie infame avec des concubines, que de viure en honneur & bone reputation avec des femmes espousees: possible pour ce que le profit & commodité qui leur vient des concubines est plus grand: dont nous lisons qu'un certain Euesque se glorifioit en vn banquet, disant qu'il auoit onze mil prestres en son diocese concubinaires, qui luy payoyent à raison de ce tous les ans vn escu chacun. Anciennement au temple de Venus à Romme estoit vn decret du Senat graué en deux tables de cuyure, contenant la loy des paillardises fort fauorable aux putiers & maquereaux, laquelle nous lisons dans Crinitus en tels termes: En la premiere table estoit cōtenu, Les droits de regarder, accompagner, ou suyure, parler & murmurer bas, donner signes, pousser, saluer, deuiser, & prier, serōt par moy perpetuellement permis de iour aux amoureux, soit dans la maison, ou par vn trou, ou par le iardin, ou par le couuert, ou par l'huis de derriere. Nul ne donne empeschement en telles commodités & plaisirs à l'homme, ains luy

luy soit donnee aide, confort, & conseil en toute
 fidelité. En l'autre table estoit escript ainsi, L A
 N V I C T les souhaits & poursuites soyent capi-
 tulés & accordés, les promesses iurees, meslees
 avec plaintes & doleances. Ils se solliciteroient, des-
 pouilleront toute honte, & chasseront tristesse,
 s'accommoderont aux heures, & aux lieux pro-
 pres, ne lairront passer occasion aucune : rom-
 pront les lettres qu'ils s'escriuent l'un à l'autre:
 par ces choses ils entretiendront, receuront, &
 donneront les esperances, volontés, attentes,
 contraintes, pitié, & misericorde. Vseront se-
 lon les occasions de fraude, tromperie, force,
 vanterie, & gloire : seront en temps & lieu ou
 prudents, ou fadés & sots : tousiours prendront
 quelques erres ou gages de leurs amoureuses:
 si elles le permettent ils viendront à elles, ou en
 chercheront vne nouvelle: par astuce & pompe
 ils poursuuyront diligemment les nobles & ge-
 nereuses : les entreseignes accoustumees seront
 tacitement desguisées & changees. La loy de
 Lycurge portoit que si quelcun d'aage meur &
 plus aduancé qu'il ne conuenoit au mariage,
 auoit espousé vne ieune fille, il luy estoit permis
 d'eslire quelque iouuëceau, lequel plus gaillard
 à l'œuvre de Venus aduançast la besongne, &
 remplist le ventre fertile d'icelle de bonne se-
 mence, à la charge que le fruit qui naistroit ap-
 partiendrait au mari. Il y auoit pareillement vne
 loy de Solon, laquelle donnoit faculté à la fem-
 me qui auoit vn mari trop lasche au ieu vene-
 rien,

rien, de choisir entre les parés, d'iceluy quelque autre pour s'en seruir en ce regard, & nonobstant ce les enfans n'estoyent estimés bastards. Le laissez à part la coustume, qui est aujourdhuy entre plusieurs grands dames assez congnues, lesquelles tous les ans engrossées de semence estrange, supposent les enfans nais à leurs maris, & puis retournent estans releuees derechef à se souler de leurs appetits avec leurs adulteres: en ce plus meschantes que n'estoit Iulia femme d'Agrippa, laquelle ne s'abandonnoit à ses adulteres sinon lors qu'elle se sentoit pleine. Lesquelles loix de Lycurgue & Solon, il s'est trouué des Theologiens de nostre temps qui les ont approuuees, à fin que vous sçachez que leur faculté n'est point nette de ruffennerie. L'on void aussi es sainctes escritures quelques traicts & petites ruses resensans cest art, comme en ce que fit la belle mere de Ruth, & en Ionadab appelle homme prudent, & au grand conseiller Achitophel. Abraham pareillement, lequel auoit Sarra à femme tresbelle & ieune, voyageant parmy le pais d'Egypte luy dist, ie voy ~~qu~~ ^{que} tu es belle, & crains que les Egyptiens te voyans ne me tuent, disans que tu es ma femme, & puis te retiennent: partant tu diras que tu es ma sœur, à fin qu'il me soit bien faict à l'occasion de toy, & que par ton moyen ma vie soit preseruee. En quoy il se mit imprudemment au danger d'estre maquereau de sa femme, si Dieu n'y eust pourueu: Car Sarra fut enleuee en la maison de Pha-

raos, & à cause d'elle Abraham fut bien veu. Au
 mesme peril se mit il enuers Abimelech Roy de
 Palestine, & en la mesme faute se laissa aller son
 fils Iacob. Les exemples desquels saints Peres
 seruent aussi de parade à ceux qui se meslent de
 ce mestier. Le maquereleage est donques hon-
 noré & prattiqué par tous en general, par les
 dieux, par les heroës, par les legistateurs, par les
 philosophes, & plus sages d'entre les hommes,
 par les Theologiens, par les Princes, & par les
 chefs mesme des religions. Maquereaux ont esté
 les dieux Pan & Mercure, & l'enfant Cupido:
 maquereau a esté ce grand Heroë Vlysses: ma-
 quereau Lycurgue & Solon le sage, lequel bastit
 premierement les bordeaux & amena des pu-
 tains à la ieunesse, & du temps de nos peres le
 Pape Sixte n'a il pas dressé vn magnifique & re-
 nommé bordeau dans la ville de Romme? ma-
 quereau a esté l'Empereur Heliogabale, lequel
 nourrissoit en son palais des bandes de putains,
 & en accommodoit ses amis & seruiteurs, com-
 me plusieurs Roines, Princeesses, & grands da-
 mes font pareillement, & plusieurs meres de
 Rois, lesquelles ont soing de donner plaisir à
 leurs fils, & les seruent quelquesfois de maque-
 relles. Et n'est cest art de maquereleage abhorré
 par les magistrats: car iadis les magistrats de Co-
 rinthe, Ephese, Abyde, Cypriots, & Babylo-
 niens estoient maquereaux, & plusieurs autres
 qui construisent & entretiennent des bordeaux
 en leurs cités, affriandés par le gain & profit qui
 par

par ce moyen entre dans leurs coffres: ce qui est ordinaire en Italic, comme à Romme où les putains payent de gabelle vn Iule toutes les semaines au Pape, qui monte de reuenu annuel à plus de vingt mil ducats, & sont les prelates de l'Eglise occupés à ceste belle charge de calculer entre les reuenus de l'Eglise le prix des maquereles. Car ie leur ay ouï souuent faire ces comptes: vn tel a deux benefices, vne cure de vingt escus, vn prioré de quarante escus, & outre ce trois putains au bordeau, qui luy rendent chaque semaine vingt Iules. Maquereaux sont semblablement ces Euesques & officiaux, qui prennent tribut des prestres de leurs dioceses, à fin qu'il leur soit permis de tenir des concubines: ce qui est si commun & congny, que le peuple s'en mocque par tout, & fait vn prouerbe de ceste exaction & gabelle concubinaire. Qu'il l'aye ou non (dit on) il payera vn escu pour la garse, qu'il l'aye s'il veut. Mais au regne d'auarice il n'y a rien de laid si le profit y est. Ie passe l'inuention de l'indulgence, par laquelle moyennant certaine somme d'argent payee à l'Euesque il estoit permis à la femme son mari absent de cohabiter avec vn autre sans encourir, disent ils, crime d'adultere: chose si claire & manifeste, qu'il est incertain où la folie a esté plus grande, en l'impudence des Euesques, ou en la patience du peuple: tant que les Princes d'Allemagne ont esté contraincts de mettre cest article entre les autres plaintes & griefs de leur nation. Vous

pouuez

pouuez penser par ce que dit est les autres choses que nous railons en cest endroit. Or se vante donques l'art de maquerelage d'auoir aujour d'huy les Prelats tenans les premiers lieux en la republique chrestienne (ô grand vitupere) & ceux qui ont les premieres dignités, degres, immunités & salaires es villes, pour les patrons, defenseurs, & fauteurs des paillardises, & soit opposee aux loix diuines & à l'expresse parole de Dieu, & establie ceste raison humaine, ou, pour mieux la nommer, bourde & inuention de rufiens, qu'il est expedient de les souffrir, à fin q̄ la ieunesse puisse passer là ses appetits, & estaindre l'ardeur de sa luxure, de peur qu'elle ne face pis. Ostez, disent ils, les bordeaux des villes, soudain tout sera rempli de paillardises, adulteres, & incestes: nulle femme pourra se maintenir entiere: aucune vesue ne sçaura garentir sa pudicité: à peine eschapperont les nonnains & religieuses impollues: & concluent par ce que la tranquillité & repos de la republique ne peut auoir lieu sans les putains. Et neantmoins le peuple d'Israël a esté tant de siecles sans ceste ordure, en grande continence, suyuant ce que Dieu leur auoit enioint. Entre les enfans d'Israël, dit il, n'y aura aucun paillard ny aucune paillarde. Mais iadis ceste viennie se coula en l'Eglise sous pretexte de religion, & s'espandit l'heresie des Nicolaites en icelle, lesquels pour remede contre la jalousie prostituoyent leurs femmes, & enseignoient ainsi que fait Platon qu'il les falloit auoir communes.

munes. Or tous Princes, Iuges, & Magistrats, lesquels entretiennent les bordeaux en leurs pais, ressorts, & iurisdiction, ou en quelque façon que ce soit les fauorifent, orront la sentence du Seigneur prononcee par le Psalmiste,

Si vn larron d'auanture apperçois,

Auec luy cours: car autant que luy vaulx,

T'accompagnant de paillards & ribaux.

Tu fais ces maux, & cependant que viens

Le ne t'en dy, tu m'estimes & tiens

Semblable à toy: mais, quoy que tard te face,

T'en reprendray quelque iour à ta face.

De la Mendicité & Belistrerie.

CHAP. LXV.



E s t l'interest de la republique, comme aussi il est requis en la religion, d'auoir soing des pœures & des malades; à fin qu'aucun ne soit induit par pœurerie à pecher & desrober, & que les mendians rodans çà & là n'infectent les villes de calamiteuse contagion de pestilence, ou qu'ils ne meurent de faim, au deshonneur & vitupere de l'humanité. A raison de quoy en plusieurs lieux on bastit des hospitaux aux despens du public par singuliere pieté, lesquels de iour en iour sont enrichis de dons & aumosnes conferrees par les opulentes familles & maisons particulieres: Car ç'a esté chose defendue de toute ancienté entre tous peuples & nations, de mendier publiquement & d'aller belistrant de ville en ville. En l'ancienne loy des Iuifs il est ainsi escrit

par

par Moïse, Il n'y aura du tout point de pources
de mendians entre vous. Les loix Rommai-
nes pareillement y ont diligemment pourueu,
ordonnant l'Empereur Iustinien touchant les
belistres forts & deliures, que celuy qui s'inge-
rera de prendre l'aumosne pouuant trauailler
& gagner sa vie, soit prins & rendu esclau. Et
en la loy Chrestienne & Euangelique Iesuschrist
commande que lon baille aux pources ce qui est
de residu & superabondant, à fin qu'aucun n'aye
faut, & que par ce moyen il y aye vne certaine
egalité entre le peuple. Vostre abondance, dit S.
Paul aux Corinthiens, supplée à leur disette, &
l'abondance d'iceux subuienne à vostre indigen-
ce, & qu'egalité soit faicte entre vous. Celuy qui
a eu beaucoup n'a rien eu de superabondant, &
qui a eu peu n'a point eu moins. Et aux Ephes.
Cil qui desroboit ne desrobbe plus, ains plustost
trauaille de ses mains en bien, à fin qu'il aye me-
me de quoy donner à celuy qui est en necessité.
Le mesme apostre veut & ordonne aux Thessal.
de trauailler de leurs mains, & faire en sorte
qu'ils abondent, leur imposant ceste loy, que ce-
luy qui ne trauaille ne doit manger, & que la
communion des fideles soit interdite à ceux qui
feront autrement. En l'Epistre à Timoth. il con-
damne aussi ceux qui font estat de belistrer, pen-
sant que ce soit chose agreable à Dieu. Mesmes
les decrets des Papes ordonnent l'aumosne estre
baillee seulement à ceux qui ne peuvent trauail-
ler, & mettent au rang des larrons, volleurs, &
sacrilè

sacrileges toutes autres personnes qui la reçoivent. Toutes ces autorités nous enseignent qu'il ne nous faut point tant plaindre la pource, que detester la mendicite & belistrerie. Car les artifices que les mendiants ont inuenté & mis en vſage pour faire proffit, & attirer le gain, ſont damnables entre tous peuples, quand aucuns d'eux ayment mieux demeurer eſtendus deuant les portes des temples, comme s'ils vouloyent faire reproche à la nature humaine, & ſe deſpiter contre elle, & contre la loy de Dieu, & ſa endurer vn froid mortel, clacqueter des dents, ou ſe cuire à la chaleur ardante, & ſupporter autres grieues douleurs, telles qu'à peine retiennent ils l'eſprit & la vie, pluſtoſt que ſe contentans de peu eſtre menés aux hospitaux, & là penſés & gueris de leurs infirmités. Nonobſtant toutes leſquelles pourcetés & miſeres ils ſont meliſſians, blaſphemateurs, iniurieux, yurongnes, iureurs, ſaignans quelquesfois de prier Dieu, mais en effect ayans toutes choſes ſainctes en meſpris & nonchalor, ne ſe ſoucians de Ieſuſchriſt, ny de l'honnorer en facon quelconque : tellement que avec raiſon lon peut dire que ce ne ſont point les martyrs de noſtre Seigneur qu'ils reſentent aux regardans, mais pluſtoſt vn ſpectacle des malheureux damnés & des torments qu'ils reçoient aux enfers. Lon en void vne autre maniere, qui ſont indignes de miſericorde pour leur grande meſchanceté: ceux, diſ-ie, leſquels avec du glux, de la farine, du ſang corrom-

pu, font des grôustes par dessus leurs playes, & oignent ou endüisent des marques, qu'ils se font expres & cōtefont en sorte qu'ils semblent estre tous vlcerés & pleins de chancres. Autres imiter & faignēt d'estre malades de maladies estranges, par diuēses impostures; abusans les regards à fin de les mouuoir à pitié. Il y a en outre certains autres belistres ennemis du trauail; & pour fuir iceluy, lesquels expressement entreprennent des voyages sous ombre de deuotion, & courent les prouinces, exerçans vne belistrie oiseuse, caymandant de porte en porte. Lesquels se plaisent tant en ceste façon de viure, qu'ils ne changeroient point leur condition à celle des Rois; tant est grande leur liberté d'aller par tout où ils veulent; soit en temps de paix ou de guerre, & de faire ce qu'il leur plaist en tous lieux; francs de toutes impositions, charges & seruitudes publiques, libres & garentis de toutes censures & corrections ciuiles, hors de cour & de toute iurisdiction, quelques tromperies, larcins, & iniures qu'ils facent, bres totalement inuiolables; ainsi que saincts & sacrés. De la troupe desquels plusieurs malheurs sont produits, & enormes meschancetés commises: car sous espee de belistres & caymans; ils seruent d'espions par les villes & pais, portent & rapportent nouuelles des ennemis, prompts & adroits à toutes sortes de trahisons. Par iceux souuent est mis le feu dans les villes: ce que lon a veu aduenir en France n'y a pas long temps, &

en la ville de Triers. Souuent les puits & fontaines sont empoisonnés, les fruiets infectés, les pastis enuenimés, & la peste mise entre les peuples avec grande mortalité. De ceste marque sont ceux que lon appelle Cyngres ou Egyptriens, lesquels

Aiment à caymander, de leurs logis s'ennuyent,

Quièrent les estrangers, & leurs combourgeois fuyent.

Ces gents venus d'une region gisant entre l'Egypte & l'Ethiopie, extraicts de Chus fils de Cham, fils de Noé, portent encor la marque de la malediction de leur progeniteur, meinent vne vie vagabonde par toute la terre, se campent hors des villes aux champs es carrefours, & là dressans leurs loges & tentés, font estat de brigander, desrober, tromper, troquer, amuser le monde en disant la bonne aduenture, faignant de deuiner par art chiromantique : & par telles impostures mendient leur vie. Volaterran croit que ce soyent Vxiens peuples voisins des Perses, suyuant le rapport de Scillaris, qui a escrit l'histoire de Constantinople, & lequel dit que l'Empereur Michel Traule, par les predictions des Vxiens paruint à l'Empire, & que c'estoit vne secte esparse par la Hongrie, Seruie, Bulgarie, & autres parties de l'Europe, qui predisoit à vn chacū les choses aduenir. Polydore dit qu'ils sont issus de Carmanie, iadis Silice, ou d'Assyrie. Or ceste vilaine façon de belistrer, nonobstāt q'on soit fort & deliure, ne se pratique point par gents vils, ny entre la racaille du peuple tant seulement,

lement, mais a trouué lieu en la religion, & s'est
 haussée iusques à l'estat ecclesiastique, & parmy
 les moynes : d'ont nous auons tant de sectes de
 freres mendiants & autres questeurs & caymans,
 du nombre desquels sont ceux, qui sous la cou-
 uerture d'une peruerse & dangereuse religion
 portét ça & là avec eux des reliques des saincts,
 comme ils sont à croire, ou contrefaisans les gêts
 de bien par vne frauduleuse apparence de sain-
 cteté, garnis de plusieurs fables, de miracles
 feincts & controuués, font peur au simple peu-
 ple, le menaçant ores d'une calamité, ores d'une
 autre, qu'ils diront venir de quelques saincts
 courroucés, ou leur promettent des indulgen-
 ces & dispenses, & par tels moyens sous le tiltre
 d'aumosnes remplissent leurs bourses, & rodans
 par le pais atorappent des païsans credules, ou
 des femmelettes estonnées par superstitiō, des ai-
 gneaux, des cheureaux, des veaux, des cochons,
 du lard, du vin, de l'huile, beurre, bled, legumes,
 laiët, fromage, des poules, de la laine, du lin, &
 de l'argët aussi: tant qu'ayant pillé toute vne con-
 tree ils s'en retournent chargés de proye & gras-
 ses despouilles en leurs repaires : là où ils sont
 receus avec grand' feste & ioye par leurs compa-
 gnons, loués & extollés de ce qu'ils ont sceu si
 religieusement & saintement piper & abuser le
 poure menu peuple & les deuotes femmelettes,
 & ont opinion ces gteux de faire seruice tresag-
 reable à Dieu, & s'acquitter tresbien de leur
 deuoir, quand par telles façons de belistrer

& caymandet, & par ces tromperies insignes, au grand dommage & diminution du bien public, remplis de pillage, ils peuuent engraisser leurs compagnons de seiour & oisifs, faisans cependant fort peu de compte des vrayes œuures de misericorde, sous ombre desquelles tant d'aumônes leur sont faictes & apportees. La farce de ceste maniere de gents a esté autresfois escripte par Apulee, sous les tiltres des prestres de la deesse Syrienne, en son Asne doré.

Aucc ceux cy lon peut ioindre tant d'autres freres & moynes mendians, lesquels ayans delaisé la saincteté de leurs reigles & professions ont changé la pieté au gaing & profit, comme si la religion ne consistoit en autre œuvre que à courir ça & là sous le voile de poreté, & qu'il leur fust licite de roder par tout le monde belistrant, raclant & amassant de tous costés argent d'une façon hypocrite, deshontee, importune, & presomptueuse, n'estimans deshonneste aucune sorte de gaing, se presentans audacieusement aux assemblees & conuocations, aux places & marchés, aux temples, escholes, cours, & palais des Princes, aux colloques & conférences publiques ou priuees, aux confessions & disputes, aux predications & chaires, forterelles de leur impudence, & de là espandre entre le peuple leurs calomnies & mensonges, vendre leurs marchandises des pardons & indulgences, & mesurer leurs biensfaicts par ceremonies & mines, partir avec les marchands, v'luriers, ravisseurs,

uiseurs, & destructeurs du peuple, les biens qu'ils ont mal acquis, attirer à eux partie du butin, & attrapper argent des gens simples, grossiers, & ignorans, & des superstitieuses vieilles, allechant premierement à l'exemple du vieil serpent les sottes femmelettes, & par icelles se faisant voye & planche pour pouuoir après decevoir les hommes. Et combien qu'ils soyent enuoloppes dans vn habit vil & simple, affecté, & curieusement composé pour seruir à leur badinage, & monstrier qu'ils sont pources, & qu'ils crient qu'il faut auoir l'argent en mespris, & s'esloigner de toute ambition : eux neantmoins n'ont à cœur chose du monde plus que de faire amas d'argent, pour l'amour duquel ils tournoient la mer & la terre, se fourrent par toutes les maisons & hostelleries, vendent à beaux deniers les sacrements & ministeres de religion, exigent tyranniquement les aumosnes ainsi que seruis & tributs qui leur seroyent deus, s'entremettent des affaires d'un chacun, appaisent les querelles d'entre les mariés mal d'accord, suggerent les testaments, accordent les proces, reforment les nonnains, & le tout en faisant leur profit & non autrement. Voila les artifices monachaux, par lesquels plusieurs d'entre eux sont paruenus en si grand credit, qu'ils ont esté redoutables aux Papes mesmes & aux Rois, & ont acquis des richesses surpassans celles des banquiers, voire les thresors des Rois, tellement que lon en a veu qui ont achetté des mitres &

chappeaux avec plusieurs milliers d'escus, & ont
poursuyui & brigué le papat avec despense &
largesse excessiue. Tant a de pouuoir ceste reli-
gieuse & deuote belistrerie. Or parmy tous ces
grands thresors ils font neantmoins estat de
poureté, & monstrent de viure en vne perfe-
ction de sainteté plus qu'Euangelique, & leur
suffit à ce de ne toucher deuant les gents à l'ar-
gent, mais de mener leur Iudas qui porte la
bourse, & en rende compte: & là dessus disent
hardiment avec saint Pierre & S. Iean, Nous
n'auons ny or ny argent avec nous. Que s'ils ne
mentoyent en cest endroit, & que leur parole
fust fidele & veritable, ie ne doute point qu'ils
ne peussent dire ainsi que firent ces apostres au
malade, Leue toy & t'en va. Et commander, com-
me lon dit de S. François desnué de pecuné &
de vices aussi, aux creatures, qui leur obeïroyent,
conuertiroient l'eau en vin, passeroient les ri-
uières à pied sec, appriuoïseroyent les loups en-
ragés, feroient taire les hirondelles d'une seule
parole, rendroient le faucon domestique, & le
feroyent seruir de reueille matin ainsi qu'un coq,
commanderoient au feu, & feroient tels autres
miracles qu'on dirauoir esté faicts par ce saint
personnage. Mais ce n'est assez d'auoir en la
bouche ces beaux mots, Seigneur, Seigneur,
pour accomplir ces choses, cependant ne repre-
senter Iesuschrist ou S. François que par mines
exterieurement, ainsi que singes, sans obseruer
en chose quelconque leurs enseignements &
volon

volonté. Contre ces freres mendians ont autres fois escrit Richard Euesque d'Armachan Irlandois, Malleolus Abbé de Zurich, & Iean Euesque Camotense. Plusieurs autres en ont aussi faict mention, les escrits desquels seroyent tolerables s'ils eussent blasme seulement l'abus de la religion des mendians. Mais c'est assez dit d'icelle. Pour suyons le surplus.

De l'Oeconomie, ou Mesnage en general.

CHAP. LXVII

Sous le regime & administration de la chose publique est comprise l'oeconomie ou science de gouverner le mesnage ou maison, qui est comme vne republique domestique, & vn petit royaume priué, dont il y a plusieurs especes; car il y a mesnagemēt des cours & maisons royales, & mesnagement de la suite des grands satrapes, & militaire ou de camp. En outre celuy qui touche & appartient au public, à la communauté, ou mesnagement conuentuel, & celuy qui est priué, particulier ou monastique. Or ceste science enseigne cōme chacun doit gouverner sa femme, les enfans, les seruiteurs, & famille, comme on peut maintenir sa maison & ses heritages, & d'où il faut tirer les frais & despeses ordinaires. Outre ce contient tout ce qu'il y a d'astuce & finesse à l'endroit des rentes & reuenus, de la monnoye, des voictures, peages, dismes, vsutes, monopoles, & toutes les inuentions & nouuel-
les

les manieres de chercher gaing & profit. Plus tout ce qui concerne les compagnies & communautés, ligues, & alliances, guerres, & proces: toutes lesquelles choses n'ont aucune certaine reigle ny maniere, & pource sont appellees irregulieres. A raison de quoy l'oeconomie proprement ne se peut dire art ny science: mais vne certaine prudence & ruse acquise par vſage & coustume & selon l'opinion des hommes, consistant en discipline & administration des affaires domestiques, à laquelle se rapportent les arts & œuvres casanieres & mechaniques, celles toutes qui manient le lin, la laine; le bois, fer, cuyure, & autres diuers metaux, les exercices seruils, comme des barbiers, de ceux qui tiennent des estuues & baings, tauerniers, & plusieurs autres mestiers & manieres de gagner le viure & d'accroistre son bien priué & particulier, qui sont esloignees de toute superintendance, soing, & administration des affaires publiques, & de toute speculation belle, gentile, magnanime, & diuine: le nombre desquelles est innombrable. Tous tels exercices & mestiers sont en effect seruiles, mais il y en a aucuns qui sont perpetuellement alliés à certains vices qui les rendent infames, comme les chartiers, hautonniers, tauerniers, qui sont mal renommés à cause de leur babil & baueries, ainsi que coteurs de nouvelles & de fables, & pareillement les barbiers, les maistres des baings & les bergers sont tenus pour infames, tesmoin la fable de Midas, l'histoire

l'histoire de Scylla au siege d'Athenes, & le compte
 de Barrus. Les chantres aussi & ioueurs d'instru-
 ments gents mercenaires, lesquels pour donner
 plaisir à autrui se louent pour iouer & chanter
 aux festins & assemblees, sont infames. Mais la
 vie des nautonniers est meschante & malheu-
 reuse sur toutes, l'habitation desquels est com-
 me vne prison, le viure dur, grossier, sale, & im-
 monde, les vestemens ords, sans commodité
 d'aucune chose, perpetuellement bannis de leurs
 maisons, tousiours vagabonds ou fuitifs, ne sca-
 chans que c'est de repos, tousiours tormentés
 des vents & des ondes ça & là, perpetuellement
 exposés à la pluye, aux foudres, éclairs, froid,
 chaud, & accompagnés de faim, de soif, de cras-
 se, & d'ordure. Avec cela ils sont en dangers or-
 dinaires des Seylles, Charybdes, Syrtes, Sym-
 plegades, & autres mauuais rencontres & ab-
 bords perilleux de la mer. Les tormentes &
 rempestes de laquelle sont effrayées outre me-
 sure. En somme parmy tous ces maux & autres
 sans nombre sont tousiours au peril de leur vie.
 Et iacoit que les mariniers soyent les plus mal-
 heureux d'entre les hommes, ils sont neant-
 moins les plus meschans qui vivent. Or entre
 tant d'arts mechaniques qu'il y a, les principaux
 & plus honnorables sont la marchandise, l'agri-
 culture, l'art militaire, la medecine, & l'art d'ad-
 vocasser : desquelles nous traiterons par ordre
 l'une après l'autre cy apres. Mais examinons pre-
 mierement les principaux & communs fonde-
 ments

ments de l'œconomie.

De l'œconomie privée.

CHAP. LXVII.

LOVT la force & substance de l'œconomie privée & particulière gist au mariage. Sur quoy Metellus Numidicus Censeur exhortant le peuple Romain à ne vivre point sans femmes espousees, ou sans se marier, dit ainsi: Si nous pouvions nous passer de femmes, nous serions exempts des fatcheries de mariage: mais puis qu'il est ainsi ordonné par la nature, qu'en la compagnie d'icelles nous ne sçaurions bonnement iouir d'aucune commodité, & que sans les femmes nostre vie defauidroit, il est nécessaire d'avoir plustost esgard à un bien perdurable, qu'à une brève volupté. Aule Gelle recite ces paroles. A la verité nul mesnage ny maison peut durer sans mariage: car sans espouse lon ne sçaurroit maintenir sa lignee, ny avoir hoirs, ny faire mention d'hoirie, & n'auront on parents ny alliés; ny familles, ny peres de famille. Celuy qui n'a point de femme n'a point de maison; car il ne tient point de mesnage arresté, & s'il en a il demeure & habite chez soy ainsi que fait un estranger en une hostellerie. Celuy qui n'a point de femme, pour riche qu'il puisse estre, n'a rien qui soit à luy & car il n'a personne à qui il puisse laisser le sien, ny en qui se fier: tout est abandonné aux aguets & surprinse: ses serviteurs le pillent; ses compagnons le trompent, ses voisins

n'en

n'en tiennent compte, les amis le méprisent, les
 parents le trahissent & espient : S'il a des enfans
 mais hors mariage, ce sont marques de son des-
 honneur & de la honte, & ne peuvent succéder
 au nom & armes de la maison, ny à les biens, à
 cause de l'empeschement des loix, & est reculé
 de tous honneurs & administration publique
 par le consentement de tous les législateurs. Car
 celuy qui n'a appris à bien regir & gouverner
 une maison priuée, n'est pas digne de manier les
 affaires d'une republique ou cité, attendu que le
 vray pourtraict de la republique est le ménage.
 Ce qui estoit commun & congnu entre les Grecs,
 à raison de quoy Philippe de Macédonie vou-
 lant establir paix & concorde entre les villes &
 potentats de la Grece qui querelloient les vns
 contre les autres, & Gorgias Leontin récitant
 es festes olympiques vn liure qu'il auoit com-
 posé de la concorde, furent reiectes & mocquées,
 d'autant qu'eux n'ayans sceu entretenir leurs
 maisons & familles en bonne concorde se vou-
 loient mesler d'appointer les autres. Car Phi-
 lippe auoit sa femme peu accordante avec son
 fils, & la femme & la seruante de Gorgias estoient
 en perpetuelle noise. Ceux-là doncques, l'auto-
 rité desquels & opinion de sagesse n'estoit suffi-
 sante pour appaiser les débats domestiques, n'e-
 stoient estimés propres à composer les discor-
 des des autres de dehors. Partant celuy qui ne
 sçait regir soy mesme & sa maison & ménage
 priuë, est appelle & esleu à la malheure au gou-
 uerne

uernement & administration des affaires de la republique. Or cest estat est celuy seul qui peut rendre la vie des hommes heureuse, auquel ils s'occupent à aimer & cherir leurs femmes, eleuer & nourrir leurs enfans, conduire leurs familles, manier & entretenir leurs biens, auoir soing du manoir & habitatiō, & perpetuer leur race & lignee: auquel s'il aduient quelque ennuy, charge, & travail, comme il n'y a estat aucun qui soit exempt de la croix, pour certain il est leger & aise à porter en mariage, pourueu toutesfois que les mariés ayent esté comoints, non par l'auarice, par la grandeur, par deceptions & fraudes, ou par fol & desordonné appetit: mais de par Dieu, qui est auteur du mariage, & a ordonné que l'homme laira pere, mere, enfans, parents, & alliés pour se ioincre à sa partie: l'amour de laquelle doit surpasser toutes les charités & dilections que lon scauroit porter à qui que ce soit. Ainsi Hector preuoyant la ruine & subuersion de Troye ne se tormentoit point pour son mal, ny pour celuy qu'il craignoit à ses freres & parents, mais seulement à cause de sa femme: & le fait ainsi parler Homere:

*De ma part ie preuoy que la ville de Troye,
Priam, & ses subiects seront liués en proye.
Mais des Troyens, n'aussi de ma mere la mort,
Ny celle de Priam, mon cœur tant ne remord,
Ny de tant de parents qui preux perdront la vie,
Et seront mis à mort par l'espee ennemie,
Que le souci que i ay de toy, chere consortte.*

Le con

le confesse que les nopces mal pourchassées menassent l'homme de plusieurs difficultés & malheurs, dont Socrates en faisoit quelque iour le denombrement, à sçauoir perpetuelle sollicitude & souci, torment de ialousies, vne grand' suite de plaintes & querelles, reproches du dot, renfrongnemens des alliés, censures & allegacions des mariages d'autrui, grands frais, incertitude de ce que doyuent reussir les enfans, la mort d'iceux & de toute la lignee, dont on est contraint laisser son bien à vn heritier estranger, & infinis desplaisirs & douleurs. Ioint q̃ à prendre femme il n'y a presque point d'election, on y va à l'aduenture, & telle qu'on la rencontre il faut garder. Si elle est plaissante, si elle est forte, si elle est de mauuaises mœurs, superbe, felle & orde, laide, impudique, tout ce qui est de mauuais en elle s'apprend apres les nopces, & se corrige à grand' peine ou iamais. Les exemples des peruers mariages sont frequents. M. Cato Censorin, le premier homme qui fut en son temps en la republique Romaine, lequel n'auoit son pareil à manier affaires, fust en paix ou en guerre, estant desia vieil espousa vne ieune fille nee d'un certain Salonius personnage de petit estat, poure & incongnu : mais elle se comporta avec luy fierement & opiniaistrement, en sorte que Cato n'auoit aucune autorité en sa maison. Tibere ayant espouse Iulia fille d'Auguste infame pour plusieurs euidens adulteres, ne l'osoit chastier, ny accuser, ny repudier, & n'auoit le

cœur de demeurer avec elle : à ceste cause il fut contraint de se retirer à Rhodes, non sans diminution de son honneur & reputation, & en danger de sa vie. Marc Antonin le philosophe eut à femme Faustine fille de l'Empereur Antonin le piteux : & pource que par le moyen d'icelle il obtint l'empire, de peur d'entrer en debat & querelle de sa dot, force luy fut de l'endurer & retenir toute putain qu'elle estoit. Vray est que routes ces incommodités aduiennent plus par la coulpe des maris que des femmes : car les mauuaises femmes ne se rencontrent guiere sinon aux mauuais maris. Le dire de Varron en Aule Gelle sur ceste matiere est tel : L'homme doit oster ou supporter le vice de sa femme : celuy qui l'oste se la rend plus amiable & traictable. S'il l'endure il se rend luy mesme meilleur : mais nous en auons parlé amplement en l'oraison que nous auons faicte du mariage. Quant à la nourriture des enfans, elle ne succede point bien à souhaiet à vn chacun : plusieurs desquels sont mal renommés ou rebelles à leurs peres & meres, autres leur donnent avec cela plusieurs peines & dommages, autres deuiennent insensés ou hebetés & lourdaus, autres meinent leur vie parmy des abismes de tous vices & meschancetés, contournans & dissipans leur patrimoine en voluptés, paillardises, & ieux illicites, autres mesmes aduancent leurs iours à ceux qui les ont engendrés, ainsi que firent Oreste & Alcmeon & P. Malleol, qui tuerent leurs meres.

Artaxe

Artaxerxes Memnon ayant engendré centquinze enfans fut contraint d'otter du monde la plus part d'iceux pource qu'ils l'espioient & machinoient contre luy. Parquoy ce n'estoit sans raison qu'Euripides disoit, & apres luy S. Bernard, que n'auoir point d'enfans est vn bien que chacun ne congnoit pas. Auguste meisme Empereur accompagné de tant d'autres heurs, neantmoins pour le regret qu'il auoit de sa fille & de sa petite fille, prononçoit souuent ce vers d'Homere,
Pleust à Dieu que iamais n'eusse eu femme n'enfans.

Les seruiteurs aussi qu'il conuient auoir en meynage, sont les pires ennemis que nous ayôs: il n'y a rien plus inutile ny plus dangereux qu'eux, dit Euripides. Le serf est vne possession necessaire, mais non pas douce, dit Democrite. Je scauois bien, dit Petrarque, que ie viuois parmy des chiens, mais ie ne m'apperceuois point d'estre chasseur si lon ne m'en eust aduertit. Les seruiteurs pour certain sont chiens mordans, gourmans, abbayâs. Et est leur naturel fort proprement descrit par Plaute. Ceste espece d'hommes, dit il, qui doyuent estre maniés à coups de fouët & de bastons, ne pense iamais à faire chose qui vaille, mais si l'occasion se presente, tien, mille, emporte, voyla toute leur occupation: tellement qu'il r'en seroit mieux si tu laissois les brebis aux loups, que de bailler ta maison en garde à iceux. Les façons de faire des seruiteurs enuers leurs maistres, dit Lucien au dialogue de Palinurus, sont perpetuelles mesdisances, l'arre-

cins, tromperies, fuites, arrogances, negligences, yurongneries, gourmandises, tousiours dormir, tardiveté & paresse. Parquoy on dit en commun proverbe, Autant de seruiteurs, autant d'ennemis domestiques. Vray est que bien souuent ils ne sont point tant nos ennemis de leur malice, que nous les nous rendons tels par nostre superbe auarice & outrages, & en cruautés dont nous vsons enuers eux, exerçans vne tyrannie en nos maisons, dominans sur iceux, non selon le deuoir & la raison, mais selõ qu'il nous plaist. De ces choses parle ainsi le serf Strophile es comedies de Plaute : Les maistres pour vray vsent de leurs seruiteurs iniquement : aussi les seruiteurs ne leur obeissent qu'à regret : par ainsi d'une part & d'autre il ne se fait rien bien à point. Les vieillards chiches & auares serrent sous mille clefs le gardemanger, la cuisine, & toutes choses : & baillent à peine à leurs legitimes enfans ce qui leur doit suffire. Les seruiteurs de leur costé iouent des mains, & font ouuerture par tout avec mille clefs, rauissans à cachettes, consommans, friandans tout leur soul : & ne faut craindre qu'ils confessent iamais leurs larrecins, quand on leur presenteroit cent gibbets. Ainsi les seruiteurs rusés se vengent de leur seruitude, se rians & mocquans de leurs maistres. Parquoy ie conclus qu'il n'y a chose qui rende les seruiteurs fideles que la liberalité. Or par les entreprises des seruiteurs plusieurs villes & republiques ont souffert des maux inestimables, dont les

les histoires font foy en ce qu'elles traictent des guerres seruiles. Mais sur tout la ville des Vol-
liniens iadis riche & opulente, ornee de bonnes
mœurs, & gouuernée par bonnes loix, fut re-
duite en pitoyable estat par l'insolence des ser-
uiteurs. Car ayans les citoyens permis à leurs
seruiteurs trop de priuauté, iusques mesmes à les
admettre en leur conseil des affaires publiques,
ils en vindrent là qu'ils en reculerent les sena-
teurs, & s'emparerent de tout le gouuernement
de la republique, faisoient faire les testaments
à leur appetit, empeschoient qu'il ne se fist fe-
stins ny assemblees aucunes de citoyens de li-
bre condition, espousoient les filles de leurs
maistres. En fin establirent vne loy, par laquelle
ils estoient exemptés de peine s'ils commet-
toient paillardise auec les vefues, ou adultere
auec les femmes mariees: en fin ordonnerent
qu'aucune fille ne seroit mariee à homme de li-
bre condition, que premierement quelcun du
nombre des esclaués n'en eust cueilli le premier
fruct. Tellement que ceste tant magnifique &
opulente cité, qui estoit capitale de la Carie,
pour trop grande douceur & permission en-
uers les esclaués tumba au profond des oppro-
bres, iniures, & miseres. Pour certain si lon ne
tient la bride roide aux seruiteurs, ainsi que dit
Aristote es politiques, les maistres tumbent en
leurs aguets & coniurations, comme il aduint
aux Lacedemoniens par les Ilotes & aux Thes-
saloniens par les Preneftius.

L RESTE à declarer que c'est que l'oeconomie de la cour & des maisons royales. La cour n'est autre chose qu'un college, assemblee, ou congregation de geants, c'est à dire, de nobles & renommés vauneants, vn theatre de meschans satellites, vne eschole de corruption de mœurs, & vn receptacle de crimes execrables: là où l'orgueil, le desdaing, & le mespris d'autrui, la rapine, la luxure, l'exces, l'enuie, l'ire, la gourmandise, la violence, l'impieté, la cautelle, la perfidie, le dol, la malignité, la cruauté, & tout tant de vices qui ont iamais esté, font seiour, habitent, regnent & commandent parmy les mœurs corrompues: où les paillardises, rauissements, & adulteres sont petits ieux & passetemps des Princes & grands Seigneurs: là où les meres des Rois & des Princes sont souuent maquerelles de leurs enfans: là où regne perpetuellement l'orage & tempeste de toutes meschancetés, & où toutes les vertus se perdent & font pitoyable naufrage. En ce lieu là toute personne qui aime le bien est foulée & opprimée, le meschant receu & aduancé, les simples mocqués, les iustes persecutés, & les audacieux & impudens esleués. Là prosperent seulement les flatteurs, rapporteurs, meldifans, calomniateurs, imputeurs, gents prompts à faire quelque mauuais service, seruiteurs feincts & dissimulés, trompeurs, en-

nemis

nemis de toute bonne renommee, inuenteurs
de tout mauuais artifice, faisans estat & profes-
sion des plus enormes meschancetés. La vie des-
quels est toute remplie de villenie. En somme
tant qu'il y a de vice & mauuaistié en toutes les
bestes farouches & plus cruelles, il semble qu'il
soit amassé au troupeau courtisan comme en vn
corps. Là void on la fierté du lyon, la cruauté
du tigre, la rage de l'ours, la temeraire impetuo-
sité du sanglier, l'orgueil du cheual, la rapacité
du loup, l'obstination du veau, la cautelle du re-
nard, la ruse du cameleon, la variété du leopard,
la mordante aspreté du chien, le desespoir de
l'elephant, la vengeance du chameau, la timidité
du lieure, l'insolence du bouc, l'immondice du
porcean, la sottise du mouton, la lourderie de
l'asne, la badinerie du singe. Là trouue lon les
forsenés Centaures, les pernicieuses Chimeres,
les Satyres insensés; les ordes & vilaines Har-
pyes, les meschantes Syrenes & Scylles mon-
strueuses, les hideuses austruches, les gryphons
glouts, les affamés dragons: Et là tout tant de
monstres ineuitables & malencontreux qui ont
iamais esté produits par la nature violente &
contrainte y font leur habitation & demetire.
En ceste boucherie toute espee de vertu y trou-
ue ses bourreaux & ses tyrans. En somme oit il
faut faire estat de toute malice, iniquité, & im-
pieté, ou vuidier de la cour. Il n'est pas permis
sans l'aide de Dieu d'en sortir sain & garanti.
Qui veut viure en la crainte de Dieu quitte la

cour. Il ne scauroit aduenir vn plus grand malheur aux villes que quand la cour d'un grand Prince y arriue. Dès qu'elle commence à se remuer & acheminer, c'est comme vn comete de tout mauuais presage, apportant vne contagieuse infection ainsi qu'une peste mortelle la part qu'elle s'arreste. De quelque lieu d'où elle parte, elle y laisse les marques incurables de sa poison ainsi que morsures de chiens enragés. La cherté de toutes choses l'accompagne perpetuellement, d'autant qu'un chacun tasche à profiter avec les courtisans en haussant le prix des denrées & choses necessaires, lequel ne se remet apres sans grande difficulté & dommage. La friandise & superfluité des tables luy est aussi cōpagnie inseparable, & de là apprend le peuple à s'ennuyer des façons ordinaires du pais d'apprester les viandes, & recherche les estrangeres, s'addonnant du tout à la cuisine & à la gourmandise, & consommant ainsi honteusement son bien. La pompe & bobance la suit pareillement: en quoy les citoyens & bourgeois des villes hommes & femmes essayent de l'imiter, apprenant chacun les façons de leurs habillements, & la disposition de leurs maisons & meſnages de la cour & des courtisans, tant qu'ils dependent tout leur en habits & pompes. La corruption des bonnes mœurs luy fait aussi compagnie ordinaire, introduisant des vices execrables, qui est le plus grand malheur qui y soit. Quand la cour est partie, Dieu ſçait la longue queüe qu'elle

qu'elle laisse apres elle. Ceux cy trouuent leurs femmes y estre deuenues adulteres, ceux là leurs filles violees ou enleuees pour ribaudes, les enfans subornés, les vallers & chambrieres corrompus. Bref grand pleur se void par toute la cite, & la face est tellement changee, qu'elle est semblable à celle d'une paillardie.

Le scay vne fameuse & renommee ville en Frace si peruertie & desordonee pour la frequen-
tation de la cour en icelle, qu'à peine y pourroit on trouuer vne femme de bien, peu ou point de filles s'y maintiennent vierges iusques à leurs nopces : ains ce leur est grand honneur, ce leur semble, d'estre couuertes de la charongne de quelque courtisan : & les dames desia aagees prestent la main aux plus ieunes, & leur seruent fort volontiers de maquereles : & y a prins tel pied ceste vilennie & ordure, que toute vergongne en est bannie, & mesmes les maris ne se donent pas grande peine si leurs femmes paillardent, pourueu que pour l'amour d'elles, ils en soyent bien veus, bien traictés, & bien repeus.

Des gentilshommes courtisans. CHAP. LXIX.

LE peuplé courtisan est de deux sortes. Les premiers & plus dignes sont les satrapes, à sçauoir les gentilshommes, ces glorieux Thraçons, qui forsenent apres les pompes & superfluités habillés d'or & de soye, bigarrés, pourfilés & estoffés en diuerses sortes.

*A qui plaisent putains, & de qui le marcher
Est courbé & rompu, & les cheueux espart,
Et veulent chaque iour nouueaux habits chercher.*

Ceux cy consomment & brisent toute leur vertu & vigueur en paillardises, leur palais & gueule à mille inuentions : en toutes choses ils cherchent des assaisonnements & façons nouvelles, ils vivent delicieusement, donnent & reçoient des banquets magnifiques & somptueux. Entre eux est tenu pour grande louange si quelqu'un a si bien despendu, & tant employé d'argēt en quelque festin remarquable, qu'il luy cōuienne chercher ses repeuës franches, & flairer les tables d'autrui l'espace de trois mois apres. A eux accourent tous les ioueurs de luth & autres instruments, & toute espee de chantres, musiciens, bouffons, basteleurs, parasites, plaisantans pour auoir quelque lippee, putains, maquereaux, balladins, chasseurs, & tels prodiges de l'humaine generation : ils nourrissent des chiens, des cheuaux, des loups ceruiers, des faucons, autours, & autres oiseaux de proye, des singes, des perroquets, & outre ce, s'il y a quelques bestes estranges, laides, faictes par la nature despitée, ils en veulent auoir : ils tiennent des ours, des lions, des tygres, des leopards. Leurs propos ne sont que pures bourdes & fables inutiles : ils mesdisent, ils rapportent, ils causent & reuelent, mentent, desguisent, & meslent le vray parmy le faux. L'un parle de la chasse, des contours des forrests, des routes & sentes des bois, & des accidents

dés estranges aduenus aux chasseurs, l'autre deuise des cheuaux & de la guerre, & racompte ses beaux faicts d'armes en mentant. Cependant quelque autre vient à la trauerse, qui par enuie rompt les propos de cestuy-là, & met en auant quelque autre sornette, ou se vante insolemmét des choses qu'il aura faictes, à fin de se faire priser & estimer. Quelcun là dessus soustiendra choses contraires, le conuaincra de mensonge, & par brocards & paroles piquantes luy fera quitter la place, tellement que bien souuét tous les propos qui se tiennent en leurs assemblees & banquets se terminent par querelles & outrages : & tout ainsi qu'il aduint au banquet des Centaures, les presents de Bacchus ne cessent iusques à tant que le sang soit espandu. Ainsi les inuités à ces banquets de courtisans bien souuent s'en reuiennent chargés de coups d'espee, comme si on les auoit appellés à ceste condition, de combattre apres estre bien repeus, & inuités par tel edict,

Au demeurant, ioyeux d'auoir faict bon affaire

Rassraichissez vous bien, & que chacun espere

Et s'appreste bien tost de venir au combat.

Or la science plus exquise qui soit en eux est de prendre garde à bien choisir le temps & les heures commodés à leurs Princes & seigneurs, à fin de ne se presenter deuant eux, ny leur dire chose aucune hors de saison: & ne prennent point leurs obseruations des astres, du ciel, ny des Ephemerides, mais du vin, de la table, des banquets,

quets, de la chasse, du coucher, du leuër, s'ils voyent le Prince resiouï de quelque plaisir & volupté qu'il aye obtenue, & autres telles entrees douces, & opportunités fauorables qu'ils congnouissent, alors ils commenceront à compter quelques nouueautés pour chatouiller les aureilles d'iceluy, & puis peu à peu feront venir à propos ce qu'ils prétendent & desirēt, ayans naturellement le conseil qu'Aristote donna à son disciple Callisthenes graué en l'esprit, à sçauoir de dire au Roy de choses plaisantes, ou ne luy parler iamais, à fin qu'en parlant l'on luy soit plus agreable, ou en se taisant pour le moins on soit hors de danger. Et s'il aduient que le Prince ou Roy soufrie à quelcun d'eux : & face semblant que ce que cestuy là dit luy plaise, s'il a pour agreable chose qu'il aye faicte, s'il se fie en luy & luy cōmunique quelque affaire, s'il le tire à part pour parler à luy en secret, & ne face semblables faueurs aux autres, pour certain cestuy là sera le grand mignon, chacun le regardera par merueilles: il deuiēdra incōtinēt audacieux enuers tous, il picquera & brocardera vn chacun, mesprisera tout le monde, mesdira à cachettes, reprēdra ouuertement, parlera magnifiquement: rien ne luy sera impossible, à fin de se faire redouter à vn chacun, foulera les petits, tiendra peu de compte de ses semblables, aura en desdaing les grands, voudra qu'on luy face honneur iusques à l'adorer par force, sera tout enflé d'orgueil, se surhaussera, & voudra commander & faire le Roy luy même.

mesme.

Ce qu'on nomme vertu & force souveraine,

C'est lasser à tous maux de la bride la rene.

Ceux qui ne luy monstrent bon visage, ou n'approuvent par tous signes de liesse ce qu'il fera, encor qu'il ne face rien qui vaille, seront incontinct accusés & estimés ou enuieux de son bon-heur, ou de ne l'auoir en telle veneration qu'il appartient à sa dignité, ou de n'auoir esgard à ses bons seruices. Et ceste maniere d'hommes n'est pas seulement importune & fascheuse enuers ses semblables ou inferieurs, mais bien souuent sont trespernicieux aux Princes mesmes, lesquels ils flattent dangereusement sous pretexte de seuerité, remonstrances, ou conseil, & les precipitent en peruerses & damnables entreprin-ses, ainsi que Curio incite Cesar és poësies de Lucain:

D'où vient ce qu'as esté si lasche en ceste estorce?

Doutois tu tant soit peu de nous ou nostre force?

Tandis que nostre esprit sans cesse en nous battant

Tesmoigne la vigueur d'un poux tousiours constant,

Et que pouuons le dard brandir de main puissante,

Pourras tu bien souffrir la togue forlignante

Du senat & son regne?

Tels instigateurs auoit ordinairement au tour de luy Alexandre le grand, qui incitoient tousiours de plus en plus aux guerres & aux meurtres son naturel desia assez enclin & facile à for-senner. Roboam pareillement fils de Salomon auoit de tels conseillers à foison, & nos Princes de

de ce temps en sont assez bien garnis. Ils complaisent aux Princes & aux Rois en toutes leurs cupidités, luy sont tresobeïssans à executer les meschans & tyranniques commandemens auxquels ils les exhortent, ou bien les leur desconseillent en façon qu'ils les enflammēt encor d'auantage, vsans des remonstrances ou raisons si friuoles & fades que rien plus : & tout à leur effient: pour faire croire au monde qu'ils ont esté gagnés & conuaincus par meilleurs arguments, confirmans cependant le Prince credule en ses erreurs, & se sauuant par mesme moyen du blasme de mauuais conseillers, & ainsi trompant d'une part & d'autre, tant s'en faut qu'ils soyent reprins de leurs trahisons, qu'au contraire on leur en sçait bon gré, & sont estimés gents de bien & fideles. De tels garnements sont remplis les conseils des Rois, tant en France qu'ailleurs. Voila en somme quels sont les gentilshommes suyans la cour, l'un desquels estāt offensé tous les autres s'en ressentent.

*Des roturiers, negociateurs, & autres gents de bas estat
seruans ou suyans la cour. CHAP. LXX.*

IL y a, outre les susmentionnés, des blebeiens & gents de basse estoffe courtisans, hommes de courage vil & maling, le naturel desquels ne se sçauroit addonner à estre maistres, & commander, mais tousiours se complaisent à seruir. Telle espece de gents rodent par les maisons des grands

grands seigneurs, flattans & cherchans leur vie aux despens d'autrui, faisans vn heur de cela. Partant approuuent toutes choses, complaisent à tous, flattent vn chacun, & iouent toutes sortes de personnages se desguilans en plus de façons que ne faisoit Protee pour acquerir la faueur des grands, espient & taschent d'entendre les propos qu'ils tiennent aux tables pour en faire rapport, & s'il y a aucunes querelles, s'enquierent finement des bruits d'une part & d'autre, & puis donnent des aduertissemens ores aux amis ores aux ennemis, iouans tous les deux personnages pour acquerir la grace de l'un & de l'autre parti, lesquels neantmoins ils trahissent; & sont d'autant plus propres à brasser quelque trahison, qu'on se doute moins d'eux à raison de leur simplicité apparente & feinte. Et iagoit que de tous les actes meschans la trahison est le pire, si est-ce qu'encor c'est vne prattique ordinaire pour paruenir aux honneurs, dignités, & grandes richesses, & le chemin plus brief & aisé qu'on scauroit tenir, voire agreable aux Rois mesmes, & par iceux recherché. Ils sont donques tousiours par les logis des grands seigneurs, espient leurs secrets, à fin d'estre par iceux craints & respectés: & s'il leur aduient de pouoir descouurir & communiquer aux vilennies ou trahisons d'aucuns, les voila en seurté & en credit.

Qui accuser Verres de ses forfaits pourra,

Ce sera celuy là que Verres aymera.

Ils ont par ce moyen la familiarité & estroite amitié

amitié des plus grands d'entre la noblesse, par le support & ayde desquels ils montent facilement à ce qu'ils desirent. En premier lieu ils requierent & pourchassent d'estre couchés en l'estat de quelcun, sans se soucier beaucoup des gages: car il leur suffit pour bien executer leurs desseings, & faire leur profit, d'estre aduoués & recôgnus pour estre de la maison de quelque Prince, & n'est point cela infructueux ny sans salaire. Cela obtenu il leur est facile de tirer des grands seigneurs ce qu'ils veulent: ils flattent, ils complaisent, & par l'accointance & priuauté qu'ils ont acquise, & moyennant quelques presents, se donnent entree ou se font voye par quelque autre artifice, en maniere que tout ce que les autres laissent eschapper par crainte des dangers, ou pour ne pouuoir supporter les traux, ou pour n'y esperer profit suffisant, tombe dans les rets de ceux cy, & est par eux recueilli avec grand desir. Ils veillent iour & nuict, voyagent souuēt, portent & rapportent des nouuelles & des lettres, entreprennent & supportent grands labeurs & peines, voire choses dignes de mille gibbets, tant que par ces merites & bons offices ils sont faicts ou secretares ou intendans des affaires, ou thresoriers, ou obtiennent quelque autre charge & office. Puis ayant passé toutes les difficultés des traux susdits, ils ne font plus rien pour personne sans sçauoir pour combien, ils vendent desormais tout à certain prix & par leur nouuel aduancement aux honneurs, ayans changé

traire. Ils mesdisent par derriere couuertement d'un chacun, & ne se mettent iamais à bien dire franchement, & sans quelque si, ou mais, de personne quelconque, imitans cest orateur qui disoit, Je confesse que Iules Fortunat estoit homme vertueux, & à qui lon ne sçauroit oster ce los d'auoir bien fait & versé en plusieurs endroits: mais ie m'esmerueillerois fort cōme il auroit peu elchapper de l'accusatiō de concussion & pillerie en vn iugement equitable, si ie ne congnoissois l'eloquence singuliere du personnage,

Pelee heureux en fils, Pelee heureux en femme,

Auquel, hors de Phocus le meurtre trop infame,

Tout heur estoit escheu.

Outre ce ils beent tousiours la gueule ouuerte aux dōs & presents de la cour, ainsi que vautours affamés: ils pourchassent leur proye en tous endroits, & en quelque part qu'elle soit la rauissent à qui ils peuuent, voire d'entre les dents des autres, comme les Harpyes faisoient les viandes de Phinee. Se resiouissent fort des traueses & calamités de leurs competeurs: ne sont iamais esmeus à pitié du mal d'aucun: pensent n'estre tenus de leurs promesses s'il ne leur plaist: ne rendent aucun gré à personne, mais redigent tous les hommes en vn article pour indignes d'aucun bien-faict, ou bien les passent par negligence: A plusieurs ils rendent haine pour plaisir, mais c'est en faisant semblant de leur vouloir bien faire, couurant leur ire & mal talent. En somme n'ont esgard à aucun fors qu'au Prin-

ce, & encor ne se soucient guieres de luy si ce n'est par crainte, ou pour leur profit. Ayans ain-
si cheminé entre les fraudes, trahisons, peines, &
travaux plusieurs années, tant qu'ils en ont les
cheveux blancs & chenus, & par ces moyens ac-
quis & accumulé grandes richesses, alors ils me-
sent le ciel avec la terre pour laisser leurs enfans
heritiers, non point tant de leurs estats & hon-
neurs, que de leurs raiſſemens & iniquités.

*De serpents & lezards la cigoigne nourrit
Ses petits cigoigneaux pendant qu'ils sont au nid:
Pource quand ils sont grands ils cherchent leur pa-
ſture*

De serpents & lezards qui leur sont nourriture.

Aussi l'aigle royal, quand dans les bois a pris

Le lieure ou le chevreuil, l'apporte à ses petits:

C'est pourquoy quand la faim ses petits aiglons presse,

Et qu'ils peuvent voler, vn chacun d'eux s'adresse

Et cherche mesme proye à celle qu'il a eu

Au sortir de la coque.

Tels sont les artifices des courtisans plebeïens
& roturiers, dõt plusieurs issus de l'ordure de la
plus basse populace montent à tresgrandes char-
ges & maniements d'affaires & de finances, & se
trouuans en credit & autorité presque egale à
celle de leurs Rois, amassent des thresors & ri-
chesses de Princes, bastissent des palais & mai-
sons royales. Cependât que les gentilshommes
courtisans, dont nous auons parlé cy deuant, se
consomment en pompes, delices, voluptés, pu-
teries, ieu, chiens, cheuaux, banquets, & bra-

ues accoustrements, vendans, & mangeans leurs terres, heritages, chasteaux & patrimoine, Lesquelles choses ces roturiers achettent, & en fin occupent la place de ces nobles par leurs meschantes pratiques cy dessus par nous declairees.

Des Femmes de Cour. CHAP. LXXI.

LE s femmes de la Cour ont pareillement leurs vices peculiers. Nous en voyons pour certain plusieurs belles de corps, gracieuses, mignonnes, & gentiles, & outre ce bien habillees, ornees, & enrichies de bagues d'or & de pierreries, mais il n'est pas aisé à chacun de penetrer avec l'œil sous ces beaux voiles, qui couurent bien souuent des monstres treshideux. Parquoy Lucien les a comparees fort proprement aux temples des Egyptiens, qui estoient beaux & riches par dehors, construits de belles pierres, & d'ouurages somptueux : mais si lon s'enqueroit des dieux qui estoient dedans, ausquels ces beaux edifices estoient consacrés & dediés, lon y trouuoit vn singe, vne cigoigne, vn bouc, vn chat, ou autre ridicule animal. Ainsi en est il de ces dames & damoiselles de Cour, lesquelles sont dès leur rendre ieunesse nourries en molle oisueté, danses, & routes superfluités, abreuees de meschantes opinions de paillardises, adulteres, & maquereleges par les histoires & comptes fabuleux, nouuelles faceties, chansons, & poësies, qu'elles

qu'elles lisent & escoutent, d'où elles succent ainsi que le lait de leurs nourrices des mœurs tresperuerfes, legereté, insolence, arrogance, desdaing, impudence, ordure, contention, debat, opiniastreté, vengeance, cautelle, ruse, outrage, babil; hardiesse effrontee, & appetit desreiglé. Elles ont des langues ausquelles le silence est peine & torment, des leures armées de toute vanité de paroles, qui ne cessent de causer sans se pouoir lasser, & dire des propos sots & inutiles, & bien souuent tresennuyeux à ceux qu'il faut qui les escoutent par force. Quels longs deuis pourrions nous penser qu'elles ayent entre elles, quand elles sont tant d'heures ensemble, sinon de choses vaines & friuoles? comme de la maniere de se friser & tortiller les cheueux, les peindre & iaunir, de se farder le visage, en quelle façon il faut trousser son habillement, marcher sur la monstre deuant le monde, se leuer, s'asseoir, que c'est que ceste cy ou l'autre doyuent porter sur elles, à quelles il faut donner le dessus, comme il faut faire les reuerences & salutations, à qui elles doyuent presenter la bouche, à qui les mains, quelle monture, quel cheual ou asne il conuient qu'une telle aye, quel coche, chariot, ou lictiere, à qui il appartient de porter telles chaines, carquans, aneaux, pierreries, & autres affiquets, discourans ainsi sur les articles des loix Semiramidiennes. Parmy elles n'y a defaut de vieilles matrones, qui raccomptent combien d'amoureux elles ont eu autresfois. Quels presents elles en

ont receus , avec quelles mignardises elles ont esté courtisees. Ceste cy parlera de celuy qu'elle ayme , ceste là à peine ie pourra taire de celuy qu'elle hait, chacune pense que les autres admireront ce qu'elle dit , & quelquesfois meslent en leurs propos des brocards fades, & mocqueries hors de saison, & des mensonges impudentes. Il n'y a faute de querelles & debats immortels entre elles , haines & inimitiés trefaigres , calomnies, detractions, imputations , & generalement toutes les qualitez d'une mauuaise langue. Elles ont des œillades, des mines, des ris pleins d'attraiçts & allechements , des contenance & signes lascifs, des finesſſes & mignardises, des paroles propres à deceuoir leurs poursuyuans & amoureux , pour leur arracher quelques presents. S'ils ont quelques aneaux, quelque bague, quelque chaine ou bracelets, elles les en delgarnissent par douces paroles, par flatteries, par prieres, les payans de baisers, d'accollades, attouchements & menus deuis, q est leur cōmune mercerie, & l'entretienement de l'amour courtoisan. l'ay honte de declairer plus auant les ordures qu'elles commettent souuent en secret en leurs chambres & retraictes, lesquelles estās puis reuestues de leurs habillemens elles cuydent auoir du tout couuertes & cachees. Je laisse penser à vn chacun quelle foy & integrité telles filles peuuent apporter à ceux qui les prennent en mariage. Quelles afflictions & desplaisirs reçoient leurs maris quand elles leur reprochent leurs dorts,

dors, leurs races, leurs beautés, les mariages d'autrui, estourdisans les pures hommes par crieries, noïses, iniures, & plaintes ordinaires, ayans en desdaing les tables sobres & modestes de leurs mesnages & maisons, & regrettans tousiours les pompes, superfluités, & delices de la cour où elles ont esté nourries? Elles consomment leurs reuenus par leur ambition & conuoitise d'estre braues & bien ornees, ruinent & destruisent les maisons, & souuent contraignent leurs maris de s'addonner à exercices illicites & mauuaises pratiques pour gagner de quoy satisfaire à leurs appetits, ne cessans iour & nuict de leur machiner quelque tromperie, feintise, trahison, & hypocrisie. Je passe les amours estrangeres, les adulteres clandestins, les suppositions d'enfans conceus de l'œuure de quelque amoureux, & (comme si vne fois elles se mettent à haïr) la ialousie viendra en auant où le poison sera préparé. Car les artifices des meschantes femmes sont, à ce que dit S. Hierosme cōtre Iouinien, dol, fraude, empoisonnements, breuuages nuisans, & les vanités magiques. Par tels instrumēts Liuia se despescha de son mari qu'elle haïssoit par trop, luy faisant boire du suc d'aconit. Lucille tua le sien par ialousie, luy faisant humer la rage au lieu de l'amour dās vn breuuage qu'elle luy auoit appresté. Tellement qu'il est plus expedient & meilleur de viure entte les lyons, cōme dit l'Ecclesiaste, & demeurer parmy les dragons, qu'auec vne mauuaise femme. Partant ie

conclus, que quiconque voudra auoir vne femme obeïssante & traictable, ne la prenne point nourrie à la Cour. Comme aussi la femme qui voudra se marier avec vn homme de bien, ne doit chercher vn courtisan. Mais possible en ay ie trop dit : il n'y a remede : ce qui est dit est dit, & ne me puis retracter. Je m'arrestera y toutesfois icy, & mettant ma main sur ma bouche tairay le surplus du mal qui est à la Cour, laquelle ie laisse là pour traicter des autres parties de l'œconomie, & discourir de la marchandise, agriculture, gendarmerie, & du surplus des arts & disciplines mechaniques.

De la Marchandise. CHAP. LXXII.

LA marchandise est celle qui recherche subtilement & diligemment les gains & profits cachés, desiruse outre mesure de la proye apperceüe, laquelle iamais n'a l'heur de la iouissance de ce qu'elle a, mais tousiours est stimulée d'un miserable desir de plus auoir. Ce neantmoins il a semblé à plusieurs qu'elle est de grande aide & profit à la republique, donne plusieurs moyens & commodités de ioindre les peuples & Princes estrangers par alliances & amitiés, & outre ce est tresutile, voire necessaire à la vie priuée des hommes. Plin entre autres pense qu'elle aye esté introduite pour viure : & pour ce plusieurs illustres personnages & pourueus de sagesse, n'ont desdaigné l'exercice d'icelle, comme
Thales,

Thales, Solon, & Hippocrates, selô que tesmoi-
gne Plutarque. Or combien que nous voyons
quelques sciences, arts, & exercices receus à
cause de la volupté, autres estimés à raison du
labeur, certains suyuis & aymés à cause de la
vertu & honnesteté, & autres honorés pour la
verité & iustice : il ne s'ensuit pas pourtant que
tous ceux qui apportent gaing & plaisir, ou sont
de labeur, voire mesme necessaires, soyēt quant
& quant louables, iustes, ny honnestes : & pour-
ce, ores que les estats & exercices des marchâds
banquiers & changeurs soyent necessaires, vti-
les, & de grand traual, ils sont neantmoins vils,
peu honnestes, & de mauuaise prattique : car
leurs fraudes penibles & laborieuses (& non pas
ouurages) sont par eux exposées en vente : ce
qui n'est à faire à hommes ronds, francs, & iu-
stes : mais à cauts & rusés trompeurs. Les mar-
chands achettēt en vn lieu pour vendre ailleurs
leur marchandise avec gaing, & est celuy estimé
plus habile & mieux entendant son art, qui la
vend avec plus grand proffit. Cependāt le men-
songe, le pariurement, la tromperie & deception
leur sont choses familiares & ordinaires, & n'e-
stiment aucun moyen de proffiter deshoneste,
& mesmes disent qu'il leur est permis par les
loix de deceuoir ceux qui negocient avec eux
d'outre moitié de iuste prix. Et n'y a doute au-
cune qu'ils n'usent ainsi, ou pour mieux dire
qu'ils ne commettent des abus en cest endroit
infames & dignes de chastiment, attendu que

toute leur vie est addressée & instruite à faire gain, & à accumuler richesses. Nul peut deuenir riche sans tromperie, dit saint Augustin, ny proffiter s'il ne fraude. Et faut que celuy qui expose la mercerie en vente, la prise & louë plus que de raison.

*Les marchands fausseront, pour leur gain prolonger,
Leur foy, dignes pour vray au fonds d'enfer plonger.*

Qui achette, qui vend, qui porte, qui transporte, qui est crediteur, qui est debiteur, qui paye, qui reçoit, qui tient les comptes & liures de raison, & tous tant qu'ils sont iurent & se pariurent, trompent, deçoyuent, & mettent l'ame, le corps, & les biens au hazard, pourueu qu'il y aye espoir de gagner, & ne congnoissent amitiés, parentés, ny alliances, sinon au seul gain qu'ils en reçoient. Bref tous courent apres le profit & les richesses, tant que leur vie dure, comme s'ils ne pouuoient trouuer ailleurs repos de leurs trauaux, ou soulas en leur vie.

Le marchand alteré courra iusqu'en Indie,

Et ne craint roche, eau, feu, pourueu qu'il ne mendie.

Quant aux tromperies que les marchands font en la laine, au lin, en la soye, teinctures, ioyaux, drogues, & espiceries, ciré, huile, vin, bled, cheuaux, & autres animaux, & en somme en toutes especes de marchandise, il n'y a celuy qui n'en soit assez aduertí, qui ne les voye & touche, sinón qu'il se trouuaist quelcun qui n'eust iamais senti dommage par eux. Ceux là sont les moindres maux qu'ils facent : mais il y en a bien

de plus grands sans comparaison : ce sont eux qui nourrissent en delices & molles voluptés les peuples, apportans de terres estranges & loingtaines, voire du bout du monde, des denrees & merceries dommageables, lesquelles pour leur rareté sont delirees & enuiees par les femmes & enfans, ne seruans toutesfois à aucun bon vſage de la vie, mais seulement à pompes, excès, deſguifemens, appaſts & liens de plaiſirs vicieux. Ce ſont eux qui eſpuisent les prouinces & royaumes de deniers, qui y corrompent les bonnes mœurs introduiſans des vices incongnus & estranges, qui y changent les couſtumes anciennes, & mettent en auant des nouueautés & façons de faire reprouuees. Ce ſont eux qui par complots & monopoles contre toutes loix & couſtumes, droit & equité, eſſayent & remuēt toutes choſes, & inuentent mille moyens pour piller tout vn païs, entreprennent tout au dommage des autres, & par les moyens qu'ils ont d'aſſembler deniers deuant vn chacun, mettent la cherté aux choſes, à fin d'intimider les autres pour acheter eux ſeuls, & pouuoit apres vendre à leur appetit encor plus cherement. Souuent apres qu'ils ont amasſé grandes ſommes de deniers d'autrui, ils ſe retirent ailleurs, fauſſent leur foy, & font banqueroute, ſans retour, ou bien tard, fraudans leurs crediteurs, & les reduiſans au deſeſpoir. Ce ſont eux qui lient & deſliēt les bourgeois des villes par cedules & obligations, & les tiennent endebtés ſi eſtroictement

Ettement qu'ils ne se peuuent desuelopper de leurs penibles, mortels, & ineuitables liens, metrans interests sur interests, en sorte que les cités en sont accablees & ruinees, & ainsi addonnées perpetuellement aux vsures, deuorent toute la substance des peuples. Ils rongnent les monnoyes, donnent cours aux especes, les haussans & baissans selon qu'il est expedient & opportun à leurs gains & traffiques, non sans grand dommage du public. Ils seruent bien souuent d'espies pour rapporter les secrets des Princes, & determinations des conseils, ou les bruits qui courent par le pais, & les font entendre aux ennemis: & quelquesfois attentent contre la vie des Princes pour gagner de l'argent qu'on leur aura promis à cest effect. En somme il n'y a rien qu'ils ne fassent, entreprennent, endurent, ou ne vendent pour le desir de la pecune. Tout leur soing, occupation, & intention n'est que mensonge, fard, ambiguité de paroles, guettes, espions, trahisons, fraudes, & tromperies euidenttes. A ceste cause les Carthaginiens auoyent assigné aux marchands vn quartier separé en leur ville pour habiter, & leur estoit permis de venir par certaines rues seulement au marché & place publique, mais interdit d'aller ny mesmes de regarder les autres endroits secrets de la cité, notamment le port ou haure. Les Grecs ne les receuoient nullemēt au dedans des villes, mais pour plus grande assurance des citoyens ils ordonnoient les halles & marché où se vendoyēt les

les denrees & marchandises hors le pourpris
des murailles. Plusieurs autres nations ne souff-
froyent les marchands aborder en leurs païs,
pour ceste seule cause, qu'ils gastoyent & cor-
rompoyent les mœurs & coustumes des lieux
où ils frequentoyent. Les Epidauriens s'estans
apperceus que leurs citoyens par le commerce
& negociation frequente qu'ils auoyent avec les
habitans de la Sclauonie deuenoyent meschans,
& se desbauchoyent des mœurs & façons de vi-
ure anciennes de leur païs, craignans que par
ceste contagion estrangerè il ne se fust quelque
nouueauté en leur republique, ordonnerèt que
tous les ans on enuoyeroit vn des plus graues &
honorables d'entre leurs citoyens en Sclauo-
nie, auquel vn chacun des autres donneroit
commission des choses qu'il voudroit marchan-
der & traffiquer. Plato blasme les marchands, à
cause qu'ils contaminent les bonnes mœurs, &
dit qu'il doit estre defendu par loy expresse es
republ. bien ordonnees que les delices estran-
geres n'y soyent apportees, & qu'aucun des ci-
toyens ne voyage parmy les estrangers deuant
qu'il aye quarante ans accomplis, & que les
estrangers soyent renuoyés en leur païs, pour
autant que par telles communications avec les
autres nations les naturels desapprennent la so-
brieté & modestie de leurs ancestres, & la de-
sdaignent, qui est la seule cause de l'appourisse-
ment & ruïne des villes, & ce qui les rend souil-
lees & infectees de paillardises, adulteres & de
toute

toute espee d'exces & appetits desreiglés, ainsi que les villes de Lyon & Anuers, tresfameuses retraictes de marchands, en donnent trescertain tesmoignage & exemple. Aristote pareillement admonnest que lon prenne garde que les villes ne soyent corrompuës par le mellage des estrangers: & nonobstant que les marchands soyent necessaires en vne ville, qu'ils ne doyent pourtant estre receus au nombre des citoyens, lesquels aussi il deteste pour ceste raison, qu'ils prennent plaisir à mentir, sont litigieux & plaideurs, engendrent des tumultes, & sement des discordes. En outre en plusieurs republiques les marchands n'estoyent admis aux dignités des magistrats, n'auoyent entree au Senat, ny voix au conseil: & ce par loy ancienne: finalement la marchandise est condamnee totalement par les Theologiens & par les decretz canoniques recueillis de Gregoire, Chrysostome, Augustin, Cassiodore, & Leon: & est interdite à tous vrais Chresties. Car le marchand ne peut plaire à Dieu, dit Chrysostome, parquoy qu'aucun Chrestien ne soit marchand, ou, s'il le veut estre, qu'il soit retranché de l'eglise. Augustin dit semblablement que les marchands, ainsi que les gens de guerre, ne sont iamais vrais penitents.

Des Financiers. CHAP. LXXIII.

Les gens de finance ne sont guieres meilleurs que les marchands. C'est vne espee d'hommes addonnés à larcin, & pour la pluspart de naturel

naturel seruil & mercenaire, grossiers, rudes, & lasches de courage: mais audacieux & deshontés, n'ayans autre sçauoir ny industrie, fors que certains petits artifices de leur mestier, comme d'escrire & compter: mais sur tout ont certaines formes de desrober qui ne sont point vulgaires ny communes aux autres larrons, ains fort subtiles & ingenieuses. Parquoy ils sont larrons plus que tous les autres hommes viuans, & deuiennent riches en iouant des doigts, comptant, & maniant plusieurs milliers d'escus, & ont les mains si gluantes & crochues, qu'il faut que l'argent y demeure attaché dès qu'ils le touchent, sans qu'il soit possible de l'empescher. Ils sont routesfois moins dommageables que les marchands, pour ce qu'ils n'espiét que les bourses des Princes & des Rois, & apres qu'ils ont bien desfrobbe, ils despendent fort volontiers à l'amour, au ieu, en banquets, en bastiments, à entretenir des bouffons & plaisanteurs, & à nourrir des cheuaux & des chiens. Ou bien estans deuenus vieux & plus sages, ils nous laissent des enfans qui sçauēt bien tost voir le bout de ce qu'eux ont raclé & ramassé par le menu par diuerses rapines, periurements, larrecins, & meschancerés, n'espargnans aucune despenſe pour faire grand' chere, paillarder, chasser, & estre braues en accoustrements, & en somme pour se souler de tous les plaisirs qu'ils desirent, tant qu'ils mettent leurs patrimoines bien tost en mille pieces & lopins, & le consomment miserable

ablement. Au reste les Thresoriers, Receueurs & payeurs prestent & aduancent avec vsures, prennent des presents, dilayent les payements, en retiennent vne partie, s'entendent avec les Capitaines & chefs de guerre, dressent des faux rolles, contrefont les signatures, crochettent les lettres, falsifient les seaux, roignent la monnoye, & souuent en forgent de fausse & de mauvais aloy : partant sont volontiers amis & familiers des alchemistes, & s'addonnent bien souuent à cest art là: Où, s'ils n'ont l'esprit de le comprendre, fauorisent & aydēt à ceux qui s'en meslent. Mais puis que l'opinion de Cicero est, que la marchandise qui s'exerce en gros avec grand fonds, & qui apporte de tous endroits beaucoup de commodités sans fraude, n'est point du tout à blasmer, & que les marchands & financiers meritent louange lors qu'estans remplis & soulés de gains ils se sçauent retirer en leurs maisons aux champs, & là vacquer à cultiuer, entretenir, & faire valoir leurs possessions, il sera bon de declarer icy que c'est qu'on doit tenir & croire de l'agriculture.

De l'Agriculture. CHAP. LXXIIII.

L'AGRICVLTURE donques, laquelle comprend la nourriture du bestail ou bergerie, la pesche, & la chasse, fut iadis tant estimee que les Empereurs Romains, Rois trespuissans, & grands Capitaines n'auoyent point de honte de cultiuer

cultiuer les champs, manier les semences, enter & planter les arbres eux mesmes. A icelle s'adonna Diocletian, delaisant l'Empire, & Attalus quittant l'administration des affaires de son royaume. Et Cyrus ce grand monarque des Perles auoit de coustume de faire monstre à ses amis qui le venoyent visiter de ses iardins & vergers semés & plantés de sa main, & des arbres qu'il auoit disposés à la ligne luy mesme. Seneque plantoit des planes, fouissoit des viuiers & estangs, & faisoit des conduits pour faire couler les eaux, & y trauailloit luy mesme, & ne demouroit plus volontiers en lieu du monde qu'aux champs. De l'agriculture & de l'estude d'icelle prindrent leurs surnoms plusieurs trefnables & illustres familles, comme les Fabiens, Lentules, Cicerons, Pisons, & autres, à cause de la multitude des febues, lentilles, ciches, & pois.

De la Bergerie & pasture du bestail. CHAP. LXXV.

PAR mesme raison de la nourriture de diuerses especes de bestail furent surnommés plusieurs, comme les Iuniens, Bubulces, Statiles, Taures, Romponiens, Vituliens ou Vitelliens, Porciens, Catons, Anniens, & Capriens. Pasteurs & bergers furent Romulus & Remus fondateurs de la ville de Romme. Du rang des pasteurs fut eleué Diocletian à l'Empire. Spartacus, l'effroy de l'empire Rommain, auoit esté pasteur. Pasteurs estoyent Paris & le pere d'Enee Anchises,

ses, & le beau mignon & bien-aymé de Venus Endymion. Polypheme aussi & Argus aux cent yeux estoient de cest estat. Apollo entre les Dieux de l'antiquité mena les troupeaux d'Admetus Roy de Thessalie, & Mercure inuenteur des chalumeaux fut chef & prince des pasteurs, & son fils Daphnis pareillement. Pan fut estimé Dieu des pasteurs, Prothee Dieu & pasteur tout ensemble. Et pour n'oublier les Patriarches, Iuges & Rois du peuple Hebrieu, pasteurs furent les principaux hommes d'entre eux, & les plus agreables à Dieu, comme Abel le iuste, Abraham le pere de plusieurs peuples, & Iacob le pere de la nation esleuë, Moïse leur legislateur & prophete tresfamilier à Dieu, & le Roy Dauid, celuy que Dieu tesmoigne auoir trouué selon son cœur & sa volonté. Entre les Grecs plus anciens ceux qui estoient les plus renommés & apparens estoient tous pasteurs. Dont vindrēt les tiltres & epithetes de Polyarnes, Polymelles, & Polybotes, à sçauoir pour la multitude des aigneaux, des brebis, ou des beufs, que les hommes possedoyent. L'Italie pareillemēt a esté ainsi appelée à cause des veaux que les Grecs appelloient Itales, comme il est notoire à vn chacun. Les destroits de Constantinople, & celuy de Cassa se nommoyent Bosphores, à cause du passage du beuf. La mer Egee & la ville d'Argos Hippiion estoient ainsi appelées à cause des cheures & des cheuaux. Et le trait d'Afrique, dit iadis Numidie, estoit ainsi nommé à raison des
grands

grands pastis. Le premier exercice des hommes, aussi tost apres la cheute d'Adam, fut la vie pastorale. D'icelle nous vient le lait, le fromage, le beurre, outre les chairs de leurs portees pour nostre nourriture. Elle nous fournit laine, fourrures, & cuir pour nous habiller: brief tout ce qui en reuient est tresvtil & necessaire à la vie de l'homme, lequel a eu permission d'en vser: mais seulement apres le peché d'Adam: Car au parauant Dieu auoit ordonné que l'homme viuroit au paradis seulement des fruiets que la terre produisoit d'elle mesme.

De la Pesche. CHAP. LXXVI.

LA PESCHE & la chasse suyuent. Quant à la pesche, les Rommains la prisoyent & frequentoyent en telle sorte, qu'ils peuployent la mer Italique de poissons estrangers, lesquels ils faisoient conduire dans des nauires d'autres endroits du monde fort eslongnés, & les gettoient en leurs riuages tout ainsi que s'ils eussent iecté du grain ou semence dans les champs labourés: eroyans par ce moyen de faire quelque grand profit au public. Outre ce ils faisoient cauer des viuiers, estangs, & reseruoires à grands frais, esquels ils nourrissoient des plus rares & exquis poissons dont plusieurs familles furent pareillement surnommées, comme les Liciniens, Murenes, Sergiens, Orates. A ceste occasion Cicero appelloit L. Philippe & Hortense poissonniers, à cause de

ces boutiques & reserues de poissons. Nous li-
sons que Octavian Auguste prenoit plaisir de
pescher à la ligne. Et que Neron, à ce que recite
Suetone, peschoit avec des filets d'or noués &
garnis de cordages teincts en pourpre & escar-
latte. Les manieres de prendre les poissons ne
sont grandement diuerses. Lon vse de rets ou
filets, d'hameçons, nasses, dards, arbalestes, ra-
steaux & amorces, & par tels instrumens se pren-
nent tous les poissons que lon veut. Or la pe-
sche est aucunement moins estimee, à raison
que le poisson est vne nourriture dure & mal
propre à l'estomac, & aussi que d'iceux lon ne
fit onques oblation aux dieux : Car nul n'a leu
ny ouï dire que lon en aye iamais vse aux sa-
crifices.

De la Chasse. CHAP. LXXVII.

LA chasse, tant des animaux terre-
stres, que des oiseaux, on vse des
mesmes artifices qu'à la pesche : &
en outre la force & trauail du corps
y est requise, & se sert on de toiles & paux, de
rets, de lacs, collets, pieges, & trappes de diuer-
ses inuentions. Pareillemēt de gluaux, de chiens,
de loups ceruiers, & d'oiseaux de proye de plu-
sieurs especes, & autres bestes appruiuisees pour
le seruice des chasseurs. Dont l'art à la verité est
detestable, l'occupation vaine, l'effort & trauail
malheureux, de ne cesser iour ny nuict de pour-
suyure, combattre, & massacrer les bestes, avec
tant

tant de veilles, de labeur, & de peines. Art, dis-je, cruel & du tout tragique, n'ayant autre subiect, plaisir, ny volupté qu'en la mort & au sang, choses horribles au naturel de l'homme. Ce a esté dès le commencement du monde tousiours l'exercice plus agreable des plus meschans hommes & plus grands pecheurs: car Cain; Lamech, Nembrot; Ismael, Esau ont esté remarqués du tiltre de puissans veneurs par l'escriture sainte, en toute laquelle on ne trouue aucuns s'estre addonnés à la chasse fors que les Ismaélites, Idumeens, & semblables nations, qui ne congnoissoient point le vray Dieu. La venerie a donné commencement à la tyrannie, aussi n'eust elle peu auoir auteur plus propre ny accommodé que celuy qui auoit appris parmy la tuerie & boucherie des animaux, & les bouillons & ruisseaux de sang respandu, à mespriser Dieu & la nature. Neantmoins les Rois de Perse l'ont frequentee comme vn exercice propre pour dres-
ser les hommes aux trauaux & ruses de la guerre, pour autant que la chasse a ie ne sçay quoy de ressemblance à la guerre en cruauté, quand on lasche les chiens rauissans apres vne beste, & que lon prend plaisir de luy voir iecter le sang de tous costés, la desmembrer & faire mourir de la plus aspre mort que lon sçauroit dire, & que cependant le veneur inhumain se rid & y prend vne delectation incroyable, & puis s'en reuiet au logis avec toute sa troupe, rapportant comme en triomphe la miserable proye abbattue

par vne atmee de chiens, ou prinse frauduleusement à l'aide des rets & panneaux : Là où lon appreste vne cruelle boucherie, & y est la beste desmembrée par singuliere maistrise, ayant ses mots & vocables appropriés (car il n'est pas licite d'user d'autres termes que de ceux de l'art.) O la magnifique folie, ô la glorieuse guerre que celle de la chasse, à laquelle les hommes par trop addonnés changent peu à peu la nature humaine, & transforment leurs mœurs en celles des bestes sauvages, ainsi que fit Acteon. Par laquelle aucuns sont tumbés en telle phrenesie, qu'ils sont deuenus ennemis de nature, ainsi que les fables ont donné à entendre sous le nom de Dardanus. Les inuenteurs de ce malheureux artifice, à ce que lon trouue par escrit, furent les Thebains, peuple remarcable en fraudes, larcins, & parjurements, detestable par ses parricides & incestes, lesquels communiquerent les preceptes & ruses d'iceluy aux Phrygiens, nation autant impudique qu'iceux, mais sotte & legere. Partant les Lacedemoniens & les Atheniens, hommes plus graues, en ont faict peu de compte. Mais apres que les Atheniens eurent rompu les defenses de la chasse, & qu'ils introduirent publiquement en leur republique l'art & l'exercice d'icelle, la ville tost apres fut prise. Surquoy ie m'esmerueille comme Platon, Prince des Academiques, l'aye louee & esimee, si ce n'est qu'il aye voulu entendre que les accidents & occasions honnestes qui peuuent inciter les hommes

hommes à chasser, rendent l'art recommandable, & non pas le plaisir : comme quand Meleager tua le sanglier de la forest de Calydon, qui destruisoit le païs, regardant au bien qui reuiendroit au public s'il deliuroit son païs de ceste beste malfaisante, & non à sa volupté. Et Romulus qui couroit les cerfs, non pour delectation, mais par necessité, pour se nourrir luy & ses compagnons. L'autre espee de chasse, qui est appelée fauconnerie, n'est pas du tout si cruelle, mais bien autant vaine que la venerie. Ceux qui en font estat se iouent des oiseaux du ciel, ainsi q̃ dit Baruch. L'inuention d'icelle est attribuee à Vlyses, lequel fut le premier qui apporta en Grece des oiseaux armés, appruiués, & instruits à la chasse, apres la prinse de Troye, pour resiouir & faire passer les ennuis de ceux qui auoyent perdu leur parents & amis en ceste guerre là. Toutesfois il commanda à son fils Telemachus de ne s'y addonner nullement. Or ces exercices seruils & mechaniques sans doute sont venus en telle reputation, qu'à present ce sont les premiers rudiments de noblesse, toutes sciences & arts liberaux recullés & mis en arriere, & que par la voye d'iceux lon paruient aux plus hauts degres d'honneur, & n'est la vie des Rois, Princes & grands Seigneurs, ny la religion des abbés, euesques, & prelats (ô grand creueccœur) autre chose auioird'huy que toute venerie & fauconnerie : en icelles chacun d'eux s'exerce & essaye toute sa force & vertu.

*Et en son cœur a desir singulier
De rencontrer vn escumant sanglier,
Ou qu'un lyon avec sa rousse peau
Fonde du mont dans le chasseur troupeau.*

Ceux, dis-je, qui deuroient estre patrons & exemplaires de patience, cherchent iournellement de trouuer quelque proye. Les animaux, qui naturellement sont libres, & selon la disposition des loix ciuiles, appartiennent aux premiers qui s'en emparent, sont vsurpés par la tyrannie des grands; & à eux seuls attribués par violentes prohibitions & defenses: les laboureurs sont chassés de leurs terres, les possessions vsurpees aux païsans, les chāps depeuplés d'habitans, les forests & les pasturages interdits aux communes, à fin que les bestes sauuages s'y puissent engraisser pour le plaisir & delices des grands Seigneurs, ausquels seuls il appartient d'en manger: & si quelque villageois ou autre roturier estoit si osé d'en gouster, on luy fait soudain son proces, ainsi que atteint de lèse maiesté, & est fait aussi la proye de ce veneur.

Cherchons dans les liures, & ie m'asseure que nous n'y trouuerons aucun saint ny sage personnage ou philosophe qui aye esté chasseur, mais biē plusieurs pasteurs & aucuns pescheurs. S. Augustin dit que l'art en est du tout meschāt, & les saints conciles * Elibitain & d'Orleans l'ont defendu entre le clergé, & condamné. Et es decrets & saints Canons non seulement sont reiectés les chasseurs des ordres sacrés, mais, s'ils estoient

estoyent prestres au parauant, ils en sont desmis & degradés. Es meismes sainctes escritures on lit qu'Esaiï estoit chasseur, pour autant qu'il estoit pecheur, & ne se trouue en tout le contenu d'icelles le vocable de veneur ou chasseur iamais prins ny entendu en bonne part. Parquoy nul ne doit plus faire doute que l'art & exercice de chasser ne soit reprouué, puis qu'il est reiecté & cōdamné par tous les saincts & par les sages. Aux premiers temps, lors que les hommes viuoient en pure innocence, nul animal ne s'enfuyoit de la face de l'homme : il n'y auoit aucunes bestes malfaisantes ny dangereuses : toutes estoyent priuees & obeïssoyent à l'homme : dont les exemples & tesmoignages ont esté reus és temps suyuans aux hommes qui menoyent bonne & saincte vie, lesquels ont esté effeurés entre les bestes farouches, & sont échappés sans estre offensés ; ainsi que Daniel entre les lyōs, Paul de la morsure de la vipere : les corbeaux ont nourri Helie le prophete : & une biche Paul & Antoine hermites. Gilles Henneus abbé commanda à vn asne sauuage, lequel obeït & porta les hardes du sainct homme, il commanda à vn crocodile, & il le passa outre une riuiera. Plusieurs hermites habitans és deserts dans les cauernes & repaires des bestes sauages, sans crainte conuersoyent avec les lyons, les ours, & les serpents. Mais il est certain que quand le peché est venu au monde, la malice & nuisance des animaux s'est mise en auant, la

z s perse

persecution d'icelles & leur fuite a commencé, & a esté inuentee & introduite la chasse : Car, comme dit S. Augustin au troisieme sur Genese, les animaux n'ont point esté creés dès le commencement venimeux ny ennemis & dangereux à la generation humaine, mais sont deuenus tels apres le peché. Ce qui a esté fait & ordonné par le conseil de Dieu en peine & chastiment de l'iniuste rebellion de nos premiers peres, ce qui appert par la sentence donnee contre le serpent, Je mettray, dit Dieu, inimitié & haine entre toy & la femme, & entre ta semence & la sienne. De cest arrest est procedee la guerre des chasseurs, à sçauoir des hommes avec les autres animaux.

Conclusion du discours de l'Agriculture & de ses adherentes. CHAP. LXXVIII.

MAIS reuenons à l'agriculture. D'icelle, de la bergerie, pêche, venerie, & fauconerie, ont escrit Hiero, Philometer, Attalus, & Archelaus Rois, Xenophon & Mago capitaines, & Oppian le poëte, & outre ceux là Cato, Varro, Plin, Columella, Virgile, Crescence, Palladius, & plusieurs autres plus modernes. Cicero pensoit qu'il n'y eust art ny exercice meilleur, plus profitable, plus doux, plaissant, ny plus digne d'un gentilhomme. Et n'ont esté en petit nombre ceux qui ont colloqué en iceluy tout l'heur & la felicité qu'on sçauroit desirer. Pource sont les laboureurs appelés

pellés bien fortunés par Virgile, & bienheureux par Horace : pour ceste raison l'oracle declaire un certain Aglaus tresheureux, lequel ayant vn petit heritage en Arcadie le labouroit, & n'en estoit onques sorti, ayant par ce moyen garenti sa vie de plusieurs maux, en se contenant sans conuoitise. Mais ces hommes miserables, qui ont fait si grand cas de l'agriculture, ne scauoient point que c'est l'effect produict du peché, & vne malediction de Dieu souuerain : Car ayant chassé l'homme du paradis, il l'enuoya aux champs, disant au preuaricateur Adam, la terre est maudite en ton labeur, tu mangeras d'icelle en ton trauail tous les iours de ta vie, elle te produira espines & chardons, & mangeras l'herbe des champs : En la sueur de ta face tu mangeras le pain iusques à ce que tu retournes en la terre de laquelle tu as esté prins. La rigueur de laquelle sentence est principalemēt esprouuee par les laboureurs & villageois, lesquels labourent à la charrue, sement, hersent, pouent, houent, fauchent, moissonnent, vendangent, paissent, tondent, chassent & peschent continuellement, & bien souuent apres plusieurs peines & labeurs la tempeste gaste les champs, & raut leur pain, le bestail meurt ou est emmené par les gens d'armes, l'un pert sa chasse, l'autre sa pesche : la femme ce pendant ploure en la maison, les enfans crient à la faim, & derechef il faut retourner au trauail, avec esperance autant incertaine qu'au parauant. Sans ceste horrible maledictiō il n'eust esté

esté besoing de cultiuer la terre par art, de mener paistre le bestail, de pescher, de chasser, de voller: Car toutes choses eussent esté produites sans peine. La terre eust abondé de toutes sortes de fruiçts d'esté & d'hyuer, les prés tousiours vestus de verdure, florissans & rendans odeurs tres souëfue. Bref la terre n'eust porté aucune poison ny herbe nuisible, ny aucun arbre sterile ou inutile: & eussent esté les couleuures & viperes exemptes de tout venim au tesmoinage de Beda: l'homme eust obtenu l'empire & la maistrise sur tous les animaux: il se fust serui des bestes les plus farouches ainsi que de cheuaux ou brebis: eust commandé aux poissons de la mer: les oiseaux fussent accourus à luy au moindre signe: & dès que l'homme fust venu sur terre, il eust esté formé parfaictement, & eust eu l'usage & exercice entier de tous ses membres, eust vescu sans besoing d'habits, de loges, ny couuert; sans tant de condiments & assaisonnements de viandes, sans medicaments, en tout heur & felicité, attendu que toutes choses luy fussent venues à souhaiçt d'elles mesmes, &, comme dit vn poëte,

L'herbe de liçt, la terre de pasture

Deuoit fournir, les vapeurs de vesture.

Mais le forfait & peché, & la sentence de mort inenitable nous ont rendus toutes choses contraires. Depuis la terre ne nous a rien produit de bon sans labour & sueur de nos corps: mais au contraire, comme si elle nous reprochoit ouuer

tement

ement que nous sommes indignes de viure, elle foisonne en herbes venimeuses & mortelles : & ne nous traictent point plus doucement les autres elements, La mer en engloutit plusieurs par cruelles tempestes, qui sont là deuorés par des monstres espouuantables : l'air nous combat par tonnerres, foudres, orages, & par pestilencieuses maladies : le ciel aussi conspire avec eux à nostre ruine & destruction. Outre plus les animaux nous font manifestement la guerre, & l'homme mesme est loup à vn autre homme: les esprits immondes pareillemēt nous assiegēt de tous costés, nous muguētās & essayās de nous attirer en mille meschancetés par diuers allechemēts pour nous perdre & precipiter aux torments à iamais perdurables du feu infernal. Lesquelles choses nous rendent certains q̄ l'agriculture & ses adherentes, à sçauoir la pasture, la pesche, & la chasse, ont succedé à la perte de choses plus grandes & meilleures, & nous ont esté donnees pour remedier aucunemēt à la sterilité de la terre, nous maintenir par nourriture quelque peu de tēps en vie sur icelle, & pour obuier ou addoucir l'iniure du tēps & de l'air froid, par les peaux & laines desquelles nous nous habillos. Encor y auroit il moins de mal en l'agriculture, & pour le besoing q̄ nous en auons en ceste miserable & calamiteuse vie, pourroit estre aucunement estimee & prisee, si elle se fust contenue es termes dessusdits, sans rechercher tant de nouuelles & monstrueuses façons de plantes & de

de desguisements & transformations d'entes & de fruiçts: & n'eust entrepris, q est pire, d'accoupler les asnes avec les iuments, & les chiennes avec les loups, pour produire des mulles & des metifs, & autres portees monstrueuses & contre nature: & d'enfermer dans des vollieres & cages les oiseaux, les poissons dans les reservoirs, les autres bestes dans des courts & prisons, leur ostant la liberte que nature leur a donnee d'user de l'air, de l'eau, & de la terre à leur plaisir: & encor n'eust enseigné de creuer les yeux à aucunes pources bestes, & les mutiler & demembrer à fin de mieux les engraisser enfermees. Dauantage quelles superfluités fournit elle de filures, tissures, teinctures, & autres artifices somptueux & mauuais pour accoustrer ou corrompre le lin, la laine, les peaux, le cotton, & autres dons qui nous viennent de la nature pour nous vestir. L'inuention desquelles choses ne nous apporte bien souuent que ruine. Ce que Pline deplore en vne seule plante, qui est le lin, lequel d'un petit grain est bien tost deuenu plante, puis d'icelle est faicte vne voile, laquelle mise au vent circuit le monde, & porte ça & là les hommes, les contraignant de perir dans les mers pour seruir de pasture aux poissons, comme s'ils n'auoyent assez de moyes de finir leurs iours sur la terre. Je me tais de plusieurs reigles & obseruations des laboureurs, des pastres, yeneurs, & fauconniers, non moins folles & ridicules, que superstitieuses & repugnantes à la loy diuine, par lesquel

desquelles ils cuident pouuoir faire escarter & destourner les orages, germer & foisonner les semences, & deschasser toutes choses nuisantes, faire fuir les loups & autres bestes sauvages, arrêter les animaux fuyards & légers, prendre les poissons & les oiseaux avec les mains, enchanter les maladies du bestail, & semblables resuetés, desquelles les excellents personnages sus mentionnés ont escrit à bon escient & avec grande crédulité.

De l'art Militaire.

CHAP. LXXIX.

MAIS laissons les laboureurs, & venons aux gens d'armes, lesquels Vegete veut estre leués & choisis d'entre les villageois, comme ceux qui sont plus propres aux trauaux de la guerre: ioint que Cato tesmoigne que d'iceux sont issus des hommes tresuaillans & hardis. L'escriture sainte tesmoigne pareillemēt que Cain, le premier qui se messa de combattre, fut agriculteur & chasseur. Ausquels exercices Ianus & Saturne les plus anciens dieux & les plus grands guerriers qui ayent esté, passerent leur vie sur la terre en guerroyant. L'art militaire n'est donques à reiecter du tout, par lequel, dit Valere, la principauté d'Italie fut acquise à l'Empire Romain, & la domination sur plusieurs grandes villes, royaumes, & puissantes nations donnée. Les destroits des mers ouuerts, & leurs bras & golphes congnus, les rempars & obstacles du mont Tau

rus surmontés , & les clostures brisées & arrachees. Scipion Africain és poësies d'Ennius se vante qu'il s'est fait voye au ciel par le sang & meurtre des ennemis : auquel Cicero consent, disant qu'Hercules y monta par le mesme chemin. L'ordonnance & discipline militaire fut, à ce que lon dit, inuention des Lacedemoniens, à raison de quoy , Hannibal ayant entrepris de passer en Italie voulut auoir vn chef & conducteur d'armee de ceste nation là. Par la guide de cest art les royaumes & empires ont esté establis , & au contraire les plus grands potentats renuersez & ruïnés par la negligence d'iceluy. Car sous le gouuernement & charge de fols & temeraires Capitaines furent ruïnées la belliqueuse Numance , la riche Corinthe , Thebes la superbe, la docte & sage Athenes, Hierusalem la saincte, & Carthage enuieuse & concurrente de la gloire & puissance Romaine , & finalement Romme mesme. Ceste science escrite de sang humain plus que ne furent onques les loix de Draco , enseigne à bien ranger vne armee en bataille, loger les esquadrons en lieux commodés & aduantageux , assaillir l'ennemi , charger, poursuyure, enuironner, ployer à droite, à gauche, entendre les signes & commandemens des chefs , & selon iceux aller au combat, s'aduançant, soustenir l'effort de l'ennemi, bien adresser ses coups , euitier ou destourner ceux de l'aduersaire, se rallier, retourner à la charge, reprendre courage, & presser de plus belle l'ennemi.

mi, se mouuoir au trot, s'aduancer au galop, envelopper, enfonser, picquer, manier, & voltiger les cheuaux, donner coups de lãce & de pique, lancer, iecter, arquebuser, assaillir l'ennemi de front, de costé, sur la queue, & en tout observer temps & lieu conuenable à charger & assaillir, & ne penser iamais à tourner le dos iusques à ce qu'il n'y aye plus d'esperance de victoire. Si l'ennemi est en route, le poursuivre de pres, tuer, prendre, desarmer, dissiper, & empêcher qu'il ne se rallie, recueillir & rallier les siens, & les ramener. Est on deffait, sçauoir les moyens de reparer & remettre sus l'armee, esguiser l'appetit des gents de guerre à se venger, & autres telles choses appartenantes au deuoir & office des capitaines & chefs d'armee. Par ce mesme art lon est instruit à dresser les armées de mer, à fortifier les villes & chasteaux, les munir de viures, & y mettre garnisons necessaires, dresser les rempars, leuees, & terrasses, creuser les fossés & tranchées, fouir les mines, fabriquer les machines & instruments de batterie, choisir la façon des armes propres & opportunes, eschequer les villes, les auictuailler, dresser des embuscches, & generalemēt vser es lieux & temps conuenables des stratagemes & ruses de la guerre. En outre la maniere d'assiéger les places, faire les approches, bracquer l'artillerie, percer les murailles, & y faire bresche, oster & renuerfer les defences & bouleuards, venir à l'assaut, mettre le feu, piller & saccager les lieux sacrés & prophanes,

A

nes,ra

nes, raser les villes, donner le gäst aux champs, fouler les loix aux pieds, violer les femmes, raver les filles, blecer, emprisonner, bannir, tuer les habitants. Bref toute ceste discipline n'est occupee en autre chose, sinon en la ruine & destruction du genre humain, & n'est son but & sa fin sinon de former & façonner des renommés destruteurs du monde, vaillans & braues meurtriers, & en somme de transformer les hommes en mœurs & façons de bestes cruelles & sauvages. Partant la guerre n'est autre chose qu'une grande boucherie, & vn brigandage de plusieurs, & les gents d'armes vrais brigands souldoyés & armés pour la ruine & euerſion de la chose publique. Dequoy peuuent servir les reigles, preceptes, & ruses de la guerre, s'il n'y a point en icelle de discipline, attendu l'incertitude de ses euenemens, & que les victoires ne sont donnees par l'art, mais par vne puissance qui est par dessus les hommes: laquelle rend vaines toutes les pouruoyances, desseings, & effects d'iceluy? Ce nonobstant le diuin Plato a fort prisé la science des armes, veut & exhorte d'y dresser les enfans & d'y employer ceux qui sont desia grandets. Et Cyrus, cest excellent Roy de Perse, disoit qu'elle n'estoit moins necessaire que l'agriculture. S. Augustin mesme, & S. Bernard, docteurs catholiques en l'eglise, l'ont approuuee en quelques endroits de leurs escrits, & les decrets des Papes ne la reprouent point, nonobstant que nostre seigneur Iesuschrist & ses apostres l'entendent

autre

autrement. Finalement bon gré mal gré iceux
les armes ont obtenu vn degre en l'eglise chre-
tienne, qui n'est pas petit, par l'institution de
tant de sectes & ordres de cheualiers & sacres
gens d'armes, toute la religion desquels gist à es-
pandre le sang, tuër & piller les hommes, & escu-
mer la mer, sous pretexte de defendre & amplier
la foy, comme si Iesuschrist eust voulu manife-
ster son euangile par armes, & non par la predi-
cation de sa parole, le faire receuoit par menas-
ses & braueries, par force de guerre, meurtres,
& carnage, plustost que par confession & marty-
re. Et ne suffit point à ces cheualiers guerroyer
contre les Turcs, Sarrafins, & payens, mais sou-
uent conduisent les armées maritimes des Chre-
tiens contre les Chrestiens. En outre la guerre
& les armes engendrent plusieurs Euesques, &
souuent a l'on veu combattre pour la Papauté,
en sorte q le Pape est entré plusieurs fois au tres-
sainct lieu non sans l'effusion de sang de ses fre-
res, comme dit ce S. Euesque Camotense: & est
cela appellé constance du martyre, si pour le sie-
ge Papal lon combat vaillamment par meurtre
& effusion de sang chrestien. Ceux qui ont escrit
de l'art militaire ont esté anciennement Xeno-
phon, Xenocrates, Onozander, Cato Censorin,
Cornelius Celsus, Higinus, Vegece, Frontin, He-
lien, & Modeste, & autres plus vieils: des nou-
ueaux Valturin, Nicolas Florentin, & Iaques
Comte de Purlilien ou de Porcia, & quelques
autres. Ces maistres de l'art militaire speculatifs

ne sont point si dangereux que ceux qui le pratiquent. Quant aux tiltres & dignités des disciples & escolliers en iceluy, & leurs degres & promotions, ce ne sont point bacheleries, licences, doctorats, & ne se trouue à present guieres à qui conuiennent les anciens tiltres d'Empereurs, Ducs, Comtes, Marquis, Cheualiers, Capitaines, Centeniers, Dixeniers, Enseignes, & autres telles marques de noblesse, nees, engédrees, & produites d'ambition ou d'outrage, mais plustost brigans, enfonseurs de portes, ravisseurs, meurtriers, larrons, sacrileges, batteurs de paue, putiers, maquereaux, bordeliers, adulteres, traistres, concussionnaires, ioueurs, blasphemateurs, empoisonneurs, parricides, boute-feux, pirates, tyrans, & semblables qualitez. Lesquelles qui voudra toutes comprendre en vn seul mot, die soldats, ou gensdarmes, c'est à dire, la bourbe & lie des plus meschans hommes & plus barbares, incités & pousés par mauuais naturel & mauuais courage à cōmettre tout excès, enuers lesquels l'audace & licence de mal faire & brigander est tenue pour liberté & dignité, qui cherchent perpetuellement occasion de nuire, & ont l'innocence en horreur plus que la mort. Ayans tous ensemble en corps le diable pour pere, duquel ils sont vrais membres, dont Iob parle ainsi, Le corps d'iceluy est couuert d'escailles comme de forts escussions fermés de seaux empraints : l'une est appliquee à l'autre tellement, que le vent n'entre point parmy icelles. Elles sont

sont coniointes l'une à l'autre, elles s'entretiennent, & ne se séparent point, ils sont pres l'un de l'autre: car à la verité ils sont assembles & coniu-
rés contrè Dieu & contre son Christ. Les mar-
ques & enseignes de la guerre ne sont point l'ha-
bit d'escarlata ou pourpre, les chaines, les
aneaux, les chappeaux, & couronnes: mais les ci-
catrices des playes receuës par deuât, & le corps
difformé par icelles. Bref c'est vn exercice con-
joinct avec la mort ou les larmes de plusieurs: la
destruction des mœurs, des loix, & de la pieté,
du tout contraire à Iesuschrist, à la vie bienheu-
reuse, à la paix, charité, innocence, & patience.
Le loyer d'iceluy est la gloire d'une noblesse ac-
quise par l'effusion du sang humain, avec l'esten-
due & accroissement des terres & limites obte-
nue par appetit enragé de posséder & de com-
mander avec la perte & damnation de plusieurs
ames. Car estant la victoire le but de toute guer-
re, nul ne peut estre victorieux s'il n'est homici-
de, nul ne peut aussi estre vaincu s'il ne perit mi-
serablemēt. La mort donques des gēts de guerre
est malheureuse, le peché leur dreslant vn mal-
heureux epitaphe: & ceux qui tuent à la guerre
sont iniques, encor que la guerre soit iuste: car
ils n'y vont point pour la iustice de la cause, mais
pour le gaing & la proye: partant sont meur-
triers à l'endroit de ceux qu'ils tuent malheureu-
sement: & s'ils en mettent à mort aucuns iuste-
ment, ces tueurs sont en cela office de bour-
reaux, & en ceste sorte acquierent le tiltre de no-
blesse.

blesse. Et comme ainsi soit que les loix sans la guerre exercent leur rigueur par peines contre les volleurs, boute-feux, ravisseurs, & meurtriers, ceux cy sous le nom de gensdarmes, & sous ombre de la guerre, sont annoblis & honorés.

De la Noblesse. CHAP. LXXX.

DE s'armes prend son origine la noblesse, j'entens ce que l'on appelle au iourd'huy gentillesse, c'est à dire ceste clarté & luitre qu'acquiert vne maison par quelque grande effusion de sang, remarquable vaillâce, & carnage faict de l'ennemi, qui est recongneue par vn salaire public, ornee & enrichie de marques & enseignes d'honneur publicquemēt. A quoy seruoient tant de sortes de courōnes entre les Rommains, ciuiles, des murs, des sieges, & nauales, tāt de dons militaires, comme brassals ou braccellerts, hampes, bardes, caparaçōs, chaines, aneaux, statues, images, & semblables choses, par lesquelles la noblesse prenoit ses commencements. A Carthage lon donnoit autant d'aneaux aux gensdarmes qu'ils s'estoyent trouués en des batailles: les Espagnols dresloyēt autant d'obelisques ou esguilles autour des sepultures des defuncts gents de guerre, qu'ils auoyent tué d'ennemis de leurs mains. Entre les Scythes banquetans ceux là seuls beuuoyent en la coupe que lon portoit autour de la table, qui auoyent occis quelcun des ennemis. En Macedoine celuy q n'auoit faict mourir aucū enne

mi portoit vn licol en signe & reproche de sa vile condition. Entre les Allemans aucun ne pouuoit prendre femme en mariage qui n'eust premierement apporté à leur Roy la teste d'un ennemi par luy occis. Et quand aucuns ont esté frustrés de l'honneur qu'ils auoyent merité en guerre pour s'estre portés vaillamment, souuēt on les a veu rebeller contre leur propre pais pour subuertir les estats & la liberté d'iceux. Dont nous auons les exemples en Coriolan, aux Gracques, en Sylla, Marius, Sertorius, Catilina, & Cesar. Si nous recherchons donques la source de ceste noblesse, nous trouuerons qu'elle a esté acquise par cruauté damnable, ou quelque notable perfidie. Si nous regardons le progres, il apperra qu'elle s'est aduancee par vn exercice mercenaire des armes, & accrue de pillages & brigandages. Mesmes si nous nous enquerons des commencemens des empires & royaumes, soudain on nous mettra deuant les yeux les impitoyables meurtres & parricides des freres & des peres, malencontreux & mortels mariages, les peres chassés de leurs royaumes par les enfans, les Rois & Princes massacrés par ceux qui leur deuoyent foy & hommage. Mais espluchons par le menu sans rien passer que c'est que de la noblesse de ce temps. A dire le vray ce n'est autre chose qu'une meschanceté robuste & renforcee, vn honneur & dignité acquis par crimes, l'heritage & la benediction des plus peruers enfans. Et qu'ainsi soit, les escritu-

res sainctes, les vieilles & nouuelles histoires des peuples & nations le nous monstrent clairement. Car ayant eu Adam son fils aîné Cain, qui fut laboureur de terre, & puis le second Abel, lequel païssoit le bestail, la nature humaine fit en eux par maniere de dire cōme vn chemin fourchu, & tint lieu Cain de la noblesse, & Abel du peuple. Et comme Cain fust homme charnel, cruel, & superbe selon la coustume, il poursuyuit Abel, qui estoit spirituel & humble, iusques à le mettre à mort. Mais la famille populaire fut restablie en Seth troisieme fils d'Adam.

Ce fut donques Cain qui premier donna commencement à la noblesse & aux armes, par le parricide de son frere, & lequel en mespris des loix naturelles & diuines vsurpa le premier domination & maistrise sur les autres, se confiant en ses propres forces, & commença à bastir des villes, establir vne royauté, opprimer & fouler par force, rapine, & seruitude les hommes creés de Dieu de condition libre, & les enfans de la famille saincte, lesquels s'estans depuis corrompus & desbauchés totalement, & faisans peu de compte du iugement de Dieu, souillés en l'ordure de tout appetit desfreiglé, engendrerent des geans, ainsi appellés par l'escriture ceux qu'ailleurs elle nomme hommes puissans & de tous temps renommés. Voila la vraye & naïue definition des nobles ou gentilshommes. Ceux là oppressoyent les pources, & s'aduançoient par brigandages, puis enorgueillis à cause de leurs richesses

richesses rendoyent leurs noms celebres, les imposans aux prouinces, villes, montaignes & riuieres, & aux mers. Le premier pere desquels fut, comme nous auons dit, Cain, homme de naturel meschant, couuant enuie & haine en son cteur, rebelle à Dieu & à ses chastiments, traistre, dissimulateur, & par la malediction diuine vagabond & fuitif, adioustant blasphemie encore par dessus sa malediction. Telles sont les belles qualités, les vertus, & prouesses, & les inclinations dont la noblesse a esté decoree & accompagnée iusques aujourdhuy, & dont le maistre ouurier fut ce premier pere des geants, lesquels nostre Seigneur racla de dessus la terre par le deluge des eaux, ne reseruant qu'un seul Noé homme iuste des descendans de Seth, avec sa famille, à sçauoir, Sem, Iaphet, & Cham: lesquels après que les eaux eurent quitté la terre, & que le monde fut réparé, suyurent les traces de leurs ancestres & anciens geants, & à leur exemple bastirent des villes, & establirent des royaumes. Parquoy l'escriture depuis Noé iusques à Abraham n'a faict aucune mention des iustes, pour autant que les hommes en cest entredeux ne s'occupèrent à autre chose qu'à bastir, former, & façonner la gentillesse, c'est à dire la robuste & forte impieté, meschanceté, confusion, & puissance armée, la violence, l'oppression, la chasse, la pompe, la superfluité, la vanité, & autres semblables marques & enseignes de noblesse, dont les enfans de Noé la parerent & or-

nerent, & firent recongnoistre. Entre lesquels Cham, pour autant qu'il fut le plus meschant de tous, & qu'il se mocqua de son pere par grande impieté, merita la premiere monarchie, & celle qui fut dominante sur tous les royaumes de la terre. Nembrot fut petit fils d'iceluy, lequel est descrit par l'escriture puissant en la terre & robuste veneur contre le Seigneur. Ce fut celuy qui edifia Babylon la grande, & donna commencement à la confusion & diuersité des langages, enseigna la maniere comme il faloit regner, reigla les degrés de noblesse, ordonna & disposa des honneurs, dignités, enseignes, & marques d'icelle. Apres ce furent establies les loix contre le peuple, les seruitudes introduites, & les exactions pratiques, les armées ordonnées, & les guerres cruellement menées & exercées. De Cham naquirent Chus, duquel sont issus les Ethiopiens & Misraim pere des Egyptiens, & Chanaam d'où sortirent les Chanaaneens, peuples pour certain nobles & renommés, mais en toute meschanceté reprouvés & maudits de Dieu. Or apres long traict de temps nostre Seigneur eslut ce saint & iuste patriarche Abraham, de la race duquel il se fit vn peuple & famille sainte, à laquelle il bailla le signe de la circoncision en tesmoignage de ce, & pour les diuiser & discerner d'avec les autres nations. Iceluy eut deux enfans, le premier bastard, engendré d'une chambriere, & le nomma Ismaël, l'autre de sa femme legitime, qu'il appella Isaac.

Ismaël

Ismaël deuint homme fier, & bon archer, puissant & noble, Prince & auteur des Ismaélites, auxquels peuples il laissa son nom à perpétuité. Dieu le benit en cela, à sçauoir en les rapines, guerres, & violences, c'est à dire ne voulut point que cela luy fust infructueux, & ainsi fut confirmée sa noblesse, disant, Sa main sera contre vn chacun, & les mains d'un chacun contre luy : si habitera à l'endroit de ses freres. Mais Isaac perséuerant en la iustice de son pere païssoit les troupeaux d'iceluy, & ayant prins Rebecca à femme engendra en icelle deux enfans, Esaü & Iacob : desquels Esaü fut haï de Dieu, homme roussseau & velu, chasseur, & grand tireur d'arc, gourmand & addonné à son ventre, tellement que pour vn potage il vendit sa primogeniture. Tant y a qu'il fut grand & puissant, Prince & pere des Idumeens, & receut l'heur & la benediction de gentillesse & noblesse en possédant vne terre grasse sur laquelle rumboit la rosée du ciel, & en maniant l'espee, & secouant le ioug & discipline, au lieu que Iacob craignant Dieu fut contraint de s'enfuir vers son oncle maternel Laban, & là mener les ouailles aux champs, & passer quatorze ans en continuelle seruitude, pour meriter les deux filles d'iceluy, lesquelles il espousa, & engendra douze enfans, & luy fut donné le nom d'Israël, lequel demeura hereditaire aux siens, qui furent appellés, Le peuple d'Israël, ou Israélites. Or eut Iacob, ainsi que nous auons dit, douze fils, à sçauoir Ruben, Simeon,

meon, Leui, Iudas, Isachar, Zabulon, Ioseph, Benjamin, Dan, Nephtali, Gad, & Affer, des nōs desquels furent intitulees les douze tribus ou lignes d'Israël. Mais Ioseph fut vendu par ses freres, & fut mené en Egypte, & là endoctriné en toute la science & sagesse des Egyptiens, & deuint interprete des songes tressçauant, & si expert és affaires & maniements du meſnage, qu'il trouua par la dexterité de son esprit des inuentions nouuelles d'acquérir biens & richesses, & accroistre les reuenus & gabelles du païs: à raison de quoy il fut trefaggreable au Roy Pharaο, & par luy establi superintendant de toute l'Egypte. Ainsi de pource esclau deuint gentilhomme, & fut annobli solennellement selon la façon & maniere lors accoustumee entre les Egyptiens: Car le Roy luy mit vn aneau au doigt, & vne chaine d'or au col, le vestit d'un manteau de pourpre, le fit monter dans vn coche, & mener publiquement avec vn officier qui alloit criant deuant luy qu'un chacun desormais luy fist honneur, ainsi qu'il estoit conuenable de faire aux nobles & aux Princes. Laquelle façon d'annoblir en tout semblable estoit aussi pratquee entre les Perſes, ainsi que nous liſons de l'annoblissement de Mardochee Hebrieu fait par Artaxerxes Roy de Perſe, en l'histoire d'Heſter. Et meſmes iuſques à present presque telles ceremonies ſont demeurees entre les Rois & Empereurs, quand il eſt queſtion d'annoblissements. Toutesſois les nobleſſes & gentileſſes ſont

font souuent acquises d'eux par aucuns à prix d'argent, par autres par maquerelages, ou pour auoir empoisonné quelcun, ou executé quelque meurtre ou parricide : & s'en trouue assez qui sont deuenus gentilshommes par trahisons, & de là ont assemblé leurs richesses, ainsi que les hystoires font foy que firent Eutycrates, Philocrates, Euphorbas, & Philagre. Vn grand nombre y paruient par flatterie, mesdisances, calomnies, & imputations. Et tant & plus sont annoblis pour auoir prostituees leurs femmes, & vendues leurs filles. Outre vne infinité qui sont receus en ce rang pour estre grands chafseurs, bons volleurs, tueurs, enchanteurs, ou ayans quelque autre meschante industrie pour se faire congnoistre & s'aduancer. Mais reuenons à Ioseph. Estant donques iceluy deuenu puissant en la cour du Roy, & ayant eu son fils aîné Manassé, il s'oublia aucunement, & luy haussa le cœur ceste sienne noblesse nouuellement aduenue, & se print à dire, Dieu m'a faict oublier tous mes trauaux, & toute la maison de mon pere : parquoy ce premier nay Manassé fut recullé par la benediction de l'ayeul, & à luy preferé le puisné Ephraïm. Et Ioseph meisme, ores qu'il fust fils de Iacob, n'eut point l'honneur de nommer de son nom aucune lignee en Israël, à cause de ceste sienne noblesse desplaisante à Dieu, mais fut donné à ses enfans Manassé & Ephraïm : des lignees desquels n'est sorti aucun prophete, & furét ceux d'entre tous leurs freres

freres qui receurēt les moindres benedictions, à sçauoir de force & vaillance & de multitude & multiplication de familles. Et habiterent les enfans d'Israël plusieurs annees en Egypte, & estoient pasteurs de bestail en la terre de Ges-sen. Estans donques creus & multipliés en grand nombre d'hommes & de peuple, ils vindrent en soupçon & hayneux aux nobles, & au Roy qui pour lors regnoit en Egypte: partant furent affligés par dures & penibles coruees & ouurages difficiles de briques, manians la terre en grande seruitude, iusques à leur tuër leurs enfans males, les iectans en la riuiera, à fin que la race d'iceux s'aneantist & perdist sur la terre. Neantmoins vn de ceux qui auoyent esté iectés pour estre submergé, estant fort bel enfant, fut sauué par la fille du Roy, laquelle le fit emporter, & l'adopta pour son fils, l'appellant Moïse, pour autant qu'il auoit esté sauué des eaux. Ce Moïse donques deuint grand en la cour de ce Roy, & fut instruiēt en toute la discipline Egyptienne, tenu & reputé ainsi qu'un Prince du sang royal, eut charge des armées de Pharaon contre les Rois d'Ethiopie, & eut à femme vne fille d'un Roy Ethiopien, dont il fut enuié & mal voulu en Egypte, & à ceste raison & autres occasions il fut contraint de s'absenter, & se retirer en la terre de Madian, là où il print querelle & debat contre certains pasteurs du pais en faueur de quelques filles autour d'un puits, & pour ce benefice merita d'en auoir vne en mariage, qui estoit

estoit fille du sacrificateur du lieu. Finalement
estant aduancé en aage & en sagesse il luy print
enuie de reuoir ses freres, & recongnoistre sa
nation & son peuple Hebrieu : partant retourna
en Egypte, & là quittant toute ceste noblesse
Egyptienne fortifié par Dieu se fit conducteur
& chef du peuple d'Israël, lequel il tira hors d'E-
gypte par diuers miracles. S'estans iceux quel-
que temps apres destournés de la crainte de
Dieu, & ayans dressé vn veau d'or, Moïse cour-
roucé print avec luy les plus vaillans des enfans
de Leui, & leur commanda, disant, Mettez vos
glaiues sur vos cuisses, & allez & venez ça & là
parmy le peuple, & tuez ceux que vous rencon-
trerez, freres, prochains, & amis : ce qu'ayans
executé il en demeura sur la place enuiron vingt-
trois mil : apres laquelle memorable tuerie il les
loua fort, disant, Vous avez cōsacré aujourd'huy
vos mains au sang vn chacun sur son fils & sur
son frere : & ainsi fut accomplie la benediction
de Iacob à Simeon & Leui, lequel les appella
vaisseaux d'iniquité guerroyans, la fureur des-
quels est maudite & obstinee, & l'indignation
dure. Ce fut le premier exploit de noblesse qui
fut faict en Israël que ceste tuerie, & le commen-
cement d'icelle entre ce peuple. Car apres cela
Moïse leur ordonna des chefs & capitaines cen-
teniers, cinquanteniers, & dixeniers, vaillans
hommes de guerre & bons combattans, selon
les lignees & familles, aux plus braues & meil-
leurs guerriers desquels, & ceux qui aduan-
çoient

coyent les autres en courage & force, il bailla la conduite, gouuernement, & iurisdiction: car ils n'auoyent aucun Roy, mais estoient regis par des Iuges, par lesquels apres la mort de Moïse Iosué fut establi chef general de tout le peuple, homme fort & puissant à la guerre, vainqueur des Rois, & sans peur ny crainte aucune. Luy decédé le peuple d'Israël fut quelque temps sans Prince, & se maintint en estat populaire: mais estans deuenus mutins & seditieux entre eux, esmeurent des guerres par lesquelles presque toute la lignee de Benjamin fut estaincte, & n'en demeurerent de reste que six cents hommes, ausquels les autres ayans iuré de ne bailler aucunes de leurs filles en mariage, on leur bailla quatre cents vierges d'entre les prisonniers de Iahes Galaad, & pour pouruoir les autres deux cents leur fut permis de raur autant de filles de Silo. Par ce moyen fut accompli la benediction de la noblesse de Benjamin, figuree comme vn loup rauissant la proye au matin, & diuisant les despouilles au soir. Apres cela ils se rengerent à l'estat Aristocratique & sous le gouuernement des plus apparens, dont Abimelech l'un d'iceux bastard de Hierobaal de la lignee de Manasses, ayant occis par solennel parricide sur vne pierre soixante freres qu'il auoit legitimes, vsurpa la royauté le premier en Sichein. Finalement le peuple desirant de viure sous l'estat royal, & demandant à Dieu vn Roy, il leur en bailla en sa fureur, mais la plus grande partie meschans, &
fort

fort peu de bons. Car estant le Seigneur courroucé, il leur declaira de quels droits vseroyent les Rois enuers eux, disant qu'ils prendroyent leurs fils & filles, & s'en seruiroyent pour cochers & boulengiers, dismeroyent leurs champs & leurs troupeaux, heritages, seruiteurs & seruantes, & tout ce qu'ils auroyent de bon, selon leur plaisir & appetits, & les departiroyent à leurs officiers & seruants, & seroit tout le peuple reduit en seruitude: & avec cela si le Roy venoit à offenser Dieu, que tout le peuple en porteroit la peine pour luy. Ainsi il leur bailla pour Roy vn ieune homme de la lignee de Benjamin, appelle Saul, homme fort & robuste, haut de taille, en sorte qu'il apparoissoir par dessus les autres depuis les espaules, & fit tumber vne frayeur sur tout le peuple pour le faire reconnoistre & reuerer comme ministre du Seigneur. Cestuy cy auant qu'il commençast à regner, estoit ainsi qu'un enfant d'un an, innocent, & debonnaire: mais apres qu'il fut installé, & eust gousté la noblesse de la Royauté, il deuint meschant & enfant du diable. Parquoy Dieu osta le sceptre de la maison de Saül, & le bailla à Dauid fils de Isai de la lignee de Iuda, lequel fut prins de la bergerie gardant les troupeaux, & establi Roy, où par la pestifere contagion de ceste noblesse il se mit incontinent à faire des excès & meschancetés, adulteres & homicides: neantmoins la misericorde de Dieu ne se destrouua point de luy. Il regna en Hebron au

B

com

commencement, pendant que Hisbofet fils de Saül regnoit outre le Iordain : en fin il obtint tout le Royaume, & fut recongnu par tout le peuple en Hierusalem. Néanmoins il ne fut point Roy paisible des Israélites : car de son viuant son fils Absalon s'empara du Royaume en Hebron. Apres que cestuy là fut occis, Siba fils de Bochri en fit tout autant. Finalement Adonias aussi fils de Dauid essaya d'occuper le siege royal : ce qui donna occasion au pere d'eslire & instituer heritier du Royaume Salomon, qu'il auoit eu de Bersabee femme adultere; lequel fut le premier monarque des Hebrieux sans contredit, & confirma son Royaume par le meurtre de son frere aîné Adonias. Se voyant paisible Roy il se destourna du droit, & s'addonna aux femmes, à la paillardise & à l'idolatrie, delaisant la loy de Dieu. Roboam son fils peruers luy succeda, pecheur, & rebelle contre Dieu, sous le regne duquel la monarchie fut diuisee en deux royaumes, & se rebellerent contre luy dix des lignees d'Israël, eslisans vn Roy, à sçauoir Hieroboam de la lignee de Dan, homme tresmeschant, lequel empoisonna toute la nation des Israélites par l'idolatrie où il amena les dix tribus sur lesquelles il regnoit, leur erigeant deux veaux d'or en Samarie, à fin que la benediction de Iacob eust lieu. Dan, dit il, sera comme le serpent aupres de la voye, & comme la couleuvre au sentier poignant les pasturons du cheual, à fin que le cheuaucheur tombe à la renuerse. Quant à la lignee de Iuda,

de Iuda, elle se maintint en l'obeïſſance des ſucceſſeurs de Dauid, ainſi qu'auoit prophetiſé Iacob en la benediſtion d'iceluy, diſant que le ſceptre ne partiroit point de la main de Iudas iuſques à ce que le Meſſias viſt. Or eſtoit ce Iudas le pire de tous les enfans de Iacob, lequel eut compagnie charnelle inceſtueuſement avec ſa bruſ, & auoit des ſils pareillement meſchans: parant il eut la prerogatiue de nobleſſe en la benediſtion que luy bailla ſon pere, & luy fut deſtiné le ſceptre & le royaume, & comparé à la force du lyō. Les Idumeens & la ville de Lobna en fin ſe retrancherent du peuple d'Iſraël, & ſe firent des Rois à part à leur volonté, ſelon que Dieu auoit prédit en la benediſtion d'Eſaü qu'il ſecourroit & reiecteroit le ioug. Or entre tous les Rois de Iuda & d'Iſraël à peine s'en pourra il trouuer quatre qui ayent eſté bons. Et pource le Royaume fut aboli, les Rois eſtaincts, & le peuple mené captif en Babylone, d'où apres pluſieurs années la miſericorde de Dieu les retira, & ramena de rechef en Hieruſalem, & illec ſe maintindrent long temps heureuſement ſous le gouuernement des ſouuerains ſacrificateurs & des notables & plus apparens de leur nation, & en eſtat populaire, iuſques à ce qu'Ariſtobule ſils d'Hyrcanus print la couronne ou bandeau royal, & reſtablit le Royaume des Iuiſs, y meſſât le parricide de ſa mere & de ſes freres, lequel dura quelque temps ſous pluſieurs Rois iuſques à tant que Archelaus vilain & insolent Roy l'ar-

resta, & luy donna fin, estant de son temps tout le pais occupé par les Rommains, & reduit en forme de prouince. Finalement Vespasian venu à l'Empire & puis Tite son fils, sous leurs regnes la nation Iudaïque fut destruite, chassée de leur pais, & esparse par tous les endroits de la terre, où ils viuent fugitifs iusques auiourdhuy. I'ay bien voulu deduire ces choses des histoires sacrees pour monstrier qu'en effect il n'y a eu dès l'origine du monde aucune noblesse qui n'aye eu meschant & malheureux commencement, voire mesmes entre le peuple de Dieu: & que la noblesse n'est autre chose qu'une gloire & vn salaire de meschanceté & iniquité exercee au dommage du public, laquelle est plus claire & illustre en celuy dont la vie est plus peruerse, & est là le loyer plus grand & abondant où il y a plus de crimes & d'exces, ainsi que respondit fort proprement le pirate Diomedes prins par les gents d'Alexandre, & amené deuant luy: le suis, dit il, accusé pour volleur & escumeur de mer, pource que ie ne cours qu'avec vn seul brigantin: mais tu es appellé Empereur pource que tu brigandes avec vne grand' flotte de plusieurs vaisseaux: si tu estois seul & prisonnier comme moy, on t'appelleroit brigand: & si i'auois l'obeissance des peuples comme toy, ie serois estimé & nommé Empereur: car quant à la cause, il n'y a aucune difference entre toy & moy, sinon que celuy est le pire qui pille plus audacieusement, qui abandone la iustice plus laschement,

& qui

& qui combat contre les loix plus ouuertement. Tu poursuis ceux que ie fuis, ceux que i'honno-
re aucunement tu les mesprises: l'iniquité de
fortune & la poureté me contraignent d'estre
larron, mais tu es poussé à brigander par orgueil
insupportable, & par insatiable conuoitise d'a-
uoir. Si ma condition s'amendoit, possible m'a-
menderois ie aussi: mais toy, tant plus l'heur te
favorisera tu en deuiendras plus mauuais. Ale-
xandre s'esmerueillant de la constance & ma-
gnanimité de ce personnage, commanda qu'il
fust enrollé entre les gents de guerre, à fin qu'il
luy fust loisible de là en auant de brigander le-
gitimement. Passans donques desormais aux
histoires des peuples & nations, monstrôs sem-
blablement par icelles qu'en effect la noblesse
n'est autre chose que mauuaistié, fureur, pillerie,
rapine, meurtre, bobans, pompes, chasse, & vio-
lence, qu'elle est en tous endroits issue de tres
meschante source, qu'elle a pire progres, & que
la fin d'icelle est presque tousiours vilaine &
honteuse. Ce que nous esclaircirôs par les qua-
tre premières monarchies tant renommées, puis
par les autres Royaumes & principautés. La pre-
miere Monarchie, qui fut dressée apres le delu-
ge, fut celle des Assyriens, à laquelle Ninus don-
na commencement, & fut le premier qui non
content de ses bornes & limites mena les ar-
mees dehors, & guerroya cruellement ses voi-
sins, poussé d'appetit desordonné de comman-
der, tant qu'il subiuga tous les peuples d'Orient,

accroissant tousiours l'estendue de son empire par cōtinuelles victoires & conquestes de pais, & nouvelles prouinces, & ainsi dompta l'Asie & la region Pontique. En fin ayant vaincu en bataille avec grande effusion de sang humain Zo-roastre Roy des Bactriens, il l'occit. Iceluy auoit à femme Semiramis, laquelle luy demanda par grace qu'il la laissast regner l'espace de cinq iours, ainsi qu'escriit Dinon l'historiē: ce qu'ayāt impetré, elle print la couronne & le manteau, & s'estant assise au siege royal commanda à ses gardes qu'ils ostassent à son mari Ninus les ornements royaux & le tuassent: ce qu'ils firent sur le champ: parquoy elle demeura en regne, & ne se contenta non plus des termes & contēue de son empire, ains adiousta à iceluy l'E-thiopie, & mena ses armées en Indie, & enuironna de fortes & excellentes murailles la ville de Babylone. En fin elle fut tuee par son fils Ninus, lequel elle auoit conceu meschamment, exposé inhumainement, & incestueusement conçu. Par ces parricides donques fut maniee la monarchie des Assyriens, & domina sur les nations iusques au regne de Sardanapalus, homme plus corrompu & effeminé que quelque femme que ce soit: & lors elle se diuisa, & fut ce Roy infame tué entre les troupeaux de ses paillardes & concubines par Arbactus gouuerneur de Mede, lequel se fit Roy, & transfera l'Empire des Assyriens aux Medois, & d'iceux fut attiré en Perse par Cyrus, où fut establie la seconde monarchie

chie par Cambyſes ſon fils, lequel baſtit la nou-
uelle Babylone, & y adiouſta pluſieurs Royau-
mes, & conſacra ſon Empire par le meurtre de
ſon frere & de ſon fils. Laquelle ayant continué
en ceſte nation iuſques à Narſes fils d'Ochus,
commença à decliner grandemét, tant qu'ayant
eſté Narſes tué par Bagoas l'Eunuque, & eſtant
Daire Perſien ſubrogé en ſon lieu, nommé au-
parauant Gademan fils de Arſanes, la monar-
chie Perſienne fut eſtainte par ſa mort, ayant
eſté vaincu & deſpouillé de ſes forces par Ale-
xandre le grand, par lequel elle paruint aux
Grecs & Macedoniens. Celuy donques qui a-
uec ſa mere adultere auoit braſſé la mort du
Roy Philippe ſon pere, donna commencement
à la troiſieme monarchie, avec l'ame chargée de
ce fameux & renommé parricide. Mais elle fut
auſſi toſt diſſipee dès qu'il fut mort. La quatri-
eme monarchie des Rommains vint après, qui
fut la plus puiffante qui aye onques eſté, mais ſi
nous l'examinons ſelon l'ordre des temps, dès
le commencement de la ville de Romme nous
trouuerons que l'origine en fut treſmeſchante,
& l'adminiſtration auoir eſté le pluſſouuent en
main de gents peruers: partant il nous faut com-
mencer vn peu auant, & dès les premiers fonda-
teurs d'icelle. La ville de Romme fut fondée &
conſtruite en Italie premierement par Romu-
lus & Remus freres iumeaux, conçus & engen-
drés inceſtueuſement d'une religieuſe Veſtale,
nourris & eſleués par vne putain. Le Royaume
d'icelle

d'icelle fut dès sa naissance souillé & corrompu par le meurtre commis par Romulus en la personne de son frere, ainsi qu'un autre Caïn. Ice-luy se vantant & souffrant d'estre appelé enfant des Dieux, ayant ramassé vne troupe de meschâs garnements, avec promesse d'assurance & impunité de tous leurs crimes, ravit les filles des Sabins, lesquelles il leur fit espouser, & d'icelles engendrerent des geants, c'est à dire ces premiers Rois & principales souches de la noblesse Romaine, redoutables à tout le monde. Ayant donques ainsi attirées frauduleusement sous pre-texte de jeux & spectacles les femmes & filles Sabines, icelles par trahison prinſes & enleuees, violemment espousees, & retenues par l'effusion de sang & la mort de leurs peres & maris, il se maintint & establit par nouveaux parricides. Car transporté d'un desir enragé d'espandre le sang de ses alliés, il tua aussi miserablement T. Tatius vieillard religieux & chef treshonorable des Sabins, lequel il auoit associé avec luy. Voyla l'origine & commencement du Royaume de Romme, lequel fut manié par des Rois trescruels l'espace de deux cents quarante trois ans, & finit sous Tarquin l'orgueilleux, à cause de la meschanceté commise contre la chasteté de Lucreſſe. Et tout ainsi que la race de Caïn perit en la septieme generation depuis luy par les eaux du deluge, ainsi les successeurs de Romulus finirent au septieme regne, & furent dechastés par tumulte populaire. Or combien que la

ville.

ville de Romme eust secoux le ioug des Rois, si ne fut elle pourtant deliuree de la tyrannie; Car estans les Rois dechassés, apres plusieurs agitations de tumultes populaires le regne tomba entre les mains des principaux & plus notables de la ville, d'ont vn certain Brutus, homme de noble famille, fut esleu le premier consul. Cestuy cy pour mieux establir vn si grand empire, voulut non seulement egaler le parricide de Romulus, mais le passer en cruauté: car il fit battre de verges en plein marché, & puis trancher la teste à deux siens enfans ieunes hommes, & à deux freres de sa femme Vitelliens.

Estant puis l'estat manié & administré par les nobles & par le peuple, & ayant par plusieurs siecles esté diuersement tyrannisé, tant par les magistrats, que mesme par les particuliers, il print coup, & s'affaissa sous l'audace de Iules Cesar, personnage qu'il seroit difficile à iuger s'il estoit plus grand guerrier que putier & corrompu d'appetit desordonné: & depuis sous Antoine pareillement esclau de toute luxure & volupté, tant qu'en fin la superintendance & totale puissance de l'Empire Romain demeura és mains d'Octavian Auguste seul: lequel donna commencement à la quatrieme Monarchie, & non sans meurtre & parricide, encores que cest Auguste fust estimé des plus benigns Princes qui ayent onques esté. Il fit mourir en premier lieu vn fils & vne fille de Cleopatra qu'elle auoit eus de Iules Cesar son oncle, par lequel il auoit esté ado-

pté à la succession de l'Empire, & institué héritier, sans auoir esgard ny au nom ny aux biens-faicts, ny au sang & alliance; ny à l'aage de ces pources enfans. Apres luy fut regie la monarchie du monde par des Nérons, Caligules, Domitians, Heliogabales, & autres monstres de cruauté & vilennie, sous lesquels l'univers fut esbrallé iusques à ce que Constantin le grand ayant mis à mort Maxence, lequel estoit haï du peuple Rommain à cause de son inhumanité & de ses paillardises, fut declairé Auguste. Cestuy cy apres auoir restabli & reparee la ville de Bylance, & icelle faicte egale à celle de Romme, l'appellant la nouuelle Romme, & en outre Constantinople de son nom, voulut qu'en icelle fust le siege des Empereurs, & transfera l'Empire Rommain aux Grecs, & pour ne degenerer de ses predecesseurs dedia & consacra la cité de Constantinople par parricides, ainsi que Romulus, & fit mourir les Licinies, pere & fils, mari & enfant de sa sœur, & y adiousta le meurtre de ses propres enfans, & de sa femme, & apres luy demeura l'Empire entre les Grecs iusques au tēps de Charles le grand, lequel obtint le tiltre & le nom d'Empereur, & fut transferee l'image de l'Empire aux Allemans. Et à tant cesserons de parler des monarchies, & rechercherons les origines & issues de quelques autres Royaumes & principautés, lesquelles nous trouuerons auoir esté autant malheureuses & d'aussi mauuais acquest, & la fin & dissipation autant vicieuse, que les

les susmentionnees. Je me passeray de raccompter les parricides de Dardanus, & en quelle maniere ayant induit les Achiues à commettre meschanceté il donna commencement au Royaume des Grecs. Je me tairay des Regnes & Empires acquis par les femmes moyennant le meurtre de leurs maris, ainsi que les histoires font mention des Amazones, mais traicteray de choses plus fraisches & approchantes de nostre aage. En Espagne regna premierement Atanaric Goth du temps de Theodose Empereur: auquel país dominoyent semblablement les Alains & Vandales: mais Suytilla Roy des Goths reduist toute l'Espagne en vne monarchie, à laquelle donna fin le Roy Roderic par la violence par luy faicte à la fille du Comte Iulien gouverneur de la Mauritanie, & perdirent les Goths la domination qu'ils auoyent en Espagne, laquelle fut occupee par les Maures & Sarrafins. Toutesfois le Roy Pelagius ayant quelque temps apres recouuré quelques villes, reestablit le Royaume, mais supprimant le nom des Goths, furent depuis appellés les Rois d'Espagne, établissant le siege & le tiltre royal à Leon, iusques au temps de Ferdinand fils de Xantes, lequel fut le premier qui s'intitula Roy de Castille, & ayant meurtri son frere Garcia adiousta à son Royaume celuy de Nauarre. Le frere desquels nommé Raymir, homme fier & belliqueux, que leur pere auoit engendré d'une concubine, fut le premier qui regna en Arragon. Quant au país de
Portu

Portugal, celuy qui y regna premierement fut Alphôle fils de Henry de Lorraine & de Tyresia fille bastarde d'Alfonse Roy de Castille, homme vaillant aux armes, lequel deffit en vne bataille cinq Rois Maures, d'où il print les cinq escussons que les Rois de Portugal portent en leurs armoiries? Cest Alphonse se monstra neantmoins cruel & de courage meurtrier enuers sa mere, pource qu'elle s'estoit remariee, & la tint en perpetuelle prison, sans qu'aucunes prieres le peussent iamais fleschir, ny les censures ecclesiastiques l'inciter à la deliurer. Bref tous ces Royaumes d'Espagne ont esté ou acquis par mauuaises pratiques, ou establis & confirmés par meschâns artifices. Le Royâume d'Angleterre a ses origines pour le plus fabuleuses, & a esté possédé par diuerses nations, comme furent les Pictes, les Escossois, Danois, & Saxons. En fin Guillaume le Normand y establit quelque forme de Monarchie paisible, laquelle il dedia à luy & aux siens par le meurtre d'Atold Roy des Saxons occidentaux son parent, & le confirma en sorte que iusques à present sa posterité y regne tousiours illustre par fameux & renommés parricides. Passons les Royaumes des Bourguignons & des Lombards, dressés l'un en France par Gondaich, l'autre en Italie par Alboyn de peuples extraicts de la plus profonde Germanie, q ont aussi esté maintenus & nourris par très cruels & perpetuels parricides. Et voyons comme le trespuissant Royaume des François a esté
erigé

erigé. Les commencements d'iceluy sont attribués à Pharamond fils du Duc ou Capitaine Merouée, lequel premier passa de Germanie és Gaules, & fut appelé Roy des François, passant tous les hommes en cruauté & inhumanité. La posterité duquel dura iusques à Childeric 3. du nom, qui fut desmis de la Royauté à cause que c'estoit vn faineant, & du tout lasche en l'administration des affaires, & au surplus addonné aux voluptés, & par sa paillardise corrompoit les femmes des grands seigneurs. Parquoy fut enclos en vn conuent de moynes, & Pepin maire du palais subrogé en son lieu, lequel asséura la couronne à luy & aux siens par trahison, & par le meurtre de Grifon son frere, & demeura en sa lignee iusques à Louïs sixieme fils de Lothaire, lequel ayât esté empoisonné par Blanche sa femme soupçonnée ou accusée d'adultere, Hugues Capet homme de la main, sanguinolent, & vaillant combattant, prisé & estimé par le peuple de Paris, à cause de ce s'empara du Royaume, ores qu'il ne fust de grande maison, ains issu selon qu'on disoit de fort bas lieu. Cestuy cy se rebellant contre Charles oncle de Louïs, vray heritier du Royaume, luy vint au deuant avec vne armee assemblee de mauuais garnements, & eut moyen de l'auoir entre ses mains par trahison, & le fit mourir prisonnier à Orleans: apres lequel meurtre malheureusement perpetré en la personne de son Prince il se fit couronner, & deuint Roy des François: la lignee duquel a
touliours

*Ceste hist
est peu cro
ble, corrom
par les h
neux de
maison de
ce.*

toufiours regné depuis iufques à prefent, & regnera iufques à ce que quelque efclau de voluptés & de paillardifes donne occafion à vn autre de l'exterminer, & faire de rechef vn changement. Ce feroit chofe trop longue de vouloir en ce lieu faire vn denombrement des origines & fources de tous les Royaumes du monde, & difcourir par toutes les hiftoires. I'ay traité ailleurs bien au long de ce que ie touche fommairement en cefl endroit, là où i'ay peincte la noblefle de toutes fes couleurs & vrais traits, & monftré qu'il n'y a onques eu Royaume ou grande principauté en ce monde, auquel on n'aye donné commencement par parricide, trahifons, perfidie, cruauté, carnage, boucherie, & telles execrables mefchancetés procedantes del'artifice & façon de la noblefle, les chefs de laquelle eftans tels, il eft aisé à congnoiftre & iuger quels doyuent eftre les autres membres de cefte befte terrible, & qu'en effect ils font tous addonnés & exercés à toute violence, rapine, & meurtre, à la venerie, à luxure, & à toute efpece d'appetit defreiglé. Si quelcun veut deuenir gentilhomme, qu'il deuienne chaffeur premierement: car ce font les principes & rudiments de noblefle: apres qu'il foit foldat mercenaire, & fe louë ou prenne folde pour tuër les hommes: c'eft vne vraye vertu de gentilhomme: & fi en cefl estat il fe monftré preux & vaillant brigand, là gift la gloire & perfection que lon peut efperer en la noblefle. Celuy qui n'eft propre à faire ces cho-

fes,

ses, achette la noblesse à beaux deniers cōptans: car elle est à vendre aussi bien. S'il n'est pecunieux, qu'il se mette à complaire & flatter les Rois & Princes, & dise tousiours ouy, ou se pousse par quelque autre meschanceté & fraude de courtisan, qu'il serue de courretier & portemessage aux principales putains de la cour, ou prostitue sa femme ou ses filles à quelque Prince, ou luy mesme trouue moyen de seruir de sa personne aux appetits des dames, ou espouse quelque putain royale, ou leurs bastardes. Voilà le souuerain degré de noblesse: car par ce moyen lon est incorporé en icelle. Ce sont là les voyes, les eschelles, les degrés les plus abbrezgez & aisés pour y paruenir: mais ceux qui sont plus genereux que les autres, & en leur rang veulent apparroistre plus nobles que les autres, se vantent d'estre descendus de certains progeniteurs qui seroyent contemptibles à vn chacun, s'ils estoient viuans, à sçauoir d'hommes d'estrange país, fugitifs & vagabonds, sans feu ny lieu, comme lon dit, comme des Troyens ou Macedoniens, ou de quelques autres meschans garnemens, couverts de vices & de crimes: & si faut nonobstant tout cela louer & magnifier leur noblesse coulante de si mauuaise source. Plusieurs estans issus de meres paillardes, couurent la honte de leur race par des fables, ainsi que nous lisons de Melusine. Tant & plus se sont annoblis par incestes, rauissements, adulteres, & semblables moyens, comme Balduin, qui fut

fut le premier Comte de Flandres , pour auoir
raui Iudith , fille de Charles le Chauue. Les
Marquis de Montferrat, de Salusses, & de Ceue
en Piedmont institués par l'Empereur Otho au
moyen du rauissement de sa fille. Car c'est la fa-
çon des Rois & des Empereurs de couvrir les
iniures qu'on leur fait par quelque benefice, &
& les coulorer de gloire & d'honneur par digni-
tés, quand ils ne les peuuent venger sans se met-
tre en danger d'accroistre leur honte. Or y a il
quatre poincts principaux en la noblesse,
esquels gist leur souueraine felicité. Premiere-
ment la rapacité par laquelle contre le droit &
equité ils prennent & possèdent tout ce qu'ils
peuuent, la volupté en second lieu qui les pous-
se à faire des insolences , & à s'addonner à toute
paillardise & excès. Pour le tiers vne liberté qui
leur donne cœur & courage de fouler les loix
aux pieds , & vser de toute violence selon qu'il
leur plaist , & pour le dernier l'ambition par la-
quelle ils s'enflent & enorgueillissent outre leur
portee , & aspirent tousiours à choses plus hau-
tes par tous moyens illicites & mauuais. Le gen-
tilhomme lors s'appellera accompli s'il est bon
chasseur , s'il est bien appris en toute piperie, &
expert en tout ieu de hazard, s'il se monstre fort
robuste à boire à grands traicts , ou à paillarder
excessiuelement: s'il est grand despérier, pompeux,
& addonné à toute superfluité & intemperance,
ennemi iuré de vertu, & qu'il aye oublié du
tout qu'il soit nay, & qu'il luy fale mourir. Et se-
ront

ront encor estimés plus nobles si ces qualités leur viennent de pere en fils, & qu'ils puissent dire qu'ils les tiennent de tels & tels grands auteurs.

Si le vicillard aux dès s'esgayé l'heritier

Bien touffu ne voudra apprendre autre mestier.

Telles sont donques les grandes & remarquables vertus des gentilshommes. Mais outre icelles ils ont certains autres artifices de gentillesse, par lesquels, ores qu'ils soyent les plus nuisans de tous les humains, ils font en sorte qu'on les tient pour les plus gents de bien & mieux doués de prudence, liberalité, pieté, iustice, tant se monstrent ils doux, benigns, affables, & enrichis de toute apparence de vertu. Ils ont des paroles succees, plus douces qu'huyle, mais cependant elles sont comme glaiues tranchans. Ils festoyent vn chacun à leur table, parlent de toutes choses, & discourent en toute liberté de la republique, & recueillans les opiniōs des vns & des autres s'en parent, & font honneur aux conseils des Rois, & des Princes, & en acquierent bruit & reputation de sagesse & prudence, & font si bien que de leur avarice leur reuiuent vn renom de liberalité, rauissans aux vns pour donner aux autres: pilleurs liberaux, prenant plaisir d'enrichir l'un en appourissans l'autre, ainsi que lon dit de Sylla: & entre ces rapines estans neantmoins tousiours souffreteux & en necessité. Ils entreprennent volontiers les querelles des pources contre les riches, faisant

C

semblant

semblant d'estre esmeus d'affection religieuse, mais à la verité c'est pour faire leur profit, & ne se monstrent secourables aux affligés, sinon tant qu'il y a à puiser dans les bourses de leurs gras & opulents aduersaires. Car ce n'est pas pitié ny bonne volonté qu'ils ont d'aider aux pources qu'ils meine, mais desir de nuire aux riches, ce qu'ils sçauent beaucoup mieux faire que profiter à personne. Et sous ce pretexte de iustice & de pieté bien souuent ils passent si auant en audacieuse licence, qu'ils entreprennent de faire publiquement la guerre aux grandes villes, & font des excès irremissibles aux autres selon les loix : desquels neantmoins eux sous le rempart de noblesse acquierent honneur & louange, & à l'exemple des anciens geans se glorifient en leurs pechés: & d'autant qu'ils n'ont rien plus à cœur que de nuire ainsi que les esprits malins, ils estiment que lors on leur est bien tenu, comme s'ils auoyent faict vn grād benefice, quand ils se sont abstenus de malfaire, tendans à se rendre redoutables à tous, & à n'estre aymés d'aucun, prenans parti avec tous les plus meschans, pillans & rançonnans ceux qui se retirent à eux, & se mettent en leur protection. En somme il n'y a espece d'hommes plus pestilentieux aux villes que ces nobles, lesquels n'aymans qu'eux mesmes, comme s'ils estoient de meilleur sang que les autres, sont perpetuellemēt enflés d'orgueil. D'iceux donna iadis vn bon conseil Aristophanes, disant qu'il ne falloit point nourrir des lions

aux villes: car quand lon y en nourrit, il leur faut complaire. Par les tyrannies d'iceux les Suisses ayans esté long temps greués, tuerent tous les gentilshômes, & nectoyèrent de leur race leurs pais. Par ceste memorable execution, ils acquirent grande renommee de vertu, & se mirent en liberté, de laquelle ils ont iouï passé sont plus de quatre cents ans, se maintiennent heureusement, & n'ont rien plus odieux entre eux que la noblesse. Autresfois il n'y auoit aucuns hômes q fussent plus au gré du peuple, ny qui fussent estimés dignes d'estre plus amplement guerdonnés, que ceux qui se hazardoyent de tuër les tyrans & leurs officiers & ministres, voire leurs enfans & autres de leur sang, ores qu'ils ne fussent coupables ny participans de leurs meschancetés. Mesmes les iureconsultes sont de ceste opinion, qu'il est quelquesfois necessaire que les innocents meurent, si le bien & vtilité publique en reçoit quelque grand aduantage, à sçauoir d'estre assuré que le tyran & sa posterité estaincte vne nouuelle tyrannie ne puisse repulluler ny ressoudre. Ainsi en vserent les Grecs à l'endroit d'Ashtanax fils d'Hector pour oster toute occasion de reuenir derechef à la guerre. Nous pouuons lire & feuilleter les historiens du temps passé, comme T. Liue, Iosephe, Egesippe, Q. Curce, Suetone, Tacite, Serene, Tranquille, & les autres, & il nous apperra que de tous temps il a esté permis de dresser embusches aux tyrans, & les deceuoir, & estimé treshonorable de les oc

cire, voire les empoisonner, ainsi qu'il fut fait à l'endroit de Tybere troisieme Empereur apres Iules Cesar, le venim, duquel il fut estaint, ayant esté estimé salutaire, & auoir donné la vie au monde, encor que tout empoisonnement aye esté tousiours detestable. Les sainctes lettres ne reprouuent point l'exécution faicte contre Holo-phernes, ny celles contre Eglon & Sifara, que Iudith, Ayoth, & Iahel tuerent: mesme Dieu a permis de se soustraire du ioug des tyrans occis pour leurs meschâcetés: & y void on tous ceux, par l'œuvre desquels le peuple a esté deliuré de l'affliction des tyrans, estre honnorés par les sainctes histoires du tiltre de ministres & seruiteurs de Dieu. Or est il à noter que la noblesse n'est point tant mauuaise par vsage & accoustumance, qu'elle l'est de nature: ce qui nous est monstré clairement par les autres animaux: car tant entre les oiseaux que les bestes à quatre pieds ceux ont la prerogatiue de noblesse qui sont les plus dommageables & d'agereux, voire mortels aux autres animaux, & principalement aux hommes, ainsi que les aigles, les vautours, faucons, espreuiers, & autres oiseaux de proye: les corbeaux, les milans, les austruches, les fabuleuses harpyes, les grifons, les Syrenes, & semblables monstres: pareillement les tigres, les lions, loups, leopards, ours, sangliers, dragons, serpens, crapaux. Entre les arbres peu sont consacrés & dédiés aux dieux, & en honneur de noblesse, sinon ceux qui sont steriles, ou le fruit desquels n'est

n'est d'aucun vſage à l'homme pour viure, comme ſont les cheſnes, les eſtres ou fayars; le laurier, le meurtre. Entre les pierres les marbres, ny celles qui ſeruent à baſtir, ny à moudre; ne ſont point les plus priſees, mais autres qui ne ſeruent à rien, & ne portent vtilité aucune à l'homme, ſont eſtimees nobles. Pareillement l'argent treſpernicieux, & l'or plus que le fer nuifant, ſont les plus dignes & plus nobles des metaux, pour leſquels il faut tant eſmouuoir de tumultes & de guerres, faire tant de meurtres; & reſpandre tant de ſang humain.

Des Herauts. CHAP. LXXXI.

A CAUSE de la nobleſſe a eſté eſtabli l'art & l'exercice des herauts, qui eſt vne philoſophie fort occupee à cenſurer, aſſigner, iüger, & diſcerner, ou blaſonner, comme ils appellent, les eſcus & armoiries des gentilshommes: Eſquelles il n'eſt pas conuenable ny licite de voir vne iument, vn veau, brebis, aigneau, chappon, poule, oye, ny autre animal peinct de ceux qui ſeruent en quelque façon ou ſont neceſſaires à la vie de l'homme: mais faut que les marques & enſeignes de la nobleſſe d'un chacun tiennent de quelque beſte cruelle rauiffante. Ainſi les Rommains portoyent l'aigle le plus rauiffant de tous les oiſeaux; les Phrygiens le porc, animal qui ne fait que dommage. Les Thraces la mort. Les anciens Goths vne ourſe. Les Alains enuahiffas l'Eſpagne portoyent

en leurs deuises vn char, beste larronneſſe & frauduleuſe. Les vieils François auoyent vn lyô, comme auſſi portoyent les Saxons : mais ſ'eſtâs depuis les François installés és Gaules ils prindrent le crapaut, & les Saxons le cheual, qui eſt animal guerrier. Les Cimbres auoyent vn taureau, enſeigne de force. Le blaſon d'Antiochus eſtoit vn aigle portant vn dragon entre ſes griphes. Celuy de Pompee vn lyon tenant vne eſpee. Attila portoit vne auſtruche couronnée. Mais les Rommains, qui auoyent receu vn ſi grand bien des oyes que de ſauuer par leur vigilance le capitolé d'eſtre prins par les Gaulois, iamais ne ſceurent pourtant eſtre induits à porter oyes pour deuſe en leurs enſeignes. Il peut eſtre qu'aucuns portent des coqs & des boues en leurs armoiries, auſſi ſont ce animaux ſuperbes & luxurieux, qui ſont des principales vertus de gentileſſe, & par meſme raiſon y eſt receu le paon, à cauſe de l'orgueil: & la huppe pour auât qu'elle a quelque enſeigne royale en ſa creſte, & ſemble porter couronne: & n'eſt point derogé à nobleſſe pourtant ſi ceſt oiseau fait ſon nid dans la fiente: car auſſi bien Veſpaſian prenoit gabelle ſur les piſſeurs, diſant que le proffit qui luy en reuenoit ne ſentoit point mal. Il ſe trouue auſſi quelques petits animaux, qui ſont admis és eſcuſſons & y ont credit & reputation, pourueu toutesfois qu'ils ayent quelque choſe de nuſible, ou denotent quelque mort & ruïne, autrement on ne ſ'en ſert point. De ce nombre ſont les connils

connils, les taupes, les grenouilles, les locustes, les rats, couleuvres, scolopendres, par lesquelles bestes, ainsi que dit Pline, ont esté quelquesfois les peuples molestés & deschassés, & les villes gastées & ruïnées. Nous pourrions par mesme raison leur accorder volontiers de porter des mouches, des cousins, & punaises, & s'ils veulent encores des rongnes & vlcères, des conflies & des pestes: car par ces choses a esté iadis l'Egypte flagellée du temps de Moïse, avec ce que c'est auioirdhuy vn signe de vraye noblesse que d'estre bien garni de rongne & de grosse verolle. Autres portēt des espees, des poignards, haches, machines, tours, forteresses, feux, & tous autres instrumēt & artifices meurtriers & destructeurs dās leurs escussions. Les foudres aux Scythes, les arcs & carquois aux Perses, & les rouës aux Coralles furent pour deuises & blasons. Les dieux aussi auoyēt les leurs: comme Iupiter le foudre, Neptune le trident, Mars la lance, Bacchus le thyrsé, Hercules la massue, & Saturne la faux. Ainsi ces enseignes & deuises de noblesse choisies par vn chacun selon ses inclinations à cruauté, rapine, violence, force, temerité, & autres dons & qualités de noblesse, en signe & tesmoignage d'icelles sont blasonnées par les herauts, césurées & iugees les vnes plus, les autres moins nobles. Mais les escus qui ne portent blasons de la sorte dessusdite, ains sont remplis de quelque chose plus priuée & plus douce & paisible signification, comme d'arbres, de fleurs,

estoyles, & choses semblables, ou portent vn caducee de Mercure, vne harpe d'Apollo, ou sont partis de couleurs seulement, sont estimés nouveaux & beaucoup moins nobles que les autres susmentionnés, pource qu'ils ne sont remarquables d'aucune deuise de force & vaillance guerriere, ou d'auoir esté acquis par aucune effusion de sang, mort, ou ruine. Et c'est merueilles quelle sagesse ces maistres herauts avec leurs cottes d'armes, astrologuent, philosophent, voire theologisent là dessus. Ils vous attribuent le noir ou sable à Saturne, & partant signifie perseverance, taciturnité, & patience. L'azur ou bleu de saphir, foy, ou bien, selon l'interpretation des François, ialousie, & l'assignent à Iupiter. Le rouge, ou de gueules ainsi qu'ils blasonnent, est marque d'ire & vengeance, à cause qu'il appartient à Mars le furieux. L'or iaune dedié au Soleil à cause du prix de son metal, & de la lueur tresclaire du soleil, denote ioye & desir. Venus est sur le pourpre & sur le verd ou sinople: le pourpre de couleur de rose signifie selon eux amour fauorable, mais les François disent que c'est signe de finesse & trahison, & le vert sans contrariété est marque d'esperance, pource que des champs verdoyans lon espere cueillir le fruit. La couleur blanche ou l'argent est attribuee à Venus, lequel estant pur & simple, mais propre à receuoir toute mixtion, signifie pureté, simplicité, propriété, ou conuenance. Toutes les autres couleurs meslees sont adiugees à Mercur-

re, lequel estant vagabond & diuers exprime par icelles aussi le cœur variable. Car le cendré approchant du noir denote angustie & difficulté. L'incarnat comme de sang repose, douleur cachee au profond du cœur ou pensée secrette. Le paillé clair ou obscur ainsi que des feuilles tumbantes, desespoir ou soupçon. Ce seroit vne longue legende si lon vouloit mettre par escrit toutes les chansons qu'ils nous disent, & tout ce qu'ils songent & tirent à leurs blasons & interpretations des humeurs & complexions & des saisons de l'annee, des mois, & des iours, des angles du monde, & des vents, des signes & planettes, des arbres, pierres, & des plantes, voire des sacrements & mysteres de l'eglise, comme ils veulent faire seruir toute l'apocalypse à leurs fables.

Voila sommairement ceste heroïque philosophie de ces heroës herauts. Dont ie cesserois de plus dire, n'estoit qu'il m'est souuenu d'auoir passé sans parler de l'origine des herauts, laquelle ie mettray icy pour accessoire à ce propos. Eneas Syluius dit q̃ le nom de heraut vient de Heros. Or estoient heroës vieux gensdarmes, auxquels seuls il appartient d'estre herauts: & de vray c'est la signification propre du vocable Allemand *Herald*, qu'un vieil soldat ou homme de guerre. Toutesfois certains hommes de basse condition & messagers de paix, ou denonciateurs de guerre, sont pourueus de ces estats au iourd'huuy. Les priuileges des herauts, & leurs

C char

charges & offices dès les plus anciens siecles durent encore à present. Leur premier auteur fut le pere Liber, lequel ayant subiugué les Indes les establit & installa en estat & charge par telles paroles, Je vous absous desormais de la guerre & de tous traux, & veux que vous soyez appellés vieux gensdarmes & heroës. L'estat & office que vous auez à exercer sera de donner conseil à la republique, reprédré les delinquans, & louer les bien versans : & n'aurez autre soing ny charge. Quelque part du monde que vous vous trāsportiez, les Rois & Princes vous eslargiront viures & vestemens, & serez entre tous des plus honorables. Les Princes vous feront des presents, & vous donneront de leurs habillements, à vos paroles sera foy adioustee, partant auez le mensonge en horreur, & condamnerez les traîtres: ceux qui outrageront les femmes seront par vous declairés infames: vous serez libres par tout le monde, & auez asséuré passage & habitation en tout païs. Si quelcun de faict ou de parole vous offense, ou ceux qui vous appartiennent, il mourra de glaive. A ces priuileges heroïques long temps apres fut adiousté par Alexandre le grand qu'ils vseroyent en leurs habillements de l'or & du pourpre ou escarlatte, & porteroient des manteaux impériaux & des armoiries, marques, & enseignes royales en quelque part de la terre qu'ils fussent: & s'ils estoient frappés ou outragés par quelcun de faict ou de parole, il y auoit peine de confi

confiscation de biens & de mort. Ainsi dit Eneas Syluius que Thucydide, Herodote, Didyme & Megasthen l'ont escript. Pour la troisieme fois Octavian Auguste apres auoir establee & ordonnee la monarchie Romaine les honnora de ceste loy, Quiconque tu sois qui as porté les armes à nostre suite l'espace de dix ans, soit à cheual soit à pied, pourueu que tu ayes atteint l'aage de quarante ans, tu seras exempt de là en auant d'aller à la guerre, & seras dit Heroë & vieil gendarme : nul ne te donnera empeschement, ains seras receu és villes, és places, és temples, maisons, & logis : nul ne t'imposera crime, charge, ny tribut. Si tu commets quelque forfait, attens la vengeance & chastiment de Cesar seul. Si quelcun fait acte qui soit deshonneste, tu seras celuy qui le iugera ou accusera, & pour tel seras reueré par les Princes & personnes priuees : nul ne t'arguera de mensonge ou fausseté en ce que tu diras ou feras : tous les chemins, lieux, & places te seront libres & ouuerts : tu auras ton viure aux tables des Princes, & te seront assignees pensions annuelles pour ton entretenement des deniers publics. La femme que tu auras legitimement espousee precedera les autres. L'homme que tu auras reprouué & declairé infame, sera pour tel tenu & estimé. Il t'est permis ô Heroë de porter nom, armes, blason, & ornements conuenables aux Rois : & t'est licite, quelque part ou entre quelque nation où tu sois, de faire & dire tout ce qu'il te plaira. Si
quel

quelcun te fait iniuré, sa teste l'amendera. Finalement Charlemagne, estant le nom de l'Empire transporté en Allemagne, & apres qu'il eut subiugué les Saxons & Lombards, estant appelé Cesar & Auguste honnora les Heroës des priuileges suyans : Mes gendarmes vous serez appellés par cy apres Heroës, cōpagnons des Rois, & Iuges des forfaitcs. Viuez desormais exempts de trauail, seruez de conseil aux Rois pour la republique, corrigez les faicts deshonnestes, portez aide & faueur aux femmes & aux pupilles, & assistez au conseil des Princes, demandez leur viures, vestements, gages, & pensions. Si quelcun le vous refuse, qu'il soit estimé infame. Si quelcun vous fait outrage, qu'il sçache d'estre coupable enuers la maiesté. De vostre part gardez qu'un si grand honneur & si beau priuilege acquis par les trauaux d'une iuste guerre, ne soit fouillé par iurongneries, bastelleries, ou autre vice quelconque, de peur que ce que nous vous ottroyōs pour vous honnorer, ne vous redonde à honte & chastiment, lequel neantmoins en cas de forfaiture nous reseruons à nous & à nos successeurs Rois des Rommains. Voyla doncques quelle est la magnificence des herauts, & quelles sont leurs prerogatiues anciennes, selon les coustumes de tous temps, par lesquelles ils s'estiment grands, leur estant permis de mesdire mesme des plus grands librement & sans crainte de peine.

De la

De la Medecine en general. CHAP. LXXXII.

MAIS laissant la gendarmerie & la noblesse, traitons de la Medecine, qui est pareillement vn art de meurtres & d'homicides, & totalement mechanique, encor qu'elle presume de passer sous le tiltre de la philosophie, qu'elle se veuille hausser par dessus la iurisprudence, & brigue le prochain degre à la Theologie, d'où s'est esmeuë grand' noise entre les Medecins & Iuriconsultes. L'argument des Medecins est tel: Comme ainsi soit qu'il y aye trois sortes de biens consecutifs & par ordre, à sçauoir de l'esprit, du corps, & ceux que lon attribue à Fortune: le Theologien a soing & cure des premiers, le Medecin des seconds, & le Iuriconsulte des troisiemes: parquoy le rang du milieu appartient au Medecin sur le Iuriconsulte, entant que la santé & bonne disposition du corps est à preferer aux richesses & biens externes. Mais ce proces fut vuydé par vn certain Iuge par interrogation des parties & sur leur responce: car il leur demanda quelle estoit la coustume de mener les delinquans au supplice, & en quel ordre marchoyent le larron & le bourreau. Eux respondans que le larron alloit deuant, & que le bourreau suyuoit: il fonda là dessus sa sentence, & dit que les legistes donques precedent, & les Medecins suyuent, voulant noter les grands larcins des vns, & les temerares homicides des autres. Mais reuenons à la medecine. Il y a quelques
here

heresies ou sectes diuerses d'icelle: car vne espece de medecine est appellee rationale ou sophistique ou dogmatique, suyue par Hippocras, Diocles, Chrysippe, Caristin, Praxagoras, & Herosistrate, laquelle Galien venu long temps apres eux a approuuee, & luy sur tous autres ensuyuant Hippocrates a reduite la medecine en la congnoissance des causes, à sçauoir bien remarquer les signes, les qualitez des choses, & l'habitude & diuerse complexion, estat, & disposition des corps, & les degrés. Mais pourautant que ceste secte s'amuse plus apres les vocables & paroles qu'aux choses mesmes, encor qu'il faloit confesser que c'est vne des meilleurs parties de la naturelle philosophie, est neantmoins mal propre à la medecine, & possible pernicieuse, attendu qu'elle renuoye les hommes qui ont besoin de santé à certaines disputes ambiguës & sophisteries plustost qu'aux vrais & salutaires remedes, par lesquels les maladies peuuent estre gueries, & s'addonnant du tout aux disputes des escholes, ne sçait que c'est des bois, des deserts, ny des iardins, & n'a aucune congnoissance ou pratique des simples ny de la medecine. Parquoy Serapion a conseilé que ceste espece de medecine n'est celle qui donne les remedes ou guerison des maux. Il y en a puis vne autre façon, qui est du tout mechanique & mercenaire, laquelle a donné le nom à l'art des Medecins, & le retient encor auourd'hui: c'est l'actiue ou operatrice, laquelle est diuisee en deux autres especes,

especes, à sçauoir l'Empirique & Methodique, & de ceste cy sera nostre propos. L'Empirique est ainsi appelée à raison des experiences, dont les principaux professeurs ont esté Serapion, Heraclides, & les deux Apolloines, qui depuis furent enluyuis par quelques Latins, comme M. Cato, C. Valgius, Pomp. Letus, Cassius Felix, Arontius, Cornelius Celsus, Pline, & plusieurs autres: & de ceste Empirique a esté construite puis apres la Methodique par Hierophile Carcedonien, reduisant à certaines reigles la longue & souuent reïteree experience qui est la maïstresse des choses: & consecutiuelement icelles reigles ont esté establies & confirmees par bonnes & fortes preuues de raisons & arguments par Asclepiades, Temision, & Archigenes. Mais Theophile Italien la reduist à perfection, lequel, ainsi que Varro racompte, cassa toutes les opinions de ceux qui auoyent esté deuant luy, & poullé d'un appetit enragé, dit tout ce qu'on sçauoit dire contre les medecins des siecles precedents. Apres ceux là plusieurs philosophes barbares des autres nations ont escrit de la medecine: entre lesquels la gloire des Arabes a esté si grande, que plusieurs ont estimé qu'ils auoyent esté inuenteurs d'icelle: ce qu'ils eussent facilement peu obtenir, n'estoit que les noms & vocables dont ils ont vsé, tirés des Grecs & des Latins, monstrent que de faict l'origine de cest art est d'ailleurs. Parquoy les liures d'Auicenne, Rhasis, & Auerroïs sont en mesme autorité que ceux

ceux d'Hippocrates & Galien, & ont acquis telle foy que les Medecins qui presument donner des remedes sans la guide d'iceux sont estimés publiques destructeurs de la santé des hommes. Or combien que les sectes & factions des medecins soyent peu en nombre, si est ce qu'il y a aussi grande contrariété d'opinions entre eux qu'entre les philosophes. Comme en ce qu'ils debattent du sperme ou semence generatiue avec leurs raisons sottises & arguments de vieilles: car Pythagoras disoit que c'estoit l'escume du sang le plus pur, & l'excrement de la plus pure & vtile nourriture. Plato que c'est vne humeur coulante de l'espine du dos & de la moëlle d'icelle, pour autant qu'à ceux qui vsent trop souvent de la compagnie des femmes le dos & les reins deulent. Alcmeon que c'est vne portion de la ceruelle, pource aussi que les yeux sont mal à ceux qui sont excessifs en cest acte, attendu que l'œil est partie du cerueau. Democrite dit qu'elle procede de toutes les parties du corps humain, & Epicurus qu'elle est esprainte du corps & de l'ame. Mais Aristote enseigne que c'est l'excrement du sang nourrissant, & de la derniere digestiō d'iceluy par les membres. Les autres ont opinion que c'est du sang cuit & blanchi dans les genitoires par la chaleur d'iceux, fondés sur ceste seule raison, que ceux qui sont trop aspres à l'œuvre de Venus au lieu de semence iectent gouttes de sang pur. En outre Aristote & Democrite afferment que la semence de/

ce de la femme ne sert de rien à la generation, & nient qu'elles ayent germe aucun, ains seulement iectent vne certaine sueur peculièrè: Mais Gallien soutient que les femmes iectent semence, imparfaicte toutesfois, & que tant celle de la femme que celle de l'homme ensemble forment le fruit. Au surplus Aristote veut que les corps des animaux soyent engendrés proprement de sang, & d'iceluy immediatement nourris, & que le sperme a sa generation du sang. Or Hippocrates au cōtraire dit que les corps des animaux sont premierement assemblés & comme caillés des quatre humeurs, & entre les Arabes plusieurs ont eu opinion que les animaux qu'on appelle parfaicts, peuuent estre engendrés sans l'accouplement & mixtion du mâle & de la femelle, & produits sans semence, & partant croyoyent que les matrices ne sont necessaires sinon par accident. Quant aux causes originelles des maladies, Hippocrates dit qu'elles procedent de ventosités, ou d'esprit ou chaleur naturelle. Hierophile des humeurs. Erasistratus du sang contenu es arteres. Asclepiades des atomes, & songe que ces petits corps entrent dans ceux des animaux par les pores, & causent les infirmités. Alcmeon dit qu'elles viennent de l'exces ou defaut des forces & facultés corporelles. Diocles de l'inegalité des elements corporels, & de l'air humé & respiré. Strato pense que toutes les maladies sont engendrees par superfluités de viandes, crudités & corruption d'icelles

D seule

seulement. Ils ne sont nō plus d'accord du changement de la viande. Car Hippocrates, Gallien, & Auicenne afferment que ce que nous mangeons se cuit en l'estomach par la chaleur. Erasistrate dit que cela se fait au ventre. Plistonius & Praxagoras disent qu'elle ne se cuit pas tant seulement, mais qu'elle s'y pourrit. Et Auicenne avec ses expositeurs Gentil & Iaques de Forli ont opinion que l'excrement & fiente se fait dans l'estomach, en quoy ils errēt grandement. Mais Asclepiades & ses imitateurs soustiennent que les viandes ne sont point cuites en l'estomach, mais qu'il les distribue par toutes les parties du corps toutes crues : lesquels tiennent pour superflus & vaines toutes les opinions & enseignements de leurs deuanciers. Je passe les iugements par les vrines mal congnus iusques à present par eux, & les differences des poux qu'ils n'ont encores sceu comprendre. Hippocrates mesme, qui est reputé pour Dieu de la medecine entre eux, n'a point tant contredit aux autres, que lourdement failli en plusieurs endroits. Car au liure de la nature de l'enfant il dit que l'oiseau est engendré du iaune de l'œuf, & qu'il se nourrit, renforce, & prend accroissement du blanc. Ce qu'Aristote preuue estre faux au liure des animaux, & en celuy de la generation d'iceux, disputant contre Alcmeon, qui estoit de l'opinion d'Hippocras, & conclud que l'origine du poulet est au blanc, & qu'il se nourrit par le nombril du iaune de l'œuf, à quoy s'accorde

corde Pline disant, L'animal prend la forme de son corps par le blanc & glaire de l'œuf, & sa nourriture du jaune ou moyen d'iceluy. N'y a il pas euidēte fausseté en l'aphorisme d'Hippocras qui dit que la femme n'est point molestee de gouttes, sinon apres que ses mois luy ont de-failli? car lon void au cōtraire beaucoup de femmes goutteuses qui ne laissent d'auoir leurs purgations menstrees.

De la Medecine operatrice. CHAP. LXXXIII.

QUOY TOUTE la medecine operatrice n'est bastie sur autre fondement que des experiences fautines & tromperesses, ny appuyee ou fortificee que sur vne debile credulité des malades, & n'est moins venimeuse que salutaire: de sorte que bien souuent & presque tousiours il y a plus de danger des remedes & du medecin, que des maladies mesmes: ce que les Princes de l'art ne font difficulté de confesser librement eux mesmes. L'art est longue, dit Hippocrates, & l'experience tromperesse: & Auicenne, qui dit que la foy & l'esperance du malade enuers le medecin & la medecine luy proffissent souuent plus que ne font ny le medecin ny la medecine. Gallien aussi dit qu'il est bien difficile de trouuer vn médicament qui porte grand proffit, lequel ne donne aussi nuisance en quelque sorte. Quelque autre de leur troupe dit pareillemēt, que la congnoissance de la medecine est à la verité belle & de-

lectable comme de tout autre sçauoir reduict en reigles & art : mais que l'operation d'icelle est casuelle & à l'aduenture. Que les malades donques considerent l'heur qu'ils ont en cest endroit par la medecine, & quelle foy ils doyuent adiouter aux experiences & aux cas fortuits. Mais il y a tant de douceur à bien esperer pour soy mesme (dit Pline) & y trouue vn chacun tel appetit, que lon croit aussi tost à quiconque se vante d'estre medecin, nonobstant que le mensonge en ce regard soit dangereux plus qu'en chose du monde. C'est pour autant que bien souuent lon cherche santé là où la mort est cachee, & que le medecin ne prend credit ny reputation sinon que par le bon rapport qu'en fait l'apothicaire participant au butin, les garçons & seruiteurs duquel corrompus moyennant quelque piece d'argent ainsi que maquereaux seruent à ceste tragedie, louant & extollant au poure malade par dessus tous les autres le Medecin avec lequel ils s'entendent. Ce qui donne aussi grand renom à vn medecin, est de se monstrier vestu d'une ample & pompeuse robe, avec force gros hyacinthes aux doigts, & s'il est venu de loingtain pais, ou qu'il soit Iuif, ou Maran, ou d'autre religiō estrange, & avec ce pourueu d'une audace effrontee de mentir assurement, & se vanter d'auoir des remedes rares & singuliers : cela, dis-ie, luy donne grande autorité, le rend recommandable au possible, & fait qu'un chacun luy adioust foy, comme aussi ce luy se

luy sera tenu pour sçauant que lon verra obstiné en ses opinions, & auoir tousiours en la bouche quelques mots à demy grecs & à demy barbares, & nommer souuent plusieurs de leurs auteurs. Ainsi préparés & garnis se iettent en place avec vne grauité comme de plomb, mais audacieux plus que gensdarmes: & prattiquent la medecine en telle hypocrisie: Premièrement ils visitent le malade, regardent l'urine, tastent le poulx, veulent voir la langue, manient les costés, remuent les excrements, s'enquerans de la maniere de viure, & d'autres choses plus secretes, & comme si par ces mines ils pesoyent les elements & les humeurs ainsi qu'en vne balance, ils causent là dessus magnifiquement. Apres avec grande parade ils ordonnent les medicaments, recipe des pillules, faites ouurir la veine, prenez des clysteres, des pessaires, onctions, cataplasmes, loochs, masticatoires, gargarismes, sachets, parfums, condits, syrops, eaux, antidotes, & confections theriacales. Et si la maladie est aucunement legere & le malade delicat, ils inuenteront des mignardises, & commanderont avec grande maistrise toutes choses qu'ils penseront estre plaisantes & agreables aux femmes ou aux hommes effeminés: ils feront faire des lits branlans & suspendus en l'air, ou vne fontaine faisant distiller de l'eau goutte à goutte dans vn bassin pour l'inuiter à sommeil: ils luy feront vser de frottements, estuuements, fomentations, ventoses, ou cornets pour diminuer &

disgreger le mal : ils le remettrent & conforteront par bains & par l'usage des plus delicates viandes, luy feront changer d'air, & à fin de le rendre plus admirables, & d'acquérir plus de credit & d'autorité, ils obserueront les heures, vseront de liaisons & suspensions physiques, & ne donneront potion ny remede sinon par les Ephemerides, reigles, & limitations mathematiques. En outre ils voudront maistriser les apothicaires, feront apporter deuant eux les drogues, les voudront voir dispenser, faisans semblant de congnoistre celles qui sont meilleures, nonobstant que le plus souuent ils n'y entendent rien du tout, & ne scauroyent auoir congnu les vrayes d'avec les falsifiees & sophistiquées, n'estans scauans que des noms & vocables, ignorans totalement les choses. Mais si le malade est riche ou personne de grande autorité, alors ils essayent de prolonger la maladie tant qu'ils peuuent pour le profit qu'ils en pensent tirer, & pour la renommee qu'ils esperent en acquérir : & ores qu'ils puissent remedier à son mal par vn seul medicament, ils ne le veulent restituer que peu à peu, & bien souuent de propos delibere irriteront le mal en sorte, qu'auant que venir aux vrais & necessaires remedes ils mettront le malade en extreme danger de perdre la vie, à fin que s'il en eschappe lon dise qu'ils ont fait vne excellēte cure, l'ont deliuré d'une tresgriue & dangereuse maladie. Et s'il aduient que quelcun tombe entre leurs mains, detenu de

de maladie difficile & dangereuse, & qu'ils iugent l'euement d'icelle douteux, voicy les stratagemes dont ils vsent: ils viennent avec vn visage austere & refroigné, ordonnent & limitent la maniere des viandes, veulent que lon vse de choses non accoustumees, defendent les ordinaires, ne trouuent bon rien de ce que lon fait au malade, reiectent ce qu'on luy presente, le menassent de mort, promettent toutesfois de le guerir, mais demandent grands salaires. S'ils doutent de la fin de la maladie, ils demandent des compagnons, & veulent consulter à fin de proceder aux remedes en plus grande assurance, ou plustost à fin de tuer le patient plus cautelement & avec moins de blasme, de peur que quelque autre estant appellé qui le guerisse seul, eux perdent leur gaing, leur renommee, & louange. S'il suruiuent au malade quelque accident, ou que inopinement ils le tuent par lourde ignorance, ils s'excuserôt sur vne fluxion ou catharre qui l'aura suffoqué, ou autre telle dangereuse, soudaine, & irremediable aduenture, accuseront le malade de n'auoir voulu obeir au medecin, & ceux qui le seruoient de negligence, ou les autres medecins appellés, ou bien reiecteront la faute sur l'apothicaire: & par ce moyen font en sorte qu'aucun malade ne meurt que par sa propre coulpe, & que nul ne guerit que par l'œuvre & benefice du medecin. Or nous sera il aisé à prouuer que les medecins sont la pluspart mauuais par le propre tesmoignage d'eux.

Pierre d'Appon, dit le conciliateur, escrit que l'art de médecine est attribué à Mars, qui est le plus odieux de tous les planettes, auteur de toute ingratitude, debat, & iniquités, & maître de la guerre & des armes: Partant que les medecins sont le plus souuent gents de mauuaises mœurs, tant à cause de l'influxion de Mars & du Scorpion, que pour autant qu'ils sont extraicts, dit il, d'une souche vile & infructueuse: & puis apres estans engraislés ils s'enflent d'orgueil & deuiennent iniurieux. C'est le rapport de cestuy là, possible fondé sur l'exemple d'Esculapius, que lon dit auoir esté le premier inuenteur de la medecine, engendré de l'entendement de Iupiter, & introduit au monde & en la terre par la voye du Soleil, ainsi que recitét les anciennes fables. Mais Celsus dit qu'il estoit homme, lequel fut canonisé & mis au nombre des Dieux apres sa mort. Plusieurs autres afferment que c'estoit vn fils de putan incestueusement nay d'une certaine femme nommée Coronis, belle & de bonne grace, qui souuent se faisoit embrasser par les prestres d'Apollo, adulterant avec eux dans le Temple. Lesquels firent à croire au peuple qu'il auoit esté engendré par le Dieu Apollo. Mais tous s'accordent en cela, que ce Dieu fut si meschant que pour reprimer ses meschancetés il salut que Iupiter foudroyast sur luy. D'iceluy escrit Lactance à l'Empereur Constantin, Esculapius, dit il, engendré par Apollo non sans crime & peché, qu'a il faiët qui soit digne des honneurs

neurs diuins autre chose, que d'auoir gueri Hippolyte? Sa mort pour certain a esté tant plus illustre en ce qu'il merita estre foudroyé de Dieu. Voyla ce qu'il en dit.

Et à la verité les medecins sont les plus meschâs d'entre tous les humains, tres discordans, tres enuieux, & tres mensongers. Ils sont si mal d'accord entre eux, q̄ lon n'en sçauoit trouuer vn qui approuue sans exception, addition, ou changement les medicaments ordonnés par vn autre: ains les repréd, en mesdit, & s'en mocque, à fin de paroistre d'estre quelque chose de meilleur, & de peur qu'il ne soit moins prisé s'il ne retranche de l'ordonnance salutaire d'autrui, ou adiouste quelque drogue là où il n'y en aura desia que trop. Parquoy l'enuie & la discorde des medecins est mise en prouerbe: car de ce que l'un trouue bon l'autre se rid, & n'ont rien de certain en eux, ains toutes leurs promesses sont bourdes passageres. & pures méteries, & pource on dit communement en plusieurs lieux quand on veut signifier quelque grád bailleur de bayes & menteur insigne, qu'il ment comme vn medecin, ce qu'aucuns, voulans vn peu reuerer les medecins, destournent, & disent, il ment comme vn arracheur de dents. Bref le plus grand chef d'œuure de leur art & sçauoir est de trouuer quelque nouuelle inuention pour faire que les bonnes reigles & preceptes des anciens soyent mesprisees & delaissees, & comme si l'excellence d'un art ou science gisoit à ne la communiquer

pothecaires, feront apporter deuant eux les dro-
gues, les voudront voir dispenser, faisans sem-
blant de congnoistre celles qui sont meilleures,
nonobstant que le plus souuent ils n'y enten-
dent rien du tout, & ne sçauroyent auoir con-
gnu les vrayes d'avec les falsifiees & sophisti-
quees, n'estans sçauans que des noms & voca-
bles, ignorans totalement les choses. Mais si le
malade est riche ou personne de grande autori-
té, alors ils essayent de prolonger la maladie tant
qu'ils peuuent pour le profit qu'ils en pensent
tirer, & pour la renommee qu'ils esperent en ac-
querir: & ores qu'ils puissent remedier à son
mal par vn seul medicament, ils ne le veulent re-
stituer que peu à peu, & bien souuent de propos
delibere irritent le mal en sorte, qu'auant que
venir aux vrais & necessaires remedes ils met-
tront le malade en extreme danger de perdre la
vie, à fin que s'il en eschappe lon dise qu'ils ont
faict vne excellēte cure, l'ont deliuré d'une tres-
griue & dangereuse maladie. Et s'il aduient
que quelcun tombe entre leurs mains, detenu
de

se menant de mort, promettent toutesfois de
le guerir, mais demandent grands salaires. S'ils
doutent de la fin de la maladie, ils demandent
des compagnons, & veulent consulter à fin de
proceder aux remedes en plus grande asseuran-
ce, ou plustost à fin de tuer le patient plus cau-
rement & avec moins de blasme, de peur que
quelque autre estant appelé qui le guerisse seul,
eux perdent leur gaing, leur renommee, & lou-
ange. S'il suruiuent au malade quelque accident,
ou que inopinement ils le tuent par lourde igno-
rance, ils s'excuseront sur vne fluxion ou cathar-
re qui l'aura suffoqué, ou autre telle dangereuse,
soudaine, & irremediable aduenture, accuseront
le malade de n'auoir voulu obeir au medecin,
& ceux qui le seruoyent de negligence, ou les
autres medecins appelés, ou bien reiecteront
la faute sur l'apothicaire : & par ce moyen font
en sorte qu'aucun malade ne meurt que par sa
propre coulpe, & que nul ne guerit que par l'œu-
re & benefice du medecin. Or nous sera il aisé
à prouuer que les medecins sont la pluspart
mauuais par le propre tesmoignage d'iceux.

Pierre d'Appon, dit le conciliateur, escrit que l'art de medecine est attribué à Mars, qui est le plus odieux de tous les planettes, auteur de toute ingratitude, debat, & iniquités, & maistre de la guerre & des armes : Partant que les medecins sont le plus souuent gents de mauuaises mœurs, tant à cause de l'influxion de Mars & du Scorpion, que pour autant qu'ils sont extraicts, dit il, d'une souche vile & infructueuse : & puis apres estans engraislés ils s'enflent d'orgueil & deuiennent iniurieux. C'est le rapport de cestuy là, possible fondé sur l'exemple d'Esculapius, que lon dit auoir esté le premier inuenteur de la medecine, engendré de l'entendement de Iupiter, & introduit au monde & en la terre par la voye du Soleil, ainsi que recitét les anciennes fables. Mais Celsus dit qu'il estoit homme, lequel fut canonisé & mis au nombre des Dieux apres sa mort. Plusieurs autres afferment que c'estoit vn fils de putain incestueusement nay d'une certaine femme nommée Coronis, belle & de bonne grace, qui souuent se faisoit embrasser par les prestres d'Apollo, adulterant avec eux dans le Temple. Lesquels firent à croire au peuple qu'il auoit esté engendré par le Dieu Apollo. Mais tous s'accordent en cela, que ce Dieu fut si meschant que pour reprimer ses meschancetés il salut que Iupiter foudroyast sur luy. D'iceluy escrit Lactance à l'Empereur Constantin, Esculapius, dit il, engendré par Apollo non sans crime & peché, qu'a il faiët qui soit digne des honneurs

neurs diuins autre chose, que d'auoir gueri Hippolyte? Sa mort pour certain a esté tant plus illustre en ce qu'il merita estre foudroyé de Dieu. Voila ce qu'il en dit.

Et à la verité les medecins sont les plus meschâs d'entre tous les humains, tres discordans, tres enuieux, & tres mensongers. Ils sont si mal d'accord entre eux, q̄ lon n'en sçauoit trouuer vn qui approuue sans exception, addition, ou changement les medicaments ordonnés par vn autre: ains les repréd, en mesdit, & s'en mocque, à fin de paroistre d'estre quelque chose de meilleur, & de peur qu'il ne soit moins prisé s'il ne retranche de l'ordonnance salutaire d'autrui, ou adiousté quelque drogue là où il n'y en aura desia que trop. Parquoy l'enuie & la discorde des medecins est mise en prouerbe: car de ce que l'un trouue bon l'autre se rid, & n'ont rien de certain en eux, ains toutes leurs promesses sont bourdes passageres. & pures méteries, & pource on dit communement en plusieurs lieux quand on veut signifier quelque grād bailleur de bayes & menteur insigne, qu'il ment comme vn medecin, ce qu'aucuns, voulans vn peu reuerer les medecins, destournent, & disent, il ment comme vn arracheur de dents. Bref le plus grand chef d'œuure de leur art & sçauoir est de trouuer quelque nouuelle inuention pour faire que les bonnes reigles & preceptes des anciens soyent mesprisees & delaissees, & comme si l'excellence d'un art ou science gisoit à ne la communiquer

ou ne l'enseigner à personne. S'ils sçauent quelque peu de chose ils la cachent, & ne la veulent monstrer à aucun, & portent enuie à la vie des hommes, estans enuieux contre autrui des biens qui ne sont pas à eux. Outre ce ils sont pour la pluspart superstitieux, arrogans, de mauuaise conscience, superbes, & auares, & ont continuellement ces mots en la bouche, Pren ce pendant qu'il se deult, faisant en sorte que celuy qui est sain se deule s'ils voyent qu'ils y ayent profit. Ainsi que nous lisons que faisoit leur Conciliateur Pierre d'Appon, lequel estant professeur en medecine en l'Vniuersité de Bolongne, se monstroït si arrogant & si auare, que si on le demandoit pour voir quelque malade hors la ville, il n'y vouloit aller à moins de cinquante escus par iour: & estant appelé quelquefois pour visiter le Pape Honore lors viuant, il voulut faire marché à quatre cents escus par chacun iour. Pindare dit qu'Esculapius pere de la medecine fut foudroyé par Iupiter pour son vice d'auarice, à cause qu'il auoit exercé la medecine nuisiblement & au dommage du public. Mais s'il aduient d'auenture que le malade par son bon heur eschappe entre leurs mains, vous verrez vn battement de mains insupportable en signe de resiouissance. Lon ne pourra assez prescher la gloire ou louange d'un si grand miracle. Ils racompteront par tout qu'ils ont resuscité le Lazare de mort à vie, que ce malade leur doit sa vie, qu'ils l'ont arraché des mains de la mort, attribuant à eux ce qui

appar

appartient au seul Dieu , & diront qu'on ne les
 içauroit suffisamment payer. Il s'en est trouué au
 cuns si temeraires , qui ont souffert que lon les
 adorast comme Dieux, ainsi que Menecrates Sy-
 raculain , lequel escriuit certain iour à Agefilaus
 Roy de Sparte en tels termes, Menecrates Iupi-
 ter au Roy Agefilaus salut: mais Agefilaus se mo-
 quant de sa sottise, luy rescriuit, Agefilaus à Me-
 necrates santé, ou bõ sens. Si le malade est si peu
 heureux qu'il expire entre les mains des mede-
 cins, ce qui aduient le plus souuent, ils se deschar-
 gēt sur le defect de nature, & sur la malignité du
 mal, ou encoulpēt la desobeissance du malade, &
 disent que les remedes de leur art ne s'estendēt
 point iusques à ce secret de nature exerçant sa ri-
 gueur : qu'ils sont medecins , & non pas dieux:
 qu'ils peuuent bien guerir les guerissables, mais
 non pas redresser ceux qui meurent : & en som-
 me qu'ils ne sont redeuables enuers les malades
 que de l'experience ou essay:& ainsi mesmes es
 sinistres euenements ils se monstrent orgueil-
 leux, brauent & notent les defuncts d'intempe-
 rance, & avec ce veulent estre payés de ce qu'ils
 les ont tués avec leurs potions medecinales, sans
 lesquelles ils eussent vescu : & ainsi despouillent
 les malades de santé, de vie, de renommee & d'ar-
 gent tout ensemble , sans que la conscience les
 remorde, tant pource que leurs erreurs sont aus-
 si tost enseuelies & couuertes de terre, ainsi que
 dit Socrates , qu'aussi pour autant que la region
 des morts n'a nulle voye de retour: par tant font
 asseu

assurez que ceux qu'ils ont deceus par vaines
 paroles, & enuoyés sous terre auant le temps, ne
 reuiendront point intenter action contre eux
 de les auoir occis, ny repeter les deniers qu'ils
 leur ont tirés de la bourse. Les medecins sont
 outre ce que dit est presque la pluspart conta-
 gieux, tousiours sentans le pissat & la fiente, voi-
 re plus sales que les sages femmes, ayans tous les
 sens infectés : car de leurs yeux ils regardent les
 choses les plus ordes & vilaines qui soyent, les
 rocts & les pers des malades donnent dans leurs
 oreilles & dans leurs nez, & avec ce les puantes
 odeurs de l'air infecté, de l'haleine, crasses, & au-
 tres ordures des malades. Ils font quelquesfois
 l'essay avec les leures & la langue des potions
 noires & mortelles : avec les mains ils fouillent
 & remuent les excrements : leurs phantasies iour
 & nuict leur representent les hideuses images,
 ombres, & phantosmes des malades : leurs con-
 sciences sont troublees d'innumerables homici-
 des par eux commis. En somme tout leur soing
 & estude, leurs propos, raisons, discours, esprit
 & entendement n'ont autre subiect que choses
 tristes & ordes, langueurs, morts, & maladies
 horribles : leur prattique autre obiect que cho-
 ses sales, viles, & crasseuses : bref n'est que tout ar-
 tifice vilain, rodans perpetuellement autour des
 pots de chambre, poëlls & puantes latrines des
 malades pour vn petit de gaing, ressemblans à la
 huppe infame qui fait son nid dans l'excrement
 & fiente humaine. Ne les void on pas ordinaire-
 ment

ment par vne ville tous crotés, les doigts entre-
 lacés, tristes, & pasles en visage trotter hastiue-
 ment pour l'esperance d'un peu de profit, d'une
 boutique d'apothicaire à autre, s'enquerans &
 mendians s'il y a quelque vrine à voir, ou s'il se
 presente quelque chaire percee: & tout ainsi que
 les vautours encapuchonnés vollent aux cha-
 rongnes, ainsi ceux cy ont bon nez sur tous les
 hommes pour sentir les excrements. Et dit on
 qu'Hippocrates auoit de coustume d'en taster, à
 fin de mieux cōgnoistre la nature des maladies:
 ce que plusieurs attribuent à Esculapius, lequel à
 ceste cause Aristophanes appelloit scatophage,
 nom qui est demeuré à tous les medecins, les-
 quels sont appellés scatophages & scatoman-
 tes, c'est à dire mangemerde, & fouillemerde, ou
 regardeurs de merde. D'où sont nōmees les diui-
 natiōs ou prognostiques que les medecins font
 par les excremēts & par les vrines, Scatomatie,
 Oromantie, & Drimymatie. A cause dequoy ces
 mechaniques medecins estoient iadis reputés
 infames & tres infames, aussi ceux q cherchoyēt
 l'aide des medecins, ainsi que tesmoigne Sene-
 que: & encor auiourd'hui en plusieurs con-
 trees lon fuit la compagnie des medecins, des sa-
 ges femmes, & des bourreaux egaleement, & ne
 veut on manger ny boire avec eux, ains on leur
 baille leur escuelle & leur verre à part. Par-
 quoy ie ne me peux tenir de detester en chole-
 re la coustume de plusieurs Princes, qui veulent
 auoir non seulement à leur leuer, mais tousiours
 quand

quand ils prennent leurs repas ces hommes pe-
 stilents autour de leurs tables perpetuellement
 infectés des vapeurs venimeuses, qu'ils rappor-
 tent tout fraischement des chambres des mala-
 des qu'ils visitent. Que lon appelle vn medecin
 à quelque banquet, lon ne luy entendra tenir
 autre propos entre les viandes que de fiente,
 d'urine, de sueurs, de fange, de sang menstrueux,
 & de vomissements, ou d'épilepsies, lepres, vlce-
 res, rongnes, & de pestes: tellement qu'il n'y a
 appareil de viandes si propre, nect, & delicieux,
 qu'il ne souille & face venir à contrecœur par
 l'impurité & vilennie de ses paroles. Voyez vn
 medecin en vn conseil d'estat, ou de police, il n'y
 a rien si sot ny si inepte: ce qui aduient possible,
 tant pource que leur art & discipline n'a rien
 que faire avec la vertu & bonnes mœurs, ainsi
 que dit leur conciliateur, comme aussi pourautāt
 que selon luy mesme il faut qu'un bon medecin
 soit mauuais de nature. Et nous sçauons qu'en
 plusieurs cités par statut expres les medecins
 sont exclus des cōseils & assemblees politiques,
 & ne peuuent exercer magistrats ny offices, non
 point possible tant pour leur messeance, sottise,
 legereté, ou mauuaises mœurs, que pour leur sa-
 leté & ordure, & d'autant qu'ils sont tousiours
 occupés à remuër & manier les excrements des
 malades, dont ils sont si contagieux, qu'ils infe-
 ctent non seulement les personnes qui s'appro-
 chent d'eux, mais les bancs & sieges, voire les
 pierres mesmes, ainsi qu'elegamment Lucilius a
 chanté

chanté en vn epigramme grec de telle substance:

Alcon hier toucha de Iupiter l'image:

Du medecin souffrit Iupiter grand dommage:

*Auourd'huy par decret on le * sort de son temple,*

Encore qu'il soit Dieu & pierre tout ensemble.

Mais quand ils s'assemblent en consultation de medecine, pour examiner ce que le malade aura pissé, ou fienté ceste nuit là, & pour donner sentence de vie ou de mort, ainsi que les Ephores de Lacedemone, c'est chose merueilleuse, mais déplorable, par quelles miserables altercations ils combattent entre eux autour du liét du malade, estans tous de contraires aduis les vns aux autres, comme s'ils auoyent esté appellés là, non pour donner remedes, mais pour disputer, ou que le malade, auquel tout long propos est fastueux, à qui le babil du medecin principalemēt est redoublement de mal, selon le prouerbe grec de Menander, eust besoing de leurs paroles, & non de leur secours. En fin ayant mis en auant par parade certains aphorismes qu'ils ont tousiours prests & font seruir à tous vsages, à la façon des escholes, & ayant inuoqué Hippocras, Galien, Auicenne, Rasis, Auerroës, le Conciliateur, & autres dieux de leur secte, les noms & titres desquels leur seruent bien souuent suffisamment pour toute doctrine, pour acquerir credit enuers le peuple ignorant: apres aussi auoir long temps debattu à bon escient (sans tousiours decider leurs differents) des causes des signes,

* Le lasi
effertur,
qui se p
pour sepe
ou porte
terre. Agr
auoit mal
cenda cest
gramme.

signes, des affections ou passions, des humeurs, des iours critiques ou iudiciels, en fin ils viennent au remede, qui estoit le chef & la queue de tout l'affaire, & là par ensemble composent vne froide & debile ordonnance, & comme l'enuie de l'un contre l'autre les accompagne perpetuellement, ils se donnent bien garde de communiquer là aucun secret ou singulier medicament, s'ils le sçauent, comme s'ils craignoient de perdre en cest endroit ce qu'ils manifesteroient, ou dont ils aideroyent autrui, ains ont recours à la commune methode de medecine: ou si ceste là leur défaut, ils s'attachent à l'empirique, ainsi qu'à l'ancre sacree ou dernier remede: & ne pouuans donner secours par moyens raisonnables, ils essayent les hazardeux & temeraires, disans qu'il vaut mieux d'experimenter vn secours incertain & douteux, que point. Ou si le malade est personnage duquel ils se soucient peu, & que la longueur de la maladie les fasche, ils le lairront à l'aduenture, pour autant, diront ils, qu'Hippocrates. defend de bailler medicaments à ceux où il n'y a nulle esperance, ou, s'ils sont vn peu superstitieux, reiecteront la cause du mal sur quelque Sainct, ou bien ils luy ordonneront ce dernier remede, Recipe vn notaire, tesmoins sept, avec vn prestre, de l'eau & de l'huyle benites tant qu'il suffise, & donne ordre à ta maison: car il te faut mourir. Partant Rhasis, qui sçauoit que c'estoit de la sorte credulité des malades, & de la contentieuse ignorance des medecins, conseilla assez

assez prudemment à l'un & à l'autre, au medecin, dis-ie, & au malade en ses aphorismes, que lon ne doit prendre qu'un medecin, pour autant que l'erreur d'un seul ne luy apporte grand blâme, & l'utilité qu'un seul fait au malade luy acquiert grande louange. Mais quand lon appelle plusieurs medecins, lon l'abandonne à plusieurs erreurs. Voyla l'opinion de Rhasis, laquelle est confirmee par vn vieil epitaphe que lon trouua sur vn monument, disant le defunct qu'il auoit esté occis pour auoir eu beaucoup de medecins, & vn proverbe grec, que l'entree de plusieurs medecins perd le malade. Ce que l'Empereur Adrian estant sur sa fin disoit luy estre aduenü. La troupe des medecins, disoit il, a perdu le Prince. Parquoy il faut conclurre que le plus vtile & salutaire conseil pour conseruer sa vie & sa santé, est de ne s'empescher avec les medecins. La santé du corps est vn don de Dieu, & n'est deuë aux medecins; à raison dequoy le prophete de Dieu reprint le Roy Asa, lequel en sa maladie auoit mis sa fiance en l'art des medecins, & n'auoit point cherché le Seigneur. A la verité ceux qui se gouernent par leur conseil ne peuuent viure en santé, & n'y a vie plus miserable que de ceux qui s'appuyent sur l'aide & secours des medecins. Soit chose resoluë & certaine, & que les medecins n'en doutent nullement, & pleust à Dieu que tout le monde le sceust, que toutes les vertus & facultés des elements, des racines, herbes, fleurs, E fruits,

fruits, semences, voire des animaux, des minéraux, & de toutes autres choses q sont produites par la mere nature, tāt s'en faut qu'elles puissent rendre l'homme immortel, que mesmes (ce qui est beaucoup moins) ne peuēt tousiours remettre en sante celuy qui sera affligé d'une bien legere maladie. O combien de fois la medecine bien ordonnee, & qui deuoit proffiter, n'a serui de rien, celle qui deuoit purger ne l'a peu faire, combien de fois est on reuenu aux medicamēts par la recheute du malade, & à la fin apres tant de trauaux & de despenſes ou lors ou peu apres, mesmes presents les medecins, il a falu mourir! Quelle esperance donques peut on arrester aux medecins, si ainsi est, comme dit leur Hippocrates, que l'experience trompe? Que peuuent ils promettre de certain, si ce que Pline dit est vray, qu'il n'y a art plus inconstante que la medecine, & qu'elle a esté souuent changee? Il y a eu autres fois plusieurs peuples, & s'en trouuent encore à present viuans, sans medecins, où nous voyons des vieillards outre l'extreme aage passer cent ans vigoureux & robustes. Au contraire ces nations tant delicates, qui ne vivent que par l'aide & sur les promesses des medecins, le plus souuēt enuieillir & mourir à la moitié de leur aage. Voir les medecins mesmes estre plus souuēt malades que les autres, & presque tousiours mourir ieunes. Partant vn certain Lacedemonien, auquel quelcun disoit qu'il se portoit bien, respondit que c'estoit pour autant qu'il n'auoit rien

rien à faire avec le medecin : & comme l'autre
 repliquast, Et si tu es paruenue à grande vieilles-
 se, Pource, dit il, que ie ne me suis iamais serui du
 medecin, monstrant qu'il n'y a meilleur ny plus
 certaine voye pour se maintenir en sante, & par-
 uenir à vieillesse, que de n'auoir point vsc de
 l'œuvre des medecins. Que si quelcun tesmoi-
 gne qu'il a esté deliuré de quelque maladie par
 le secours de medecins, ie luy respons au contrai-
 re que plusieurs aussi pour s'estre serui d'eux
 sont morts, & auxquels tout l'art des medecins
 n'a de rien profité, &, comme dit Ausone,

La guerison vient du dessein

Fatal, & non du medecin.

Adis les Arcades n'usoyent point de medica-
 ments, mais, selon que recite Pline, beuoyent
 du laiët au printemps, pource qu'en ceste saison
 les herbes sont pleines de suc, & estoient leurs
 medecins les gras pasturages. Ils eslisoyent sur
 tous le laiët de vache, pource que ces bestes mâ-
 gēt de toute sorte d'herbes. Les Lacedemoniēs,
 Babyloniens, Egyptiens & ceux de Portugal, au
 rapport d'Herodote & de Strabo, reiectoyent
 tous les medecins, & faisoient porter aux places
 & carrefours les malades, à fin qu'ils fussent con-
 seillés & aduertis par ceux qui s'estoyent trou-
 ués affligés de pareilles infirmités des remedes
 qu'ils en auoyent deliurés, ou qui en auoyent de-
 liurés leurs amis & cōgnoissans, croyās qu'il n'y
 a rien plus asseuré en cures & remedes q̃ l'expé-
 riēce. Ce que Celsus aussi afferme. Par icelle on a

veu souuent les plus sçauans medecins auoir
 esté surmôtés par la main d'un païsan, qui a faict
 avec vne seule petite herbe ce que les plus fa-
 meux medecins n'ont sceu faire par leurs medi-
 caments precieux & exquis. Cas eux par meslan-
 ges prodigieuses & indicibles, iagoit que la na-
 ture aye produit plusieurs choses qui pour-
 roient seruir seules de remedes, confondent les
 diuerses facultés de diuers simples, & par ce
 moyen cudent chasser les maux, fondés plustost
 sur coniectures que sur les vrayes causes & rai-
 sons, & reduisent toute la medecine en vn art
 casuel & de coniectures. Mais les rustiques ayās
 apperceu & congnu la vertu & qualite medici-
 nale d'un simple, guerissent des maladies diffi-
 ciles & estranges par le vray & solide effect & for-
 ce experimentee de nature. Les medecins outre
 ce promettent la santé par le moyen des choses
 apportees des Indes, ou de Calis & autres extre-
 mités de la terre, & la font acheter par ces re-
 medes de grand prix. Les autres ne promettent
 pas seulement guerison, mais la baillent par l'u-
 sage de choses aisees à trouuer, communes à
 tout le mōde, & qu'un chacun peut cueillir faci-
 lement en son iardin, & en sa maison. En outre
 ceux là ayans appris l'art tresdifficile de medeci-
 ne par des liures trompeurs, peincts & figures,
 l'exercent pour le gaing avec vn audacieux & te-
 meraire babil. Ceux cy enseignés par la terre &
 par les champs produisans les vrayes plantes, &
 mōstrans leurs couleurs, figures, saueurs, odeurs,
 & toutes

& toutes leurs diuerſités, & experts de ce qu'elles peuuent ſeruir aux maladies & autres accidens, donnent ſans couſt gracieuſement à chacun remede treſcertain. Les principaux d'entre les medecins confeſſent bien d'auoir appris pluſieurs treſexcellentes receptes des femmes, leſquelles ils n'ont deſdaigné d'inſerer en leurs eſcrits & communiquer à ceux qui viendroyēt apres eux comme treſbons & d'efficace; ainſi que celuy qu'Auicenne louē contre la douleur de teſte, qu'il auoit appris d'une femme. Que ſi la medecine (l'œuvre de laquelle eſt de donner temperature de ſanté au corps) giſt en proportion & correſpondance des choſes, tant entre elles qu'avec les qualités du corps auquel on les applique, & que les medecins anciens ayent mis tout leur eſtude & diligence à bien compoſer, temperer, & proportionner les medicaments par poids & meſures iuſtes & bien accordantes, laiſſant ſeulement le ſoing à leurs ſucceſſeurs d'oſeruer les qualités des corps des malades, & à icelles proportionner les remedes par eux inuentés, quelle eſt ceſte audace & impudence de non ſeulement changer iceux, mais y adiouſter, les meſpriſer, ou bien les ignorer du tout? Dont il aduiant que comme par la bonne conſonance du temperament des breuuagés ou medicamēts la ſanté deuroit eſtre ramenée, par contraire raiſon la diſſonance & mauuiſe compoſition d'iceluy cauſe douleur & rengregement de mal, & bien ſouuent conduit à la mort. Partant la viſil-

le villageoise pensera vn malade avec moins de danger par vn seul remede prins au iardin & accompli en tout par la nature , que ne fera le medecin avec ses potions & medecines monstrueuses, cheres, & composees par fantasie & douteuse coniecture. Plusieurs grands & excellents philosophes & medecins ont esté de cest aduis, qu'il ne falloit penser les malades que par simples medicaments: à ceste cause ayans recherché soigneusement & experimenté les forces & proprietes des simples, ils nous en ont laissé des beaux & tresrecommandables volumes, ainsi que Chrysippus des choux, Pythagoras de la Scylle oignon, Marchion du rayfort, Diocles des raues, Phantias de l'ortie, Apulee de la betoine, & plusieurs autres anciens qui ont écrit d'autres choses. Toutesfois ces medecins de boutique ne tiennent compte d'iceux, ains s'en riët, & s'en mocquent, & appellent simples ceux qui mettent leur estude aux simples. De ma partie ne veux desconseiller personne de demander aduis à ceux qui pensent les malades par simples medicaments, ny aussi les empescher d'en vser. Mais quant aux medecins qui frequentent les boutiques, mon opinion est qu'on les doit fuir ainsi que forciers nuisans & dangereux, voire les chasser comme ceux qui font marchandise de nos maux avec leurs compositions prodigieuses, & se iouent de nos vies: car puis qu'il est necessaire que les medicaments composés soyent faicts de plusieurs choses diuerses & contraires,

il est

il est impossible, ou bien tresdifficile, que le medecin puisse establir certain iugement en iceux, ains faut que tout ce qu'il fait en cest endroit soit par opinion seule, par estimation & coniecture: & comme ainsi soit qu'il y aye souuent plusieurs choses qui pourroyent sembler estre propres & profitables separement à ce qui fait besoing, le medecin assemblera seulement celles qui luy viendront lors en memoire casuellement & à l'aduenture, ou ausquelles il sera affectionné par quelque autre instinct interieur & caché: au moyen dequoy il aduient souuent q l'effect des medicaments composés ne procede point tant de la vertu des simples ingredients, q de la bonne ou mauuaise inclination du medecin, entant qu'il sera induit & addonné à eslire plustost ces simples que ceux là, par vne certaine influence cachee, ou naturelle, ou celeste, ou diabolique, ou casuelle quelle soit. C'est pourquoy lon dit communément (ce que les medecins mesmes cōfessent) qu'entre eux il y en a de plus & moins heureux, & q souuēt l'ignorant fera de plus heurieuses cures que celuy q est sçauant. Ce que i'ay veu & apperceu en vn medecin tresdocte de ma congnoissance, entre les mains duquel peu ou point de malades eschappoyent: & pareillement i'en ay congnu vn autre fort peu entendu, qui guerissoit heureusement tous ses malades, & ceux que les autres auoyent abandonnés pour morts. Il me souuient aussi auoir leu d'un medecin qui remettoit en santé tous les gentilshom-

mes & gents de qualité qui tumboyent entre
 ses mains, mais les pources rustiques y mouroyent
 ou estoient en grand danger d'y laisser la vie. Il
 est donques tresaisé de congnoistre que ceste
 medecine boutiquiere, en laquelle l'adventure
 peut plus que la lecture, est toute ou pour la plus
 part vraye sorcellerie, & pource doit estre reie-
 ctée au loing, & condamnée ainsi que empoison-
 neuse & meurtriere. A ceste cause iadis les Rom-
 mains viuant Catō le Censeur chasserent de la
 ville de Romme & de toute l'Italie les mede-
 cins, en haine de leurs mortelles menteries &
 de leurs cruautés, d'autant qu'ils en mettoient
 plus au sepulcre qu'ils n'en guerissoient. Ioint
 que estans congnoissans de venims & especes
 de poisons, il estoit dangereux & aisé qu'ils fus-
 sent induits par malueillance, ambitiō, ou gain,
 d'empoisonner les personnes au lieu de leur
 bailler remedes de santé, & ainsi firent marchan-
 dise de la vie des hommes pour de l'argent, com-
 me fit le medecin du Roy Pyrrhus, soit qu'il fust
 nommé Timochares selō Gelle, ou Nicias selon
 autres, lequel auoit promis à Fabricius d'empoi-
 sonner son maistre dans vne medecine. Laquel-
 le meschante offre Fabrice eut en telle abomina-
 tion, qu'il escriuit à Pyrrhus, encor qu'il fust son
 ennemi, qu'il se donnast de garde de son mede-
 cin. Dont Claudien a fait mention en ses poësies
 en ce sens:

*Les Rommains ont haï les meschans & leur vice.
 Fabrice descouurit à Pyrrhe la malice*

De cil

*De cil qui pour haſter de ſon Roy le treſpas
Promit de luy donner vn poiſonneux repas:
Ne voulant qu'un ſubieſt par ruſe cauteleuſe
Prolongeſt ou finiſt leur guerre valeureuſe.*

Pline ſemblablement fait mention d'une epiſtre que Cato eſcrit à ſon fils touchant les medecins grecs : Ils ont, dit il, iuré de faire mourir tous les barbares par la medecine, & ſont payés pour ce faire à fin qu'ils s'en acquittent fidelement, & que par ce moyen ils les deſtruient & ruinent facilement. Et peu apres il adiouſte : De là procedent tant d'aguets & trahiſons aux teſtaments, & avec ce des adulteres és maiſons des Princes, & entre autres celuy tout clair & evident de Liuia femme de Drusus Ceſar avec Eudemus. Plato introduit Socrates defendant que les cités on ne laiſſe point multiplier les medecins. Il ſeroit pour certain expedient aujourdhuy qu'il n'y en euſt point, ou peu, & que leurs ignorances ou negligences malicieuſes & mortelles fuſſent punies de mort par loix expreſſes. Car il ne chaut ſi le medecin par ignorance ou malice, folie ou negligence, à l'adventure ou de propos deliberé baille du poiſon au lieu d'une medecine, & mette l'homme en danger de la vie: comme ce ſoit il merite la mort, & non pas donner lieu à ce que dit Pline, que pleine impunité eſt ottroyee au medecin d'auoir tué vn homme. Qui eſt vn honneur qu'on leur faiſt ſemblable à celuy des bourreaux, à ſçauoir d'eſtre payés pour tuër les hommes, & de prendre

eux seuls salaire des meurtres, au lieu que les autres en sont tirés au supplice, sans qu'il soit loisible à aucun de tuer. Il y a toutesfois telle différence, que les bourreaux ne tuent que les criminels condamnés par les Juges, les medecins tuent indifferemment mesmes les innocents sans autre iugement ny condamnation. Ce n'est donques pas sans cause que les Decrets des Papes reiectēt d'entre le clergé les medecins, puis que l'art de la medecine est si sanglant, que s'il estoit permis aux clerics d'exercer la medecine, ils pourroyent par mesme raison aussi bien estre bourreaux. Et ne fit point imprudemment Porcius Cato de bannir les medecins, pour autant que ces hommes cherchent d'acquérir renommee en leur art tousiours par quelque nouveauté, & desdaignans de suyure les traces des autres, ou s'attribuans à honte de n'apporter de leur part quelque chose de nouveau, ils font leurs coups d'essay & experience au danger de nos vies, & apprennent à nos despens, traffiquans de nostre santé, & prolongeans ou souvent augmentans, à fin de mieux profiter, les maladies qui pourroyent estre facilement & en peu de temps curees & gueries. Pour à quoy obvier anciennement en Egypte le medecin iusques au troisieme iour pensoit les malades au danger d'iceux, mais le troisieme iour passé estoit au peril de luy mesme.

De l'Apothecairerie. CHAP. LXXXIIII.

LE s cuisiniers des Medecins sont les Apothicaires, les escriteaux desquels monstrent les remedes, mais les boites contiennēt les poisons, ainsi que lon dit en commun prouerbe. Ou, comme dit Homere, medicaments meslés, plusieurs choses salutaires, & plusieurs nuisibles, par lesquels pour ne tumber en dommage & perte, ils nous contraignent d'acheter bien cherement nostre mort, nous baillans vne chose pour autre, ou bien meslant dans les medecines des vieilles drogues pourries & corrompues, & au lieu de bonnes potions nous en font prendre de mortelles, ou achettent pour fournir leurs boutiques à bon marché des emplastres, collyres, onguents, pilules, & autres medicaments faicts de longue main, & composés de fondrilles & vieilles restes de drogues, lesquelles ils ne sçauent discerner ny congnoistre, & partant s'en fient aux marchands estrangers & barbares, qui corrompent toutes choses par tromperies & sophisteries. Je pourrois icy monstrier leurs pernicious discords touchant la congnoissance des simples medicaments, desquels ils vsent, & leurs erreurs és noms des choses medicinales mal entendus & pirement vsurpés, lesquels en grand nombre Nicolas Leonicene a mōstré en vn ample volume. Je laisse aussi de parler de leurs monstrueuses compositions & mixtions de plusieurs choses estranges, par la confusion desquelles ils
nous

nous veulent faire croire qu'ils font vn médicament seruant & prouffitable à toutes complexions & natures, comme de la fable de la composition de la theriaque & du Tir ou vipere, & de l'antidote appellé methridat, dont autre chose ne reuient que ce chaos poëtique,

Vne masse pesante,

Lourde, sans art, sans ordre, & mal duiſante

Coniunction de choses en vn corps

Entremeslé d'admirables discords.

où dans vn corps confus

L'humide au ſec faiſoit la guerre dure,

Et la chaleur nuisoit à la froidure.

Mais ſoit ainſi qu'il ſe trouue quelques compositions inuentees par les anciens, & trouuees vtils, & qu'il les ſale receuoir comme choses eſprouuees : ſi eſt ce que ie diray qu'elles ſont contraires à la vraye methode, ordre, & maniere de proceder en medecine, & condamnees par les medecins meſmes contraints à ce par leur propre conſcience, & totalement reiectees par Pline, Theophraste, Plutarque, Hippocrates, Galien, Dioſcoride, Eraſiſtrate, Celse, Scribonius, & Auicenna : les paroles deſquels ſeroyēt trop longues à rapporter en ce lieu : & non ſeulement par ces anciēſ là, mais par pluſieurs nouueaux, l'un deſquels Arnould de Villeneuve en ſes aphoriſmes dit, que là où lon a moyen de recouurer des ſimples c'eſt fraude d'uſer de compositions. Mais à preſent ayans meſpriſé les ſimples, & ſans ſe pener de les congnoiſtre lon ne

tire les medicaments d'ailleurs que des deux re-
 ceptaires, thresors, ou luminaires des apothicai-
 res & droguistes, ou des antidotaires painctu-
 res, & dorés de Melué, & de Nicolas, & autres
 semblables. Par ainsi il aduient que pendant que
 les medecins s'entretenans en leurs aises & oi-
 siuete gouvèrment la vie des hommes à la di-
 scretion des apothicaires, sur lesquels ils se re-
 posent, & qu'iceux estans sans congnoissance
 des lettres ny aucune experience se fient aux
 marchâds infideles & barbares, & pour le profit
 & aduantage de leurs boutiques meslent & con-
 fondent toutes choses, qu'à la verité il y a beau-
 coup plus de danger du costé des remedes, que
 des maladies mesmes. Mais disons aussi des so-
 phistications & faussetés que lon fait aux dro-
 gues medicinales qui sont de prix, lesquelles
 bien souuent sont si bien contrefaictes que les
 plus rusés & experts y sont trompés. Il seroit ex-
 pedient à la republique & à la santé des hom-
 mes, que toutes ces drogues estrangeres, qui
 sont outre ce tenues à si haut prix par les mar-
 chands pillars au dommage commun, fussent
 du tout prohibees & defendues, les medecins
 reiglés, & les apothicaires astraits à vne loy
 semblable à celle que lon dit que Neron auant
 qu'il fust devenu si meschant publia à Romme,
 par laquelle il leur fut commandé d'user des me-
 dicaments que nos regions & contrees seule-
 ment produisent, attendu qu'iceux conuiennent
 trop mieux à la nature d'un chacun, & aussi que
 nous

nous en aurions tousiours de frais, nouueaux, & à choisir avec moindre difficulté, despense, & danger, que nous n'auons ceux que lon nous apporte de pais estrange, dont la plusgrand' part est suspecte d'estre sophistiqués, faux, & contrefaits ou empirés pour auoir esté mouillés dans les nauires, ou plongés és fosses, ou corrompus de vieillesse, ou n'auoir esté cueillis en temps opportun ny en bons endroits: ce qui cause bien souuent des dangers tresgrands. Car la coloquinte cueillie auant sa maturité fait vuder le sang, & tue: celle qui croist seule ou vnique est venim. Semblablement l'agaric masle est mortel, & celuy qui est trop vieil dangereux. Toute la scamonee est sophistiquée, comme aussi la terre sigillée qui doit venir de l'isle de Lemnos ou Stalimene, & est perdue la foy & assurance des seaux dont elle estoit remarquée. Mais ie vous prie quelle necessité auons nous d'user de ces choses estrangeres si nostre contree en produit de semblables & de mesme efficace? N'est ce pas grande folie de vouloir chercher aux Indes ce que nous auons chez nous? croyans que nostre mer ny nostre terre n'est iussifante, faisans plus de compte de ce qui est estrange que du naturel? des choses qui sont cheres, difficiles à recouurer & qu'il faut apporter du bout du monde, que de celles qui sont à bon marché & aisées à auoir? Est il dit qu'aucune chose ne peut remedier au mal de rate sans l'ammoniac, ny au foye sans le sandal? Si nous n'auons point du

bdellium, nul ſçaura il pēſer les vlceres interieures: ny la douleur de teſte ſans le muſc & l'ambre: ny guerir le mal d'eſtomach ſans maſtic & corail? Ie croy que ſi ces choſes eſtrangeres euſſent eſtē neceſſaires à nos corps, la nature, qui a pourueu à tous, les euſt produites abōdamment en noſtre terre. Nos peres ne s'en ſont ils pas bien paſſes, voire ont veſcu plus ſainement que nous? Ce ſont donques bourdes & niaiseries des medecins pareſſeux, qui ne veulent s'enquerir des remedes qui naiſſent parmy nous, & impoſtures des apothicaires, qui ne cherchēt point la ſantré publique, mais leur proffit particulier de leurs traffiques, & nous perſuadent que rien ne nous profite s'il ne couſte cher: auſquels eſt pour ceſte cauſe faiſt tel reproche par Ieremie, N'y a il pas de la reſine ou gomme en Galaad? ne y trouue il point de medecin? Mais, dira quelcun, Nature a produit en chaque lieu & en chaque terre entre chaque peuple, par chaque climat, & ſous chaque ciel & ſaiſon, des herbes peculières, & leur donne temperaments conuenables: ſoit & eſt vray que les meſmes plantes ont ſelon la diuerſité des lieux & ſaiſons où elles naiſſent plus ou moins de force & vertu. Si eſt ce toutesfois que en tous temps & en tous endroits elles ont meſmes effects, & correfpondent en temperaments à celuy des perſonnes, tellement que ſi ces plantes rares, & qui nous ſont portees de loing, ont plus de force q̃ n'ont les noſtres, ie diſ qu'elles ne ſont propres ny ſalutai

lutaires qu'aux hommes des regions où elles sont produites & creées. Les Empiriques ont pareillement leurs pilleries : car ils nous persuadent que certains remedes monstrueux & fort esloignés de la façon commune de medeciner, nous sont merueilleusement profitables, & que sans iceux nous ne pouuons nous maintenir en santé, & ainsi practiquent leurs imaginations aux despens & dommage des miserables. Par tant ils meslent des viperes & couleuvres & autres bestes dangereuses dans les contrepoisons, & comme si tous remedes defailloyent meslent de la graisse humaine és onguents, & baillent à manger aux hommes avec horreur & grieve offense en nature des corps humains assaisonnés par drogues & compositions aromatiques, lesquels ils appellent Mumies.

De la Chirurgie. CHAP. LXXXV.

RE S T E à traicter de la chirurgie, qui est vne autre partie de la medecine, laquelle s'exerce és maladies & vices apparents vers la peau, ou qui se monstrent en dehors, les remedes duquel art sont plus asseurés que ceux des autres medecins, dont les conseils & entreprinſes sont aueugles : car les chirurgiens voyent & touchent ce qu'ils font, changent, appliquent, & ostent selon l'opportunité & besoing : c'est la premiere partie de la medecine que lon a premierement mise en vſage : car s'exerçans les premiers hommes aux guer

guerres, & receuans des playes les vns des autres, il leur salut chercher des remedes à icelles, & croyoyent que les maux qui leur estoient faicts par les hommes se pouuoient aussi curer par les hommes. Mais quant aux autres maladies & douleurs interieures, ils estimoyēt qu'elles estoient enuoyees par les Dieux courroucés, & parrant incurables par vertu aucune naturelle. Le premier donques qui inuenta la chirurgie fut Apis Roy d'Egypte, ou bien, selon que Clement Alexandrin dit, Mizraim plus ancien que luy, fils de Cham, petit fils de ce grand Noé. Mais celuy qui escriuit le premier la medecine des playes fut Esculape, apres lequel furēt excellents en cest art Pythagoras, Empedocles, Parmenides, Democrite, Chiron, & Peon. Pline recommande qu'elle fut premierement pratquee à Rome par Archagat natif de la Moree ou Peloponnesse, lequel, pour la cruauté des decouplements & vstions dont il vsoit, fut appellé publiquement le faiseur de playes, & tost apres le bourreau: en fin lon s'ennuya de tous ses artifices, & fut l'art dechassé. Or est la chirurgie renommée par l'excellēce des personnages qui en ont faict profession, non moins que les autres factions de medecine: mais à cause de l'immondicité de ses venimeuses ordures, & de sa sanglante cruauté, est tenue pour infame.

De l'Anatomie.

CHAP. LXXXVI.

F

TOUTES

LOVTESFOIS l'anatomie la surpasse en cruauté, qui est vne publique boucherie pour les vns & les autres, tant medecins que chirurgiens, par laquelle iadis les criminels condamnés à mourir publiquemēt estoient avec trescruels tormentz descouppés tous vifs & retenans encor l'esprit. Mais à present pour la reuerence du nom & religion Chrestienne lon est deuenu vn peu plus humain: car l'homme est premierement occis, ou par leurs mains, ou par la main de l'officier, & puis on brigande par ces excès sur son corps mort, le descirant en pieces, recherchèt & fouillant diligemment l'assiette de chacun membre, l'ordre, leurs mesures, actions, & nature, & tous autres secrets d'iceux, à fin d'apprendre comment & en quels endroits il faut appliquer les remedes par ceste cruelle œuvre, horrible, abominable, & impiteux spectacle.

De la Mareschallerie. & medecine pour le bestail.

CHAP. LXXXVII.

LY a en outre vne autre pratique de medecine qui pense les maladies des bestes brutes, laquelle est beaucoup plus certaine & profitable que les autres, inuentee, à ce que lon dit, par Chiron le Centaure, & illustree par Columella, Caton, Varro, Pelagon, & Vegece auteurs tresrenommés. Néanmoins nos medecins avec leurs beaux anneaux la mesprisent, & en ont honte: aussi en

font ils durtout ignorans, & sont si delicats qu'ils ne se delectent que de la fiente humaine, ainsi que la huppe. Partant si quelcun recourt a eux pour auoir des remedes pour son beuf, ou pour son aine, il recevra incontinent des iniures au lieu de medicaments, comme si ce n'estoit a eux de faire de sçauoir medeciner aussi bien les animaux que les hommes, principalement ceux qui nous seruent & donnent commodité. Pour lesquels le Roy Alphonse d'Arragon entretenoit jadis deux excellents docteurs pour les cheuaux & les chiens avec grand salaire & ample pension, leur commandant qu'ils aduisassent soigneusement quels remedes & quelle maniere de medeciner estoit conuenable à chacune maladie des bestes: ce qu'iceux executerent, & firent vn liure de ces choses tresutile. Le semblable a faict de nostre temps Iean Ruel Parisien, homme docte en l'une & l'autre langue, & des premiers entre les physiciens, lequel a traduit vn volume des maladies des cheuaux & de leurs remedes recueilli des vieux auteurs, Apſirthe, Hierocles, Theomeneste, Pelagon, Anatolius, Tibere, Eumelus, Archedamus, Hippocrates, Hemerius Africanus, & d'Emile Espagnol & Litor de Beneuent: le liure duquel profitera beaucoup à tous mareschaux & medecins de bestail, avec commodité pour la republique.

De la Diete ou reigle de viure. CHAP. LXXXVIII.

L RESTE encore à traicter de la medecine dietaire. Le maistre de laquelle fut Asclepiades, lequel delaisant pour la pluspart les drogues & medicaments reduist toute la medecine aux reigles & maniere de viure, considerant la quantite, nature, condiments ou assaisonnemets des viandes : auquel les autres medecins sont aucunement accordans, ayans neantmoins opinion que l'une a besoing de l'autre, à sçauoir le viure des medicaments, & iceux aussi de la maniere de viure & d'observer mesure en iceux. Dont ils louent, defendent, detestent, & blasment certaines viandes & breuuages que Dieu a creés, & ordonnent des manieres de viure estranges, & qui ne peuuent estre observees ; & pendant qu'ils defendent aux autres de ne toucher à certaines viandes, encor que sobrement & modestement, eux mesmes les deuorēt ainsi que pour ceaux le gland, & sont les premiers à enfreindre & contreuenir aux loix qu'ils font aux autres, non tant par negligence, que de propos delibere : Car s'ils deuoyēt viure selon leurs ordonnances, reigles, & manieres de dietes qu'ils prescriuent, ils empireroient de beaucoup leur sante : & s'ils permettoient aux malades de viure ainsi qu'ils font, ils feroient le dommage de leur bourse. Or escrit de ces Dietaires ainsi S. Ambroise : Les preceptes de medecine, dit il, qui destournent les hommes de ieuner, ne permettent de veiller, penser, & exercer l'esprit, sont contrai

contraires aux ordonnances du Seigneur : parlant ceux qui s'y rangent & s'addonnent aux medecins, se priuent de l'usage d'eux mesmes. S. Bernard pareillement escriuant sur les cantiques dit, Hippocrates & Socrates enseignent à sauuer la vie en ce monde, mais Iesuschrist & ses disciples enseignent à la perdre. Lesquels de ces deux maistres voulez vous donques suyure? Celly le monstre assez qui dispute & dit, Telle chose est nuisible à la teste, aux yeux, ou à l'estomach : les legumes sont venteux, le fromage charge l'estomach, le laiët est nuisant à la teste, l'eau fait mal à la poictrine : de sorte qu'à peine peut on trouuer en toutes les riuieres champs, jardins, despenses ou gardemanger, de quoy viure. Mais posons que ces paroles de S. Ambroise & S. Bernard soyent dites seulement pour le regard des moynes, ausquels possible il ne conuiët d'auoir si grand soing de leur santé que de leur profession, & qu'aux citoyens & gents d'honneur il ne messied point d'user de varietés & magnificēce en viandes, en ayant esgard toutesfois à leur santé, & de prattiquer la medecine dietaire, & quand & quand l'art de la cuisine, qui est la discipline d'apprester & assaisonner le manger & le boire : laquelle est par Plato appelée la flatteresse de la medecine, & plusieurs l'estiment estre vne partie de la dietaire, nonobstant que Pline, & Seneque, & le residu de l'eschole des medecins confessent que par vne exquisite diuersité de viades plusieurs maladies sont engédrees.

L'ART de cuisiner est fort commode, & si n'est point deshonneste, pourueu qu'il ne passe les limites de discretion, à raison de quoy plusieurs grands personnages, voire & sobres, n'ont eu honte de faire des liures de la cuisine & maniere de faire de bonnes sauces, & bien assaisonner les viandes: Comme entre les Grecs Pantaleon, Mithecus, Epiricus, Zophon, Egesippus, Pazanius, Epenerus, Heraclides Syracusain, Tyndaricus de Sicyone, Symonactides de Zio; Glaucus de Locres: & entre les Rommains Carus, Varro, Columella, Apice, & fraischemēt Platine. Or en ces choses ont esté les Asiatiques fort excessifs & intemperés, tellement que de leur nom a esté tiré vn surnom de gourmandise, & sont appellés entre les Latins les gourmands & deuorateurs Asoti: pour autant que de là, ainsi que rapporte T. Liue, apres la victoire d'Asie les delices & superfluités estrangeres se desbordèrent par la ville de Romme, & commença l'on alors à apprester avec plus grand soing & despenſe les banquets & festins qu'au pafauant. De ce temps les cuisiniers qui estoient les moins prisés d'entre tous les esclaués, prindrent reputation, & commencerent à estre fort estimés & en grand vsage, tellement qu'on les receut & tira de la cuisine encor tous souillés de brouët & taincts de suye avec leurs poëlls, marmites, & chauderons, broches, pilons, & mortiers pour les introduire

trodure aux escholes, & fit on vn art de ce qui
 n'estoit au parauant qu'un vil & abiect ministe-
 re: l'occupation & sollicitude duquel est à cher-
 cher moyens de tous costés pour esueille l'ap-
 petit, & inuiter la gueule, & pour souler la gour-
 mandise insatiable, & faire prouision de men-
 geaille friande, ne laisser coing du monde à fouil-
 ler, ainsi que nous lisons en Varro de plusieurs
 choses, cōme des Paons de l'isle de Samos, l'oi-
 seau appellé Francolin de Phrygie, les Grues de
 Melice, le Cheureau d'Ambracie, le Thō Chal-
 cedonien, les Murenes de Tarteſſe, le Merlus de
 Pessinunte, les Huîtres de Tarante, les Peignes
 ou coquilles grandes de S. Iaques de Zio, l'E-
 lops ou esturgeon de Rhodes, Scares ou rou-
 chans de Cilice ou Carmanie, les noix de l'isle
 de Taſo, les dattes d'Egypte, les glands d'Eſpa-
 gne. Toutes lesquelles singularités de mägeaille
 ont esté trouuees pour assouuir la meschante
 friandise de delices & superfluités. Or celuy qui
 eut plus de bruit & d'honneur en cest art, fut
 Apicius, tellement que de son nom furent sur-
 nommés les cuisiniers & appellés Apiciés, (ainsi
 que dit Septimius Florus) & à l'imitatiō des phi-
 losophes perpetué. D'iceluy escrit ainsi Sene-
 que: Apicius, dit il, a vescu de nostre temps, le-
 quel a faict profession de la science de cuisine en
 la cité de laquelle iadis les philosophes eurent
 commandemēt de se retirer, & a infecté le mon-
 de par son mestier & discipline. Plinē sembla-
 blement l'appelle asprement vn gouffre tres

profond de prodigalité & despenſe. Or par ſucceſſion de temps les irritemens de gueule, les instruments de delices & ſuperfluités, les diuerſités des viandes multiplierent en ſorte par l'engin & inuention de ces Apiciens, qu'il fut en fin neceſſaire de reprimer ces deſordonnés excès de cuiſine par loix expreſſes. De là prindrent origine les loix ſomptuaires, & reiglements des viures, à ſçauoir la loy Archie, Fannie, Didie, Licinie, Corneliè, la loy de Lepidus, de Annius Reſtio: & fut deſmis & rayé de l'ordre des ſenateurs Duronius par L. Flaccus & ſon compagnon Cenſeurs, d'autant qu'il auoit voulu eſtant tribun du peuple abroger la loy propoſee pour reprimer les excès & ſuperflues deſpenſes que lon faiſoit aux banquetts. Auſſi avec quelle impudence monta il ſur la tribune pour dire au peuple ces paroles? Auioirdhuy, ô Rommains, lon vous a mis vne bride laquelle vous ne deuez en ſorte quelconque endurer: vous eſtes liés & garrottés d'un aſpre & dur lien de ſeruitude: car on a propoſé vne loy qui vous commande d'eſtre ſobres & bons meſnagers: rompons & mettons en pieces ce commandement rouillé ſentant ſa rude & aſpre antiquité: car quel beſoing auons nous de liberté ſ'il n'eſt loiſible à qui veut de ſe perdre & fondre en delices & voluptés?

Il y auoit pluſieurs autres loix & edicts pour ce regard, leſquels ſont à preſent abrogés & du tout oſtés, tellement qu'il n'y eut onques ſiècle plus

plus friand ny addonné à la gourmandise que celui d'aujourdhuy: car à cause d'icelle, comme dit Mufonius, & apres luy S. Hierosme, nous courons toute la terre & la mer pour trouuer du bon vin, & faire passer par nostre gueule des frians & precieux morceaux: & en cela employons tout le trauail de nos vies. Tant se trouue il entre nous de tauernes & cabarets bordeliers, tât de retraictes de flatteurs chercheurs de repeuës franches, & de louues, où les hommes se perdent en gourmandises, yuongneries, & pailardises, où ils consomment souuēt, non sans grād detrimēt de la republique, tous leurs patrimoines. Tât de mets & sortes de plats & seruices, tât de fausses & assaisonnements de viandes, tant de façons, loix, & ceremonies de table, tellement que les festins somptueux & magnifiques des Asiaticques, Milesiens, Sybarites, & Terentins, ou ceux de Sardanapale, Xerxes, Claude, Tyberre, Vitellius, Heliogabale, & Galien Empereurs, & de tels autres vieux & anciens exemplaires de gourmandise, qui ont surpassē les autres hommes & nations en delices, superfluités & desordonnés appetits,sembleroyent vils, sordides, mal apprestés, & rustiques, cōparés aux appareils & magnificences de nos tables & conuiues: car la diligence à bien proprement & delicieusement apprester à manger & à boire ne nous contente point si avec ce l'abondance n'y est excessiue iusques à creuer, telle que pourroit suffire à enyurer Hercuies, lequel se seruoit d'un mesme vais-

seau à se faire porter & à boire, ou souler Milon de Crotone & le mangeur d'Aurelien, dont l'un auoit accoustumé de manger trente pains à chacun repas, l'autre fut veu deuant la table d'Aurelien degorer tout vn sanglier, cent pains, vn mouton, & vn cochon en vn iour, & beut vne incroyable quantité de vin qu'on luy versoit par vn entonnoir. Ces gourmandises & yuongneries sont fort pratiquées aujourdhuy entre nous és vogues ou royaumes, comme lon appelle, qui se font és festes des villages, dedications de tēples, & autres semblables solemnités, q ne sont en rien différentes des Orgies & Bacchanales que lon celebroit anciennement, tant y sont toutes choses souillees & contaminees de vin, de sang, & de toutes meschancetés qui ont accoustumé de suyure la gourmandise & l'yuongnerie. Ou bien on y verroit représenter les conuiues des Centaures, dont nul ne reuenoit sans playe, & la glottōnie d'Erisichthone, duquel escrit Ouide tels carmes:

*Soudainement ce que terre produit,
La mer, & l'air, à sa table est conduit:
Mais il se plaint, tant est insatiable,
Du trop petit appareil de sa table,
Et plus son œil peut de viandes veoir,
Encore plus il en desire auoir,
Voire ce qui suffisant eust esté
A substantier le peuple & la cité,
Ne luy pouuoit seruir de suffisance,
Pour refrener l'appetit de sa pance.*

*Et comme on void que de toute la terre
 La mer reçoit les fleuves, boit, & serre,
 Ne se soulant des ondes & ruisseaux,
 Et qu'elle boit les estrangeres eaux,
 Comme le feu de plus en plus s'enflame
 Du bois iecté dedans sa viue flame,
 Telle pour lors la bouche on apperçoit
 D'Erisichthon, qui sans cesse reçoit
 Toute viande, & de manger auide
 Sans proffiter demeure tousiours vuyde.*

Anciennement entre les Grecs, & puis aussi entre les Rommains, les lucteurs & gents faisans estat d'exercices corporels estoient fort goulus, & grands deuorateurs: mais ce vice infame passa aux temps subsequents parmy la noblesse, hommes consulaires, & les Empereurs, qui les surmôterent en gloutonnie. Car le Gouverneur Albinus, qui commandoit aux Gaules, deuora pour vn soupper cent pesches, dix melons, cinq cents figues seiches, & trois cents huistres. Et l'Empereur Maximin, lequel succeda à Alexandre fils de Mammee, mangea pour vn iour quarante liures de chair, & beut vne pleine amphore reuenant enuiron à trentesix pintes de vin. Gera pareillemēt Empereur fut si excessif en toute superfluité & deshonneste appetit, que lon dit qu'il commanda quelquefois d'estre serui de toutes sortes de viandes selon l'ordre de l'alphabet, & continua trois iours à se remplir le ventre & à gourmander. Mais avec cela nous abusons en delices, (qui est encor plus grande offense du

se du boire & du manger que Dieu & la nature nous ont donnés pour entretenir nos forces & nostre santé, & le corrompans par diuers artifices de cuisine en remplissons nos corps outre nostre capacité, & iusques à regorger, dont nous attirons des maladies incurables. Parquoy est verifié clairement le dire de Musonius, à sçauoir que les esclaves, les rustiques, les pources gents, & tous ceux qui se nourrissent de viandes grossieres & communes, sont plus robustes & mieux supportans les trauaux, moins souuent malades (ou point du tout) que ne sont les seigneurs, les habitans des cités, ny les riches. Et n'y a espee d'hommes plus subiects aux grieues maladies & difficiles, comme sont l'hydropisie, les gouttes, la verole, colique, & semblables, que ceux qui mesprisans la simple façon de viure aiment les diuersités & artifices de cuisine, dont nous voyons tout le contraire en ceux qui se contentent d'une maniere de viure ordinaire & simple, lesquels sont tousiours plus sains & gaillards. Ce que Celsus conferme, disant que les viandes simplement accoustrees sont viles à l'homme, & la diuersité & meslange des saueurs est pestifere, & que les fausses & confitures sont inutiles pour deux raisons, d'autant que lon en mange plus qu'il n'est de besoing à cause de la douceur, & puis elles sont de difficile concoction. Plusieurs autres grands personages & auteurs graues ont pareillement detesté ces irritemens de gucules & artifices recherchés aux viandes pour
esueillel

esueiller l'appetit. Mais il y en a certains, lesquels sous pretexte de religion ne blasment point seulement la gourmandise, friandise, & trop grande delicatessé de viure, ains detestent les viandes que Dieu a creees pour l'usage de l'homme, & s'abstiennent de manger de la chair : toutesfois ils ayment fort le vin, & boyuent à l'epicurienne, nonobstant que l'apostre die qu'il incite à paillardise: cependant donnent à entendre qu'ils font abstinence & ieunent, estans repeus de toutes sortes de bons poissons, & bien abreueés du meilleur vin : à quoy ils ont les leures, la langue, les dents & le ventre tousiours appareillés: mais c'est sans bourse deslier. Or laissons ceste cuisine de viandes & mets, & venons à celle de Geber, c'est à sçauoir à l'alchemie, laquelle ne digere ou consume pas moins de bons biens que la mangeaille & la glotonnie.

De l'Alchemie. CHAP. XC.

L'ALCHEMIE, ou art, ou piperie, ou vne poursuite de Nature que lon la doyue nommer, est à la verité vne imposture excellente & garentie de toute punition: la vanité de laquelle se manifeste en ce qu'elle promet choses qui combattent contre la nature mesme, ou qu'elle ne sçauroit accomplir ny atteindre, iagoit que art aucun ne puisse surmonter la nature, ains seulement l'imiter, voire la suyure de bien loing, & que la force & vertu de nature soit de beaucoup plus grande

de efficace que celle de l'art. Mais

Des bons esprits suspecte est l'alchemy,

Et ses supposts plaire ne peuvent mie:

Par tant d'abbus les hommes entretiennent,

Qu'elle & ses faicts en ruine deuient.

En essayant de transmuier les formes, & especes des choses, & forger vne certaine benoiste pierre philosophale qu'ils appellent, par l'attouchement de laquelle toutes choses soyent soudainement conuerties en or ou argent, selon le souhait de Midas, & si s'efforce de tirer du ciel haut & inaccessible vne certaine quinte essence, par laquelle se font forts les alchimistes de donner, non pas seulement des richesses excédantes celles de Cresus, mais, qui plus est, de remettre l'homme en sa florissante ieunesse, & entiere santé, dechassant de luy la vieillesse, & presque le rendre immortel.

Mais de tous ceux qui font estat de la science,

N'y a cil qui d'iffi Et en donne experience.

Seulement en monstrent quelques essais, assemblent quelque peu d'argent par ceruses, vermillons, antimoinnes, sauons, & autres drogues seruans à farder les femmes, paindre, & emplastrer les vieilles, lesquelles l'escriture appelle onguents de paillardises, & par ce moyen dressent la boutique de Geber: dont est venu le commun prouerbe, Que tout alchimiste est ou medecin ou sauonnier, & enrichit les oreilles des hommes par paroles: mais son intention est de vuidier leurs bourses. Et pour claire coniecture de

la vanité & nullité de leur art est à noter qu'ils demandent tousiours quelque escu à ceux à qui ils font promesses de grandes richesses, par où l'on void que ce ne sont que bourdes & refueries d'esprits mal composés. Ils trouuent neantmoins des hommes tresdesireux de ce grand heur, auxquels ils font à croire qu'ils tireront de l'argent vif plus grands thresors que la nature n'en a mis en l'or ny en l'argent mesme : & nonobstant qu'ils ayent esté deceus par trois ou quatre fois, se laissent derechef eniauler par nouveaux enchantemens, contraindre par ceste prodigieuse imposture à souffler les fourneaux, cuidans par folie la plus douce & plaisante qui soit, de pouuoir affermir ce qui est volage & s'espard en l'air, ou rarifier & rendre en fumee ce qui est ferme. Ainsi les dommageables charbons, le soulfre, la fiente, les poisons, les vrines, & tout dur travail vous semblent plus doux que le miel, tant que vous ayez consommé tous vosheritages, meubles, & patrimoines, & iceux reduits en cendre & fumee, pourueu que vous vous promettiez avec patience de voir pour recompense de vos longs labeurs ces beaux enchantemens d'or, perpetuelle santé & retour à jeunesse. En fin ayant perdu le temps & l'argent que vous y auez mis, vous vous trouuez vieux, chargés d'ans, vestus de haillons, affamés, tousiours sentans le soulfre, taincts & souillés de suye & de charbon, & par le frequent maniemment de l'argent vif deuenus paralytiques, & n'ayans re-
ueuu

uenue que du nez tousiours distillant: au reste si malheureux que vous vendriez vos vies & vos ames mesmes. En somme ces souffleurs experimentent en eux mesmes la metamorphose & changement qu'ils entreprennent de faire es metaux: car de chymiques ils deuiennēt cacochymes, de medecins mendians, de fauonniers tauerniers, la farce du peuple, fols manifestes, & le passetemps d'un chacun: & n'ayans peu se contenter en leurs ieunes ans de viure en mediocrité, ains s'estans abandonnés aux fraudes & tromperies des alchemistes toute leur vie, ils sont cōtraints estans deuenus vieux de belistrer en grande poureté: en sorte que au lieu de trouuer faueur & misericorde en l'estat calamiteux & miserable où ils se trouuent, ils n'ont que le ris & la moquerie d'un chacun. Plusieurs d'entr'eux forcés par la poureté se sont addonnés à choses illicites & mauuaises pratiques, comme d'estre faux monnoyeurs, ou vser de quelque autre espee de fausseté. Parquoy c'est à bon droit que les loix Rommaines condamnent cest art, & la chassent de la republique, & est prohibee en l'Eglise chrestienne par les decrets des sacrés canons. Et s'il estoit pratiqué ainsi aujourdhuy, que ceux qui sans bonne licence du Prince exercent l'alchemie fussent chassés des royaumes & prouinces, leurs biens confisqués, & eux punis au corps, il est certain que lon ne verroit point tant de fausses especes de monnoye, par lesquelles vn chacun est deceu au grand dommage & perte

si
os
ri-
nâ-
ux:
de
ers,
éps
en
ins
ies
nts
po-
&
ble
oc-
cés
ites
aux
ece
les
la
en
rés
uy,
exer
&
nis
oint
uel-
&
erre

perte du public. Je croy que pour congnoistre ces trompeurs iadis fut faicte la loy d'Amasis Roy d'Egypte, par laquelle il estoit enioinct à vn chacun de comparoistre deuant vn magistrat à ce ordonné, & là donner raison & declairer par quels moyens il s'entretenoit & viuoit, & à faute de ce faire peine de mort y estoit establie. Je pourrois dire plusieurs choses de cest art, (duquel ie ne suis pas trop ennemi,) n'estoit que i'ay faict serment, selon la coustume quand on est receu aux mysteres d'iceluy, de ne les reueler. Ce qui a esté si constamment & religieusement obserué par les anciens philosophes & auteurs, qu'il ne s'en trouue aucun de renom, d'autorité, ou digne de foy, qui aye faict mention ny escrit vn seul mot d'iceluy. Ce qui a donné occasion à plusieurs de croire que tous les liures qui sont escrits de cest art ont esté forgés és temps plus recents : & est cela assez clairement demonstré par les noms obscurs des maistres alchemistes, Geber, Morienus, Gilgilis, & autres de leur troupe, incongnus, & desquels aucun autre n'a faict mention : les vocables aussi dont ils viennent mal accordans à la signification des choses, la lourderie de leurs sentences, & peruerse maniere de philosopher. Aucuns toutesfois veulent interpreter que la toison d'or & sa peau estoit vn liure d'alchemie escrit à la façon ancienne en vne peau, dans lequel estoit enseignée la maniere & science de faire de l'or. De tels liures estant faicte tresdiligente recherche par le

commandement de Diocletian entre les Egyptiens, qui estoient, à ce que l'on dit, tresexperts en cest art, il fut ordonné qu'ils seroyent tous bruslés, de peur que les Egyptiens se fians en leurs richesses, & incités par l'abondance de l'or, n'entreprissent quelque iour de faire la guerre aux Rommains, depuis lequel temps l'alchemy par edict public fut par les Empereurs condamnée pour meschante. Or il seroit trop long de raccompter toutes les folies, vains secrets & enigmes de ce mestier, du lyon verd, du cerf fugitif, de l'aigle volante, du crapaut enflé, de la teste du corbeau, de ce noir qui est plus noir que le noir, du cachet de Mercure, de la boue de folie (ie faux, c'est de sagesse) & semblables bourdes sans nombre. En outre de ce seul vnique, ouere lequel ne se trouue aucune chose, neantmoins peut estre trouué par tout : i'entens du subiect bienheureux de la sacree pierre philosophale, le nom duquel m'est presque eschappé, & peu s'en est falu que ie n'aye esté pariure & sacrilege tout ensemble. Partant i'en parleray par circonlocution vn peu obscurément, à fin de n'estre entendu que par les enfans de l'alchemistique science, qui ont eu entree & ont esté receus aux mysteres d'icelle. C'est donques vne chose de substance non du tout de feu, ny du tout terrestre, ny simplement aqueuse, ny aigue, ny obscure, ou de grosse qualité, mais mediocre, polie, & douce au toucher, & aucunemēt molle, ou pour le moins n'est point dure ny aspre, au goust est en certain-
ne fa

ne façon douce, souefue au flairer, agreable à la veue, amiable & plaisante à l'oreille, resiouillan-
te au cœur & à la penſee. Or ie n'en oserois dire d'auantage : si est-ce qu'il y a bien plus grandes choses en elle : mais i'estime ceste science pour m'estre familiere, digne de l'honneur que Thucydide requiert à la femme de bien, disant que d'elle on ne doit parler ny en bien ny en mal. Je diray toutesfois cecy des alchemistes, qu'ils sont meschans sur tous les hommes : car non-obstant que Dieu aye commandé qu'en la sueur de son visage l'homme doit manger son pain, & ailleurs par son prophete il dit,

Du labour que ſçais faire

Vuras commodement,

Et ira ton affaire

Bien & ben eusement.

Ceux cy mesprisans l'ordonnance de Dieu, & la benediction de ses promesses, fuyans le labour, bastissent des montagnes d'or, comme lon dit, par ouurages & artifices feminins & puerils. Je ne veux toutesfois nier que de cest exercice ne procedent & prennent origine plusieurs belles experiences : car les azurs, les cinabres, mines, ou vermillon, & l'or qui est appellé musical, & autres mixtions de couleurs en sortent, comme aussi la façon du laiton, & toutes meslanges de metaux, & la maniere de souder, assembler, & partir, & de faire les essais d'iceux. L'inuentiõ de l'artillerie, & la fonte de telles machines est de l'inuention de ceste science. L'art tresexcellent

de la verrerie en est venu, duquel vn certain Theophile a composé vn tresbeau liure. Plinē recite que du temps de Tybere Empereur fut trouué maniere de faire du verre qui se pouuoit ployer, duiſe, & eſtendre, mais la boutique en fut oſtée par le cōmandement de l'Empereur, & (ſi Iſidore dit vray) le maiſtre de ceſt artifice mis à mort. Ce qui fut faiſt de peur que le verre n'oſtaſt le prix & la reputation à l'or, à l'argent, & au cuyure. A tant nous mettrons fin à ce propos.

Du Droit & des loix. CHAP. XCI.

Lreste maintenāt à parler de la ſcience du droit, laquelle ſe vante de ſçauoir elle ſeule diſcerner entre le vray & le faux, ce q̄ eſt iuſte & iniuſte, equitable ou inique, licite ou illicite. De ceſte faculté ſont aujourdhuy cheſs le Pape & l'Empereur, leſquels ſe vantent d'auoir tous les droits encloſs dans l'eſcrin ou cabinet de leurs poictrines, diſans pour toute raiſon, que tel eſt noſtre plaiſir: par le iugement deſquels tous les arts & ſciences, eſcritures & opinions, & toutes les œuures humaines ſont cenſurées & reiglees. Parrant il y a vn cōmandemēt de pape Leon à tous fideles chreſtiens, qu'aucun ne s'ingere de iuger de quelcun ou de choſe quelconque, ny définir ou déterminer de quoy que ce ſoit, ſinon ſuyuant l'autorité des ſaincts conciles, canons & decretales, dont le Pape eſt le chef. Voire qu'il ne ſoit loĩſible

loisible à personne de se servir des determinations des Theologiens, quelques saints, doctes, & grands personnages qu'ils soyent, sinon en tant que le Pape le permet, & les autorise par ses canons. Et ailleurs le canon defend qu'aucun liure ou volume ne soit receu par les Theologiens, voire en part quelconque du monde, sinon celuy qui aura esté approuvé par l'Eglise Romaine, & selon les canons du Pape. L'Empereur pretend aussi pareil droit sur la philosophie, medecine, & autres sciences, ne permettant aucune autorité à discipline quelconque, sinon en tant qu'elle luy est ottroyee par la jurisprudence; à laquelle (dit il) tout tant qu'il y a d'autres arts & sciences comparees sont comme viles & infructueuses. Partant, dit Vlpian, que la loy est le Roy des choses diuines & humaines, la force de laquelle, dit Modestin, est de commander, permettre, punir, defendre & prohiber, qui sont les dignités & charges plus grandes que l'on puisse trouuer. Pomponius aussi la definit en ses loix inuention & don de Dieu, & doctrine de tous les sages: car ces vieux立法ateurs donnoient à entendre au peuple que Dieu leur auoit mis en la bouche ce qu'ils ordonnoient, à fin d'acquiescer plus de credit & d'autorité à leurs decret. Ainsi faisoit à croire Osiris aux Egyptiens que Mercure luy auoit dictées ses loix, Zoroastre aux Perses & Bactriens qu'il auoit esté enseigné par Oromasus, Charinundas aux Carthaginois par Saturne, Solon aux Atheniens par

Minerue, Zantraſtes aux Arimaſpes par le bon Dieu, Zamolxis aux Scythes par Velta, Minos aux Cretois par Iupiter, Lyncurque aux Lacedemoniens par Apollo, Numa Pompilius aux Romains par la nymphe Egeria. Voyla pourquoy cette ſcience du droit s'attribue & uſurpe la ſuperiorité & maſtriſe ſur toutes les autres diſciplines, & exerce tyrannie enuers icelles, & comme ſe ſurhaullant par deſſus toutes, ainſi que la fille ainſee des Dieux, elle meſpriſe & reputé viles & vaines les autres, nonobſtant qu'elle ſoit compoſée toute d'opinions & imaginations caduques & infirmes des hommes, foible & legere entre toutes les ſciences du monde, & ſubiectionnée à eſtre alteree & changee à meſure que le temps apporte quelque mutation en l'eſtat & aux Princes. L'origine premiere de laquelle eſt venue du peché de noſtre premier Pere, cauſe de tous noſtre maux. Dont voyla les belles maximes: Force par force repouſſer eſt loiſible, romps la foy à celuy qui te l'a rompue, tromper vn trompeur n'eſt tromperie, vn trompeur n'eſt de rien tenu à vn autre trompeur, la coulpe peut eſtre compenſée par autre coulpe, la iuſtice ne doit eſtre communiquée aux malſaſteurs, ny la foy aux ennemis, à celuy qui veut n'eſt faicte aucune iniure, il eſt permis à ceux qui contractent enſemble de ſe deceuoir l'un l'autre, la choſe vaut autāt qu'on la priſe: plus qu'il eſt permis de faire ſon profit ou ſe garder de dōmage avec le dōmage d'autrui nul n'eſt tenu à ce q̄ eſt impoſſible: plus s'il eſt de
neceſſité

nécessité q̄ toy ou moy perissions, i'ayme mieux
 q̄ tu perisses que moy, & semblables choses, qui
 ont esté depuis redigees par escrit. En somme la
 loy de nature nous persuade de n'endurer faim
 ny soif ny froid, & de ne veiller point, ne s'affli-
 ger par traux, tellement q̄ reiectant toute ope-
 ration & exercice de cœur religieux & penitent
 elle establit pour souueraine felicité la volupté
 Epicurienne. D'icelle est issu le droit des gents,
 lequel a produit les guerres, les meurtres, les ser-
 titudes, & ont esté ordonnées & distinctes les sei-
 gneuries & domaines. Finalement le droit ciuil
 ou populaire a esté mis en auant, qui est propre
 & particulier à certain peuple qui l'a institué
 pour soy. Duquel ont esté engendrés tant de
 proces entre les hommes, que selon le tesmoi-
 gnage des loix mesmes, il y a faute de vocables
 pour exprimer la diuersité des negoces. Car
 estant l'homme animal contentieux & enclin à
 noise, il a esté, disent ils, necessaire pour l'establis-
 sement & l'observation de la iustice qu'on les
 en aye aduertis par les loix, à fin que l'audace des
 mauuais fust reprimée, & l'innocence entre les
 melchans tellement asseuree, que les bons
 peussent viure entre les peruers. Voila don-
 ques quels ont esté les principes de ce droit tant
 remarquable, dont se trouuent des legistateurs
 presque innumerables. Le premier & plus an-
 cien fut Moïse, qui escriuit les loix aux iuifs en-
 uiron le temps que Cecrops bastit celles des
 Egyptiens.

Egyptiens. Apres Pheronee premier de tous donna des loix aux Grecs : derechef aux Egyptiens furent loix establies par Mercure Trismegiste. Apres Dracon & Solon en baillerent aux Atheniens, & Lycurgue à ceux de Lacedemone. Palamedes fut celuy qui premier institua les loix de la guerre pour iuger en l'armee. Aux Rô-
 mains Romulus fit les premieres loix appellees curiates, & son successeur Numa ordonna celles touchât la religion, & successiuelement les autres Rois Rô-
 mains publierent chacun leurs loix, lesquelles furent recueillies & assemblees depuis es volumes da Papyrius, du nom duquel fut nommé le droit ciuil Papyrien. Apres lequel vint le droit des douze tables. Item le droit Flauian, le droit Helien, la loy d'Hortense, le droit hōnoraire, le droit des Preteurs, plus les ordōnances du peuple, les decrets du Senat, le droit des magistrats, les coustumes, & finalement le plaisir des Princes, ausquels pouuoir fut delaisé de disposer des loix & des droits. Le laissé ces Iuriconsultes en nombre infini, de la plus part desquels fait mention la loy seconde de Origine iuris. Mais de ceux qui ont essayé les premiers de rediger le droit ciuil en vn liure, Cn. Pōpee fut le premier, apres luy C. Cesar : mais l'un & l'autre preueni
 des guerres ciuiles & de mort aduancee ne peurent mettre en effect ce qu'ils auoyēt entrepris en ce regard. Depuis Cōstantin chāgea ces vieilles loix: puis Theodose le ieune les reduist en vn liure q est de luy nommé le Code Theodosien. En

fin Iustinien mit en auât le Code, duquel nous
vsons à present. Or quant au droit ciuil, ce n'est
autre chose que ce q̄ le peuple ou le Prince ordō
ne, lesquels ont la souueraine puissance & auto-
rité en cest endroit, & en somme ce q̄ les hōmes
d'un commun consentement veulent & accor-
dent. Partant dit Iulien que les loix ne nous lient
pour autre raison, sinon, pource qu'elles sont
receuës par le iugement du peuple, lequel d'un
commun consentemēt a transféré toute la puis-
sance & toute l'autorité de commander au Prin-
ce: & pource tout ce qui plait au Prince & au
peuple, tant par coustume que par disposition, a
vigueur & force de droit, encor qu'il y aye er-
reur ou faulseté. Car la commune erreur fait
droit, & la chose iugee tient lieu de verité. Ce
que Vlpian nous enseigne par ces mots: à sçauoir
que celuy doit estre estimé nay de libre condi-
tion qui a esté declairé tel par iugement, encor
qu'à la verité il fust esclau affranchi, d'autant
que la chose dont iugement s'est ensuyui est
tenue pour veritable. Nous lifons aussi és escrits
de luy mesme, qu'un certain Philippe Barbarius,
encor qu'il fust esclau fugitif, demanda neant-
moins & obtint la dignité de Preteur à Rōme.
Exerçant laquelle il fut en fin congnu: mais ses
actes & ordonnances furent confirmées toutes,
& fut ordonné qu'aucune chose ne seroit chan-
gée de ce qu'il auoit faict sous le voyle d'une si
grande dignité tout esclau qu'il estoit. Et ail-
leurs vn certain vicillard villageois est tellemēt

honoré par l'autorité de l'Empereur, que le Jurisconsulte est astraint de plaider selon le dire d'iceluy. Pareillement Paul, tresexpert au droit des Rommains, dit, A present, si pour l'usage de l'Empereur au compte de l'argent a esté redigé vn chandelier d'argent, il sera reputé en qualité d'argent, & non de meuble ou vtenfile, d'autant que l'erreur fait droit. Luy mesme au tiltre de legi. & senatusc. dit, qu'il n'est possible de rendre raison de tout ce qui a esté establi & decerné par nos predecesseurs. Par ces choses nous pouuons donques arrester que toute la prudence du droit ciuil ne gist & ne depend que de la seule opinion & volonté des hommes, sans qu'il y aye autre raison vrgente que la seule honnesteté de mœurs, ou commodité de viure, ou l'autorité des Princes, ou la force des armes. Et si elle s'employe à la conseruation des bons, & reprimende des mauuais, sans doute aucune c'est vne tresbonne discipline. Mais si c'est autrement, elle est trespernicieuse, à cause des iniquités qui se commettent par le moyen & ministère d'icelle, par la negligence, souffrance, ou consentemēt du magistrat ou du Prince. Et y eut vn certain Demonact, l'opinion duquel estoit, que les loix ne seruoient de rien, & estoient superflües : car elles ne s'adressoient ny aux bons ny aux mauuais, d'autant que les bons n'ont que faire de loix: car sans icelles ils vivent bien, & les mauuais n'en amendēt aucunement. Avec ce, puis que (selon que T. Liue escriit que

con

confessoit Caton) à peine se peut il faire vne loy qui soit bien commode à tous, ains que le plusouuēt enicelle on trouue que l'equité combat contre la rigueur du droit, & que Aristote en les traictés moraux definit l'equité estre la correction d'une loy iuste à l'endroit où elle défaut, d'autant qu'elle a esté publicee generalement, n'est il pas euident que toute la force & vertu du droit & de la iustice ne depéd point tant des loix que de la bonté & equité des Iuges?

Du droit Canon. CHAP. XCII.

DV DROIT ciuil est procedé & issu le droit Canō ou Papal, lequel pourroit ressembler à plusieurs sainct & sacré, tant subtilement & ingenieusement ont ils sceu coulurer les preceptes de leurs auarices & formulaires de butiner, sous le manteau de pieté & religion, nonobstant qu'en iceluy soyent fort peu d'ordonnances qui touchent la religion ny le seruice de Dieu, & administration des sacremēts. Je me tais de plusieurs choses là contenues, contraires ou repugnantes à la loy de Dieu. Au reste ce n'est que bobans, pompe, noises, & proces, & avec ce manieres d'attrapper argent, negoces questuaires & opinions papales & Romanesques ou des Papes de Romme, ausquels ne suffisent les saintes reigles establies iadis par les saintes peres: partant y ont voulu adiouster & entasser force decrets, pailles, extrauagantes, declaratoires, reigles de chancelerie,

lerie, en sorte qu'il n'y a fin ny mesure à bastir iournellement nouueaux canons, qui est le seul plaisir & la seule ambition sur toutes des Papes de Romme, l'arrogance desquels est venue si auant qu'ils ont presumé de commander aux anges du ciel, de rauer la proye, & butiner aux enfers, & vser de main mise sur les ames des trespassés, voire d'attenter & exercer tyrannie sur la loy de Dieu par interpretations, declarations, & disputes, à fin que rien ne defaillist ou fust derogé à leur pleine puissance pour la rendre de tout poinct accomplie. Pape Clement ne commande il pas par vne bulle scelee de plomb, gardee encor auiourdhuy dans les thresors & chartres à Vienne, Limons, & Poictiers, aux anges du ciel de porter droit en paradis l'ame d'un pelerin decedé en allant à Romme querir des indulgences, & la garentir du feu de purgatoire adioustant ces mots, Nous ne voulons qu'il sente aucune peine infernale en maniere quelconque. Concedant en outre à ceux de la croisade de pouuoir tirer par leurs vœux & prieres trois ou quatre ames de purgatoire telles qu'il leur plairoit. Cest erreur & intolerable audace, & peu s'en faut que ie ne die heresie, fut par l'uniuersité de Paris reprinse & detestee pour lors publiquement. Dont possible elle s'est repentie depuis, de ce, dis-ie, qu'elle n'a interpreté ce zele excessif de Clement par quelque bourde ou couuerture de pieté, faisant plustost valoir que tascher d'aneantir la chose, puis qu'aussi bien
pour

pour leur affermer ou nier, dire ouy ou non, rien ne diminue ou change de l'autorité ny du dessein du Pape : les canons & decrets duquel ont si bien astraincte toute la theologie, qu'aucun Theologien, pour grand criart & debateur qu'il soit, n'ose arrester, tant s'en faut qu'il veuille opiner ou disputer, chose qui soit diuerse à iceux sans protestation & congé, comme disoit Marcial de Rufus,

*Tout ce que fait Rufus ce n'est rien autre chose
Qu'avec congé : s'il rid, s'il se taist, s'il repose,
Tousiours avec congé : & s'il mange ou s'il boit,
S'il requiert, ou refuse, ou consent, il se void
Que c'est avec congé. Somme sans ce congé
Il resteroit muet.*

*Agrip.
rompu c
pigr. de
rial, le se
quel est
autre.*

Ces Canons & Decrets papaux nous ont appris que les royaumes, chasteaux, donations, fondations, franchises, richesses, & possessions sont le patrimoine de nostre Seigneur Iesus Christ : que la sacrificature de nostre Seigneur Iesuschrist & la primauté en l'eglise est vn Empire ou vn Royaume, & que le glaive d'iceluy est vne iurisdiction & puissance temporelle: Que la pierre fondamentale de l'eglise est la personne du Pape: Que les Euesques ne sont ministres de l'eglise seulement, mais chefs, & que les biens ecclesiastiques ne sont tant seulement la doctrine euangelique, l'ardeur de la foy, le mespris du monde, mais des peages, rentes, reuenus, dismes, offrandes, collectes, des chapeaux rouges, des mitres, or, argent, terres, pierres precieuses: Que

la puissance du Pape gist à mener guerre, desunir les Princes & potentats, rompre & absoudre du serment d'obeissance les peuples, & en somme faire de la maison d'oraison vne spelonque de brigands. Tellement que le Pape peut deposer vn Euesque sans cause, qu'il peut donner le bien d'autrui à qui il veut, qu'il ne peut commettre simonie, qu'il peut dispenser contre le vœu fait, contre le serment, contre le droit de nature, sans qu'il y aye aucun qui doye demander, Pourquoy fais tu ainsi? En outre, q̄ pour quelque affaire important il peut dispenser contre tout le nouueau testament, voire trainer, s'il est expedient, la tierce partie & plus des ames fideles & chrestiennes en enfer. Dauantage que la charge des Euesques n'est plus desormais de prescher la parole de Dieu, mais de confirmer les enfans, leur baillant des soufflets, conferer les ordres, dedier les temples, baptiser les cloches, consacrer les autels, & calices, benir les habillements & painctures, & ceux qui ont l'esprit meilleur & yisent à plus grand's choses laissans cest office à certains Euesques titulaires ou portatifs s'employent aux ambassades des Rois; sont leurs aumosniers ou chappellains ordinaires, ou meinent & accompagnent les Roines, & sont excusés par telles grandes & importantes charges, & ont exemption de seruir à Dieu & aux temples, moyennant qu'ils honnoient magnifiquement les Rois es cours. De ceste source canonique & decretalistique sont sorties les cautelles par lesquelles

quelles à present lon peut acheter les benefices
& eueschés sans tumber en simonie, & genera-
lement tous les traffiques, marchandises, & mo-
nopoles qui se font es graces, pardons, indul-
gences, dispenses, & semblables especes de bri-
gandages, par lesquelles ils ont taxé & mis à prix
les remissions des pechés ottroyées par Iesus
Christ gratuitement, & mesme ont trouué à prof-
fiter sur les peines infernales. A ce droit canon
est deuë l'inuention de la fausse donation de
Constantin, nonobstant que par le tesmoignage
mesme de la parole de Dieu l'Empereur ne doy-
ue delaisser ou aliener ce qui est sien, ny le Pape
ou le clergé vsurper ce qui appartient à Cesar.
Mais si lon requiert plus ample foy de ce que
nous disons, qu'on lise les chapitres dont le rol-
le s'ensuit, lesquels i'ay remarqué entre plusieurs
autres de leurs loix d'ambition, d'orgueil, & de
tyrannie. Que lon regarde donques aux vieilles
decretales les chapitres significasti. c. venerabi-
lem. de elect. c. solite. de ma. & obed. c. cum olim.
de priuileg. c. si summus Pontifex. de sentet. exc.
c. inter cetera. de offic. iud. ord. Apres au sixieme
des decretales assemblée ou amassé par Boniface
huietieme ce tyran des Papes, que lon voye ce
qu'il dit au prologue d'iceluy, & au c. j. de l'im-
munité des eglises, auquel ne cede aucunement
l'arrogante Clementine pastoralis. de sen. & re
iud. avec l'extrauagante de Iean 22. qui comen-
ce Ecclesiæ Romanæ. & autre super gentes. Et
l'extrauagante de Boniface 8. vnâam sanctam. Du
recueil

recueil de Gratian se presentent aussi c. si cuius. d. 14. c. si omnis. d. 18. c. si omnes. & c. enimuerò. c. in memoriam. c. si Romanorum. d. 19. c. omnes. d. 22. c. tibi domino. d. 60. c. Constantinus. d. 96. & c. quando. d. 86. & gl. ibid. & c. si Papa. d. 60. En outre on doit adiouster à ceux cy 9. q. 1. c. cuncta. & c. cōquestus. 15. q. 6. c. omni. 30. q. 1. c. omnia. Quiconque examinera tels canons, & autres semblables, comprendra facilement quels sont ces grands & admirables mysteres que les Papes prouignent en leur droit canon, destournans mesme & bien souuent falsifians les choses qui sont contenues és escritures saintes, & les faisans seruir à leurs fictions & men songes. De ceste forge sont sorties les concordances de la bible qu'ils appellent avec les canons. A cela on peut assembler tant de sortes de tiltres qu'ils baillent à leurs rapines, comme des manteaux, des indulgences, des bulles, des confessionales, des indults & rescrits, des testamets, des dispenses, priuileges, electiōs, dignités, prebendes, des maisons religieuses, oratoires, & eglises, des immunités, des cours, des iugemens & autres telles inuentions. En somme tout le droit canon est le plus inconstant & variable de tous, voire plus que n'estoit Protee, ou que le Chameleon, plein de brouillis & de nœuds moins explicables que le nœud Gordien. Et si par le moyen d'iceluy la religion chrestienne, laquelle dès son commencement vid mettre fin aux ceremonies par Iesuschrist, en est aujourdhuy

dhuy plus chargee que ne fut onques la Iudaïque, aux ceremonies de laquelle si lon vouloit aujourdhuy contrepeser le ioug doux & leger de nostre Seigneur, lon trouueroit qu'il les emporteroit de beaucoup, tant l'ont ils rendu grief & pesant : & sont contrains les chrestiens de viure plus par le reiglemēt des canons, que par les ordonnances de l'Euangile. Somme, tout l'un & l'autre droit, & toute la science d'iceux n'est occupee en autre chose qu'autour de certains negoces fragiles, caduques, coulants, vains, & prophanes, traffiques vulgaires, & iniures populaires, & en outre es meurtres, larrecins, pilleries, brigandages, factions, conspirations, outrages, & trahisons que les hommes commettent les vns contre les autres. Plus apres les parjurements de tesmoins, faussetés de greffiers & notaires, collusions & meschancetés de procureurs & aduocats, corruptions de Iuges, ambitions de conseillers, rapines de presidents, par lesquelles les vefues sont opprimees, les pupilles ruinés, les gents de bien contrains d'abandonner le pais, les pources foulés aux pieds, & les innocents condamnés, &, comme dit Iuuenal,

Aux corbeaux rauissans fait pardon leur censure,

Et les simples colombs punit de peine dure.

Ainsi les aueugles humains, qui ont cuidé par le moyen des loix & canons euites les lacs & dangers, trouuēt qu'ils se sont preparés en icelles mesmes des lacs esquels ils tumbent & trebuchent : Car à la verité ces loix & canons ne

H proce

procedent point de Dieu, & ne nous meinent point à luy, mais viennent de la nature & iugement corrompus des hommes qui les ont inuentees & mises en auant pour seruir à leur auarice, & faire leur profit.

Des Aduocats. CHAP. XCIII.

IL Y A vn autre exercice de droit, à sçauoir l'art d'aduocasser, qui est fort nécessaire. C'est vn tresancien exercice, frauduleux, & fardé d'un voile persuasif avec cautele & finesse : qui ne gist en autre chose qu'à bien sçauoir amadouër vn Iuge par persuasions, & vser d'iceluy en toutes occasions à souhaict, à bien sçauoir desguiser les loix, les adapter & faire seruir à leur cause, par gloses & droits controuués, trouuer des eschappatoires pour fuir de venir à raison, & prolonger les frauduleux proces. Alleguer tellement les loix, que l'equite soit peruertie, les appuyer de gloses & d'interpretations en sorte que le sens & intention de la loy du legislateur soyent subuertis. Ce qui sert le plus en cest art, est d'auoir bonne & forte voix, crier audacieusement, & estre importun. Et est celuy entre les aduocats estimé le meilleur, qui met plus de gents en proces, les y pousse plus auant, leur promettant gaing de cause, & les stimule par melchant conseil à plaider, qui espie les appellations, qui est excellent plaidereau, auteur de querelles & debats, qui fait taire à force de crier tous les autres, & sçait donner

donner faueur à quelque cause que ce soit, & la faire preferer aux autres, brouiller, & esblouir par maniere de dire les iugemens, & par ce moyen reuoker en doute ou faire paroistre inique ce qui est veritable, certain, & tresiuste, deffaire & destruire la iustice par ses armes mesmes, la peruerter & atterrer; ausquels il sembe que

Iustice est auourdhy marchandise publique,

De laquelle lon fait ordinaire traffique:

Le Iuge qui se sied aux plaids, euidentement

Tesmoigne que le droit & l'equité se vend.

Ils vendent pareillement ce qui n'est point entre les choses, à sçauoir priuation & silence: Car tout ainsi que nul d'eux ne parle s'il n'est payé, aussi ne se veulent ils taire sans payement, imitans en cela, comme ie croy, Demosthenes, lequel ayant demandé à Aristodemus ioueur de Comedies combien il auoit receu pour reciter, & entëdu de luy qu'on luy auoit baillé six cents escus, l'ay, dit il, receu beaucoup dauantage pour me taire. La langue des aduocats à la verité est si dommageable & dangereuse, que si elle n'est liée par presents, on ne peut faire qu'elle ne parle.

Des Notaires & Procureurs. CHAP. XCIII.



Ces façons de faire leur seruent & assistent les Procureurs & Notaires, que nous appellons tabellions, les iniures, dommages, meschance-

H 2 tés,

tés, & faussetés desquels vn chacun est contraint d'endurer, attendu qu'ils ont obtenu foy & creance en toutes choses par autorité imperiale & apostolique. Entre iceux sont les plus renommés ceux qui sçauent les moyens de troubler vne cour, semer des proces, confondre les causes, supposer les testaments, instruments, contracts, rescrits, & lettres royaux, & avec ce dextrement tromper, piper, & s'il est besoing, foy pariurer & escrire le faux: ceux qui sont hardis à entreprendre toutes choses, & se monstrent inuincibles, & n'auoir leurs pareils à trouuer des cauillations, tromperies, artifices mauuais, & calomnies, construire des trappes, lacs, & trahisons, empestre les parties par ambages & circonuentions. Il est bien certain que lon ne trouue notaire qui sçache coucher si bien vn contract, ny en telle perfection, que lon n'y trouue tousiours matiere de proces, si lon veut contredire: Car lon dira tousiours que quelque chose a esté oubliée, ou qu'il y a fraude ou fausseté, on opposera lon quelque autre exception qui combattra la preudhommie du notaire. Voyla doncques les beaux remedes que les loix & les droits nous baillent, ausquels les plaidans sont renuoyés pour refuge: ce sont les veilles ausquelles les droits sont aydans, comme ils disent, sinon que lon aime mieux combattre que plaider là où l'homme aura autant de droit qu'il en pourra defendre par sa puissance & autorité, iouxte la loy qui dit, Nous ne pouuons nous egaler aux
plus

plus puissans que nous.

De la Iurispudence. CHAP. XCV.

A CEST exercice appartient aussi l'occupation de ces grands & desmesurés geants, lesquels contre l'edi& de Iustinien nous ont produit de volumes enormes & innumerables de gloses, commentaires, & expositiōs, l'un interpretant d'une maniere, l'autre d'une autre, & tous entre eux differents & contraires. Et par malheureuse fertilité ont enfanté tant de tempestes d'opinions, & de forests obscures & esgarees de cauteleux & rusés conseils, par où est esguisee la malice des aduocats, lesquels couurent leur honte par les frequents & celebres renuois & allegations de chacun article, qu'ils appellent paragraphe de ces Iurisconsultes: comme si la verité n'estoit plus fondee en raisons qu'en ce chaos de tesmoignages & autorités puisees du boubrier & ordure de ces sots opinateurs, à l'endroit desquels la contention & discorde sont en si grande estime, que celuy sera tenu peu sçauant ou ignare qui ne sera de contraire aduis aux autres, ou ne leur sçaura contredire par nouuelles opinions, & reuoquer en doute tout ce qui aura esté arresté & iugé, & bien accommoder à ses resueries par ambigues & douteuses expositions les loix sainctement ordonnees. Parquoy toute la Iurispudence a esté reduite en conseils peruers & trompeurs, & en rets & piege d'iniquité.

Voyla les instruments & les artifices par lesquels auiourdhuy le monde & la republique chrestienne sont regis & gouuernés, par lesquels, dis-ie, sont ordonnés les royaumes, empires, & principautés entre les natiōs. De la troupe de ces brouillons & gents peruers sont choisis les officiers & magilrats des Princes & des Papes, Conseillers, & presidents aux Cours souveraines, & en fin sont faicts chefs des affaires des Royaumes, comme si ceux qui ont esté meschans aduocats deuoyēt deuenir gents de bien aussi tost qu'ils sont appellés aux estats de iudicature. Ils deuiennent pareillement redoutables à leurs propres maistres & Rois ainsi que les Titans à Iupiter. Et finalement de ce bois sont faicts ces ventrus Chanceliers chefs de Iustice enuelpés de pourpre ou escarlate à la suite des Rois & Empereurs, par les mains desquels toutes choses passent & sont exposees en vente: voire vn chacun contraint d'acheter d'eux les dons, ottois, ordonnances, offices, benefices, dignités, rescrits, & toutes sortes de lettres & expeditiōs, & en somme tous droits & deuoirs, loix, equité, & hōnesteté. Par l'aduīs & au choix desquels lon est en la grace ou reputé ennemi du Prince, à l'appetit desquels se font les alliances & confederations, ou s'entreprennent les guerres lamētables & mortelles. Et nonobstant qu'ils soyent le plussouuent extraits de la lie & bourbe de la populace, & paruenus à si haut degré par vne vilaine prostitution de leurs langues

gues & paroles, ils passent outre à si meschante audace qu'ils osent bien quelquesfois condâner les Princes, voire à mort, sans forme de procès, deliberation, auis, ny arrest de conseil, sans congnoissance de cause, & sans ouïr partie: & sont auteurs & instigateurs de trāsferer & changer les estats & royaumes, eux cependant estans pleins & enflés de pilleries & larrecins.

De l'Inquisition. CHAP. XCVI.

AC CE troupeau doyuent estre rangés les inquisiteurs des heretiques de l'ordre des freres prescheurs, la jurisdiction desquels deuroit estre fondee en raisons theologiques tirees des saintes escritures: neantmoins elle est par eux cruellement exercee selon les decrets des Papes & le droit canon, comme s'il estoit impossible que le Pape errast delaissant la parole de Dieu en arriere ainsi que lettre morte, & comme si ce n'estoit que l'ombre seulement de la verité. Voire la reiectent au loing, disant que c'est l'escu, les armes, & le rempart des heretiques. Et si ne veulent point recevoir les traditions des anciens docteurs & peres: d'autant qu'ils ont peu estre deceus, & peuvent decevoir: mais s'arrestent & visent du tout à l'eglise Rommaine seule, ainsi qu'au blanc de la foy, laquelle, à ce qu'ils disent, ne peut errer, & dont le chef est le Pape, & leur but le stile de la cour de Romme. En sorte que la premiere & seule demâde qu'ils font en leurs

interrogats est, si lon croit en l'eglise Romaine. Ce que leur ayant accordé, ils bastissent là dessus leurs arguments: L'eglise Romaine, disent ils, condamne telle & telle proposition pour heretique, ou scandaleuse, ou insupportable aux oreilles chrestiennes, ou derogeante à la puissance & autorité de l'eglise: & soudain il se faut desdire ou retracter par force. Et si celuy qui est par eux enquis essaye de soustenir son opinion & la fortifier par tesmoignages tirés de la sainte escriture, ou par autres raisons, ils l'interrompent avec tumulte & paroles de cholere, disans qu'il n'est point en lieu où il fale debattre & disputer ainsi qu'aux escholes, & qu'il n'a point à faire à des bacheliers, mais à des Iuges, deuant lesquels il luy conuient simplement respondre s'il veut se soumettre aux decrets de l'eglise Romaine, & reuoquer son opinion: sinon les fagots & le feu sont appareillés, disant qu'il ne faut point disputer ny debattre contre les heretiques par raisons, argumets, ny escritures, mais par feu & fagots. Ainsi ils contraindront vn poreux homme à se desdire & abiurer cõtre sa conscience, sans l'auoir conuaincu d'obstination, ny luy auoir faict congnoistre sa faute, ny donné meilleur instruction. Que s'il ne se veut desdire, alors ainsi qu'un fugitif de l'eglise il est liuré entre les mains des Iuges seculiers, à fin d'estre bruslé, disans avec l'apostre, ostez le mal du milieu de vous. Iadis si grande douceur & mansuetude estoit en l'eglise, les Papes & Euesques si benignes

benings au rapport de Gratian en la quatrieme distinction de consecrat. qu'on ne punissoit point de mort ceux mesmes qui estoient retournez au iudaïsme, ne les blasphemateurs. Berengaire mesme, qui estoit tumbé en vne abominable heresie, non seulement ne fut point occis, mais fut maintenu en sa dignité d'archidiacre. Mais aujourdhuy pour la moindre faute il y a peine plus que de la vie, & est on trainé au feu par ces inquisiteurs pour le moindre crime qui soit. Possible qu'à present l'Eglise a besoing de ceste rigueur : soit à la bõne heure, pourueu que cependant la vraye pieté ne demeure estaincte: car il y a des inquisiteurs de l'heresie bié souuent tres meschans, & q possible sont heretiques eux mesmes. Ce q a dõné occasion à la nouvelle constitution de Clement. Parquoy le deuoir des inquisiteurs est de proceder enuers les heretiques, non par arguments tenebreux & contentieux syllogismes, ains avec la parole de Dieu disputer de la foy catholique & conuaincre l'heretique par les saintes escritures. Apres, iouxte les enseignements & preceptes canoniques, & constitutions des saintes conciles ordonner de la cause, & reduire celuy qu'ils enquierent à la vraye foy & saine opinion, ou le declairer heretique.

Or n'est point heretique celuy qui n'est temeraire & obstiné, ny fauteur des heretiques celuy qui defend l'innocét, lequel n'est conuaincu, pour empescher qu'il ne soit trainé en lieu mal

asseuré à l'escorcherie & cruelle boucherie d'aucuns inquisiteurs, ou plustost loups rauissans. Et nonobstant qu'il soit expressement pourueu par le droit & par les loix que les inquisiteurs n'ayēt aucune puissance de congnoistre ny iurisdiction sur ceux qui sont seulement soupçonnés d'heresie, ou qui se sont montrés fauorables aux heretiques en les defendant, recelant, ou logeant, s'il n'est euident & auéré qu'en eux soit heresie expresse & condamnée ouuertement, si est ce que ces vautours alterés de sang, outre les privileges à eux permis en leurs charges d'inquisiteurs, & contre le droit & les canons, s'ingerent en l'ordinaire, & vsurpent la iurisdiction des Euesques es choses qui ne sont nullement heresies, mais seulement scandales, ou qui offensent les oreilles chrestiennes, ou en quelque autre sorte erronees, sans toutesfois qu'il y aye crime d'heresie: & exercēt leur cruauté furieusement contre des pures femmes villageoises accusees ou denoncées d'estre sorcieres ou malfaisantes, leur donnant des torments grieux & enormes sans aucunes suffisantes preuues ny indices iuridiques par lesquels ils leur font souuent confesser choses à quoy elles ne penserent onques, pour auoir sur quoy fonder leurs condamnations: & pensent en cela se monstrier vrais inquisiteurs, c'est à sçauoir de ne cesser de s'enquerir iusques à tāt que la pource creature soit bruslee, ou bien qu'elle aye doré la main à l'inquisiteur pour l'induire à misericorde, & luy faire dire qu'elle a esté suffi-

samm

samment purgée & chastiee par la torture : Car les Inquisiteurs peuuent bien quelquefois changer la peine corporelle en pecuniaire, & l'appliquer à leur office d'inquisiteur, de quoy ils tirent vn profit qui n'est pas petit : & en plusieurs endroits leur sont payés des rentes annuelles par beaucoup de pources vieilles, de peur d'estre de-recheftirees à l'inquisition. En outre, d'autant que les biens des heretiques sont acquis au fisque, il leur vient de ce costé là vne portion de butin qui n'est pas des moindres. Et d'autant que la seule accusation ou denonciation, où la moindre soupçon d'heresie, pour legere qu'elle soit, ou de sorcellerie, voire le simple adiournement ou citation de l'inquisiteur porte quant & soy infamie, à quoy on ne peut remedier ny estre remis en son entier sinon en baillant argent à l'inquisiteur, cela aussi est quelque chose. Par ces ruses & cautelles plusieurs femmes honorables, mesmes d'entre la noblesse, furent fort travaillées en la Duché de Milan par ces inquisiteurs moy estant en Italie, lesquels tirerent secrettement grandes sommes de deniers des plus craintives : mais la tromperie & meschanceté ayant esté descouuerte ils furent fort mal traictés par les gentilshommes, & eurent beaucoup à faire à se sauuer du feu & de l'espee. Je pourrois en cest endroit reciter la tressubtile & plus que scholastique inuention pour rechercher & enquerir les Iuifs d'Hochstrat, tant renommée, & de mes autres compagnons Theologiens de Colōgne,

gne, & avec ce la guerre qu'ils ont menee l'espace de dix ans contre Capnion, & toute ceste tragedie, où la reputation, renom, & doctrine de nos maistres de ceste Vniuersité là firent vn merueilleux & irreparable naufrage, n'estoit que ce sont choses congnues d'un chacun, & que l'histoire en est & sera illustre à iamais, à cause de la victoire & triomphe de Capnion. I'ay eu autres fois, estant appelé pour presider au conseil de Mets, vn grád debat avec vn certain inquisiteur, lequel s'estoit saisi d'une pource femme de village, & l'auoit faict mettre en lieu indeu, pour la trainer meschamment en sa boucherie, sur certaines calomnies legeres & iniques, voulant ce meschant homme non tant l'enquerir, que la meurtrir. M'estant donques resolu de prendre la cause en main pour la defense de ceste pource femme, & ayant remonsté à l'inquisiteur que es actes & informations il n'y auoit cause ny indice qui tendist à la torture, luy me resista en face, & dit, il y a vn indice tresuffisant : car sa mere a esté autresfois bruslee pour mesme crime de sorcellerie. Aquoy ie respondis, que cest article estoit impertinent & du faict d'autrui, partant reiectable d'office par le iuge, luy allegant sur ce les loix. L'inquisiteur au contraire replique, & à fin qu'il ne semblast auoir parlé sans raison, tire des entrailles du liure dit le maillet des forcieres, & des fondements de la Theologie peripatetique vn tel argument : Qu'elle estoit comme se mere, tant pource que ces forcieres ont accoustumé

coustumé de sacrifier au diable leurs enfans dès qu'ils sont nais, comme aussi pour autant qu'elles les engendrent le plus souuent par la compagnie qu'elles ont avec les esprits malins dits incubes, parquoy il aduient qu'en leur race demeure enracinee ceste meschanceté ainsi qu'une maladie hereditaire. Est ce dōques ainsi (dis ie lors) pere peruers, que tu theologises? Est ce ainsi que tu tires à la torture les pources femmes innocentes par des fables? & que tu iuges heretiques les autres avec tes sophismes, toy qui es autant heretique en cest endroit que fut onques Fauste ou Donat? Quant ainsi seroit que tu dis, n'aneantis tu pas la grace du baptesme? En vain donques diroit le prestre, Sors esprit immonde, donne lieu au saint Esprit, si à cause du sacrifice d'une meschante mere l'enfant doit demeurer au diable. Que si tu veux adherer & soustenir l'opinion de ceux qui confessent que les esprits incubes peuuent engendrer, si ne trouueras tu point qu'aucun d'eux aye esté si hors du sens de croire q̄ ces diables meslent ny iectēt hors rien de leur nature & substāce pour estre employé en ce qui est engendré parmy la semence desrobée. Mais ie te dis selō la foy & verité que de nostre propre naturel nous sommes tous nais d'une masse de peché, & d'eternelle malediction, enfans de perdition, enfans du diable, enfans de l'ire de Dieu & heritiers d'enfer: mais que par la grace du baptesme Sathan est deschassé hors de nous, & sommes faicts nouuelles creatures en

Iesus

Iesuschrist, duquel aucun ne peut estre separé si non par sa propre coulpe, tant s'en faut que le faict d'autrui nous puisse nuire. Or aduise maintenant combien est ton indice que tu estimes tressuffisant nul de droit & vuide de raison & heretique à le vouloir soustenir. A ces paroles ce cruel hypocrite se mit en cholere, & commença à me menacer d'agir contre moy mesmes, comme celuy qui soustenois les heretiques: ce neantmoins ie ne laissay de defendre ceste pource miserable, & par la force du droit en fin l'arrachay & garentis sauue de la gueule de ce lyon, & fis demeurer ce sanglant moyne confus deuant tout le monde, & perpetuellement infame, comme cruel, & mesmes fis condamner en vne grosse amende les calomniateurs qui auoyent diffamé ceste pource femme enuers le chapitre de l'Eglise de Mets, duquel ils estoient subiects.

De la Theologie scholastique. CHAP. XC VII.

NOUS auons pour le dernier à traiter de la Theologie. Mais ie me passeray de faire mention de celle des gentils, iadis descrite par Musee, Orphee, & Hesiodé, laquelle vn chacū sçait & confesse n'estre que fables poetiques, & auoir esté suffisamment deboutée long téps a par les forts & inuincibles arguments d'Eusebe, Lactance, & autres auteurs Chrestiens. Ie me tairay pareillement de la Theologie de Plato, & des autres philosophes, lesquels nous auons monstré cy de

uant

uant n'estre tous que maistres d'erreurs. Partant parlerons seulement de celle des Chrestiens. Or est il certain qu'icelle ne depend que de la foy que lon adiousté à ceux qui l'ont enseignée, attendu qu'elle ne peut estre comprise sous aucun art. Disons donques en premier lieu de la Theologie scholastique, ouurage de la Sorbonne de Paris, compolee par vn meslange des saintes escriptures avec les raisons de philosophie & ensemble reduites en vne discipline de deux formes & especes, ainsi que les anciens centaures, & avec ce escrete d'une façon nouvelle & fort eslongnee de la maniere d'enseigner & vltage des anciens, à sçauoir par petites questions & syllogismes subtils & aigus, desnues de tout ornement & beauté de langage, estant au surplus neantmoins pleine de iugement & d'intelligence, & qui a apporté grand poids à l'eglise de Dieu pour s'opposer aux heretiques. Les auteurs plus remarqués & excellents en icelle ont esté le maistre des sentences, Thomas d'Aquin, Albert, sur nommé le grand, & plusieurs autres excellents personnages. Puis Iean l'Escot le docteur subtil, mais trop enclin à noise & debat. Parquoy est aduenue que par laps de temps ceste scholastique Theologie a esté reduite en vne faculté de sophismes & cauillatiōs, ne s'amusans à autre chose ces nouveaux Theosophistes prophanateurs de la parole de Dieu, & q ne sont Theologiens qu'à raison du tiltre par eux achetée, sinon à debattre. En sorte que d'une faculté haute & sublime ils en ont

en ont fait vne profession, de crieries & d'altercations, tournoyans par les Vniuersités, proposans certaines petites questions friuoles, forgeans des opinions, forçans les escritures, & destournans le vray sens d'icelles par paroles embrouillees, plus propres & prompts à l'esuenter qu'à l'esplucher & examiner. Et ont eu la hardiesse d'inuenter & introduire des semences de noises & discordes, par lesquelles ample matiere est donnée aux sophistes cōtentieux de débattre tant qu'ils veulent. Ils separent les formes, ils discutent ou dissoluent les intellects, ils appellent les mesmes voix genres & especes, les vns s'attachent aux choses, les autres aux seules paroles: ce qu'ils ostent à l'une ils assignent à l'autre, & par aucuns autres sont prinſes indifferement: & en somme vn chacun s'estudie en ce qui luy peut seruir à soustenir & confirmer son heresie. Tellement qu'ils ont exposée à mocquerie & rendue douteuse nostre foy tresſaincte & ſacree aux ſages de ce ſiecle, ainſi que ſe plaint Thomas d'Aquin, laiſſant arriere la vraye reigle des escritures dictées par le ſainct Eſprit, pour s'amuser à pluſieurs questions touchant les choses diuines, qui ne ſeruent qu'à débattre & quereller, eſquelles exerçans leurs eſprits, & cōſommās tout leur aage, ils ont mis & eſtabli en icelles tout le ſommaire de la Theologie. Et ſi quelcun ſe veut aider des escritures ſainctes contre eux, incontinent ils luy diſent que la lettre occit, qu'elle eſt pernicieuſe, qu'elle eſt inutile: mais qu'il

qu'il faut s'enquerir de ce qui est caché sous la lettre. Puis soudain viennent aux interpretations, expositions, glosses & syllogismes: tirent d'icelle des sens du tout contraires à la verité de la lettre, auxquels si lon resiste, & qu'on les presse de pres, lon recoit des outrages: on sera appelé asne, qui ne sçait entendre ce qui est caché sous la lettre, mais ne vit que de terre ainsi que les couleuvres. Bref nul n'est entre eux tenu pour Theologien sinon ceux qui sçauent bien debatre & crier, & à tout propos donner instance, promptement desguiser, trouuer nouvelles interpretations, tirer nouueaux sens, & faire tant de bruit avec des vocables estranges & monstrueux, qu'ils ne soyent nullement entendus, non tant pour la difficulté de la chose, qu'à cause de la nouueauté de leurs mots. A raison de quoy on les appelle docteurs subtils, angeliques, seraphiques, & diuins, quand ils ont sceu si bien disputer que personne ne les a peu entendre. Alors la multitude des auditeurs bruit à l'entour d'eux, & cuide que tout ce qu'ils entendent & reçoquent d'iceux soit tiré des plus profonds secrets de la Theologie, dependent du tout de leur autorité & doctrine, croyans que ce que ces maistres ne sçauent soyent choses que lon ne peut sçauoir en aucune maniere. Et sont tellement addonnés & assubiectis à leurs opinions, qu'ils ne se laissent vaincre à aucunes raisons contraires, n'acquiescent à nulles escritures, mais se trouuans pressés taschent tousiours de

restaurent leurs forces au sein de la mere qui les a engendrés , ainsi que faisoit Antee, & recourent à l'aide de leurs docteurs. Ainsi

*Le Vautour ayant pris sa part d'une iument,
Quittant le reste aux chiens la porte vite ment
Aux siens: du grand Vautour tout tel est le manger,
Se paissant & tissant son nid pour s'y loger.*

De là est aduenü que la sublime faculté des Vniuersités de Theologie scholastique ne s'est peu exempter d'erreur & de meschanceté , tant de sectes & d'heresies ont introduit ces temeraires sophistes & pernicieux hypocrites , lesquels, selon que dit S. Paul , ne preschent point Iesus Christ à bonne fin , ny de bonne volonté , mais pour auoir occasion de debattre en sorte que lon trouuera plus d'accord & conuenance entre les philosophes qu'entre ces Theologiens , lesquels ont estaincte toute la gloire & l'honneur de l'ancienne Theologie par humaines opiniös & nouuelles erreurs , faisans estat & profession d'une doctrine detestable parée de tiltres feincts & desguisés, pleine d'inuentions & manieres d'interpreter nouuelles & destournees ainsi que labyrinthes: & cependant vsurpans par larrecin & rapine le tiltre de la sacree Theologie : & en abusant des noms & professions des saincts docteurs ont introduit des sectes ainsi que iadis en l'eglise , quand on disoit, ie suis de Cephas , ie suis d'Apollo , & moy de Paul : & se couurant de l'estude de ceux par lesquels ils ont esté introduits & dressés aux disciplines, & s'ad-

don

donnans du tout à iceux, mesprisent tous les autres, ne se soucians point tant de ce qui est dit, que par qui il est dit. Partant aujourdhuy nul Theologien n'est estimé docte qui n'a faict le serment sous le nom de quelque secte, qui ne l'ensuyue & tienne fermement, ne la defende & soustienne opiniaistrement, n'aye continuellement en la bouche le nom d'icelle, n'en monstre à tout propos les marques, & ne se sente bien glorieux d'estre honoré & salué du tiltre d'icelle, comme Tomiste, Albertiste, Scotiste, Occaniste: car il ne seroit pas seant ny honneste d'appeller nos maistres tant renommés par le simple nom de Chrestien, attédu que ceste qualité conuient à tous les bouchers, cuisiniers, boulangiers, sauetiers, barbiers, & cabaretiers: & sur nomme on ainsi pareillement les simples femellettes & le menu peuple ignorant: partant n'est pas raisonnable qu'ils ayent vn tiltre commun avec les autres. Or ces sectaires sont encor diuisés entre eux en plusieurs sectes: car ceux qui ont l'esprit haut & aigu, & qui veulent sembler d'estre plus sçauans que les prophètes & apostres, presument bien de pouoir montrer & enseigner par leurs syllogismes ce que nous croyons par la seule foy: & vont philosophans par miserables & deplorees questions touchant les choses diuines, & debattent avec vne asseurance prodigieuse quelquesfois sur des opiniões tresabsurdes & contre la nature des choses: Comme quand ils distinguent l'essence diuine selon

les relations: autres distinguent la chose mesme, autres seulement selon la raison, intelligence, ou application: autres amènent infinies réalités ainsi que Idees Platoniques: autres s'en moquent & les nient. Outre ce tant de choses estranges qu'ils mettent en auant de Dieu, tant de formes de noms diuins, tant de phantosmes & idoles qu'ils forgent en leurs entendements de la diuinité, deschirent, desmembrent, & diuisent tellement par leurs meschantes opinions nostre sauueur Iesuschrist, & le masquent & desguisent en tant de sortes, le tournent & destournent ainsi que s'il estoit de cire en tant de façons, le formans & reformans par leurs absurdes suppositions, qu'il faut dire que toute leur doctrine ressemble vne pure idolatrie. Je passe leurs autres contentions & heresies touchant les sacremets, le purgatoire, le primat, les ordonnances & reigles des Papes, & l'obligation que lon a à icelles, les indulgences, & ce qu'ils disent de l'antechrist futur, & autres en grand nombre, esquelles ils monstrent leur sottise sagesse, en l'opinion de laquelle vous les voyez enflés & superbes, ainsi que les fabuleux geans engendrans questions par questions, & arguments d'arguments, & ainsi dressans leurs sentences contre Dieu: sur l'impieté desquels est annoncee & reuelee l'ire de Dieu. Mais les autres qui n'ont l'esprit pour monter ou penetrer à choses si hautes, s'addonnent à escrire les vies des saincts, y meslant d'affection religieuse aucunes mensonges. Ils supposent des

des reliques, forgent des miracles, controuuent des fables ou plaisantes ou terribles; lesquelles ils appellent exemples, comptent les oraisons & prieres, poisent les merites, faignent des ceremonies, font marchandise des indulgences; distribuent les pardons, vendent les bonnes œuvres, & en mendiant deuorent les pechés du peuple les oyans en confession; prononcent ainsi que par loix certaines des apparitions, adiurations, & responses des trespassez, & iouent des farces du purgatoire cōme ils sont enseignés par les liures de Tōdal, & Brādarius, ou du trou de S. Patrice, & font des comedies des indulgences, crians & hurlans à haute & forte voix comme celle de Stentor (qui se faisoit ouïr autant que cinquante autres hommes) ces choses au menu peuple du haut d'une chaire, ainsi que de dessus vn eschafaut, d'une audace & vanterie plus que de gendarmerie, avec regards fiers & arrogans, mines & contenance du visage diuerses & variables, estendans les bras, & se transformans en plus de sortes que ne faisoit Protee descrit par les poëtes. Ceux aussi qui sont plus ambitieux, veulent auoir l'honneur d'estre versés en toute espee de doctrine, & pareillement eloquents. Partant ils preschent, ils chantent des poëties, raccomptent des histoires, debattent des opinions, alleguent Homere, Virgile, Iuuenal, Perse, T. Liue, Strabo, Varro, Seneque, Ciceron, Aristote, & Platon: & au lieu de l'Euangile & de la parole de Dieu ils bruyent & font sonner des propos hu-

maines & pures bourdes , preschent vn Euangile tout nouueau, & corrompent la parole de Dieu, laquelle ils annōcent, non point pour enseigner la grace , mais pour gaigner de l'argent , & estre bien payés , viuans non selon la verité de ce qu'ils preschent , mais en voluptueuse charnalité:& apres qu'ils ont bien presché le iour,& parlé par longs & diuers circuits de la vertu du haut d'une chaire , la nuict ils s'employent à vn autre trauail peu honneste dans leurs cachettes. Telle est donques la voye qui conduit à Iesus Christ selon eux: Mais quand ce vient à reprendre les vices, c'est merueille comme ils s'elchauffent à mesdire par outrageuse cholere , & se degorgent avec contenances enragees, quelles paroles & termes vilains & deshonneſtes ils vomissent , avec quelle impudente forcennerie ils exclament, comme si nostre seigneur Iesuschrist n'eust voulu ordonner à droit les annonciateurs de sa parole, comme pescheurs attirans avec des rets mols & delicats, & non à gauche ainsi qu'archers & veneurs poursuyuans par playes & bleceures : ou comme si eux n'estoyent hommes aussi bien que les autres , entachés & subiects aux mesmes vices & plus grands que ceux contre lesquels ils sont si aspres, y ayans esté addonnés, ou y pouuans venir avec le temps. Ainsi ces pescheurs d'hommes , la langue desquels leur sert de rets pour retirer les meschans & les amener à salut, sont faicts veneurs mesmes des bons pour les tirer à perdition. Ils ont la bouche ainsi qu'un

qu'un arc de mēfonge : leur lāgue est vne fiesche
aigue & dāgereuse:mais cessons de parler d'eux:
car il ne fait pas seur de les reprendre trop libre-
mēt,pource qu'ils ont de coustume de conspirer
quād on les courrouce,& mettent ceux q les re-
darguēt en iustice par deuāt leurs inquisiteurs,q
les cōtraignent à se retracter,& quelquesfois les
enuoyent au feu , ou bien leur baillant secrette-
ment le boucon les enuoyent hors du monde.
Car entre autres secrets mots de guet de leur re-
ligion, ils ont cestuy cy, que c'est chose licite &
œuure pie d'empoisonner secretement ceux
qui font ou causent quelque scandale en leur re-
ligion, pour sauuer l'honneur de l'ordre, & em-
pescher qu'il ne soit diffamé si quelcun d'entre
eux estoit puni publiquement.Laissant donques
là ces scholastiques, disons de la vraye Theolo-
gie, laquelle est partie en deux manieres, dont
l'une est prophetique, l'autre est interpretatiue.
Mais nous parlerons premierement de ceste
derniere.

De la Theologie interpretatiue. CHAP. XC VIII.

LE s Theologiens interpretes pen-
sent que ainsi que par la liberalité de
nature les raisins, oliues, bleds, lin, &
autres tels fruiets croissent & meu-
rissent, desquels puis apres par humaine indu-
strie & aide sont faicts & façonnés le vin, l'huy-
le, le pain, la toile, & ainsi des autres œuures de
nature qui se reduisent à perfection par l'artifice

des hommes, qu'aussi les oracles & preceptes diuins, qui sont tres obscurs & cachés, ont esté laissés à expliquer moyennant nos interpretations, non toutesfois selon nos facultés & inuentions, dont les propheties, & diuines sentences n'ont besoing, ainsi que les œuvres de la nature, mais selon le S. Esprit, dont sont procedees les memes escritures, lequel distribue ses dons à tous selon qu'il luy plaist, & à qui il veut, faisant que les vns soyent prophetes, les autres interpretes des prophetes.

Partant ceste Theologie, laquelle interprete la parole de Dieu, ne procede point à la maniere des peripateticiens par definitions, diuisions, ou compositions, d'autant qu'aucune de ces voyes ne paruient nullement à Dieu, lequel ne se peut definir, diuiser, ny composer: mais elle tient vn autre chemin moyen entre cestuy cy & la vision prophetique: c'est d'esgaler & approprier la verité à nostre entendement purgé & purifié, ainsi qu'une clef à sa serrure, parce que estant l'intellect tresdesireux de toute verité, aussi est il capable de toutes choses intelligibles: & partant est appellé intellect possible: par lequel encor que nous ne puissions comprēdre à pleine veüe ce que les prophetes, & ceux qui ont eu les visions diuines, nous ont mis au denant, neantmoins la porte nous est ouuerte pour y estre instruits au moyen de la conformité que la verité apperceuë a avec nostre entendement, & de la lumiere qui raye sur nous du dedans au tra-
uers

uers de ceste ouuerture beaucoup plus clairement, que par les apparentes demonstrations, definitions, diuisions, & compositions des philosophes: Et nous est donnee la faculté de lire & d'entendre: non avec les yeux ny par les oreilles exterieures, mais de comprendre avec meilleurs sens & succer la verité issant des mouëles de la sainte escriture tout voile osté & abbatu, & à face descouuerte, nous ayans esté laissées les pleines visions & manifestations prophetiques sous vne couuerture qui rebouche la poincte de l'esprit & de la congnoissance des sages & des philosophes de ce mode, & leur cache ceste verité, laquelle nous apprehendons par si certain iugement qu'il n'y reste aucune difficulté. Et côme ainsi soit que la verité és saintes escritures s'espanse en plusieurs chefs, & aye plusieurs adresses cachees: aussi les saints personnages & spirituels ont procedé à l'interpretatiō d'icelles par plusieurs & diuerses voyes. Car aucuns suyans l'escorce de la lettre discourans doucement sur icelle ont remarqué l'accord & conuenance des escritures, & exposant la lettre par la lettre, & les passages par autres passages, se sont essayés d'en tirer la verité par les sens qu'ils ont peu descouurir, obseruans l'ordre, les etymologies, propriétés, & force des paroles: laquelle maniere d'exposition est à ceste cause appelée literale. Autres rapportans tout ce qui a esté escrit à l'ame & aux œuures de Iustice, ont donné nom à la maniere d'interpretation que

lon appelle morale. Aucuns la rangent aux mysteres cachés de l'eglise sous diuerses figures, couuertes, & destours, le sens & exposition desquels est pource dit Tropologique ou allegorique. Autres du tout esleués à la contemplation de la vie celeste rapportent tout ce qui est escrit à la gloire immortelle, & aux secrets d'icelle: & partant les interpretations d'iceux sont appellees anagogiques, c'est à dire hautes & pleines de doctrine profonde. Ce sont les quatre manieres d'interpretations plus vsitees en l'eglise par les Theologiens: outre lesquelles lon en trouue encor de deux autres sortes: Dont l'une a esgard aux tours & retours des temps, changements d'estats & de regnes, & aux restaurations des siecles, appelee à ceste cause typique, en laquelle Cyrille, Methodius, & l'abbé Ioachim, ont esté excelléts, & des plus prochains de nostre aage Hierome Sauonarole Ferrarois. L'autre recherche és sainctes escritures la force & vertu de cest vniuers visible & sensible, & de toute la nature & fabrique de ce monde: partant est appelee exposition physique, ou naturelle, traictee excellemmēt par rabi Simeon Ben ioachim, lequel a escrit sur le leuitique vn tresample volume, auquel discutant presque la nature de toutes choses, il montre comme Moïse selon la conuenance & bon rapport du monde triple, & de la nature des choses, ordonna l'arche, le tabernacle, les vaisseaux, les vestemens, sacrifices, ceremonies, & autres mysteres pour appai

appaier & nous rendre fauorable Dieu & les vertus celestes, & pour purifier son image, à sçauoir l'homme : laquelle exposition est ensuyuie par plusieurs Cabalistes, comme ceux qui ont escript de Bresith, c'est à dire des choses creees: car ceux qui discourent de Mercana, c'est à dire du tribunal de la Maiesté de Dieu, par nombres, figures, reuolutions, & raisons figurees & couuer-tes, & qui reduisent tout au premier exemplaire, ceux là tiennent la maniere & sens anagogique. Voyla en somme les six renommees façons d'interpréter & tirer sens de l'escriture sainte, tous les auteurs, expositeurs, & interpretes desquels sont appellés d'un commun nom Theologiens : tels que ont esté en nostre eglise Denys, Origene, Polycarpe, Eusebe, Tertullien, Irenee, Naziâzene, Chrysostome, Athanase, Basile, Damascene, Lactance, Cyprien, Hierosime, Augustin, Ambroise, Gregoire, Ruffin, Leon, Cassié, Bernard, Anselme, & plusieurs autres saints peres que les siecles anciens ont produits. Et depuis eux quelques autres, comme Thomas, Albert, Bonauenture, Gilles, Henry de Gand, Gerson, & plusieurs autres, mais de beaucoup inferieurs aux premiers. Mais comme ainsi soit que tous ces interpretes Theologiens soyent hommes, il leur est adueni ainsi qu'il est de coustume aduenir aux hommes : car ils errent en certains endroits, en autres ils se contredisent à eux mesmes, ailleurs ils escriuent choses diuerfes & contraires, en plusieurs endroits ils s'abusent, &

si tous

si tous n'ont peu voir toutes choses : Car le S.
Esprit seul a pleine congnoissance des choses
diuines, lequel departit ses graces à chacun par
certaine mesure, reseruant plusieurs secrets à
foy, à fin de nous tenir tousiours en sa discipline.
Nous ne cōgnoissons tous, dit saint Paul, qu'en
partie, & ne prophetisons qu'en partie. Partant
toute ceste Theologie interpretatiue gist en la
liberté de l'esprit, & est vne science separee de
l'escriture, en laquelle à vn chacun est donnee
adresse & abondance selon son iugement par
les diuerſes manieres d'expositions que nous
auons cy dessus mentionnees, lesquelles S. Paul
comprend toutes sous ce mot de myſteres ou
paroles de myſteres, quand il dit, que l'esprit
parle des myſteres : à raison de quoy Denys ap-
pelle ceste Theologie significatiue & mystique,
dont les saints docteurs susdits ont escrit tant
de volumes: mais non sans plusieurs erreurs. Ne
soyez donques arrestés tant à leur saincteté &
autorité que vous demeuriez deceus, croyans à
iceux en toutes choses: car plusieurs d'entre eux
ont perseueré en beaucoup d'opinions erronees
en la foy, qui ont depuis esté reprouuees en l'e-
glise comme heresies: Ainsi qu'il est euident de
Papias Euesque de Hieropoli, de Victor Eue-
sque de Poictiers, d'Irenee Euesque de Lyon, de
S. Cyprien, d'Origene, de Tertullien, & de plu-
sieurs autres, qui ont sans doute erré en la foy, &
dont les opinions ont esté condamnées pour
heretiques, nonobstant qu'ils soyent tenus au
rang

rang des saincts. Il est toutesfois de besoing en cest endroit d'estre accompagné d'esprit plus haut & esleué pour iuger & discerner, lequel ne vienne point de la chair ny du sang, mais soit donné d'enhaut du pere des lumieres. Car si Dieu n'esclaire és choses qui sont de luy, aucun n'en peut parler pertinemment. Or ceste lumiere est la parole de Dieu, par laquelle toutes choses ont esté faiçtes, illuminante tout homme qui vient au monde, donnant puissance d'estre faiçts enfans de Dieu à tous ceux qui le reçoient, & croient en luy. Et n'y a personne qui puisse raccompter les choses qui sont de Dieu que la propre parole d'iceluy. Qui sont les autres qui ayent congu l'intention du Seigneur ? ou, qui a esté son conseiller ? sinon le fils, la parole, dis-ie, de Dieu le pere ? D'icelle nous parlerons cy apres ayant premierement traicté de la Theologie Prophetique.

De la Theologie Prophetique. CHAP. XCVIII.

LO V T ainsi que la prophetie est la parole des prophetes, aussi la theologie n'est autre chose que les traditions des theologiens, c'est à dire de ceux qui parlent avec Dieu. Et ne s'ensuit pas que cil qui sçaura reciter quelque prophetie, & mesme l'interpreter, soit pourtant du nombre des prophetes : mais quiconque est pourueu de religieuse science és choses diuines & de vertu & saincteté de vie, quiconque parle avec Dieu, & pense

penſe en ſa loy iour & nuit, ceſtuy là eſt prophete & theologien, pour leſquels dons & graces S. Iean, qui a eſcrit l'apocalypſe, eſt appelle par Denys le Theologien, à raiſon du colloque avec Dieu. A ceux là dit la verité ainſi, Qui vous oit m'oit auſſi, & quiconque vous meſpriſe me meſpriſe. Ce n'eſt pas à nos maiſtres, à nos contentieux ſophiſtes, à ces reuendeurs d'indulgence & pardons que cela ſ'addreſſe : mais aux vrais Theologiens, aux Apoſtres, aux Euangelistes, aux anonciateurs de la parole de Dieu, leſquels diſent, Ie n'oſe proferer aucune parole qui ne me ſoit donnee par Ieſuſchriſt. Or les ſainctes traditions de la foy & pieté venues des Theologiens de ceſte ſorte ſ'appellent vrayement Theologie. Aux eſcrits & paroles d'iceux foy eſt adiouſtee, cōme eſtans fondés non point en contentions de ſyllogiſmes ou opinions humaines, mais, comme dit S. Paul, en ſaine doctrine diuinement inspiree, acquiſe, non point par definitions, diuiſion, compoſition, ou ſpeculation, mais par vn effectuel attouchement de la diuinité, par claire viſion compriſe moyennant la lumiere diuine. Deſquelles viſions nous aperceurons pluſieurs eſpeces en l'eſcriture ſaincte, ſelon que les prophetes ont eſté diuerſemēt diſpoſés à les recevoir : Car nous liſons qu'aucuns d'entre eux ont veu Dieu ou bien ſes anges ſous forme humaine, autres en façon de feu, autres comme vn air ou vent, autres ainſi qu'une riuere, à autres il eſt apparu comme oiſeau, à
autres

autres en forme de pierres precieuses & metaux, certains l'ont veu ainsi q̄ lettres ou caracteres, ou comme la main d'un escriuant, aucuns l'ont ouï comme le son d'une voix, à autres il s'est manifesté par songes, autres l'ont senti comme vn esprit habitant au dedans d'eux, autres comme vne vertu cachee en leur entendement: à raison de quoy la sainte escriture appelle tous les prophetes voyans: & nous lisons la vision d'Isaïe, la vision de Ieremie, la vision d'Ezechiel, & ainsi des autres. Et au nouveau testament S. Iean dit, i'ay esté en ceste iournee du Seigneur, en laquelle esleué i'ay veu le throsne de Dieu. Et S. Paul dit, qu'il a veu choses qu'il n'est licite à l'homme de dire. Ce regard ou vision est appelée par plusieurs ravisement, ou extase, ou mort spirituelle: car il se fait alors vne certaine separation de l'ame d'avec le corps, mais non pas du corps d'avec l'ame. De ceste mort est dit, L'homme ne peut voir Dieu & vivre: & ailleurs, La mort des saints est precieuse deuant la face du Seigneur: & encor plus clairement est elle exprimée par l'apostre disant, Vous estes morts, & vostre vie est cachee avec Christ en Dieu. Il faut doncques que celuy qui veut penetrer aux secrets de la Theologie prophetique meure de ceste mort. Or il y a deux especes de telles visions: l'une par laquelle on void Dieu comme à descouuert face à face, & lors les prophetes voyent en la sorte que S. Paul dit, à scauoir choses qu'il n'est loisible à l'homme de dire,

dire, voire qui ne peuuent estre exprimees par aucunes langues, manifestees ny escrites par aucune plume: car c'est vne certaine maniere d'approcher ou vn attouchement de la diuine essence, ou bien vne vnion mesme à icelle, & vn esclaircissement de l'entendement pur & separé de toutes choses, sans aucune couuerture d'image, figure, ny similitude. Et partant est interpretee ceste maniere de vision par les Theologiens meridionale, à raison de sa pleine clairté, ainsi que amplement d'icelles S. Augustin sur le Genese, & Origene contre Celse ont discoursu. L'autre espee est quand les parties de derriere de Dieu, comme l'escriture parle, sont veuës, & que lon void clairement ce qui concerne les creatures, qui sont les parties posterieures de Dieu & ses effects, par la congnoissance desquelles lon paruiet au createur, à celuy qui les a faictes, & à la premiere cause agissante, ainsi que dit le sage: Que par la grandeur de leur beauté le createur peut estre congnu. Et Paul dit d'iceluy mesme, Les choses inuisibles de Dieu sont congnues par celles qui sont faictes & entendues: Et entre les philosophes peripateticiens on dit communement que ceux qui argumentent des effects aux causes, argumentent par le posterieur. Or de l'une & de l'autre de ces visions iouissoit Moïse, selon que tesmoignent les sainctes escritures: car de la premiere nous lisons que Moïse a veu le Seigneur face à face, & de l'autre que Dieu luy dit, Tu verras mes parties

ties de derriere : & selon ceste derniere maniere de vision Moïse ordonna la loy , institua les sacrifices & ceremonies , & edifia l'arche , & les autres mysteres selon l'exemplaire accompli de l'univers , & comprint en iceux tous les secrets des œuvres de Dieu & de nature. Ceste derniere espece de vision se considere encor en deux sortes : car ou lon contemple les creatures en Dieu , & lors elle est appellee vision du matin , ou lon comprend Dieu en ses creatures , & ainsi elle est dite vision du soir. Il y a outre ce vne sorte de vision qui se presente par songes , ainsi que nous lisons en S. Matthieu , que l'ange du Seigneur apparut en songe à Ioseph. Et ailleurs que les mages ayans adoré Iesuschrist furent aduertis par songe qu'ils retournassent en leurs païs par autre voye. D'icelle lon trouue plusieurs exemples en l'ancien testament : & Iob enseigne quelle est ceste vision là où il dit : En l'horreur des visions nocturnes quand le sommeil tombe sur les hommes , & qu'ils dorment en leurs lits , alors il ouure les oreilles d'iceux , & les enseigne par discipline. Et est ceste maniere de vision comptee pour la quatrieme espece , & appellee vision nocturne. Il y a dauantage deux autres sortes de propheties : l'une que lon reçoit de viue voix , en laquelle ont esté enseignés & illustrés Moïse au mont de Sinaï , Abraham , Iacob , Samuel , & plusieurs autres prophetes de l'ancien testament : & au nouveau les Apostres & disciples de nostre Seigneur Iesuschrist tous en-

doctrinés par luy de parole expresse. L'autre sorte de prophetie se fait par mouuement & agitation de l'esprit, à sçauoir quand l'ame estant saisie par la diuinité & ioincte à icelle, separee de la chair & de la partie animale de l'homme, est remplie de science & congnoissance outre & par dessus tout entendement, force, & facultés humaines. Lequel saisissement se fait non seulement par l'esprit angelique, mais aussi quelquesfois par l'esprit du seigneur, ainsi que lon lit de Saül, dans lequel saillit l'esprit du Seigneur, & prophétisa, & deuint vn autre homme, & fut tenu au rang des prophetes. Et aux actes des apostres il est dit que le S. Esprit saillit en ceux qui auoyent esté baptisés, ainsi que flamme de feu. Et quelquesfois aduient que cest esprit saisit aussi bien ceux qui sont hommes pecheurs, comme nous lisons de plusieurs prophetes d'entre les gentils, tels que furent Cassandre, Helenus, Calchas, Amphiaræ, Tiresias, Mopsus, Amphilocheus, Polybe Corinthien: plus Calanus Indien, Socrates, Diotime, Anaximader, Epimenides Cretois: Item les Mages de Perse, les Brachmanes d'Asie, les Gymnosophistes de l'Ethiopie, les prophetes de Memphis, les Druides Gaulois, & les Sibylles, qui ont esté excellentes & renommées à raison de ces esprits prophetiques. A ce saisissement d'esprit seruent quelquesfois certaines preallables ceremonies, l'office, charge, & autorité où quelcun est constitué, & le manie-
ment & communication des choses saintes,

ainsi

ainsi que nous lisons de Balaam, que l'escriture baille pour exemple. Et ailleurs de l'application de l'Ephod ou habillement sacerdotal, & ce que l'eangeliste tesmoigne de Caïphas, lequel prophetisa d'autant qu'il estoit pontife ou souverain sacrificateur de ceste année là. Et partant les Mecubales Hebrieux à ceste raison ont presumé de controuuer vn artifice de prophetiser. Je passe ce que les Theologiens Hebrieux disent en ce regard des trentedeux sentiers d'intelligence par haute & profonde cōtemplation, & ce que S. Augustin a touché de la grace, & Albert de la reception des formes, desquelles il racompte sept manieres qui se font en ceux qui songent, & autant d'apparitions aux veillans. Surquoy nous mettrons seulement ceste consideration en auant, Que les esprits diuins n'apparoissent point tousiours exterieurement aux prophetes pour se faire voir, ny pour parler à eux, mais le plus souuent sont comme causes interieures à iceux de prophetiser, à sçauoir lors que l'entendement du prophete conçoit la lumiere diuine, la clarté de laquelle rayant à trauers de chacun moyen ou entredeux paruiet iusques à ce corps grossier, & rend meismes les sens d'iceluy participans de sa felicité, en sorte que ayant saisi l'intellect elle passe à la raison, & de la raison à l'imagination, & successiuent penetre par toutes les parties de l'ame iusques aux instruments sensuels interieurement & d'une façon cachee & secrette, ainsi qu'une voix, lu-

miere, ou parole ayant faculté d'esmouuoir respectiuemēt chacune le sens dont elle est obiect. Ce qui est aduenu de ceste façon à plusieurs prophetes, à aucuns en veillant, à autres en songe. Ainsi lisons nous és escrits de Plato, & de Proculus touchant Socrates, qui estoit inspiré non seulement par vne influxion intelligible, mais par la voix & en deuissant: toutesfois cela se fait plus facilement és songes. Mais c'est assez dit de ces choses, partant retournons à nostre propos. La Theologie prophetique est donques celle qui enseigne par inspiration comme visible la parole de Dieu ferme & qui ne peut estre ebranlée. Les arguments & autorité de laquelle seruans à corroborer la verité ne sont point raisons ny opinions humaines, ny coustumes de longue main ou vsage, ny les discours imaginaires des sages, ny les magnifiques decretis des sectes, ny les syllogismes, inductions, ny autres manieres d'arguments, ny obligations ny consequences indissolubles: mais sont oracles diuins accordans les vns aux autres, receus en l'Eglise vniuerselle d'un commun aduis & ferme consentement, tesmoignés & prouués par miracles & prodiges, par sainteté de vie, par labeurs & dangers, & par l'effusion mesme du propre sang. Les docteurs de ceste prophetique Theologie approuués par nous sont, Moïse, Iob, Dauid, Salomon, & autres prophetes & auteurs des liures canoniques du vieil testament. Et quant au nouueau, nous recongnoissons les Apostres

& Euangelistes, tous lesquels, ores qu'ils ayent esté remplis du S. Esprit, ont esté neantmoins hommes, & se trouue qu'en certains endroits ils se sont despartis de la verité, & aucunemēt tumbés en mensonge, non que cela soit aduenü par malice, ny à leur escient: car qui le voudroit dire soustiendrait vn erreur pire que celuy d'Arrius, & plus dangereux que celuy de Sabellius, & tendroit à renuerser toute l'autorité de la sainte escriture canonique, nonobstant que ce grand & saint personnage S. Hierosme soit iadis tumbé en ceste enorme faute, disputant contre S. Augustin de la reprehension de S. Pierre. Car S. Hierosme auoit dit que S. Paul auoit sciement menti. A quoy S. Augustin respond, que si cela estoit accordé, & qu'un tel mensonge fust admis en la sainte escriture, toute l'autorité & certitude d'icelle ruinerait incontinent. En fin, apres plusieurs contredits S. Hierosme ceda aux admonnestements de S. Augustin, & recongnt la faute. Partant ce que ie dis que ceux qui ont escrit les saints liures sont tumbés quelques fois en mesonge selon certain regard, doit estre entendu, qu'il ne leur est aduenü d'errer de propos delibéré, mais sont trespuchés humainement, ou se sont trouués courts, le iugement de Dieu estant changé. Ainsi aduint à Moïse de de faillir en ce qu'il auoit promis aux enfans d'Israel de les tirer hors de la terre d'Egypte, & de les introduire en la terre promise: Il les tira à la verité d'Egypte, mais il ne les mena nullement

en ceste terre promise. Ionas defaillit en ce qu'il auoit annoncé à ceux de Ninieue leur destruction dans la quarantaine, laquelle neantmoins fut differee. Helie defaillit predisant les malheurs qui deuoyent aduenir és iours d'Achab, lesquels toutesfois furent dilayés iusques au decez d'iceluy. Haïe pareillement se trouua court en ce qu'il predist la mort dans le iour suyuant à Ezechias, auquel furent prolongés ses iours de quinze ans. Autres prophetes ont mesmement defailli, & se trouue que leurs predictions ont esté souuent ou anéanties ou suspendues. Le semblable est aduenu aux Apostres & Euangelistes. Pierre faillit, dont il fut repris par S. Paul. Matthieu defaillit, escriuant que Iesuschrist n'estoit encor mort quand on luy ouurit le costé du coup de lance. Mais ce defaillement ne doit pas estre attribué au S. Esprit, ains au prophete, lequel n'a pas bien sceu apperceuoir ce qui luy estoit suggeré par l'esprit de Dieu, ou monstre par la vision, ou bien par quelque changement faict és choses desquelles il prophetisoit : au moyen dequoy il seroit aduenu que le iugement de Dieu auroit esté changé ou différé: c'est doncques pourquoy il semble que tous les prophetes, & ceux qui ont escrit semblent menteurs en aucunes choses pour verifïer ce qui est escrit, que tout homme est menteur, excepté nostre Seigneur Iesuschrist seul, qui est homme & Dieu tout ensemble, & n'a iamais esté trouué en mensonge, ny ne sera, & si ne seront changees ny

defail

defaillantes ses paroles, ains seront fermes & stables à iamais, selon qu'il a dit, Le ciel & la terre passeront, mais mes paroles ne passeront point. Et d'autant que toute verité vient du S. Esprit, Iesuschrist seul possede asseurement cest esprit, sans qu'il puisse estre separé ny abandonné par luy, mais en luy se repose. Il n'en est pas ainsi des autres: car l'esprit de Dieu vint sur Moïse, mais il se retira de luy quand il frappa la pierre. Il s'espandit sur Aaron, mais il le laissa lors qu'il forgea le veau. Il vint sur Marie leur sœur, mais il se retira quand elle murmura. Il vint sur Saul, Daid, Salomon, Isaïe, & les autres, mais il ne reposa point en iceux. Les prophetes ne sont continuellement prophetes, voyans, ou predisans, & n'est point la prophetie vne habitude perpetuelle, mais vn don, vne affection, vn esprit passager, & d'autant qu'il n'y a celuy qui ne soit pecheur, aussi n'y a il aucun qui ne soit quelque fois & pour quelque temps abandonné de l'esprit, fors que Iesuschrist seul fils de Dieu, duquel ont esté prononcees par S. Iean ces paroles: Celuy sur lequel vous verrez descendre l'esprit, & s'arrester en iceluy, cestuy là est le fils de Dieu, qui baptise du saint Esprit, & a puissance de departir d'iceluy aux autres. Parquoy le seul Dieu a cest honneur priuatiuement à tous autres, dit Simonides, d'estre metaphysicien, ou supernaturel: & par mesme raison nous pouuons dire que Iesuschrist a cest honneur qu'il est seul Theologien. Toutesfois il ne faut pas penser

que pour estre l'euangile de Iesuschrist issu par diuin enfantement des escritures du vieil testament, que pourtant les propheties anciennes soyent steriles, mortes, ny sans fruct: car elles viuent tousiours en tresgrande autorité: par icelles les apostres ont prouuees & verifiees leurs doctrines, & n'ont rien dit sans se seruir du tesmoignage d'icelles: à elles nous renuoye nostre Seigneur Iesuschrist, pour les lire & feuilleter, l'euangile duquel n'a point aboli ces escritures là, mais les a accomplies iusques à vn iota ou vn seul poinct. Mais nous parlerôs plus amplement de cecy cy apres. Au surplus il est à noter que plusieurs liures de la sainte escriture nous defaillent: ce que nous recueillons d'elle mesme. Car Moïse allegue les liures des guerres du Seigneur, Iosué le liure des iustes, Hester le liure des choses memorables, & au liure des Machabees est faicte mētion des saints liures des Spartiates, aux Croniques sont allegués les liures des Lamentations, les liures du voyant Samuel, les liures de Nathan, Gad, Semeias, Haddo, Ahias Silonite, & de Iesus fils de Hammon prophetes: S. Iude en son Epistre catholique allegue le liure de Henoc: autres auteurs dignes de foy font mention du liure d'Abraham patriarche, qui sont tous perdus & ne se trouuent plus. Ceux là mesme qui nous sont demeurés, ne sont point de mesme poids ny également receus: Car plusieurs chapitres des vns & des autres, & toute l'histoire des Machabees, sont tenus entre
les

les liures apocryphes. Ce qui est aduenü de me-
 sme pour le regard des Euangiles & epistres.
 Car Denys cite l'Euangile de S. Barthelemy, S.
 Hierosime fait mention de celuy selon les Naza-
 riens, & S. Luc en la preface de son Euangile, dit
 que plusieurs s'estoyent mis à escrire de l'Euan-
 gile, lesquels sont pareillement tous perdus, &
 n'en est plus de nouuelle: & plusieurs d'entre ces
 liures pour auoir esté depraüés & corrompus
 par les heretiques, ou mis en lumiere par au-
 teurs incertains, n'ont esté receus ny approuués
 en l'eglise. Je passe plusieurs faux prophetes qui
 se sont fourrés parmy les bons poussés de vaine
 gloire, prophetisâns ce qui ne leur estoit dicté
 ou suggeré par le S. Esprit, mais des mensonges
 estranges qui ne tenoyent rien de la verité de
 l'escriture, & ont introduit des sectes contre l'u-
 nité de l'Esprit & la paix de l'Eglise, osâns par te-
 merité effrontee entreprendre ainsi que s'ils
 estoient conseillers de Dieu, de publier le testa-
 ment du seigneur de leur bouche, escrire des
 propheties & des Euangiles qui se trouuent puis
 ou du tout heretiques, ou non receuables & re-
 iectés du canon & reigle des saincts escrits, com-
 me il est euident & hors de doute de ceux que
 lon appelle les canons des apostres. Les canti-
 ques mesmes de Salomon ne furent point infe-
 rés entre les saincts liures canoniques des He-
 breux, sinon apres que Isaïe les eust corrigés &
 approuués. Il appert donques par ce que dit est
 que mesmes la vraye Theologie, à sçauoir la sain

cte Esriture defaillante de plusieurs volumes pourroit sembler aucunement imparfaite, & qu'il nous reste peu de liures d'un grand nombre qu'il y en a eu, lesquels soyent recongnus pour veritables & certains, & constituent la reigle & formulaire sacré ainsi que liures de vie.

De la Parole de Dieu. CHAP. C.

VOUS auez peu entendre maintenant combien sont toutes les disciplines pleines d'ambiguité, incertaines, dangereuses, & fourchuës, en sorte que en tant q nous pouuôs esperer d'elles nous sommes contrainsts d'ignorer en quelle part la verité gist & repose, voire mesmes en la Theologie, sinon que quelcun aye la clef de science & congnissance (car le cabinet de verité est clos & couuert de diuers mysteres, & fermé mesmes aux saincts & aux sages) par laquelle clef ouuerture nous soit faicte à vn si grand & incôprehenisible thresor. Or ceste clef est la seule parole de Dieu (& n'y en a point d'autre) laquelle seule discerne toute espee & force de paroles, & descouure celles qui procedent d'artifice sophistique, & ne contiennent point verité, mais seulement quelque apparence d'icelle: en somme iuge quel langage contient en soy verité essentielle & non desguisee ou fardee. Par ceste seule parole tout artifice meschant & mensonger est renuersé, & ne peuuent durer contre icelle aucunes argumentations,

rions, syllogismes ny cautelles & ruses de sophi-
 stes. Qui n'acquiesse & ne se sousmet à icelle,
 mais y contredit, est (comme dit saint Paul) su-
 perbe, & ne sçait rien. Partant il nous conuient
 examiner & esprouuer toutes & chacunes scien-
 ces & disciplines à ceste parole, ainsi que l'or à la
 pierre de touche, & en toutes occasiōs & euene-
 ments auoir là nostre recours & refuge, comme
 à vn ferme rocher, puiser de là la pure & asseu-
 ree verité en toutes choses, & par icelle iuger de
 toutes disciplines & inuentions, sans nous obli-
 ger à aucuns preceptes, enseignements, gloses,
 commentaires, ny autres dits ou escrits des do-
 cteurs, quelques saints & doctes personnages
 qu'ils soyent, qui sortent tant soit peu hors la
 ligne & reigle de l'autorité de la parole diuine.
 Car tout ce qui ne prend autorité & preuue d'i-
 celle, dit S. Gregoire, peut estre mesprisé aussi
 facilement qu'allegué. La science de ceste paro-
 le ne nous a point esté enseignée par aucune
 eschole de philosophes ny par la Sorbonne des
 Theologiens, ny és colleges des Scholastiques
 quels qu'ils soyent, mais l'apprenons de Dieu
 seul & nostre seigneur Iesuschrist par le S.Esprit
 aux liures qui sont appellés canoniques, ausquels
 par expres & diuin commandement il n'est lici-
 te d'adiouster ny diminuer chose quelconque:
 & qui attenteroit de ce faire, fust ce vn ange du
 Ciel, est maudit par la loy de Dieu. Telle est la
 force & maiesté de ceste escriture, qu'elle ne
 peut souffrir aucune interpretation ny glose
 estrange

estrangere, soit humaine ou angelique, & n'est nullement ployable ainsi que cire selon les opinions des hommes, & ne peut estre tiree en diuers sens ainsi que les comptes fabuleux & fictions humaines, ou comme le Protee des poetes estre transformee en diuerses manieres, mais ayant suffisance en elle mesme de sens & sagesse elle s'interprete & explique, & iugeant de tout n'est iugee de nul. Son autorité, dit S. Augustin, est trop plus grande que toute subtilité d'humain entendement: car elle a vn sens simple & asseuré, par lequel seul la verité est establie, par lequel seul on doit disputer & vaincre. Quant aux autres interpretations externes, soyent morales, mystiques, cosmologiques, typiques, anagogiques, tropologiques, ou allegoriques, par lesquelles plusieurs la peignent ainsi que de couleurs diuerses & estrangeres, elles peuuent à la verité persuader aucunement quelque verité à l'edification du peuple, mais de confirmer l'autorité de la parole de Dieu, prouuer ou reprouuer & impugner quelque chose en icelle, elles n'ont vertu aucune. Car que lon mette en auant quelcune des expositions susnommees, que lon allegue quelcun des auteurs d'icelles, pour docte & grand personnage qu'il soit, que lon amene les interpretations, glosses, & commentaires de qui que ce soit d'entre les saincts peres & docteurs, tout cela ne nous sçauroit tant astraindre, qu'il ne nous soit permis de faire force contre, & eschapper: Mais du texte de l'escriture & de l'ordre

dre & conduite d'icelle sont faicts des liens qui ne peuuent estre brisés ny rompus, & desquels nul ne peut eschapper qu'il ne soit contraint de dire & confesser que c'est le doigt de Dieu, que l'homme n'a iamais parlé ainsi, & que ce n'est point le langage des scribes & pharisiens, mais vne parole accompagnée de vertu & puissance. Or les auteurs de ces escritures inspirés de Dieu nous ont ordonné vn canon ou formulaire avec salutaire autorité, la grandeur duquel est, qu'il faut que nous y adioustions pleine foy, & teniōs pour ferme, resolu, & saint tout ce qu'il prononce & enseigne sans contredit. Comme saint Augustin en a parlé, disant qu'il attribue tant d'honneur aux liures seuls que lon appelle canoniques, qu'il croit fermement qu'aucun des auteurs d'iceux n'a failli, mais qu'il ne veut point croire aux autres quelque doctrine ou sainteté qu'ils ayent, s'ils ne prouuent leur dire & ne le luy persuadent par raisons euidentes, prises de l'escriture sainte, & qui ne repugnent à la verité. A ces escritures sommes nous renuoyés par Iesuschrist, disant que nous nous enquerions des escritures. Par icelles l'apostre veut que nous esprouuions toutes choses, à fin de nous tenir à celles qui sont bonnes, & que nous sçachons discerner les esprits s'ils sont de Dieu, & q nous puissions rendre raison de toutes choses, & redarguer ceux qui contredisent, en sorte qu'estās par ce moyen rendus spirituels, nous iugions de toutes choses, & ne soyons iugés par personne.

La ve

La verité dōques de ces escriptures canoniques & leur intelligence depend de la seule autorité de Dieu q̄ la nous reuele, & ne peut estre comprise par aucun iugemēt sensuel, par aucun discours de nostre raison, par aucun syllogisme demonstratif, par nulle science, speculation, ou contemplation, en somme par nulle faculté ny vertu humaine, ains seulemēt par la foy en Iesuschrist, q̄ Dieu le pere a mise en nous par le S. Esprit : laquelle est d'autāt plus ferme & asseuree, q̄ aucune autre creance & persuasion des sciēces humaines, que Dieu est plus haut & plus veritable q̄ ne sont les hōmes. Mais que dis-ie plus veritable? Dieu seul est veritable, & tout hōme menteur : partāt tout ce q̄ n'est de ceste verité est erreur, tout ainsi que ce q̄ n'est de la foy est peché. Car en Dieu seul est la fontaine de verité, de laquelle il faut que celuy qui cherche bonne doctrine boyue, attendu que nous ne pouuons auoir congnoissance: aussi n'y a il nulle science des secrets de nature, des substances separees, ny de Dieu leur auteur, sinō qu'elle nous soit reuelee diuinement ; pour autant que les choses diuines ne sont attaintes par les forces de l'esprit humain, & les choses naturelles nous eschappent à tout propos, & ne sont par nous apperceuēs: Dont il aduiēt que ce que nous pensons estre science en ces choses n'est qu'erreur & fausseté ; ce que Isaïe reproche aux philosophes & sages Chaldeens, en telles paroles: Ta sagesse & ta science, dit il, t'a deceu, tu as defailli en la multitude de tes inuentions. Le

grammairien prend soigneusement garde de ne faillir point au langage, ou de ne proferer parole qui soit barbare ou rustique : cependant ne se soucie guiere des souilleures de la vie, ny des pechés. Le poëte ayme mieux clocher en sa vie, qu'en ses vers: l'historien met par escrit les faicts & prouësses des Rois & des peuples, & ce qui est passé de temps en tēps pour en conseruer la memoire, mais de sa propre façon de viure il n'en a cure, & s'il en a aucune, il ne veut ou a honte de confesser ses erreurs. Le Rhetoricien a en plus grande horreur la rudesse & l'ardeur d'une oraison, q̃ celle de sa vie. Le dialecticiē aymera mieux nier la verité toute euidente, que de ceder à son aduersaire en vne petite cōclusiō de syllogisme. Les Arithmeticiēs & Geometriēs nōbrent & mesurent toutes choses, mais l'ame pour leur regard demeure sans nombre ny mesure. Les Musiciēs traittent des sons & des chants, cependant n'entēdent les dissonances qui sont en leurs mœurs & en leurs esprits, ainsi que ceux dont Diogenes Sinopeen faisoit mention, lesquels scauoyēt fort bien rendre les cordes des instruments par bonne harmonie, mais estoient esgarés & discordans & desordonnés à merueilles en leurs mœurs & entēdements. Les astrologues recherchent les astres & discourent par les cieux, & presument de deuiner ce qui aduient parmy le monde à autrui, mais ne se donnent garde de ce qui est pres d'eux, & leur est present chacū iour. Les Cosmimetres ont la cōgnoissance des terres
& des

& des mers , de la forme des montagnes , des cours des riuieres, enseignent les termes & limites de chaque païs , & toutesfois ils ne rendent pourtant l'homme meilleur ny plus sage par ces choses. Les philosophes avec grande parade & vanterie recherchent les principes & causes des choses, mais ignorét ou font peu de cas de Dieu auteur de tout. Entre les Princes & Magistrats il n'y a paix ny concorde , & sont poussés à la destruction l'un de l'autre pour bien peu de profit. Les medecins pensent les corps malades, mais mesprisent leurs propres ames. Les Iuristes tresdiligents obseruateurs des loix humaines transgressent à tous propos celles de Dieu: Parquoy on dit communement que lon ne void point de medecin bien viuant, ny de legiste bien mourant, attendu q̄ les medecins sont les plus intemperas, & les Iuristes les plus meschans hommes du monde, & voyons le plus souuent qu'ils sont surprins de mort soudaine: ce qu'un de leur troupe & des mieùx renommés, à sçauoir Balde, grand Iurifconsulte , tesmoigne. Les Theologiens nous preschent avec grands cris les commandemens & sacrés preceptes de Dieu , desquels ils s'esloignent tant qu'ils peuuent en leur façon de viure , & ayment mieùx monstrier de congnoistre Dieu que de l'aymer: & à la mienne volonté que plusieurs d'entreux sous pretexte de la Theologie ne defendissent point la doctrine de Sathan, foulans aux pieds la verité de la parole de Dieu , & condemnans icelle. Or quand
l'homme

l'homme aura appris & sceu toutes autres choses, qu'il sçaura la maniere de bien dire & coucher par escrit, qu'il sera adroit à composer proprement des vers, versé es discours des temps & de leurs mutations & changements, subtil en argumentations, riche en figures & ornements d'oraison, qu'il aura l'heur de memoire en beaucoup de choses, sera prompt à nombrer, entendu aux proportions & hazards, beau chanteur & balleur en toute espee, qu'il aura compris toutes les qualitez & mesures, les radiations & reflexions, l'assiette des terres & des mers, les grandeurs des edifices & l'artifice de toutes les machines, qu'il sera sage & aduisé aux guerres & combats, expert en tout ce qui appartient à l'agriculture, aux chasses des animaux, aux pasturages & nourriture d'iceux, & en tout ce qui concerne la diligence de la vie rustique, qu'il soit industrieux es arts mechaniques, & en toute sorte d'ouvrage, qu'il soit excellent en la peinture, sculpture, fonte, & forges, rusé en la marchandise & traffiques, hazardeux en la nauigation, diligent obseruateur des cours des astres, de leurs influxions, & des predictions, des destinees & des euenements, en ces choses basses par icelles, & sçauant en toute espee de deuinations des choses cachees à venir, & de monstres inexpugnables de magies, & des plus que magiques secrets de la caballe, & en toutes causes naturelles, voire qu'il passe iusques aux plus hauts sieges de celles qui sont dessus nature, qu'il puisse cen-

L surer

surer toutes les mœurs, administrer toutes les
 diuerses manieres de republicques, & soit enten-
 du en toute discipline domestique & de mesna-
 ge, qu'il sçache & congnoisse les remedes à tou-
 tes maladies, la force & vertu de tous medica-
 ments, & de leurs mixtions, & les condiments,
 sauces, & apprests de toutes viandes & artifice
 delicieux de cuisine, & avec cela changer & tran-
 smuer toutes choses, & extraire l'esprit & l'ame
 du monde. En outre qu'il soit sçauant en tous
 les droits, exercé en toutes les tragedies foren-
 ses des aduocats, és contentions & debats forba-
 niques, és hypocrisies monachales, en toutes les
 pies & religieuses traditions des saincts peres.
 Quand, dis-je, l'homme aura sçeu & congnu tou-
 tes les choses susdites, & autres, si aucunes re-
 stent à sçauoir, il est certain qu'il ne sçaura rien
 s'il ne sçait la volonté de la parole de Dieu, & s'il
 ne l'accôplit. Celuy qui a appris toutes choses, &
 n'a appris ceste cy, en vain a appris tout ce qu'il
 a appris. Car en la parole de Dieu est la voye,
 la reigle, le but, & le blâc où il faut viser, à qui ne
 veut errer, ains desirer atteindre à la verité. Tou-
 tes les autres sciences sont subiectes au temps &
 à l'obliuion, & perissables: car toutes ces scien-
 ces & arts, mesmes ces lettres, caracteres, & lan-
 gages, desquels nous vsons à present, periront, &
 autres viendront en vsage: & peut estre qu'elles
 ont esté perdues desia plus d'une fois & retrou-
 uees ou resuscitees. La maniere de l'orthogra-
 phe n'a esté tousiours de mesme, ains diuerse en
 toutes

toutes nations, & n'a esté semblable en tous âges. La vraye & naturelle prononciation de la langue Latine à present n'est en lieu aucun: les anciens caracteres Hebrieux sont perdus, & n'y en a plus de memoire, mais vſeſon de ceux qui furent trouués par Esdras, & leur langue fut corrompue & abastardie par les Chaldeens: ce qui est commun à toutes les langues, tellement que nous n'en auons aucune aujourdhuy où lon puisse remarquer l'antiquité d'icelle, ny l'entendre, tousiours naissans de nouueaux vocables qui font perdre les vieux, & iceux estâs derechef restitués & renouuellés, tant sont toutes choses peu fermes & non durables. Bref, comme dit Terence, lon ne dit rien maintenant qui n'aye esté dit autresfois: rien ne se fait que lon n'aye fait par cy deuant. Comme de l'artillerie, laquelle lon pense auoir esté inuention moderne des Allemans, Volaterran & autres croyent que anciennement elle a esté en vſage, & s'essayét de la tirer des vers de Virgile:

*I ay veu au fonds de ces places terribles
 Salmonée estre en peins trop horribles.
 Pour auoir ſeint de Iupiter l'eclair,
 Et du tres haut olympe le ſon clair.
 Cil que ie dy esbranſant le brandon,
 Et de cheueux porté à l'abandon.
 Quatre de rang alloit en braue arroy
 Par les cités Grecques ſur ſon charroy.
 Et au milieu de la ville d'Ekde
 S'attribuant des dieux l'honneur ſolide.*

*Homme insensé qui la nue à resoudre
 Et de là sus l'immitable foudre
 Contrefaisoit au bruit d'erain qui corne,
 Et de cheueux courans aux pieils de corne.*

Ne trouue lon pas tesmoignage de ce dans l'Ecclesiaste, disant, Qu'est ce qui a esté? ce qui sera. Qu'est-ce qui a esté faict? Ce qui se fera. & n'y a rien de nouveau sous le Soleil. Est il quelque chose dequoy lon puisse dire, cela est nouveau? Il auoit desia esté és siecles qui nous ont precedés. Il n'est memoire de ce qui a precedé: aussi ne sera il de ce qui sera cy apres, il n'en sera point, dis-ie, de memoire vers ceux qui serôt en apres. Et peu apres il dit, Celuy qui est sçauant, & pareillement celuy qui est ignorant, meurent. Que pouuons nous donques dire autre chose, sinon que toutes les sciences & les arts sont sous la loy de mort & d'oubliance, & ne demeurent point à tousiours en l'esprit, mais passeront, & mourront avec la mort mesme, veu que Iesuschrist dit que toute plante qui n'a esté plantee par le pere celeste sera arrachee & mise au feu eternel: tant s'en faut que la science conduise l'homme à l'immortalité: mais la parole de Dieu demeure eternellement, la congnoissance de laquelle nous est pour certain si necessaire, que celuy qui l'aura mesprisee, ou ne l'aura escoutée (par le tesmoignage de la mesme parole és escritures) receura sur luy malediction, perdition, & condamnatio eternelle. Parquoy il ne faut point qu'aucun se persuade que ceste parole doye estre espluchee
 par les

par les seuls theologiens : car elle appartient & inuite vn chacun: L'homme, la femme, les vieils, les ieunes, & enfans, estrangers, ou naturels, tous sont obligés & tenus de l'apprendre, & ne se départir d'icelle de la grosseur d'un cheueu. C'est pourquoy il est ainsi commandé en l'ancienne loy : Ces paroles seront en ton cœur tous les iours de ta vie, tu les raccôpteras & bailleras de main en main à tes enfans & neueux, à fin qu'ils les obseruent & facent, tu t'y exerceras & contempleras icelles, estat assis en ta maison, & cheminant par pais, en te couchant, en te leuant, & les porteras pour memoire liés en ta main, & se presenteront tousiours à tes yeux, tu les escriras sur l'entree des portes de ta maison. Ainsi Iosué leur toutes les paroles & tout ce qui estoit contenu au liure de la loy deuant tout le peuple, les femmes, enfans, & estrangers. Esdras apporta pareillement le liure de la loy deuant toute l'assemblée du peuple, hommes, & femmes, & tous ceux qui pouuoient entendre, & leur en iceluy en la place publiquement. Iesuschrist aussi commande que son Euangile soit presché à toute creature par toute la terre vniuerselle, & ce non point en tenebres ny à l'oreille, ny à cachettes es cabinets, ny à certains maistres Pharisiens ou separes, ou scribes : mais ouuertement haut & clair en plein iour, sur les toits, à tout le peuple, & aux tourbes : car voila ce qu'il dit à ses apostres, Ce que ie vous dis, ie le dis à tous: ce que ie vous dis à l'obscur, dites le en plein iour : & ce que

vous escoutez à l'oreille, preschez le sur les rois. Et S. Pierre aux actes dit, Il nous a commandé de prescher au peuple. S. Paul veut que lon nourrisse les enfans en discipline & admonition chrestienne: & Iesuschrist mesme reprint les disciples de ce qu'ils empeschoyent les petits de s'approcher de luy. La simplicité & humilité de quels, comme de ceux qui n'ont l'esprit preoccupe d'aucunes mauuaises opinions, ny entité d'aucune science humaine, il enseigne estre tant nécessaire aux auditeurs de la parole de Dieu, que celuy est estimé du tout mal propre ou inhabile au Royaume de Dieu qui ne deuient ainsi qu'un de ces petits. Partant S. Chrysostome en certain sermon veut que les enfans principalement s'adonnent aux saintes lettres, & que les maris & les femmes en leurs maisons priuees deuissent & discoutent d'icelles entre eux & avec leurs enfans, disent, demandent, & s'interroguent les vns les autres du sens & interpretatiō d'icelles. Le concile de Nicee ordonna par ses decrets que chacun qui estoit du nombre des chrestiens fust pourueu d'un liure de la sainte Bible. Sachez doncques que en toute la sainte escriture il n'y a chose si haute, difficile, cachee, ny tant sainte, qui ne doye estre sceue de tous chrestiens, & qu'il n'y a rien qui aye esté baillé en telle garde à nos gros maistres, qu'ils le puissent ny doyuent celer au peuple Chrestien. Ains que toute la theologie doit estre entierement commune à tous fideles pour en prendre chacun selon la capacité

pacité & mesure de la grace octroyee par le S. Esprit. C'est bien l'office d'un bon docteur de la distribuer à chacun selon ce qu'il est capable, & qui luy fait besoing, aux vns le laiët, à autres la viande ferme : mais il ne faut defrauder ny frustrer aucun de la pasture necessaire de verité.

Des Maistres des Sciences. CHAP. CI.

OR pour reuenir à nous, & prendre quelque conclusion à ce propos, vous auez ouï par ce qui dessus a esté deduit depuis le commencement iusques à ce lieu, que les arts & sciences ne sont autre chose que traditions humaines, par nous receues moyennant vne sorte creance, & qu'elles ne sont appuyees sinô en incertitude de choses & d'opinions que lon donne à entendre par demonstrations apparentes, & qu'il y a encor plus de tromperie que d'incertitude, voire sont avec ce contraires à Dieu & à toute religion. Par tant c'est chose irreligieuse de croire que par icelles nous puissions acquerir aucune diuinité ny beatitude. C'estoit iadis vne superstition des Gentils, lesquels honnoroyent ainsi que Dieux ceux qui auoyent esté inuenteurs de quelque chose, ou qu'ils voyoyêt estre plus adroits & excellents en quelque art ou science que les autres hommes, & leur dedioyent temples, autels, & simulacres, les colloquans par tels moyens au nombre de leurs Dieux, & les adorans sous diuerses figures. Ainsi que Vulcan, lequel entre les Egy-

L + ptiens

ptiens estoit vn grand philosophe, & le plus renommé, & rapportoit toutes choses au feu, comme à leur principe naturel, dont il fut adoré sous la figure du feu: & Esculape (ainsi que dit Celse) pource qu'il exerça la medecine vn peu plus subtilement que lon n'auoit faict auant luy, fut pareillement à raison de ce receu au rang des Dieux: partant voila toute la deification que peuuent conferer les sciences, sans qu'il y en aye aucune autre, & laquelle le vieil serpent, qui est l'oururier de tels Dieux que ceux là, promettoit à nos premiers peres, leur disant, Vous serez ainsi que Dieux, sçachans le bien & le mal: & pource celuy qui se voudra glorifier à cause de la science, se glorifie en ce serpent: Car aucun ne peut posséder telles sciences si ce n'est par la faueur de ce serpent, les enseignements & preceptes duquel ne sont qu'enchantemens & esblouissements, & en est l'issue tousiours mauuaise: parquoy on dit vulgairement en proverbe, que tous les sçauans deuient fols: à quoy s'accorde Aristote, disant qu'il n'y a aucun exquis sçauoir sans quel que meslange de folie. S. Augustin pareillement tesmoigne que plusieurs par desir de beaucoup sçauoir ont perdu le sens.

Il n'y a chose à la verité plus repugnante à la foy & religion chrestienne que la science, ny qui compatisse moins avec elle: Car nous sçauons par les histoires ecclesiastiques, & sommes apprins par l'experience, comme à mesure que la foy est creüe & venue en auant, les sciences sont

sont rumbées, tellement que la plus grande &
 meilleur partie d'icelles s'est du tout esuanouie,
 tous ces arts magiques si puissans sont tellemēt
 disparus qu'il ne s'en void plus marque ny tra-
 ce: & de tant de sectes de philosophes à peine
 en est il demeure vne, qui est la peripatetique:
 encor n'est elle point en son entier: Et ne fut on-
 ques l'eglise en meilleur estat, ny plus en repos,
 que lors que toutes ces sciences se trouuoient
 à l'estroit serrees & reduites en peu de lieu: lors,
 dis-ie, que pour la grammaire l'on n'auoit qu'un
 Alexandre François, pour la dialectique n'appar-
 roissoit que Pierre l'Espagnol, à la rhetorique
 suffisoit Laurens d'Aquilee, pour toute histoire
 l'on n'auoit que le paquet des temps, pour les
 disciplines mathematiques le compte Ecclesia-
 stique, & pour tout le reste vn seul Isidore estoit
 à suffisance. Mais à present que la congnoissance
 des langues, & l'ornement des paroles, & le
 grand nombre des auteurs sont resuscités, &
 que les sciences reprennent force, la tranquillité
 de l'eglise est troublee, & nouvelles heresies s'e-
 leuent: car il n'y a maniere de gents plus mal
 propres à receuoir doctrine chrestienne que
 ceux qui ont l'esprit desia embeu des opinions
 des sciences, d'autant que tels sont tant obstines
 & entiers en leurs opinions, qu'ils ne donnent
 prinle ny lieu aucun au saint Esprit: sont telle-
 ment arrestés & attachés, & se fient tant à leur
 propre sens, & entendement, qu'ils ne cedent
 en façon aucune à la verité, & ne la veulent re-

cevoir, si elle n'est prouuee par demonstrations & ratiocinations dialectiques, & se mocquent ou méprisent tout ce qu'ils ne peuuent comprendre, trouuer, ou entendre par leur propre industrie & faculté. Parquoy Iesuschrist a caché sa doctrine aux sages & aux prudens, & l'a reuelee aux petits, à ceux, dis-ie, qui sont pources en esprit, desnues de tous thresots des sciences, qui sont purs en cœur, nets de toute ordure des sciences, & l'esprit desquels est ainsi qu'un beau papier blanc, auquel n'a esté encoir escrit aucune chose des traditions humaines: ceux, dis-ie, qui sont passibles, non partiaux, nullemēt contentieux, qui ne combattent la verité par rioteux syllogismes, bref qui souffrent persecution à cause de la verité & iustice, & sont mocqués & méprisés par ces querelleux sophistes, comme pources bestes, ou asniers, & sont diffamés aux escholes, interdits des chaires, deschaissés des Vniuersités, calomniés comme heretiques, quelquesfois poursuyuis à la mort, & liurés à cruels supplices. Ainsi iadis à Athenes Socrates fut estaint par venim, Anaxagoras condamné à la mort, Diagoras accusé de crime capital, mais il se sauua du danger, où il estoit prest à rumber, promptement à la fuite. Entre les Hebreux le prophete Isaïe fut scié en deux pieces, Ieremie lapidé, Ezechiel tué, Daniel liuré aux bestes, Amos occis, Michee precipité, Zacharie massacré pres l'autel, Helie persecuté par Iesabel, laquelle fit mourir plusieurs autres prophetes.

Mesmes

Mesmes le saint Patriarche Abraham fut iecté
 en vne fournaise par les Chaldees. Les Apostres
 semblablement & disciples de nostre Seigneur
 Iesuschrist, & infinis martyrs, tesmoins de la
 diuinite de Iesuschrist, ont esté mis à mort par
 diuerses especes de torments. Tous lesquels
 n'ont esté persecutés pour autre raison, sinon
 pource qu'ils scauoient & croyoient mieux
 que c'estoit que de Dieu que les sages du monde.
 Ceux cy donques, qui sont ainsi humbles en
 poureté d'esprit, & en paix de conscience, prests
 à espendre leur propre sang pour la verité, sont
 ceux auxquels seuls est donnee la vraie & dei-
 fiant sapience, qui nous transporte en l'assem-
 blee des Dieux bien heureux, à scauoir des an-
 ges, & nous transforme en semblables Dieux
 bienheureux qu'iceux, ainsi que nous sommes
 clairement enseignés par nostre Seigneur Iesus-
 Christ, disant, Bien heureux sont les pures en
 esprit: car le royaume des cieux est à eux. Bien
 heureux ceux qui procurent la paix: car ils se-
 ront appellés enfans de Dieu. Bien heureux sont
 ceux qui sont persecutés pour iustice: car le
 royaume des cieux est à eux. Il est doques meil-
 leur & plus profitable estre idiots & ne sca-
 uoir rien du tout, & croire par foy & avec cha-
 rité, & estre approchés de Dieu, que estās enflés
 par subtilité de sciences. & enorgueillīs, tumber
 en la puissance du serpent. Aussi nous lisons es
 euangiles, que Iesuschrist a esté receu par les
 idiots, par le menu peuple grossier & simple,
 citant

estant cependant reiecté par les principaux sacrificateurs, par les docteurs de la loy, par les scribes, par les maistres & rabins, & par iceux mesprisé, voire persecuté iulques à la mort. Iesus Christ pareillement n'a point choisi pour ses disciples & apostres les rabins, les scribes, les maistres & sacrificateurs, mais des plus idiots d'entre le lourd populaire, despourueus de toutes lettres, ignares, & asnes.

Digression sur la louange de l'Asne.

CHAP. CII.

chap. est
ne peu
et du La
parce que
sur se roue
irreuerē-
de l'e-
re : par-
esté au-
ent ad-
par le
leur.

MAIS à fin que personne ne me calomnie si i'ay appelé les apostres asnes, ie veux expliquer briueement les mysteres & secrets de cest animal, sans sortir que bien peu de mon propos. Les docteurs Hebreux ont figuré par iceluy la patience & vne grande force, l'influence duquel depend, disent-ils, de sephirot, qui est dit hocma, c'est à dire, sapience. Car aux disciples de la sapience les conditions & mœurs de l'asne sont tresnecessaires. Il vit en premier lieu de petite pasture, & se contente de toute mègeaille qu'on luy presente: il est trespatient en la disette & faute de viures, en la faim, au trauail, & aux coups, & endure doucement si lon ne tient compte de luy, & quelque persecution qu'on luy face il est trespoure & tressimple en esprit, tellement qu'il ne peine congnoist il les laictues d'entre les charadons: innocent & pur de cœur, & sans fiel, n'a guerre ny discorde avec animal quelconque.

&

& supporte toutes charges également qu'on luy veut mettre sur le dos, en recompense de quoy il est exempt de poux, n'est guieres souuent malade, & vit plus long temps qu'autre animal des grands troupeaux. Les commodités & œuvres necessaires que nous tirons de l'asne, dit Columella, sont plusieurs, & plus que pour sa portee: car il rompt la terre legere & facile à labourer, & traine des charrois assez lourds & pesans: mais l'œuvre commune & ordinaire travail de ceste beste, est de tourner les meules pour moudre le bled: toute metairie & maison rustique a besoing d'un asne, comme d'un instrument & meuble necessaire pour porter & rapporter, ou trainer en la ville plusieurs vtenfiles & denrees. L'asne aussi a quelque iugement & faculté diuinatrice au rapport de Valere parlant de C. Marius, lequel ayant dompté le midy & le septentrion, en fin estant declairé ennemi de sa patrie, & persecuté par Sylla, eschappa le danger dont il estoit menassé par l'aduertissement qu'il print d'un asne, & eut vn asne pour auteur de sa fuite & de son salut. Et ne fut peu prise cest animal en l'ancien testament: car ayant Dieu commandé de luy sacrifier tous les premiers nais des animaux, il pardonna aux hommes & aux asnes seuls, permettant à l'homme d'estre rachetté par prix d'argent, & de bailler vne brebis en échange de l'asnon. Et n'est dit possible en mauvais sens par ancien prouerbe, que l'asne porte les mysteres: parquoy ie veux bien aduertir ces asnes

Il se i
l'escritu
cest end
Latin,
obmis.

asnes de Cumes, ces braues professeurs des sciences, dis-ie, que s'ils ne se deschargent de ces fardeaux de sciences humaines, & ne se despouillent de ceste peau de lyon emprantee, (non du lyon de la lignee de Iuda, mais de celuy qui tournoye rugissant, cherchant proye pour deuorer,) & ne sont reduits en purs & simples asnes, qu'ils demeureront du tout inutiles à porter les mysteres de la sapience diuine. Nous lisons beaucoup de miracles de diuers animaux. Plutarque recite qu'un Elephant escriuoit les caracteres Grecs, & que cestuy là mesme deuint amoureux d'une fille de la ville de Stephanopolis, & fut corriual d'Aristophanes le grammairien. Le mesme auteur dit, qu'un dragon aimoit vne fille Etolienne, & ont creu plusieurs que cestuy là mesme garentit celuy qui l'auoit nourri, & accourut à sa voix. Nous lisons es oeures de Pline qu'un aspic auoit accoustumé de venir chaqu iour à la table d'un certain homme, & qu'une fois s'estant apperceu qu'un de ses petits aspideaux auoit tué vn des enfans de son hoste, il le fit mourir en hayne de l'iniure qu'il auoit faicte à celuy qui les recueilloit, & depuis par honte n'osa reuenir leans. Le mesme Plutarque racompte qu'une Panthere rendit la pareille à vn homme qui auoit tiré ses petits du dedans d'une fosse, & l'ayant rencontré esgaré à trauers les bois le ramena au grand chemin passant. Plus on dit que Cyrus fut nourri par vne chienne, & les premiers fondateurs de Rome

parvne louue, comme ils eussent esté exposés à l'adventure. Je passe les miracles des Dauphins, & les recongnouissances des Lyons enuers ceux qui leur auoyent bien faict; Je me tais de l'ourse Calabroise, & du beuf Tarentin appriuoisés par Pythagoras, & plusieurs autres de ceste sorte. Mais ce qui passe toutes les merueilles est l'asne que nous lisons auoir esté auditeur & condisciple avec Origene & Porphire du philosophe Amonius Alexandrin, le plus renommé de son temps. L'asne a veu l'ange du Seigneur quand Balaam le prophete partit pour aller maudire le peuple de Dieu, lequel son maistre ne sceut appercevoir, pour monstrier que souuent vn simple & grossier idiot void les choses qui ne peuvent estre veües ny comprinses par le docteur scholastique ayant l'esprit corrompu & depraué par sciences humaines. Samson avec vne maschoire d'asnon frappa & mit à mort les gendarmes Philistins, & ayant soif pria le Seigneur, lequel ouurit vne dent moliere en ceste maschoire, & d'icelle fit saillir de l'eau viue, par laquelle il reprint vigueur, & l'esprit luy reuint. Ainsi Iesuschrist par la bouche de ses asnes, simples, rudes, & grossiers disciples, & apostres, a frappé & vaincu tous les philosophes des Gentils, les docteurs de la loy des Iuifs, abbattu & renuersé toute la sapience humaine, & nous a baillé à boire par les maschoires de ses asnes des eaux viuifiantes en sapience eternelle. Par ce que dit est vous pouuez comprendre plus qu'en pleine clarté

clarté du Soleil que l'asne est la marque, deuise,
 & enseigne de l'esprit capable de diuinite, es
 mœurs duquel si vous n'estes changés vous ne
 pouuez estre bons ny habiles à porter les se-
 crets de la sapience diuine. Les chrestiens ancien-
 nement estoient appellés asniers par les Rom-
 mains, lesquels par mespris paignoient l'image
 de Iesuschrist avec des aureilles d'asne, comme
 tesmoigne Tertullien. Partât que nos Euesques
 & Abbés ne se faschent point, & ne tiennent
 point pour reproche si à l'endroit de ces cor-
 pulents elephans remplis de sciences ils sont ap-
 pelles & estimés asnes, & que le peuple chre-
 stien ne trouue point estrange si ceux qui sont
 les plus sçauans sont les moins prisés entre ces
 prelatz & recteurs des eglises, & qui ont charge
 des choses sacrees entre nous: car le chant des
 rossignols n'est nullement plaisant aux aureilles
 des asnes, & dit on en commun prouerbe, que
 le cri des asnes ne s'accorde ny conuient point
 au son de la lyre. Neantmoins des os de l'asne la
 mouëlle ostee on en fait de tresbonnes fleutes,
 lesquelles bien embouchées & entonnées d'un
 bon vent rendent vne melodie & chant plus
 plaisant & delicieux que ne fait lyre, luth, ny
 harpe quelconque. Ainsi ces religieux idiots par
 leur chant asnier surpassent tous les plus babil-
 lards sophistes. Surquoy nous trouuons par
 escrit qu'aucuns philosophes payens estans ve-
 nus visiter saint Antoine pour discourir avec
 luy furent pressés de si pres par ses responses,
 qu'ils

qu'ils s'en retournerent avec leur honte. Nous lisons pareillement qu'un certain personnage rude & ignorant fit avec peu de paroles demeurer muet vn grand heretique docte, & ſçauant, & bien verſé aux lettres, & le reduiſt à la foy : ce que n'auoyent peu obtenir tant d'Eueſques tres ſçauans qui eſtoient aſſemblés au concile de Nice avec longues & difficiles diſputes. Iceluy eſtant apres enquis par ſes amis, pourquoy il auoit cedé à ceſt idiot, apres auoir faiſt teſte à tant de doctes Eueſques, reſpondit qu'il luy auoit eſté aiſé de rendre aux Eueſques paroles pour paroles, mais qu'à ceſt ignorant là, lequel auoit parlé par l'eſprit, & non par humaine ſapience, il n'auoit ſceu que repliquer.

Conclusion de l'œuvre. CHAP. CIII.

M AINTENANT donques, ô aſnes, leſquels avec vos aſnons par la volonté de Jeſuſchriſt publiee par ſes apoſtres vrais meſſagers & preleſteurs de la vraye ſapience, eſtes deſliés & deliurés des tenebres de la chair, & du ſang, ſi vous deſirez d'obtenir la ſapience de l'arbre de vie, & non celle de l'arbre de ſcience de bien & de mal, reiectans toutes les ſciences humaines, & toute la curioſité & les diſcours de la chair & du ſang quels qu'ils puiſſent eſtre, ſoit qu'ils regardent aux raiſons & manieres de bien parler, ſoit qu'ils recherchent les cauſes, ſoit qu'ils s'addreſſent aux œuvres & effets ſans aller aux eſcholes

M les

les des philosophes & colleges des sophistes, entrez en vous mesmes, & là vous cōgnoistrez toutes choses : car la congnoissance de tout vous est dediee : ce que les Academiques confessent, & les sainctes escritures tesmoignent. Car Dieu a crees toutes choses fort bonnes, c'est à dire au meilleur estat qu'elles peussent estre : Iceluy donques ayant créé les arbres pleins de fruiçts, aussi crea les ames, qui sont autres arbres raisonnables, pleins de formes & cōgnoissances : mais par le peché de nostre premier pere toutes ont esté couuertes, & y est entree l'oubliance mere d'ignorance. Descouurez donques vostre entendement en ostant ce voile d'ignorance qui l'enueloppe. Reiectez & vomissez ce breuusage infernal, vous qui vous estes enyurés d'oubliance. Veillez à la vraye lumiere, vous qui estes amignardés au sommeil de brutalité, & soudain à face ouuerte vous passerez de clairté en clairté : car, cōme dit S. Iean, vous estes oingts par le sainct, & sçauiez toutes choses. Et derechef : vous n'avez besoing qu'aucun vous enseigne : car l'onction d'iceluy vous enseigne tout : d'autant, que c'est luy seul qui donne bouche & sagesse. Daud, Esaïe, Ezechiel, Ieremie, Daniel, Iean Baptiste, & plusieurs autres prophetes & apostres, n'auoyent point estudié aux lettres, lesquels toutesfois de pasteurs & rustiques deuindrent tressçauans en toutes choses : Salomon par le songe d'une nuict fut rempli de sapience en toutes choses celestes & terrestres,

&

& prudent au maniemment des affaires: tellement qu'il n'eust onques son pareil. Et toutesfois tous ces hommes ont esté mortels comme vous, voire pécheurs. Vous direz possible, que cela est aduenü à peu de personnes. Il est vray.

Bien peu de gents en la terre habitable,

Qu'aymer voulut Iupiter equitable,

Ou qui d'ardeur de vertu vint espris

Sont esleués aux celestes pourpris,

Faire l'ont peu, qui sont enfans des Dieux.

Mais ne perdez point esperance, la main du Seigneur n'est point accourcie à tous ceux qui l'inuoquent & le seruent fidèlement. S. Antoine & Barbare ce seruiteur chrestien, moyennant la priere cōtinuelle de trois iours, ont obtenu pleine congnoissance des choses diuines, ainsi que saint Augustin tesmoigne. Et si vous ne pouuez par claire & descouuerte intelligence, ainsi que les saints prophetes & apostres, appercevoir icelles, cherchez d'en auoir la congnoissance par le moyen de ceux qui les ont regardées d'un vray & asseuré regard. C'est le chemin qu'il faut tenir, dit S. Hierosme à Ruffin, que vous cherchiez par l'estude des lettres d'apprendre ce que le S. Esprit a suggeré aux apostres. Des lettres, dis-ie, qui ont recueilli les diuins oracles, & sont receuës du commun consentement de l'eglise, & non de celles qui traitent les inuentions des cerueaux humains: car telles n'esclaircissent point l'intellect, mais le rendent plus obscur & tenebreux. Il faut don-

ques auoir recours à Moïse, aux Prophetes, à Salomon, aux Euangelistes, aux Apostres : lesquels en toute espee de doctrine, sagesse, mœurs, langues, propheties, oracles, miracles, & saincteté de vie ont esté reluisans, & ont parlé de Dieu & choses diuines, comme instruits par luy, & des choses inferieures mieux que tous les hommes, & nous ont laissé tous les secrets de Dieu & de nature plus clairs que le Soleil : Car tous les secrets de Dieu & de nature, la raison & fondement de routes les loix & coustumes, la congnoissance de toutes choses presentes, passees, & aduenir, est contenue es saintes escritures de la bible. Où est ce donques que vous courez si precipiteusement, vous qui cherchez d'apprendre science de ceux qui ont consommé tout le temps de leur vie, & perdu leur industrie, sans auoir peu trouuer la verité? O fols & meschans, qui delaisans les dons du saint Esprit trauaillez pour apprendre des perfides philosophes & maistres d'erreurs ce que vous deuriez receuoir de Iesuschrist, pensez vous que nous peussions puiser de l'ignorance de Socrates la science? des tenebres d'Anaxagoras la lumiere? du puits de Democrite la vertu? de la folie d'Empedocles la prudence? ou la pieté du tonneau de Diogenes? ou iugement de la stupidité de Carneades & Arcesilaus? ou d'Aristote & d'Auerrois impiteux & infideles la sapience? ou la foy de la superstition Platonique? Vous errez pour certain grandement, & serez

ferez trompés par ceux qui l'ont esté deuant
 vous. Retirez vous donques en vous mesmes,
 vous qui estes desireux de sapience, departez
 vous des brouillars des traditions humaines,
 & vous ioignez à la vraye lumiere. Voyla la
 voix du ciel, la voix d'enhaut, enseignant &
 montrant plus clair que le Soleil. Pourquoi
 vous faites vous ce tort à vous mesmes de diffe-
 rer à receuoir la sapience? Escoutez l'oracle de
 Baruch, c'est nostre Dieu, & nul ne sera estimé
 au prix de luy. C'est luy qui a trouué toute la
 voye de science, & l'a baillee à Iacob son serui-
 teur, & à Israël son bien aymé a baillé la loy &
 les preceptes, & ordonné les sacrifices. Apres
 cela il a esté veu en la terre, & a conuersé avec
 les hommes: c'est à sçauoir qu'il a esté fait
 chair, & ouuertement enseignant ce qui est con-
 tenu sous figure en la loy & es prophetes. Et n'e-
 stimez point que cecy s'entende seulement des
 choses diuines & non des naturelles: mais en-
 tendez ce que le sage tesmoigne de soy mesme:
 Il m'a, dit-il, donné la vraye science des choses
 qui sont: à fin que ie sçache la disposition de
 toute la terre, & les vertus des elements, le com-
 mencement, la consommation, & le milieu, &
 les changements des temps, le cours & reuolu-
 tion de l'annee, les dispositions des estoiles, les
 natures des animaux, les courroux des bestes,
 la force des vents, & les cogitations des hom-
 mes, les differences des plantes, & les vertus
 des racines: & ay congny toutes choses secret-

tes & non apparentes : car l'ouurier de toutes choses m'a enseigné par sâpièce. Pour certain la science diuine n'a point de fin, & ne faut iamais, elle n'es'escoule point, & rien ne luy est adiousté : mais elle comprend toutes choses. Sçachez donques maintenant que grand labeur n'est requis à apprehender icelle, il ne faut que la foy & la priere. Elle n'a besoing de longue estude, mais d'humilité spirituelle: grande quantité de liures ne luy sont necessaires, ains seulement entendement purifié & proportionné ou approprié à la verité, ainsi que la clef à sa serrure : car la grande quantité de liures charge celuy qui apprend plustost qu'elle ne l'instruit : & qui s'amuse apres plusieurs auteurs, erre avec plusieurs. Au seul liure de la sacree bible toutes choses sont comprises, & enseignees : à telle condition toutesfois qu'elles ne sont entendües sinõ par ceux qui sont illustrés & illuminés : car aux autres ce ne sont que paraboles, enigmes, & choses closes & cachettees de plusieurs seaux ou figures. Priez donques le Seigneur sans douter ny varier en la foy, à fin que l'aigneau de la lignee de Iuda vienne, qui ouure le liure seellé, lequel aigneau est seul, saint & veritable, lequel seul a la clef de science & de discretion, qui ouure, & nul ne ferme, lequel clost, & aucun ne peut ouurer. C'est Iesuschrist, la parole & le fils de Dieu le pere, & la sâpience deïfiente, vray precepteur fait homme tel que nous sommes, à fin de nous rendre enfans de Dieu ainsi qu'il est, lequel est
benit

benit en tous siecles. Mais pour n'estendre mon
oraison outre l'heure, comme lon dit, ie fais fin
à icelle.

F I N.

CONCEDE...
...
...

August 1811

11



m... lo!

5

as/

500

mo

12-23

m... lo.

as/ 5
mo

12-23



